

NAZ.  
III

BIBLIOTECA NAZ.  
Vittorio Emanuele III

LIV

G

62

NAPOLI

62

62







HIERONYMI FRACASTORII  
VERONENSIS.

DE SYMPATHIA ET ANTIPATHIA RERVM

LIBER VNVS

DE CONTAGIONE ET CONTAGIOSIS

MORBIS ET CVRATIONE

LIBRI III



VENETIIS. M D XLVI.



# DE SYMPATHIA ET ANTIPATHIA RERVM.

**D**E sympathia et antipathia multorum. Cap. 1. car. 1

De primo rerum omnium consensu. Cap. 2. c. 1

De sympathijs elementorum ad loca propria. Cap. 3. c. 2

De consensu partium in suo toto. Cap. 4. car. 3.

De attractione similium. Ca. 5. c. 3

De consensu et dissensu elementorum circa qualitates contrarias. C. 6. c. 6

De sympathijs et antipathijs mixtorum et attractione similium. C. 7. c. 7

De acheneide quo modo firmare nauigiapossit. Cap. 8. car. 8

De antipathia contrariorum et quomodo se mutuopellant. Cap. 9. c. 9

Cur et calx et pannus et alia sic ea aquam promptissime admittant. Cap. 10. c. 9.

De analogia rerum in agendo. Ca. 11. c. 11.

De anime sympathijs et antipathijs Cap. 12. car. 13.

De sympathijs anime cognitricis. Cap. 13. car. 14.

De sensuum sympathia et antipathia. Cap. 14. car. 15

De primis effectibus, qui sunt ex consensu et dissensu sensuum. Ca. 15. c. 17

De consensibus et dissensibus phantasticis. Cap. 16. c. 19

De gaudio et appetitu. C. 17. c. 20

De tristitia et odio. Cap. 18. c. 21

De timore. Cap. 19. car. 22

De admiratione et ecstasi et risu. Cap. 20. car. 23.

De ira. Cap. 21. c. 24.

De uerecundia. Cap. 22. c. 24

De alijs quibusdam consensibus phantasticis. Cap. 23. c. 26

De quibusdam dubijs a Rhannu scriptis. Cap. ultim. car. 26

De contagione Liber. 1.

Quid sit contagio. Cap. 1. car. 28

De contagionum differentia. C. 2. c. 29

De contagione quae solo contactu efficit. Cap. 3. c. 29

De contagione quae sumite efficit. Cap. 4. c. 30

De contagio, quod ad distans fit. C. 5. c. 30

Quod causa contagionis quae ad distans fit, non sit reducenda ad occultas proprietates. Cap. 6. c. 31

Quomodo semina contagionis ad distans ferantur et in orbem. C. 7. c. 32

De analogia contagionum. C. 8. c. 34

Vtrum omnis contagio putrefactio quaedam sit. Cap. 9. c. 34

Cur morborum alij contagiosi sint, alij non, et cur contagiosi lenes. Cap. 10. c. 35.

In quo contagio conueniat cum uenenis et in quo differat. Ca. 11. c. 35

De alijs quibusdam differentijs contagionum. Cap. 12. car. 36

De signis contagionum. Ca. 13. c. 37

Liber Secundus.

De febribus contagiosis. C. 1. c. 39

# TABVLA

<u>De febribus quæ uariolæ &amp; morbilli dicuntur.</u>	<u>Cap. 1. car. 39</u>	<u>morbis contagiosis: Cap. 1. c. 57</u>
<u>De febribus pestilentibus.</u>	<u>Cap. 3. car. 40.</u>	<u>De intentione quæ habetur ad principia contagionis. Cap. 2. c. 58</u>
<u>De differentijs pestilentum febrium, &amp; causis.</u>	<u>Cap. 4. c. 42</u>	<u>De intentione quæ habetur ad materiam quæ iam infici cœpit, et ad eam quæ iam corrupta est. Cap. 3. car. 59.</u>
<u>De febre pestilenti in Britannia.</u>	<u>Cap. 5. car. 43.</u>	<u>De curatione febrium uariolarum. Cap. 4. car. 60.</u>
<u>De febre quam lenticulas uel punctacula uocant.</u>	<u>Cap. 6. c. 43</u>	<u>De curatione febrium pestilentum communi. Cap. 5. car. 61</u>
<u>De causis.</u>	<u>Cap. 7. car. 44</u>	<u>De curatione febrium quæ lenticulæ seu punctacula dicuntur. Cap. 6. car. 63.</u>
<u>De uere pestiferis febribus.</u>	<u>Cap. 8. car. 45.</u>	<u>De curatione uere pestilentum febrium. Cap. 7. car. 66</u>
<u>De phthisi contagiosa.</u>	<u>Ca. 9. c. 46</u>	<u>De curatione phthisis quatenus contagiosa est. Cap. 8. c. 68</u>
<u>De rabie.</u>	<u>Cap. 10. car. 47</u>	<u>De curatione rabidorum. Cap. 9. car. 69.</u>
<u>De syphilide seu Gallico morbo.</u>	<u>Cap. 11. c. 49.</u>	<u>De curatione syphilidis seu Gallici morbi. Cap. 10. car. 70</u>
<u>De causis.</u>	<u>Cap. 12. c. 50</u>	<u>De curatione Elephantie. Cap. 11. car. 76.</u>
<u>De Elephantia.</u>	<u>Cap. 13. car. 52</u>	
<u>De lepra proprie dicta.</u>	<u>Cap. 14. car. 54</u>	
<u>De distinctione infectionum cutanearum.</u>	<u>Cap. 15. c. 55</u>	
<u>Liber. III. de curatione.</u>		
<u>Quod peculiaris curatio debeat</u>		

Finis.

\* ij

ALEXANDRO FARNESIO  
CARDINALI AMPLISSIMO

HIERONYMVS FRACASTORIVS

VERONENSIS S.



UO MO hominĩ natus quum sit facerrime Prin-  
ceps, illud sæpe dubitatum fuisse uideo, utro be-  
neficio prodesse magis queamus, eo ne quod per  
otium comparatur contemplando & scribendo,  
an eo quod per negotia agendo, atque egregia multa nauan-  
do. nam plurimi quidem non solum propinquis & amicis,  
sed etiam Rebus pub. & multis sæpe nationibus magnope-  
re agendo profuere, plurimi uero scribendo. Inter quos il-  
lud interesse uidetur mihi, quod qui per negotia profunt, præ-  
sentem magis, & magis perspicuam utilitatẽ præstant opes  
patrocinia, honores, libertates, et alia eius generis multa. qui  
uero per otium, si non adeo præsentem utilitatem at cer-  
te communem magis, & magis perpetuam ac iniurias tem-  
poris et fortunæ superaturam afferunt. quo pacto disciplinæ,  
leges, historiæ, artes inuentæ, auctæ, ac per manus traditæ in  
ætates omnes, in nationes omnes peruenire potuere. utroq;  
autem modo prodesse posse, paucissimis quidẽ, quos Deus  
præcipue amauit, semper concessum fuit. quod otium & ne-  
gotia inter se non parum aduersari solent. qua de causa Re-  
ges et Principes uiri, quod actionibus detenti, distractiq; mi-  
nus otio inseruire possunt, per alterum magis (hoc est per  
actiones prodesse ipsi quidem consueuere) per alterum au-  
tẽ minus, hoc est per ea, quæ ab otio profisciscuntur beneficia.  
uerum enim uero quicunq; uere Reges & Principes sunt, cu-  
rant profecto & prouident, ut quod ipsi per se non possunt,  
per alios nihilominus præstent, ne quum altero in genere  
eccellant, in altero humano generi deesse uideantur, cuius  
beneficio nati, constitutiq; a Deo sunt. qua in re non minus  
laudandi

laudandi commendandiq; sunt quàm in eo, quod per se ipsi possunt & conferunt. & si enim magna est ea uirtus, quæ per se facit, non minor tamen & illa est, quæ alium mouet, & per ipsum usui est. quando neq; Deus optimus atq; omnipotens per se semper & statim prodesse uult, sed aliorum opera & ministerio ad eam rem uti consueuerit. ex quo quidem fit ut Reges non paruum ingeniorum rationem et curâ habeant, ea alant, & foueant, & quodammodo ut pariant, causæ sint. quare & illud recte homines instituisse uidentur mihi, ut quemadmodum, qui naturæ sunt partus Dijs optimis consecrantur, ita ij, qui sunt ingenij, Regibus & Principibus utris dedicarentur. flores quippe & fructus, & primitias frugum atq; animalium templis & aris offerri uidemus, poemata uero historias, & reliqua disciplinarum inuenta, ijs qui potestatibus præstant. quin ipsos quoq; ut pote modis omnibus de humano genere benemeritos, & Dijs optimis benefactoribus similes dicere solemus, & Deorum nomine salutare, & in Deorum cætum et numerum uita sanctos referre. uerum qui tales spectentur, paucissimi quidem omnibus seculis semper fuere. quando multos ipsa illa potestas, qua insignes sunt, non in aliena commoda, sed in propria trahere consueuit. quapropter & maior est eorum paucorum gloria, quos uera uirtus eo efferre potuit, ut Deos optimos imitarentur. quos inter (ut ad te ueniam præstantissime iuuenis) tu quidem raro, nescio quo uirtutum igne splendere, atq; ea præcipue teneri pietate uideris, quæ & per sese, & per alios prodesse studet, et uult. nam ut priuata taceâ beneficia, quæ innumera in dies confers, tot quidem publica actanta obis non pro patria solum Roma, non pro Italia solum, sed pro tota Europa, pro uniuerso Christiano nomine, ut non solû te admiremur omnes, ac suspiciamus, sed in tanto christianarum rerum discrimine a Deo maximo electum existimemus. cû quo sanctissimus Auus tuus Paulus. iij. Pont. Max. curas omnes, actionesq; partiiretur, iam tum te ab adolescentia eum auspicatus futurum, in quo onus tãdem recumberet

tantæ molis. quæ in re & illud quoque magnopere admirandum est, quod moles ea quum tam grauis, tam uaria sit, tu tamen litterarum haud immemor non minori cura atque opera studes, ut & hac quoque in parte nec tibi, nec alijs desis. nam quum magna quadam atque excellenti natura æque & ad actiones, & ad studia litterarum sis natus, facis profecto, ut & de te multa aliquando speranda sint, & ut interea quod tu per ætatem ac maxima necessariarum negotia præstare non potes, alij certe præstent. quos tu ita beneuolentia, ita omni studio amplexaris, ita liberalitate patrocinio ac fauore omni foues, atque excitas, ut non minus tibi debeant litterarum studia, quam christiana libertas. Cui quidem rei & ipse testimonio esse possum, quem tu quum nec unquam uidisses, nihil a te poscentem beneficijs tamen non paucis ea una de causa sis profecturus, ac persequaris in dies. cui ego beneficentia & uirtuti ita me addictum, ita deuinctum sensi, ut iam diu nihil animo æque fixum habuerim, quam tibi tuarumque istius, quæ teneris pietati, aliquid parerem, quod tuum tuarumque causa confectum dici posset. hoc. n. unum dabatur mihi, quo quam gratus esset animus erga te meus, possem ostendere. quam rem tametsi serius quam uoluisssem negotijs uarijs impeditus, nunc demum tamen confeci. non quidem ea in re quam magis desiderasssem, quamque existimasssem tibi gratiorem futuram, sed ea tamen quam, quod utilitatem non paruam (ut spero) allatura sit, haud ingratam tibi futuram existimem. Igitur (quod tuum dicas) pro eo ocio quod mihi concessum fuit, de contagione & contagiosis morbis omnibus, & eorum curatione scribere mihi uisum est. magna quidem materia & admirationis non paruæ plena, cui & comentarium adieci non minus (ut arbitror) desideratum de consensu & dissensu rerum, quæ sympathiam & antipathiam uocant. sine quo natura contagionum plane perquiri & monstrari posse, non uidebatur. utrumque autem negotium mihi eo libentius suscipiendum duxi, quum hoc quidem scitu dignum sit, illud ad salutem mortalium non parum conducere uideatur, tum de utroque quam paucissima quidem



a maioribus nostris, quæ extent, quæq; uiderimus nos, litteris mandata sunt. de sympathia quidem et antipathia rerum Galenus iam sese non nulla scripsisse refert, uerum ea scripta aut interire, aut etate nostra, quod nos sciamus, adhuc in lucem non peruenire. de contagione uero Hippocrates quidem circa populariter uagantes morbos nonnulla tetigisse uidetur. sed tamen qui obseruaret magis, quam naturas eorum iraderet. Galenus uero post ipsum plura quidem monstrauit, sed & ipse enim & sectator illius Paulus ægineta, & Aetius Amidenus, & alij ueteres non pauca, ut mihi uidetur, reliquere, quæ possent magnopere desiderari. Recentiores autem nihilo plus de contagione uidentur dixisse, quam quod ab occulta quadam proprietate proueniat. quæ autem in uniuersum natura contagionum sit, & quo principio afficiant, & quo pacto gignantur, et cur alia fomitem relinquunt, alie ad distans sese etiam propagent, & morborum cur alij contagiosi sint, leniores, mitioresque existentes, alij minime contagiosi acerbiores, ardentioresque multo quum sint, et quo a uenenis contagio differat, et eiusmodi alia multa nulli dicere tentauere, satis quidem fecisse rati si horum omnium causas in occultas illas (ita ipsi uocant) proprietates reduxissent, quibus acquiescendum non modo sibi sunt arbitrati, sed & alijs præcepere. atque his contenti in quam plurimis philosophati sunt, quod certe philosopho homine semper indignum existimaui. causarum. n. quum quædam uniuersalissimæ sint & remotissimæ a rebus, quædam uero propinquiores & particulares magis, a demum quædam propinquissimæ et propriæ, proprias quidem et propinquissimas in reconditis et difficilibus attigisse, aut Dei certe est, aut diuini. uniuersalissimis uero stare, ignaui & rustici ingenij est, medias uero inquirere, & ad proprias niti (quantum homini datur) philosophi certe est. Admiraberis autem fortasse duas me hæc materias sumpsisse scribendas, quarum alteram maiores nostri penè intactam reliquerunt, alteram omnes fateantur ab homine sciri non posse. Verum enim uero, quod tum sympathia rerum, tum & natura

contagionum in difficili atq; arduo positæ sint, et nos quidem concedimus. quin & ineptum quoque aut arrogantem magis cum fore dicimus, qui propinquissimas & proprias earum causas præsumat inquirere. uerum tamen idem ille si medias peruestiget, multa illum inuenturum non diffido, quæ tum delectare, tum & magnopere prodesse possint. quod institutum & mihi ipse in hac nostra peruestigatione proposui. præteritam uero fuisse a maioribus nostris contagionum materiam, neminem mirari uelim, quando id accedat disciplinis omnibus, ut nō omnia ab ijs qui eas condunt, absolui possint. quoniam uniuersalia magis & rerum principia prosequantur. ita in ea quæ de natura est philosophia innumera quidem partim intacta, partim nō plane discussa relicta sunt. nam neq; quomodo intellectio in nobis fiat hætenus traditum fuisse uideo, neq; earum qualitatum quas spirituales uocant, naturam satis demonstratam, & alia multa. quod et in re medica consimiliter quoq; contingit. in quâ plurima adhuc super sunt, quæ posteris & nepotibus inquirenda patres nostri reliquerint, nos porro nepotibus nostris relinquemus. multa præterea intereunt eorum, quæ scripta iam fuere, multa uiuunt quidem, sed non apud omnes, ita se habet mortalium rerum condicio & uicissitudo. Necessaria autem nec ne sit contagionum inquisitio, quam nos in præsentis aggredimur, si Dij annuerint, unusquisq; uidere poterit, qui ea legerit, quæ scribemus. Tu uero qualiacunq; hæc fuerint, quæ pro uetere instituto sacramus principi uiro, tibi autem quod tua iam sint, & tui gratia enata, libentianimo accipies, tum & authoritate, quæ tibi est tanta, proteges, ut nemo calumnijs infectari audeat, quæ tibi accepta fuerint et sub tuo auspicio emissa.



HIERONYMI FRACASTORII  
VERONENSIS

DE SYMPATHIA ET ANTIPATHIA

LIBER I.

CAPVT PRIMVM.



PRIMVM autem de latenti rerum consensu & dissensu, quam Sympathiam & Antipathiam dicunt, agamus, quo nihil admirabilius est in tota natura, nihil scitu desideratum magis. Gallinaceus pullus uix natus equum Elephantemq; nihil reformidat, Miluum uel longe conspectum adeo expauescit, ut ad matrem statim confugiat. eadem agno & lupo et alijs multis inimicicia est. Marsi & Psili serpentes illesi tractant. Testalos & quasdam familias in Creta legimus laudando afficere fascina consueuisse, intuendo uero Infantes, in tabem uertere. Fulmen aurum colliquat intacto loculo, tum uina absomit uase nec quicq; lesio. Adamantem serunt solo Hircino sanguine mollescere. mala medica insperso in eorū cumulum pane staccescere. unisono in cythara tacto moueri & aliud unisonum uidemus, quod ne prope etiam sit. concusso uero tympano e coriolupi confecto, dicuntur ea dissolui tympana, quæ ex agnino corio sint conflata. Hercules lapis ferrum ad sese trahit, Adamas & Electrum pilos et surculos. quid uero æque mirandum est quam ignotum illud antiquis miraculum nauigatorie pyxidis, cuius extremum perpendicularum temperati magnetæ ferri, in incredibili distantia ad eas semper partes sese conuertat, quæ ad Polos spectant? quid q; Leo animalium omnium terror gallinaceo tamen gallo terreitur præsertim canem emittente? Taurum affirmant quamuis furentem alligatum sic statim mansuescere. Brassicæ et ruta, tanta inimicicia est ut iuxta feri non lint. Cucumis autem supposito oleo recuruari uidetur. Aurum neq; oleum, neq; aquam imbibit, argentum niuum statim ac raptim quodammodo ebibit. Oleum aquæ non admiscetur, quam nec Adiantum admittit, q̃q; riuos & fontes amet. Calx uero & spongiæ et id genus, liquida omnia ita absorbent, ut mirari liceat quoniam alioqui inter ipsa contrarietas non parua sit.

Fracast. A

et illud quoque mirandū est, quod oscitante alio et nos pariter, nisi aduerterimur, oscitamus. et alio edente acerba quædam, salua alteri in os profilit. Catablepha animal hominē ad mille passus cōspectum interficit. in fetus signa quædam eorum transire uidetur, quæ matres auidissime appetuere. Oscitantes partus non iunxit, quum tamen septimestris uiuere conspicitur. Porro supra omnem credulitatem uidetur esse Echeneis paruus pisciculus, et emoram appellamus, qui medio in mari nauem ui atque impetu uentorum actam sistat, ut alij ferunt, aut saltem, ut alij, tardet. et infinita alia id genus, quæ incredibilis admirationis sunt plena, inter quæ et contagionum natura est.

## De primo consensu rerum omnium.

Cap. 2.

**P**rimus autem, communis rebus omnibus, et admirandus est ipsius uniuersi consensus. in quo quæ sunt corpora, ita omnia in uicem connexa ita hærentia esse uolunt, ut nulla potentia sit, quæ eorum extrema, quibus sese mutuo tangunt, seiungere pronus possit, atque ita separare ut uacuus locus intercidat. Mira propterea res est, hac de causa grauius sursum trahi, leuius deorsum, contraria quæ sese pellere, atque etiam interimere solent, nolle tamen seiungi, tantus est consensus ille rerum omnium in uniuerso. Cuius rei si quis forte finem requiratur, et cuius gratia fiat, non difficile certe erit assignare rationem, quam et omnes assignant, ne detur uacuum. quippe uacuum in natura esse non potest, quoniam nihil natura sustinet, nihil admittit quod frustra sit, quodque uniuersi ordinem et leges impediatur: quæ quidem contingant, si uacuus sit ullus locus, in eo enim, nec quicquam fieri poterit, nec quicquam recipi. At uero si quis non solo fine contentus sit, sed et agens quoque requirat, et quid nam illud sit, quod diuelli resistat, et quomodo, non erit fortasse ita promptum reddere rationem tanti nexus. quando uniuersi partes neque eum finem agnoscunt, neque per naturam appetere possunt, aut contrariis iungi si contraria sint, aut sursum duci si grauius, aut deorsum si leuius. neque enim dicendum (ut quidam aiunt) uniuersi partes, tametsi non eum cognoscunt finem, dirigi tamen a cognoscente. quando hic non uniuersalem et primam causam querimus, sed particularem et propriam: quale esse non potest eorum ullum, quæ immaterialia sunt. Sic enim perisset natura. neque rursus dicendum, ut alij, qui materiam in causa ponunt, quæ perse semp continua sit, sine forma autem omnino esse non possit, non

de accidat uniuersum semper esse continuum & plenum. materie enim neque actionem, neque resistantiam ullam iure possumus attribuere. Rectius igitur fortasse illud dicetur, primum finem quem omnia per naturam habent, esse ut sint, ac conseruentur: conseruantur autem substantie & corpora principaliter ac maxime per mutuum nexum & contactum extremorum, sic enim euitant uacuum, quo nihil esse potest inimicum magis omni nature. atque hoc est quod alij locari dicunt, locus enim fit unum corpus alteri, unde & recte uidentur locum esse locati conseruatiuum: quod profecto maxime fit, quum a uacuo praeseruet. Non cognoscunt igitur eum finem substantie et corpora quae in uniuerso sunt, per naturam tamen uidentur ne separentur omnino. Non enim necesse est, quae gratia alicuius agunt, finem etiam cognoscere: sed alia cognoscunt quidem, alia per naturam agunt. In hoc autem simplici corporum nexu & loco, nihil alteri contrarium est, nullus uersatur inclinatio sursum aut deorsum. quod si contraria sunt aliqua inter se corpora, si certam habent inclinationem, habent quidem non quatenus simpliciter corpora sunt, sed quatenus talia puta calida et frigida grauius & leuius, quare & quatenus talia uim aliquam pati possunt, simpliciter autem non: quacumque igitur intercidere uacuum posset, nexus & locus est necessarius substantijs omnibus: propter quod & omnia quae intra primum corpus sunt, locum habent secundum extrema omnia, quoniam secundum omnia extrema uacuum intercidere posset. Primum autem corpus, quoniam per supremam et extremam superficiem, uacuo non est obnoxium, nec alterius conseruatione indiget, per internam solum superficiem locatur.

De Sympathijs Elementorum ad loca propria. Cap. 13.

**I**gitur quum omnia corpora finem eum habeant ut conseruentur, prima quidem rerum omnium conseruatio est, simplex illa locatio & nexus, quo praeseruantur a uacuo ut dictum est. secunda autem quae priorem hanc praesupponit, est certa & determinata locatio & nexus, quem consensus habent in primis elementum locis proprijs: neque enim quatenus talia sunt calida frigida grauius & leuius, ubique conuenientem locum habent, sed certas sedes exposcunt & certos quorundam corporum nexus. atque igni quidem qui pro natura debetur locus, est totum illud quod interiacet inter coenuum orbis luna, & conuexam aeris superficiem, ubi conuenientissime collocatur. quoniam cum altero extremo illi orbi iungitur, a quo quam optime per lumen conseruatur, cum altero uero

Aeri, cui per caliditatem respondet, respondere autem per utranq; qualitatē non datur, quoniam sic ignis iam Aer esset, quare per alteram se respondeat, sat naturę datum est. Aeris uero situs inter ignem & aquam aptissimus est. Cum hac enim humiditate cum illo caliditate concordat, porro aquę sedes inter aerem & terram est, cum altero enim humiditate, cum altero frigiditate consentit. Terra uero circa centrum in aquę concavo locum habet, cui frigiditate respondet. In his igitur locis cunctis habent elementa conseruationem, quam habere natura possint, nam & simplicem illum nexum & locum habent, quo præseruantur a uacuo, tum uero & proprium, ubi propria eorum natura maxime bene habet. in reliquis autem locis priorem quidem & communem natura sunt conseruationem, propriam autem non, propter quod prouidit natura illis, ut per media contraria uiam sibi aperiant ad propria loca. Habet autem dubitationem quandam, quod diximus loca propria elementorū esse nexum certorum corporum, quibus consentiant qualitatibus, quoniam querentibus elementis loca sua, indiuisibile quiddam uidetur esse, quod uocat ubi, ad quod per se feruntur tum tota ipsa, tum eorum partes, ac centrū sui faciunt. cuius signū illud est, q. si loco aquę poneretur aer, terra nihilominus ad centrū ferretur, et si loco aeris poneretur aqua, ignis quidem moueretur ad locum, quo & nunc mouetur, quare accidere quodammodo Elementis uidetur moueri ad superficies aliorum. Dicendum duas elementa habere rationes, alteram quatenus una quędam natura est unumquodq; illorum, alteram quatenus partes sunt uniuersi & nature totius, ac certe quatenus una quędam natura sunt, sic profecto certum ubi, certumq; locum habent unumquodq; illorum, ad quod per se feruntur. ac ignis quidem locus est linea media inter concuum orbis lunę & conuexam aeris superficiem, ad quam & ignis totus & pars eius qualibet per se mouetur, & centrum faciunt. Aeris uero locus est linea media inter ignem & aquam. Aquę uero locus linea media inter aerem & terram. porro terre locus est centrum. at quatenus partes totius nature sunt elementa, & ueluti membra uniuersi, loca quidem eorum sunt ea quę dicta sunt: sicut enim in animali partes inter se consensum & relationem non paruam habent, et in eo cernos exposcunt situs, ita & in uniuerso quod perinde ac animal quoddam est, partes eius situs inuicem consentientes exposulant. alioquin uniuersum ipsum debite constitutum non erit. Non accidunt autem loca hæc elementorum ut partes sunt totius nature, lineis illis medijs ad quas mouentur, ut nature quędam per se, immo cause & fines illarum sunt. si enim

querat

querat quis, cur ignis ad lineam inter lunam et aerem mediam moueatur, respondere licet iccirco esse q. eo pacto recte collocamur elementa in universo, & natura tota suos consensus habet, nec ignis ipse bene haberet nisi in calineafacto totius centro, hinc quidem luna concuam, inde aeris conuexam tangeret, at q. itidem de alijs quodq. dicatur, neque alia quidem est in locis elementorū uis cōseruatricis, ut multi putāt, q̄ hęc quę dicta est.

*De consensu partium in toto.*

**E**st autem & alius in elementis consensus partium quatenus in toto sunt: Constat enim si ui rarefacta ille sint sese condensare, si condensata rarefacere: quousq; ueniant ad eum situm qui toti pro natura debetur. qui quidem consensus non minus praedictis est admirandus, tum q. mirum est, partiū alias descendere in eo toto, alias ascendere, alias in latus ferri, tum q. ex causa hac maximi quidem & plurimum admirandi effectus proueniunt. nam et soni primum per hunc modum audiuntur, tum & primae animalium motiones contingunt, & proiecta in aere continui motum habent, & quo nihil admirabilius uidit tempestas nostra, Tormenta quoq; illa, per quae moenia & urbes tanto impetu demolimur, per hoc principium dant eam stragem. soni quidem nisi addensetur aer, non sentiuntur. quoniam qualitates quae sensus moent, omnes quidem subiectum in quo perse sunt, densum amant, medium uero per quod feruntur earum species, non omnes densum uolunt, sed quaedam rarum exposcunt, quaedam densius. Lux igitur in subiecto raron non uidetur, in densiori uidetur, medium uero per quod species illius transit, rarum esse oportet. quaedam uero tam subiectum in quo sunt, q̄ medium per quod deferuntur species densius poscunt, ut sonus. qui si aut subiectum aut medium rariius habeat, sensum non mouet. qualitas ergo illa quae sonus dicitur, in materis densa per se est, ut in ligno & alijs, sicuti & lux, & odor & sapor, at species eius si mouere sensum debet, medium poscit continenter densum. dico autem densum nō per admisionem terrae, sed ui addensatum, quod in Aere accidit facto ictu. Inde enim facta prius distractione et rarefactione tum subita fit addensatio partis post partem, more undarum, unde circulationes coulsantur, quod non aliud est q̄ successiua quaedam aeris addensatio in orbem facta, per quam delata species a primo profecto sensum dimouere potest. Fit autem successiua illa addensatio in aere prioribus quidem partibus subito ac ui densatis, subito etiam sese rarefacientibus ac

alias successiue densantibus. qui motus est partium in toto per consensum factus. Proiecta quoque per eandem rarefactionem & condensationem portantur per aerem, partibus quidem, quæ ante sunt, uiam quodammodo aperientibus & propellentibus undationem, ijs uero, quæ circa et a tergo, successiue addensatis & rarefactis una post aliam, & proiectum uehentibus non aliter ac per undam, celeriter autem & impetu multo. quoniam nihil celerius est rarefactione, quæ partium in toto fit. a principio autem segnior est motus propter resistentiam totius aeris nondum positi in motu, mox factis circulationibus multis, & potente iam aere sese expandere, uelocitas longe maior augetur, donec summa fiat. ad quam quum peruentum est, lenescit sensim deinde motus, aere qui ante est plurimum rarefacto, ac iam condensatione continenter magis & magis desinente, minorata obfistentia. atque hoc pacto tandem laxatio & solutio circulationum fit: unde & uectio demum cessat. In bellicis autem tormentis tantus impetus accidit igne multo repente genito & fomite, qui ui conclusus rarefactionem sibi propriam querit. si igitur obsistens potentius ipsum sit, quàm ignis, extinguere ignem accidit, aut etiam generari non posse. sin contra ignis post luctum multum potentior ipse sit, tum subita atque ex quidem ingenti rarefactione facta, aut uas rumpit, aut obiectam pilam impetu magno extrudit. quæ mox per aerem eodem modo portatur quo & sagitte, & proiecta reliqua. quæ omnia per consensum partium in toto fiunt. nihil autem contra naturam patiuntur partes, quum sese aut condensant, aut rarefaciunt, quamquam aliæ ascendant aliæ descendant. quoniam sursum aut deorsum inclinare non inest partibus, quatenus in toto sunt, aut mouetur, sed illi solum quod totius rationem habet, et per se est, atque extra. moueri uult: sic enim aut sursum inclinatur aut deorsum. De motione autem animalium quomodo & ipsa per hoc principium fiat paulo post inquiremus.

## De attractione &amp; motu similium ad similia. Cap. 5.

Videtur autem & alia quædam plurimum admiranda, quæ inter affinita & similia uersantur, sympathia. Constat enim unum ad aliud moueri, donec & in unum coeant, quod & in elementis & alijs manifestum est, in aerem quidem inter bullas illas quæ in aqua fiunt. Videmus enim unam ad aliam appellere, & eo uelocius, quo proximiores fiunt. Similiter autem & in igne sæpius est uidere paruam flammam a maiori uelocissime trahi. in aqua autem & terra non



ita promptum est, propter eorum corporum incommoditatem, in mistis uero multis manifestissime cernitur, ut Magnete Electro Adamante et alijs pluribus, præcipue autem in animalibus & plantis. De quibus omnibus nunc in uniuersum queremus, quomodo is motus sit, mox de mistis nonnulla seorsum dicemus. Sunt ergo qui putent, simile moueri ad simile, propter ipsam similitudinem, quæ se mutuo conseruant, nam, quæ causa elementa mouentur ad loca propria, eadem & separata pars ad suam consimilem mouere uidetur, mouentur autem Elementa ad loca propria, ut locentur, illis, unianturq; simili, a quo conseruantur, cur ergo & pars ad partem non moueatur, ut illi uniatur ac conseruetur, quæ maior, multo & intrinseca magis sit earum similitudo, quàm elementi ad locum proprium. Sed certe hoc tamen si apparentiam quandam habeat, non tamen (ut arbitror) recte dicitur, pars enim separata, neque per cognitionem neque per naturam moueri ad consimilem potest, ac non cognoscere quidem manifestum est, per naturam autem non moueri. & signa sunt, & cause ac ratio quæ conuincant. Primum enim uidemus similia hæc moueri non in omni distantia posita, sed certam requirere, atque eam quidem ualde partem in multis oportere, autem in omni distantia moueri, si per naturam, & similitudinem uergerentur, similia enim ubiq; similia sunt, & eandem naturam habent, quemadmodum Elementa ad sua se loca ferunt, ubicunq; posita sint, præterea & quanto maior est moles eius similis quod ad aliud mouetur, tanto difficilius duci constat, ac ne posse etiam moueri, si maior accreuerit quantitas, quod contra fieri accideret si per naturam sese ipsa mouerent, quanto enim maior est in ijs quantitas, tanto facilius fit motus, quod plus adsit eius nature & uirtutis quæ mouet. Indicant hæc non per naturam applicationem similitum fieri: sed intercidere uim, quod & ratio quoq; commostrat, querimus, n. nunquid per præsentiam unius similis ut Magnetis, natura & forma alterius, ut ferri, mutetur ab eo quod per se est, an non, ac mutari quidem non uidetur, nisi corrumpatur, non corrumpitur autem, si ergo eadem remanet, quæ prius non præsentem magnete, idem profecto faciet quod prius, & eandem inclinationem habebit, at prius inclinabat deorsum, ergo & nunc quoq; ad idē inclinabit. quare si sursum ducatur, contra ferri naturam fiet, & uim patietur. quæ de causa non recte dicunt similia per naturam ad similia moueri, nec par est si elementa per naturam feruntur ad propria loca, ut & separata pars ad consimilem per se moueri debeat, quoniam separata pars iam facta est totum quoddam, quod per se propriam naturam habet sursum uel deorsum incli-

nantem, quæ donec manet semper illuc inclinatur. Alij dicunt alterari fer-  
rum a magnetis specie, & ita alteratum per se moueri ad ipsam. Sed cer-  
te & hoc nihil est, & eadem quæstio redit, nam per speciem illam magne-  
tis uel corrumpitur forma & natura ferri, uel remanet, si remanet &  
eadem est, cur non eandem habeat inclinationem?

Quid igitur? deficit ne natura in hoc, ut si similia mutuo conseruantur,  
modum non dederit quo unum ad aliud moueri possit. Non deficit qui-  
dem natura, ac modum dedit quo simul coniungi possent. uerum non cum  
quo elementa mouentur ad loca propria, sed alium: qui quodammodo natu-  
ralis est, quodammodo uiolentus, de quo iam sequitur ut dicamus. Quo-  
niam igitur nulla actio fieri potest nisi per contactum (ut in naturalibus  
demonstratur) Similia autem hæc non sese tangunt, nec per naturam mou-  
entur unum ad aliud, necesse est si applicari inuicem debent, demitti alia  
quid ab uno ad aliud, quod proxime tangat, & eius applicationis princi-  
pium sit. hoc autem aut corpus erit, aut forma aliqua simplex materialis  
uel spiritalis. Antiqui quidem ut Empedocles et Epicurus, quos & no-  
stris Lucretius secutus est, efluxiones corporum, quas Athomos appella-  
bant, principium eius attractionis ponebant. quæ quidem efluxiones ne  
negandæ quidem sunt (ut mox ostendemus) modus autem quem ipsi trade-  
bant, sat rudis & ineptus erat. quem quoniam tum Alexander Aphro-  
disiastum & Galenus satis aperte reprobant, a nobis prætermittetur.  
Verumtamen receptis Athomorum efluxionibus nos modum alium trade-  
re posse uidemur, quo attractio similium fiat. meminisse autem oportet com-  
mune, quæ supra dicta sunt de consensu & motu partium in toto. supposito  
igitur, quod a rebus effluant insensibilia corpora, dicimus ab uno ad aliud si-  
milium reciproce transmitti ea corpuscula, e quibus totum quoddam sit at-  
que unum, uerum difforme in partibus, neque enim quæ iuxta. a. sunt &  
iuxta. b. eam habent rationem situs & raritatis ac densitatis, quam hæ-  
bent quæ in medio sunt. quæ de causa partes in toto illo non debite se hæ-  
bent. Sicut igitur supra diximus in Elementis partes consensum habere  
maximum, & in toto moueri, quum debitum non habent situm & modo  
constringi modolaxari, ita & hic in ea athomorum nube se habere dici-  
mus, ut partes in eo toto nunquam debite collocentur, & pro natura con-  
sistant, donec in unum non coeant: motis ergo particulis illis & subiecta  
simul in quibus sunt, moueri accidit, et simul coire. atque hoc quidem modo  
si quis dixerit attractionem similium fieri, nullum (ut arbitror) astruct  
inconueniens, causam referens ad motum partium in toto. Cuius rei &  
illud



illud esse signum potest, q̄ conficata quædam ut Succinum, & Adamas fortius furculos trahunt. q̄ si causa hæc in omnibus assignari in uniuersum posset, non alia profecto querenda a nobis (ut mihi uidetur) foret. Sed certe causa hæc non omnibus esse communis potest (ut mox dicemus). quæ propter aliud fortasse principium inquirendum uidetur q̄ ab hominibus, quod commune omnibus esse queat. atq; hoc quidem si non est corpus, quod ab uno ad aliud transmittatur, necessario erit forma simplex, et aut qualitas aut substantia. at certe qualitas nulla earum esse potest, quæ materiales uocantur, non caliditas non frigiditas, non alia (ut manifestum est). quare si qualitas ulla est, erit utiq; earum aliqua quæ spirituales uocantur. quod et multi existimant. Sed habet dubitationē non parua, quo modo spirituale illud esse principium possit illius motus. nam q̄ ipsum alter et simile ut ferrum, quod alteratum se se mox moueat ad magnetem, supra satis improbatum fuit. q̄ uero spirituale ipsum sit illud quod perse mouet, non satis rationabile uidetur. quoniam nihil perse moueri potest quod non sit aut corpus, aut saltem natura & substantia in corpore. porro nec uidetur quomodo spiritus hæc mouere possint, præsertim trahere, quoniam productio eorum non cum motu locali fit, sed per quandam magis generationem partis post partem momento factam. Si igitur spirituales uocata species omnes qualitates quædam sunt, dicere fortasse nullo pacto possumus per ipsas eiusmodi attractiones fieri. Si uero aliquæ illarum substantiæ sint, nihil (ut opinor) prohibet ad eas rationem omnem tam miri effectus referri, qui inquiratur a nobis. Recipiendum autem est (ut multis placet) spirituales species eiusdem rationis esse cum formis illis, quarum sunt species, nec differre ab ijs nisi modo subsistendi. eatenus. n. materiales sunt, et dicuntur, quatenus crassa quadam existentia in materia sunt, & certos terminos poscunt. ingenitum autem est formis omnibus sese (quo magis possumus) propagare. quod quidem faciunt crassæ illæ formæ, quæ materiales uocantur, uerum propagare sese per eum modum, & existentiam quæ ipse sunt, non utiq; possunt. sed tenuem & superficiale suam uel partem uel gradum produciunt, quem Epipolim uocant. qui ob tenuitatem suam, & contrarium non habet, & momento gignitur ac propagatur, seu soboles quædam. hæc igitur tenues & superficiales formæ apte imprimis sunt id quod sunt representare, usq; ad crassas illas a quibus productæ sunt. propter quod simulacra earum & species sunt appellatæ. propter tenuitatem autem, & quod momento gignuntur, spirituales dici consuevere: eiusdem tamen rationis cum ijs, quæ & crassæ & materiales dicuntur.

Si igitur qualitates primæ, substantiæ sunt elementorum ut multi Aristoteli attribunt, aut etiam si substantiæ non sint, sed tamen quantum de ijs inducitur, tantumdem & de substantia subgeneratur, ut Auerroi Placeat, aut uniuersaliter si substantiæ species spirituales habent, & ipsæ: uiam fortasse habere possumus ad ostendendum, quo pacto similium contractio & unio a substantia fiat per spirituales speciem. Quippe de lato spirituali ab. a. ad. b. & reciproce. a. b. ad. a. quod eiusdem rationis sit cum. a. & b. & substantia, quemadmodum ipsa, totum quoddam sit ex. a. & b. & spirituali illo, in quo toto partes non plane debitum esse, & situm habent, nisi inuicem ita astringantur ut simul & a. & b. coeant. si enim totum illud bene habet, & secundum naturam coexistit: non secus ac si aer aliquis ualde distractus ad sese redeat, & partes quæ longius aberrant in unum cogat et uniat. qui motus tandem est partium in toto sese ad suum situm mouentium a forma factus, quæ natura et substantia est. est ergo partim quidem naturalis (quoniam motus omnis partium in toto a natura sit) & a forma illa quæ in eo toto natura est, partim uero & uiolentus est, si ferro comparetur & extremis ipsis, quæ perse & ut grauius inclinationem deorsum habent, quod & aeri etiam rarefacto et distracto accidit; altero extremo quod sursum est descendente per motum partium in toto, quod non inconuenit parti, dum pars est, ut in toto certo modo moueatur; quo non moueretur si per se esset & ut totum. quæ de causa partim uiolentus est motus ille extremis partibus, quoniam naturam propriam seruant. quæ uel graues uel leues sunt, partim autem est naturalis, quoniam in toto mouentur & non perse. ad quæ si quis respiciat non alienum fortasse & ueluti paradoxum quoddam existimabit, quod Alexander dixit attractionem omnem a calore esse. si enim qualitates primæ, substantiæ sint elementorum, producant autem species spirituales eiusdem rationis, quæ longe productæ ad sua similia per dictum modum possint applicationem eorum facere. calori quidem maxime & præcipue debetur ea facultas. Latet autem nos caliditas illa, quoniam spirituales species sensibilem actionem non habent in alterando, quamquam in mouendo uim non exiguam prodant, atque hæc quidem sunt quæ probabiliter de tanto problemate nobis dicenda nisi sunt, ad quæ credenda & ea nos induxerunt, quæ Galenus & alij dicunt, quum eiusmodi effectus a tota interdum rerum substantia fieri dicunt, interdum a similitudine. quæ apud me non aliter intelligi posse uidentur, nisi per dictum modum. per similitudinem enim a Galeno intelligi simplicem relationem, aut relationis fundamentum, ego nunquam existimare.

potui, quum hæc per se principium motus illius esse non possint, neque enim relatio, neque fundamentum non tangens mouere ualent. sed per similitudinem ego arbitror speciem spiritualem accipiendam esse, quæ tangit, per totam autem naturam audienda est forma, quæ sui speciem propagans, & ad consimile copulans mouere possit. utrum autem mouere per dictum modum, qui sit motus partium in toto Galenus existimauerit an per alium, incertum est mihi. Sicut autem inter similia mutua uersatur attractio, ita & inter dissimilia, & contraria uersari propulsationem quandam mutuam consentaneum est credere. quod quoniam in mixtis manifestum est magis, infra certius ostendetur, nunc ad reliquos elementorum consensus & dissensus pertranseamus.

De consensu & dissensu elementorum circa qualitates contrarias. Cap. 6.

**E**st autem & alia magnopere admiranda elementorum Sympathia & Antipathia circa eas qualitates, quæ contrariæ inter se sunt, ut caliditas frigiditas, humiditas, et siccitas, nam has quidem contrarias esse, & sese mutuo destruere atque interimere manifestum est. at uero quis non miretur, quum nihilominus uideamus certos unius contrarij gradus stare, ac quodammodo congaudere cum certis alterius. quosdam uero cum quibusdam non posse consistere. quæ si caliditas specie tota & natura contraria non sit frigiditati, sed certis gradibus solum, quod quomodo se habeat, inquirendum. Quoniam igitur gradus certos & quandam intensionem habent hæ qualitates quos gradus philosophi usque ad octo per quandam estimationem producunt doctrinæ gratia, manifestum quod summus ille gradus, qui ut octo dicitur, cum nullo gradu sui contrarij stare & conuenire potest, sed omnibus aduersatur. at uero ille qui, ut septem est, eam non habet contrarietatem, ut omnibus aduersetur, sed ijs solum repugnat, qui supra unum sunt. cum uno autem et stat et concordat, qui uero ut sex dicitur cū duobus consentit, reliquis contrariatur, qui supra duos sunt. quinq; uero cum tribus cōcordat, ijs dissentit qui supra sunt. quattuor porrò cum quattuor conuenit, reliquos qui supra sunt non admittit. quare contrariæ quidem sunt qualitates, sed non ita ut quilibet gradus cuilibet aduersetur sed certi certis tantummodo. quod natura quidem ita constituit ut mixta fieri & conflare possent. Fortasse autem nec fieri potest, ut gradu uno aut

pluribus unius contrarij inductis in alio, tolli amplius ab eodem & destrui possint, ut si .a. calidum in .b. frigidum gradum unum caliditatis induxit, fieri non potest ut .b. gradum illum rursus destruat, & a se repellat, ne cum septem suę frigiditatis consistat. quoniam nihil in se ipsum agit, neque simpliciter, neque quatenus frigidum, in se quatenus calidum per unum gradum. Si enim ageret, ageret quidem inducendo frigiditatem aliquam. aut ergo inducet quam habet iam, aut quam non habet, at ea quam habet, produci quidem non potest, ut pote quę iam habetur, minus uero ea quam non habet, & iam amisit, quoniam per illam actu non est, nec est a quo fiat. relinquitur igitur ut gradus ille unus caliditatis in .b. cum septem frigiditatis stet & conueniat, similiter & de alijs dicatur. Sed habet difficultatem quomodo primus ille gradus ab .a. producat in .b. & post ipsum alij, & quomodo cum actione simul & reactio fieri possit. tangentibus enim se se .a. & .b. Si quidem potentius est .a. quomodo patitur? si uero impotentius quomodo agit? si eque potens quomodo aut actio aut passio fit? quid igitur quisque hac in re dicat, nostrum institutum non est nunc recensere, quid autem rationabiliter existimemus nos, in medium breui asserremus, quędam declarationis gratia præmittentes. Primum quidem quod in actione contrariorum considerata est potentia, per quam fit actio, qualis sit & quanta, deinde illud quod inducitur, ac demum in quod proprie agunt. ac potentia quidem semper mensuratur per gradus illos secundum quos est contrarietas. quoniam enim graduum quidam quibusdam contrarij sunt, quibusdam non, uniuersaliter nulla actio fit inter eos qui contrarij non sunt, nec ab ijs potentia resultat, sed ab ijs solum qui contrarij inter se sunt. illud uero quod inducitur semper est remississimus gradus incipiendo ab uuo uel forte a medio aut minori, ascendendo uersus summum. Contra uero illud in quod fit actio, semper est intensior gradus, descendendo a summo ad minimum. Ex his fit, ut tangentibus se .a. & .b. siue æqualia sint, siue alterum potentius, semper alterum in alterum reciproce necessario agant: & si enim .b. simpliciter impotentius sit, friges faciet tamen .a. & necessario gradum unum primo inducet, mox & duos & ita alios consequenter. quoniam id in quod proprie agit, est gradus summus, ut octo ipsius .a. calidius, ad quem .b. contrarietatem habet per omnes sui gradus. agat igitur per potentiam resultantem ex omnibus gradibus, quod autem inducit est gradus ut unum frigiditatis, ad quem .a. contrarietatem non habet, nisi per gradum unum qui est ut octo. per septem. n. non contrariatur. Siquidem unus frigiditatis gradus cum septem caliditatis stat, & contrarietatem non habet.

bet. potentia igitur per quam. a. agere potest in gradum illum ut unum frigiditatis qui inducitur, non resultat ex omnibus, sed ex uno solum, quare resistit. a. per solum gradum unum. quum ergo. b. per omnes suos gradus agat. a. autem per unum tantum resistit gradui uni qui inducitur, fiet quidem ut necessario primus ille gradus inducatur, nec obstat pars non passa, quoniam & ipsa per gradum unum solum aget, per septem enim non contrariatur. at uero & secundus pariter inducetur eadem ratione, q. b. aget in gradum ut septem ipsius. a. cui per septem sui gradus contrariatur, a. autem in gradum ut duo qui. a. b. inducitur, non aget nisi per unum gradum, hoc est per illum qui est ut septem, quoniam duo frigiditatis gradus cum sex caliditatis stant, & cum ijs contrarietatem non habent. resistet igitur. a. per unum solum gradum. b. autem per septem aget, quare necessario & secundum producet gradum, & consimiliter tertium, & ita deinceps, quoniam semper maior est potentia per quam agit, quam ea per quam resistitur gradibus, qui introducuntur, quare semper non nisi per unum est aut forte per minus & minus in infinitum, Idem dicatur & de. a. respectu. b. nam quum. a. agat primo in gradum summum. b. cui contrariatur per omnes suos gradus, inducat q. gradum unum caliditatis, cui. b. non resistit nisi per gradum unum qui est ut octo, per septem enim non contrariatur, necessario quidem fit ut. a. primum caliditatis gradum introducat in. b. mox & secundum & alios eadem ratione, quo pacto tandem fit, ut & actio fiat & reactio inter contraria, quod non sine fine quodam magno a natura institutum est, quo mixta constari possint, alia quidem inanimata terre metal la lapides & id genus, alia animata plantae & animalia, & ipse demum homo, de quorum mixtorum Sympathijs superest iam ut dicamus.

De Sympathijs & Antipathijs mixerum, et attractione similium. Cap. 7.

**H**abent ergo & mixta ipsa Sympathias suas, & antipathias & quidem admirandas. atque in primis eas habent, quas habere Elementa dictum est, imo insignius propter densitatem materię. Sicut enim ignis & aer elementa non lucent, non sonant, nec calefaciunt, nec odorem aut saporem edunt, nisi addensentur, ita nec alias virtutes ita exquisite ostendunt, uti quum per mixturem sunt cōdensata. Igitur & communem uniuersalē consensum loci & nexus in primis habent mixta, tum uero & cum qui est partium in toto. Constat enim si ui



fuerint addensata sese rarefacere, si rarefacta densare. at vero & ad loca  
 elementorum in ijs predominantium moueantur, ac postremo similia quoque  
 & affinia ad sese trahunt, quod in quibusdam admirationem non paruam  
 prebet, ut in magnete electo adamante & plantis, & animalibus. quantū  
 particulares quasdam dubitationes habeant consensus isti. nam si per similitudinem  
 (ut supra diximus) sit hec attractio, cur magnes non potius magnetem  
 trahit quā ferrum, & ferrum cur non potius ad ferrum mouetur quā ad magnetem.  
 quæ nam affinitas est pilorum, & surculorum cum Electro et Adamante? præsertim quod si cum Electro affines sunt, quomodo  
 & cum Adamante affinitatem habebunt, qui dissimilis electo est. at uero  
 & illud dubium est, utrum omnia sua similia trahant, ut lapis lapidem  
 & caro carnem & reliqua, de quibus nihil constat, deinde & quæ non sit illa  
 similitudo, utrum spetie an genere, an in accidente aliquo sit. sunt qui dicant  
 similia esse oportere, sed non eadem, propinqua autem: ac propterea simile  
 moueri ad aliud, a quo perficitur magis, quod supra satis est improbatum.  
 Si enim natura graue est, donec natura illa remanet, semper deorsum  
 inclinabit. uidetur igitur mihi similia esse oportere, & eadem spetie, quæ  
 sese mutuo trahunt. dico autem eadem spetie, aut actu aut proprio subiecto.  
 uoco proprium subiectum id a quo emittitur spirituale illud quod trahit.  
 quod sepe in iustis latet propter missionis difformitatem: per quam sepe aliud actu sunt, aliud potentia. pili igitur  
 & surculi ad Electrum fortasse, & ad Adamantem trahuntur, non quia  
 pili sunt, sed quia aut aer in ipsis inclusus est, aut principium aliud,  
 quod primo trahitur, & rationem analogiamque habet cum eo quod per se  
 trahit, in quo & Adamas, & Electrum conueniunt per principium utriusque  
 commune. quia propter & Magnes, & alia multa non trahunt fortasse,  
 per id quod actu sunt, sed per latens aliud in ipsis principium, quod  
 simile ferro est aut ipsi, aut principio in eo. Simile autem omne trahere  
 suum simile si analogum sit, & potentiam habeat, consentaneum est  
 credere: quoniam ita in elementis apparet, & eadem est omnium ratio et  
 finis. Interdum autem spirituale illud, quod trahendi principium est, ualde  
 lidissimum est, interdum debile, sicuti & principium & forma a qua demittitur.  
 propter quo et alia similia ualenter sese inuicem applicant, alia segniter  
 & impotenter, per se autem, debere se omnia ita habere, non solum ratio est,  
 quæ omnibus est communis, sed & experientia apparet. Nos enim præsentibus multis  
 e nostris medicis experientiam multorum fecimus, perpendiculo bene & concinne aptato, quale est in nauis

gatoria pyxide. ac manifeste uidimus, magnetem trahere magnetem, ferrum ferrum, tum magnetem trahere ferrum, ferrum magnetem. porro electrum parua electri frustula rapere, argentum attrahere argentum, & quod ualde mirati fuimus magnetem uidimus argentum trahere, item Electrum non solum surculos & paleas mouere ad se, sed & argentum, uidimus quoque idem frustum magnetis per unam faciem magnetem trahere non ferrum, per aliam ferrum non magnetem, per aliam utrunque, quod indicium est in una parte plus esse magnetis, in alia plus ferri, in alia utrunque equaliter: unde fiat diuersitas illa tractionis. quare nemini dubium esse debet, similia omnia per se, se inuicem trahere, nisi per accidens, impediatur.

Nunc & de motu illo quæramus quo perpendicularum illud temperati magnetis ferri ad eas partes conuertitur, quæ ad polos spectant. qui ad similitudinem quoque attractionem reducendus uidetur. quamvis sunt qui non trahi illo modo perpendicularum illud putent, sed cœli uertigine omnia perturbante, sese ita constituere, ut quiescat magis quo potest. talis autem est linea quæ ad polos spectat. alij existimant ferrum illud sese ad eas stellarum conuertere, quæ in polis sunt, non aliter quam herbarum quædam ad solem ut heliotropion Tragopogon, & Ornithogalum, quorum neutrum rationabiliter dicitur. perturbari enim a cœli uertigine omnia, falsum est, quando illa huc non pertingit, & multa quiescere hic uidentur. quod si causa illa ad perpendicularum faceret, utique & sine temperamento magnetis ad eum situm sese conuerteret. a stellis autem nulla attractio fieri potest, nisi quæ a calore per accidens fit, calefactis quibusdam, quæ mox per naturam sursum tolluntur, aut forte circumaguntur cum sole, uaporibus qui in una parte facti sunt, & successiue de una in aliam fiunt, recipientibus impetum successiuum, & in orbem, sicuti principium a quo generantur in orbem fertur. unde accidit quosdam teneros flores & folia propter humiditatem et circumuerti cum sole, hæc autem ad perpendicularum in nauigatoria pyxide nullam habent attinentiam. Constat præterea perpendicularum illud declinare a linea, quæ ad polos spectat, in nostro quidem hemispherio, quod est a fortunatis insulis ad Catygarā, declinare dextrorsum per gradus circiter nouem, in alio autem hemispherio, ultra insulas fortunatas, declinare sinistrorsum, et modo plus, modo minus. obseruāt. n. qui ad noui orbis nauigant, quum pueniunt est ad meridianum quod per Astores uocatas insulas trāsit, mutari perpendicularum: et quum in nostro mari dextrorsum flectat a polo, illic sinistrorsum uerti. ut si polus arcticus sit. b. perpendicularum in nostro mari

ubi. c. in alio autē mari ubi. d. declinabit quidem in nostro mari. a. b. polo per lineam. c. g. in alio polo lineam. d. e. Nos igitur diligentius rem considerantes dicimus causam, quod perpendiculum illud ad polum uertatur, esse montes ferri & magnetis qui sub polo sunt, ut negotiatores affirmant, quorum species per incredibilem distantiam usque ad maria nostra propagata ad perpendiculum usque, ubi est magnes, consuetam attractionem facit, propter distantiam autem quum debilis sit, non moueret quidem magnetem, nisi esset in perpendiculo, quare et si non trahit usque ad principium unde efluxit, at mouet tamen, & propinquitatem facit quo potest. quod si naues forte ullae propinquiores sunt illis montibus, ferrum omne earum euehitur, propter quod nauigijs incolae utuntur clauis ligneis astrictis. propter situm igitur eorum montium declinat perpendiculum in nostro mari dextrorsum, in alio sinistrorsum a polo. Polus, b. montes magnetis ubi e, h perpendiculum in nostro mari, ubi. c. in alio ubi g. in nostro igitur mari declinabit a polo per lineam. c. b. in alio per lineam. g. e. Attractio autem haec ad Athos & corpuscula reduci posse non uidetur, quoniam corpus nullum in tanta distantia demitti potest, quod unum continuum facere possit ab ijs montibus usque ad nostra maria, speciem autem spirituale nihil demitti prohibet, quod & in lumine manifestum est, cuius speciem a supremo orbe & stellis huc usque demitti constat. quae de causa attractiones similium ad corpora uniuersaliter reduci posse, supra non arbitrati sumus.



De Echeneide quomodo firmare nauigia possit. Cap. 8.

**M**aius miraculum praebet Echeneis piscis, si modo uerum est, quod fertur, aut firmare nauigia, aut tardare. Causa si qua est, non alia certe esse potest, quam partim attractio per species praedictas facta, partim uacuum. modus autē est duplex, unus, ut piscis ille non causa sit eius retentionis, sed signum alterius quod retinet, alius, ut etiam causa sit. primum igitur nihil prohibet saxa & scopulos ubi Echeneides degunt cō similem speciem usque, ad nauigia mittere, qualem et montes magnetis ad ferrum in nauigijs fixum, sicut igitur si ferrum fortiter & tenacissime nauigio infixum esset, ita ut nec extrahi posset, non attraheretur quidem nauigium ad montes illos, sed firmaretur, tamen,



tamen, ita & circa scopulos Echeneidum accidit transmissa ad naues specie, quæ uel ad clauos earum uel ad aliud analoga sit, retineri ipsas. quare inuentus illic pisciculus ille, signat subesse scopulos eos, qui firmare nauigium possint. Si uero non signum est Echeneis, sed causa eius detentionis, oportet existimare ipsam primo artissime affigi nauigio, ut euelli non inde possit, nisi ui multa, ab ipsa uero ad certos scopulos & ab ijs ad ipsam mutuo demitti uel speciem uel etiam corpuscula more torpedinis, quæ consuetam tentent attractionem similium, nec ipsa igitur nauis attrahi in fundum potest propter resistentiam sui, nec ab ipsa auelli Echeneis propter fortem affixionem ob uacuum, unde fit ut firmetur tantum nauis, aut taretur saltem. quo pacto fieri posset ut ferri fructum in aere pendere quidē sed nec sursum nec deorsum moueri posset, quod quidem contingeret si desuper magnes poneretur, qui tantum trahere sursum ferrum, quantum ipsum deorsum inclinat, equali potentia posset: sic enim in aere firmaretur ferrum. quum enim potentia quæ deorsum mouet, certa sit, certa item quæ sursum trahit, fieri potest ut modo altera potentior sit, modo utraque equalis. equalis igitur si sint, pendere in aere ferrum necesse est, nihil ergo prohibet & nauigium tantum resistere ne deorsum trahatur, quantum species ipsa in contrarium trahere nititur, quare firmari necesse est. nec plura quidem dici aut inquiri debent de tam abdita re.

De Antipathia contrariorum & quomodo se  
mutuo pellant. Cap. 9.

Sicut autem sese similia trahunt propter conseruationem, ita dissimilia & contraria propter eundem finem sese mutuo pellunt, & sugant. quod in antiparistasi multorum patet, in plantis autem & animalibus manifestissimum est. quæ uti affinia et familiaria attrahunt, ita extranea & incommoda a se abdicant. ob quam causam & candellæ flamma iuxta posito aliquo ualde frigido, ut ferro & similibus, in latus absecedit. est & magnetis genus quod ferrum abigit, ex quo cultelli ita præparari solent, ut alter ferrum ad sese trahat, alter pellat. quamquam nos quum hoc experimētum in medium olim inductum esset, monstrauimus non id accidere, qd ferrum abigeretur, quauis perpendiculum in latere ubi erat magnes, pelli uideretur, causam autē esse, qd magnes ille eorum esset qui magis ferrum quam magnetem trahit. applicitus ergo perpendiculo traherebat latus in quo magnes non erat commissus, ex quo fiebat ut latus al-

Fracast. C

terum magnete temperatū necessario abscederet, propter quod uidebatur pelli ab applicito magnete. Verum nihil prohibet etiam talem inueniri magnetem, qui ferrum pellat propter latens in eo principium, quod ferro contrarium sit. Eadem de causa et cucumis recuruatur supposito oleo, quoniā aque multum continet, præsertim dum in incremento est, aque aut et oleo non parua discordia est, et naturę contrarię. quum igitur p contrariis species alterū ab altero abscedat, clementum cucumeris in latus fit, unde recuruari uidetur. Adianton porro nō madescit, neq; aquā admittit pp siccitatem superficie, quę aquę cōtraria est, et eam solet repellere, quę admodū in puluere & pennis & alijs siccis contingit: in quibus nō consistit aqua, sed aut elabitur, aut in guttulas rotundatur. rotundatur aut quoniam duobus modis aqua sitū naturalē exquirir. uno modo motu elementi descēdendo ad locum proprium qū potest. potest autem quum sup aliquo plano statuitur, quod contrarium non sit, et descensum eius non impediat, ut ferrum & lapides & id genus, super quibus coextenditur, et descendit aque quantū pōt. alius modus est, quū non totū extra mouetur, sed partes ī toto, quę rentes cōuenientissimum situm. quod tum fit, quum incidit in subiectum, qđ propellit undiq; partes. quod faciunt multa siccorum p contrariam speciē. propter quod non motus elementi fit ad locum suum, sed partiū in toto sese apte locantium, quantum expedit et bene est, talis autem situs est, quū partes contrarium tangunt secundum minimum quo possint, et quo magis unitę sunt & propinquę inuicem. quę omnia maxime præstat orbicularis figura, quę & in puncto tangit & breuissimas habet ad centrum lineas. pp quod aqua in sicca incidens rotundatur. Signum aut q in Adianto non consistat aqua propter siccitatem, id est q. duabus existentibus Adianti speciebus albo et nigro, nigrum quidem madescit, q. humidioris superficie sit, album autem non, q. siccioris. ad has causas & letalis Catoblephę aspectus est reducendus, quippe spiritalis species quę ab ipsa ad distantiam multam protenditur ob contrarietatem & antipathiam quam cum spiritibus hominis habet, eos diuoluit ac fugat unde & homo perit.

Cur calx & pannus & alia multa sicca existentia aquam promptissime admittant. Cap. 10.

**S**ed qui fit, ut si quę sicca sunt, repellant ob siccitatem aquam, Calx tamen & pannus & linea & farina & spongię & ossa & terrarum genera, ut spbragis, & bolus armenus & eiusmodi sicca exi-

Stentia omnia, aquam & liquidum omne promptissime admittant. quin imo quod unum est, uidemus in spongijs & lineis aquam quasi trahatur, sursum etiam ascendere, in calcem uero adeo intime ingredi & penetrare, ut eam dissoluat. An sicca foraminulenta, & (ut dicunt) porosa sunt omnia: sed alia poros habent tenues & angustos, alia habent laxos magis & bene coniunctos. quæ igitur angustos habent sicca existentia aquam non admittunt, nam neque quatenus porosa sunt, neque quatenus sicca recipiunt. quæ uero laxiores habent poros, quamquam ob siccitatem quodammodo obsistant aquæ, quatenus tamen porosa admittunt. in ijs enim tangente aqua abscedit e foraminibus aer, qui in ijs clauditur, cuius loco succedit propter uacuum aqua, propter quod & ascendit etiam. quod si bene coniuncti sint pori, penitissime penetrat aqua & ad particulas omnes quauis minimas. quapropter, quod calx & dissoluitur, & incalcescit. dissoluitur quidem, quoniam penetrante aqua ad partes omnes remouescit earum nexus, propter humiditatem unde & separari accidit. incalcescit uero facta separatione, ignis particulis quæ prius dispersæ & diuise fuerant & quodammodo in potentia, nunc actu factis atque unitis & potentibus agere iam. quapropter tñ Calx ipsa tum & aqua incalcescunt et feruunt.

Sed rursus difficultatem non minorem habet, cur fiat ut tangente aqua aere foraminibus abscedat, nunquid ipse perse abit? an propulsatur ab alio, & si propulsatur, quomodo & a quo propulsatur? Sunt qui dicant propulsari aerem, quod densetur ab aqua, atque in angustius cogatur, cuius loco ipsa mox succedat. Sed quomodo fit hoc, quum densari non possit aer nisi a frigido, imbibatur autem aqua in porosa, non solum quæ frigida est, sed & quæ calida, imo hæc magis & citius. Condensatio præterea certum terminum habet, ultra quem non procedit, atque motus eius aeris, qui abscedit, terminum nullum habet, donec abscefferit totus.

Alij putant propelli aerem ab aqua ob pondus aquæ. quoniam spongiosum ipsum in quo est aer, in aqua aliquatenus immergitur, et partes aliquas aquæ habet, quæ aliquibus aeris superstant. descendentes ergo ijs quæ superstant, aerem inde propelli accidit. Sed & hoc non plane satisfacit. et si enim quantum superstat aquæ descendere possit, et aerem qui substat propulsare, quum tamen uentum est ad lineam illam, per quam non amplius superstat aqua, quid erit mox quod rursus propellere aerem possit? neque. n. dicendum est aerem primo propulsatum alium pellere, et hunc alium, et ita successiue, quoniam, quum totus aer ille conclusus a primo per partem post partem tatum abscefferit, quantum est locus, quem aqua occupauit, tum non

Fract.

C ij

ultra impulsio fit partium aeris, sed cessat. oportet ergo aliud assignare quod pellat continenter aerem donec abscedat totus. Vtrum igitur aqua non densatione non pondere propellat aerem, sed per species contrarias, ut supra dictum est, contraria & dissimilia sese mutuo pellere. dissimilis autem & extraneæ naturæ est aqua & quæ aquæ sunt, cum aere, quare tangens, uicinas sibi propulsat partes, quod uel facillime fit propter tenuitatem aeris, qui promptissime impulsu omnem recipit. succedente igitur aqua ac permanente semper dissimilitudine eadem, continua fit propulsatio & continua successio aquæ, ac demum fuga totius aeris in foraminibus clausi, atq; hoc quidē si quis dicat, incōueniens (ut arbitror) nullū astruet.

Audiendū tamen & illi sunt, qui non propulsationem perse nullam aeris fieri dicunt, sed attractionem magis humidi, quo attracto necesse est cedere qui in poris continetur aer, attrahere autem porosa humidum non quatenus porosa ( licet uiæ requirantur) sed quatenus exsiccata & priuata naturali humido. Duo enim siccorum genera statuenda sunt, alia nanque perse & per naturam sicca sunt. ac talia quidem attrahere humidum non possunt, sed propellere magis habent, quoniam attractio omnis a simili fit, alia uero sunt quæ perse quidem & natura humida sunt, per accidens autem sunt exsiccata, remanet tamen in ijs forma sua & natura cum uirtutibus omnibus, quas a principio sortita est, inter quas est, & spiritalis species, quæ attrahere nata est quod simile est, simile dico non quatenus tale per accidens actu est illud, cuius est species, sed quatenus per naturam & perse tale est. quæ igitur porosa sunt, maxima pars exsiccata per accidens sunt, perse autem in humore constituta. propter quod & porosa sunt facta extracto humido, cuius appetentiam semper habent, & facultatem attrahendi, quod in sti manifestum est. tangente igitur aqua nihil mirum, si a poroso exsiccato & carente naturali humido, trahitur ad partes omnes quod contangit humidum, ac talia sunt, calx spongie, lianea & terrarum genera. Adianton autem & pennæ & id genus, non solum q. angustos poros habeant, sed fortasse q. sicca perse sint, aquam non admittunt. Nontacebimus postremo & causam aliam, quæ adduci potest ad hoc problema: dicentes rationem eius rei non esse propulsationem ullam, non esse attractionem quæ a sicco fiat, sed esse motū aeris illius, qui in foraminibus clauditur, qui sese naturaliter mouet a loco, ubi præter naturam tenebatur, ut cum toto suo uniatur ac coextendatur secundum naturam. quippe Elementorum partes nunquam naturaliter locantur, nisi toti spheræ aeris ita coextendantur, ut nullā earum exerta sit, & abscedat a toto,

toto, sed omnes æqualiter in eo consistant. quæ e causa sit ut aer qui in fo-  
 ramini- bus seccorum conditur, tam & si toti continuetur per unum extre-  
 mum, non tamen illic secundum naturam consistat, sed uiolenter. ut si aeris  
 totius superficies sit. a. b. c. porus uero in quo aeris  
 pars concluditur. b. f. aqua tangens ubi. f. uiolenter qui-  
 dem tenetur aer in. b. f. cuius signum est, q. si dirumpatur  
 porus, aer quidem qui in eo erat ad superficiem to-  
 tius. a. b. c. ferretur coextendeturq. illi, atque ita unie-  
 tur, ut æqualiter secundum partes omnes in eo locetur,  
 & totum unum faciat æquale undiq. Indicat hoc non contineri secundum  
 naturam partes aeris in poris clausi. Permanent tamen in illis nec abeunt  
 dum porosum est in regione & sphaera aeris. Si enim inde dimoueretur,  
 necessario aliquid aliud succedere oporteret, quod certe aer esset. cur igitur  
 succedat hic, ille abeat, quum nulla ratio magis huius sit quàm illius,  
 praesertim q. si hic succederet, & ipse quidem pari ratione uiolenter de-  
 tineretur in poris, si igitur & ille discedat, aliud succedere necesse est,  
 qui pariter si discedat, aliud succedat oportet, & ita in infinitum. necesse  
 igitur est primum aerem quem casus ab initio illic conclusit, illic etiam per-  
 manere, dum porosum in sphaera aeris continetur, at ubi fiat ut porosum  
 non iam undiq. in sphaera aeris sit, sed aut in aqua totum ponatur, aut aqua  
 saltem per aliquod extremum tangat, tum qui in foraminibus est aer, ex-  
 tra statim fertur & mouetur ad locum totius, cui succedit aqua. quæ qui-  
 dem uiolentiam aliquam & ipsa patitur, propter eandem causam quòd &  
 ipsa a toto suo abscedit, uerum minus uiolenter tenetur illa in eo poroso q.  
 aer, propter conuenientiam naturæ: quæ in utroque grauis est & quan-  
 dam habet analogiam. est autem & alia ratio, cur aqua succedere debeat,  
 & sursum trahi, quoniam id quod trahit & mouet, est aer totus qui in po-  
 ris conclusus recessum querit, quod uero mouetur, est pars aquæ minima  
 quæ in poros paruos trahitur, & parum resistit propter paruitatem, cui  
 idem accidit quod trocleis per helices fabrefactis, quum per illas pondus  
 uel maximum eleuamus, q. sensim & in latius eleuatio illa fiat. Signum  
 autem quòd aqua consimiliter attracta facile sequatur, illud est, quòd si po-  
 rus sit ualde latus qualis est fistula, non succedit aqua, nec aer qui in ea est  
 fistula, abscedit, in paruis autem & obliquis poris abscedit. aut igitur  
 hæc est causa ingressus aquæ in ea quæ porosa sunt, aut & aliæ concu-  
 runt, ut propulsatio, quæ per species fit, & attractio humidi, quæ a poro-  
 so accidit. de quo satis iam dictum sit.



**E**st præterea rerum consensus & dissensus alius in agendo aut simpliciter aut pro certo fine . neque enim omnia in omnia agunt, sed certa solum in certa. quorum ratio querenda quidem est, sed in uniuersum. ergo in omni actione tria præcipue requiruntur, præsertim si certi cuiusdam gratia futura sit. Sunt autem facultas agentis, aptitudo materie, et applicatio conueniens. dico autem applicationem contactum, situm, moram, & in quibusdam organa. hæc igitur quum consentiunt omnia, tum actio sperata fit, & obtinetur finis. & quæ eiusmodi sunt Analoga dicuntur. si uero aut omnia, aut plura, aut & unum horum deficiat, actio quidem frustratur, aut simpliciter, aut pro fine, & hæc non analoga uocantur. Accidit autem sæpissime aliquod unum, aut plura ex his deficere: interdum enim agentis potentia minor est quàm oporteat, interdum maior. quare sæpe priusquam intentam inducat formam, subiectum aut absument, aut liquat, aut in uaporem uertit. quæde causa magna flamma nutriri in parua candela non potest. Colliquat enim statim pabulum totum, quod sensim in fumum & inde in flammam uerti debebat. quandoque materia ipsa inepta est. neque enim ex terra aut aqua flamma unquam consurget, sed uapor, qui abibit. at neque ex luto neque ex lapide, nisi hæc forte in alia multa prius conuersa fuerint. quòd si flamma futura sit, ex misto fiat oportet, neque ex omni, sed ex sicco aut unctuosio, propinquo naturæ ignis. ita nec homo nutrietur ex quolibet, uel etiam tennero. neque enim ex gramine uti equus. quoniam aliena est ea natura a natura hominis. aliena autem sunt in uniuersum, alia ob qualitates contrarias, quæ longe distant, alia ob spirituales, quæ contrariorum sunt & res fugere animam faciunt. aut & quædam etiam repellunt. alia ob substantiam modum, qui est aut duricies, aut mollicies, aut crassities, aut lentor et eiusmodi: ob quæ, aut non trahitur quod oportet, aut non pellitur quod oportet, aut non miscetur quale oportet. sæpe autem conuenientia erunt, & agens, & materia, sed applicationis modus non conueniet, aut enim non plane fiet applicatio, aut non consentit propter figuram uel uias & foramina, quæ aut laxa plus æquo sunt, aut angusta: interdum contactum prohibet spiritalis species: interdum nimis arcta & stricta quædam tenet aut species, aut uacuum. Interdum contactus fit, sed mora aut longior fit quàm deberet, unde exurit materia, aut breuior fit, quàm oportuisset. sæpe actioni obstat partium situs. miro enim modo mista



composita sunt. alijs uilli per longitudinem protenduntur, alijs per latitudinem, alijs in orbem, alijs aliter. qui modi pene infiniti sunt. propter quæ alia per longum bene solubilia sunt, alia per latum, alia aliter. quæ res in alterationibus quoque actionem non parum euariat. quedam postremo certa instrumenta requirunt. propter hæc igitur causas non omnia in omnia agunt, sed certa in certa solum. Fulmen aurum & uina colligat nihil leso loculo & uase. in aurum enim & uina penetratet tangit, & moram trahit, & propter acrimoniam caliditatis eliquat. ad locum autem & uas debita applicatio non fit, aut propter laxitatem foraminum, aut propter paruum moram. aurum non imbibit oleum & uinum, aut propter angustiam foraminum, aut propter contrarietatem qualitatum spiritualium, quæ seiuncta ea tenet. argentum autem uiuum uel audissimè exhibet, & statim penetret in foramina, et attrahatur propter similitudinem et sympathiam. oleum aquæ misceri non uult, uino autem miscetur melius, optime autem cum uino aqua. liquidorum enim alia bene miscibilia inuicem sunt, alia non bene. bene quidem quæ aut unam et eandem substantiam habent, aut saltem diuidi mutuo ad minima possunt. aqua igitur cum aqua, & uinum cum uino optime commiscentur, quoniam unum sunt, & unum continuum constant. uinum autem cum aqua bene et ipsum miscetur, quoniam si forte unum non est cum aqua, nec continuum facit, sed contiguum solum, & forma differat & terminis, diuidi tamen cum illa facilliter potest in particulas minimas. diuiduntur autem ad minimas partes, quoniam natura eorum elementorum, tum liquidorum est, ut eorum partes meliorem situm habeant quo possibile sit. melior autem situs est ille, quo partes minus distant inter se quo possunt: & si quidem datur, continuæ fiunt inter se, si uero non datur, quia forme non unum sunt, propinquiores tamen et unitæ magis quo possunt, partes esse uolunt et querunt. propinquissimus autem situs est, quo distant solum per interpositionem unius minimi, quod ultra diuidi non potest. Si enim distaret per interpositionem trium uel quattuor minimorum, maiorem procul dubio uolentiam sustinerent, quare mutuo sese ad minimas particulas diuidunt, sic enim melius locantur. quæ uero liquidorum, neque unam substantiam habent, neque inuicem diuisibilia sunt ad partes minimas, illa bene miscibilia non sunt. talia autem sunt, quæ & naturas ualde diuersas habent, et alterum illorum fortis et compactæ mixtionis est, quale oleum, quod cum aqua plurimum distat natura æreum & igneum existens, & pingue et fortiter mixtum. propter diuersam igitur naturam cum aqua neque continuum fieri cum illa potest, neque plane contiguum

tum q. particula quælibet illius non bene diuiditur pinguis existens tum quod altera ad alteram attrahitur (ut est uidere) propter aerem, qui pluri-  
 mus est in oleo. quare non admiscetur illi, sed superstat. dupliciter. n. bene  
 locantur liquida, aut quum ad minima diuiduntur, aut quum alterum sub-  
 fidet, alterum superstat. Superstant autem quæ leuiores sunt & cum aere  
 consentiunt magis quale oleum: ad minima uero miscentur, quæ aquea ma-  
 gis sunt. Vinum igitur quod aqueum magis sit, sed tamen & aeris atque  
 ignis plurimum habet, & si neque ipsum optime miscetur oleo, melius ta-  
 men miscetur quàm aqua. mira res est argentum uiuum, quod liquidorum  
 nulli admiscetur, sed durioribus solum, & ijs non omnibus, sed auro & ar-  
 gento & stanno, et plumbo, in quæ ita imbibitur, ut mollia ea reddat. liqui-  
 dis autem alijs non admiscetur: quod propter pondus subsidat omnibus, &  
 q. diuerse multum nature sit, & fortis mixtionis, neq. igitur unum conti-  
 nuum cum alijs facere potest, neq. ad minima cum ijs diuidi. est autem for-  
 tis mixtio, alia quidem in duricie consistens, alia quæ diu & fortiter agita-  
 ta est, & miscibilia habet ad quam minimas partes redacta, sic enim  
 separari inuicem non facile possunt, tum quod propter propinquitatem si-  
 milia similibus sese adstricta tenent, quare quum dissimilia dissimilibus mi-  
 nutissime commista sint. similia in sua consimilia ualde possunt, propter  
 propinquitatem, tum forte & propter uacuum, quod propter eam partium  
 uicinatem plurimum obstat, ne separatio particularum componentium  
 fiat. est autem mira ea mixtio et compositio in argento uiuo. Constat enim  
 e calidissimis simul & frigidissimis partibus, uerum redactis ad tam mi-  
 nimam quantitatem, & ita ordinatis ut pene sese omnia tangant, & simi-  
 lia iuxta similia, & iuxta dissimilia sint, quod plurimum facit ad conti-  
 nendam mixtionem. propter hæc igitur alijs liquidis non miscetur: durio-  
 ribus uero quibusdam miscetur ut auro argento stanno et plumbo propter  
 sympathiam nature (ut dictum est). attrahitur enim in eorum uocatos po-  
 ros ad particulas omnes. propter quod & ea mollescit: non secus ac alia  
 liquida, ut aqua, solent duriora porosa ut ligna & eiusmodi, mollia red-  
 dere. ipsum quoq. duriciem quandam & consistentiam recipit, si prædicto-  
 rum scobes cum eo miscantur: attrahit enim & ex ea commixtione consi-  
 stentiam acquirit. quod plerumq. fallit putantes per eam uiam posse argen-  
 tum conflare, nescientes non ueram mixtionem fieri, sed apparentem, p. iux-  
 ta positionem quorundam constitutam, quæ facillime solui possint et separari.  
 Simile quiddam pati & Adamantem censendum est, si modo uerum est  
 hircino sanguine solo mollescere. penetrat enim & ipse in adamantis fo-  
 ramina



ramina usq; ad minimas partes propter analogiam, quæ est uel in principio communi, uel foraminum ratione, propter quod & mollescit. quæ autem analogia particulatim ea sit, Deo et naturæ notum est. habere autem sympathiam ad quædam Adamantem, et commune attrahendi principium, illud monstrat, q. & paleas & surculos trahit. quare nihil prohibet & ad hircinum sanguinem consimilem quoq; habere rationem. idem et citrijs accidere, insperso in eorū cumulum pane, putandum est. attracta enim in panem humiditate eorum, atque illic ceu alieno in loco putrescente, principium reliquo datur, ut computrescat, quæ de causis accescunt ea mala.

Unisonum autem aliud unisonum comotat, quoniam quæ similiter tensæ sunt cordæ, consimiles aeris undationes & facere & recipere natae sunt. quæ uero dissimiliter sunt tensæ, non eisdem circulationibus aptæ sunt moueri, sed una circulatio aliam impedit. idus enim cordæ, motus est compositus et duobus motibus, uno quidem quo corda pellitur ante, hoc est uersus aeris circulationes, alius uero qui retro fit, corda reducens sese ad situm proprium. si igitur mota una corda debet & alia moueri, oportet ut in secunda talis proportio sit, quod undationes et circulationes aeris, quæ impellunt & faciunt motum ante, non impediant motum qui retro fit a corda. quam proportionem solum eæ cordæ habent, quæ etiam consimilem tensionem habent. quæ uero dissimilem sortitæ sunt tensionem, non sese comotant, quoniam dum secundus fit motus, idest reditus cordæ retro circulatio secunda illi obuiat & sese impediunt: unde nec motus fit ullus præter primam impulsationem, quæ insensibilis est. uidi ipse in ecclesia quadam ubi statim multæ cereæ circa sacellum loco alto dispositæ stabant, pulsante tintinabulo quodam, unam illarum tremere, reliquis immotis permanentibus, quod quum quibusdam qui prope aderant, indicassem, admiratio multa eos cepit. causa non alia erat, nisi quæ et in unisonis accidit, plures quoque quum pondus aliquod ferunt, eadem proportionem indigent, ut quum alius pedem sistit, alius moueat: sic enim sine labore ferunt. q. si sese impediunt quietes & motus, fatigatio fit multa ei ferre tandem non possunt. Idem accidit & ijs qui panem pinsunt, quum duo aut tres lignum illud longum ac graue, modo eleuant, modo depriment, Si enim non ea ratione id agant ut pariter omnes tollant, ac pariter deprimant, sed quum alius tollit, alius premere incipiat, motus impeditur & labor accidit. In cordis autem propter celeritatem circulationum non percipitur.

Alia uero ratio ea est, qua Lupina Tympana ea dissoluunt quæ ex agni no corio sunt conflata, in his enim non solum aeris motus ad impulsione

Fracast. D

facit, sed & spiritualis species. dictum est enim contrariorum species contraria pellere. Lupo uero & agno contrarias esse naturas constat, species igitur contrarij unius delata per aerem ad aliud, pellere maxime & dissoluere etiam potest, nō solum per se sed adiuta aere, partim quod densior ille sit factus, partim quod per circulationes & ipse impellat in penitissimos poros ingressus. propter eandem contrarietatem dicuntur & aquilorum penne pennas alias dissoluere.

Quæ uero brassicæ et rutæ inimicitia est, præter inimiciã specierum, inde fortasse putandum est accidere, quod utraq; calida est, & crassarum radicum, quare quum multum humidiquælibet ad sese trahat, sit tandem ut iuxta satæ præ humoris inopia arefiant.

De octimestri autem partu plura fortasse oporteret dicere. nūc tantum dicatur, q̃ quemadmodum in genere tritici est quoddam semen, quod tribus mensibus generat, unde et trimestre uocant, alij setanium appellant, quod dam uero quod mensibus nouem, ita et in genere humani seminis quoddam est quod septem mensibus parit, quoddam quod nouem. partus igitur qui editur octauo mense, esse quidem non potest ex eo semine quod septem mensibus gignit. quare ex eo erit quod nouem mensibus solet maturum producere. igitur quum ante nonum mensem editus sit, indicat immaturum esse, & si aliqua eiectione talis autem ut pote immaturus & præcox moriturus euatus est. cuius signum est, q̃ certis regionibus ut in Aegypto octimestres partus etiam uiuere ferunt, quod bonitate regionis defectui immaturitatis satis fiat. cur autem duo tantum sint humani seminis genera, & alterum septem. alterum nouem mensibus partum edat eandem habet questionem cur & in genere tritici duo similiter seminis genera sint. causa in uniuersum est analogia talis agentis ad talem materiam, nam quis quærat cur tanta flamma tantum roboris absumat in hora una? ac de sympathijs tum elementorum tum et mixtorum quatenus mixta sunt hæcenus traditum per transcursum sit.

De animæ Sympathijs et antipathijs.

Cap. 12.

**N**unc ad animam transeamus cuius consensus et dissensus non minorem etiamnum admirationem præbent. præsertim eius quæ cognitrix est. nam quæ uegetat solum & in plantis præcipue spectatur, cōes uidetur consensus cum ijs habere, quæ simpliciter mixta sunt, tametsi propter miram compositionem quæ organica

est, existiment aliqui habere plantas peculiares quasdam actiones, quatenus organice sunt, unde et Plato sensu quodam participare eas dixit, quod & confirmare etiam Galenus uidetur. Verum operationum quæ organa insecutur, alia ab anima fiunt, ut simpliciter mixta est, alia ab ea uti cognoscitur, quare & attractiones aliquæ simplices sunt, aliæ organice. organicas dico quæ fiunt per constrictionem & dilatationem uiscerum, simplices autem quæ per species ut supra dictum est, uidentur igitur plantæ simplices quidem attractiones et expulsionones habere, quemadmodum et alia mixta, organicas autem non. neque enim ad eas obeundas constrictione sui et dilatatione utitur, sed solū simpliciter trahunt familiaria, fugant autem contraria. de his tamen natura illis organa quædam, quo melius possent hæc operari. miro enim ordine ea procedit, trahunt siquidem & Elementa et mixta non organica, ac demum & organica. uerū elementa simplicissimam exercent attractionem, mixta uero non organica non ita simplicem possunt attractionem facere, sed poris saltem indigent, et uia qua possint & similia ad omnes partes trahere, & dissimilia undequaque propellere. at plantæ maiori etiam organo indigere, per quod certa solū attraherent, & certo tempore continerent, et digererint unde tandem nutriri possent. animalia porro præter hæc organū etiam mouent, et constringunt, et laxant prout bene est. Plantis igitur & si necessarium est organum quoddam ad attractionem, non tamen propriè organicam faciunt attractionē, quare nec sentiunt nec cognoscunt, nisi per transumptionem quandā, quæ miro quodā quasi ingenio discernant, quæ sibi cōuenientia sunt, et quæ contraria, ac per artificiose cōpositas uias trahant & pellant. atque hoc esse arbitror quod Plato uoluit significare, quare nec simpliciter dixit sensum habere plantas, sed sensum quendam. Si enim sensum propriè haberent, sic utique & constringi posset præcepto malo, et laxari præcepto bono, ut paulo post ostendemus. quæ erat autem fortasse aliquis, quomodo in plantis et uniuersaliter in ijs quæ aluntur et uetere dicuntur, attractio alimenti fiat. siquidem attractio eatenus fit quatenus aliquid simile est, at alimentū quū trahitur dissimile est, quippe quod alterari et transmutari indigeat, si postremo assimilari mēbro debet. oportet igitur eorū meminisse quæ supra dicta sunt, qui sese trahunt, per principium utrisque cōmune trahi, quod sæpe in mixtis latet. quæ aliud actū sunt, aliud potētia, multa enim actū et per accidens priuata eo sunt, quod per se & per naturam habent, remanente tamen natura propria & forma cum uirtutibus et potētijs proprijs, inter quas est et attractio. attrahitur igitur alimentū tamen forma non qua actū, et per accidens talis est, aut ipsa aut alimentū, sed quæ per se

Fracast.

D ij

talia sunt, ac sic quidem est similitudo principium eius attractionis, altera  
tio tamen quædam mox fit, ut id abiiciatur per quod actu dissimilia sunt.  
quo abiecto demum exquisita fit similitudo & unio. illud autem per quod  
actu & per accidens dissimile est, quandoque quidem est forma trahens  
priuata aliquo sibi per naturam debito, interdum est id quod trahitur ut  
alimentum, quod per accidens super abundat aliquo contrario et abiicien-  
do, per se autem simile est, quare quatenus simile attrahitur, quatenus  
contrarium alteratur.

De sympathijs animæ cognitricis.

Cap. 13.

**M**Aiores autem & magis admirandos consensus & dissensus  
ea habet anima, quæ cognitrix est. primum autem recipia-  
mus cognitionem omnem tum sensuum, tum phantasie, & in-  
tellectus, per eas species fieri quæ spirituales uocantur. por-  
rò species hasce representare non solum res, quarum sunt species, sed &  
rerum modos. dico autem modos, figuram situm magnitudinem locum  
motum quietem & relationes multas, ut simile dissimile dextrum sini-  
strum & id genus. inter quos modos præcipui & maxime intrinseci sunt  
conuenientia & disconuenientia eius, quod offertur cum anima, omnis  
enim oblata res recipitur quidem ab anima uel uti amica & conueniens,  
uel uti ingrata & disconueniens. atque hi primi quidem sunt, & simpli-  
cissimi consensus, & dissensus rerum cum anima. a quibus duo etiam effe-  
ctus primi & simplicissimi ab anima fiunt, constrictio & dilatatio. quip-  
pe recepta ingrati & disconuenientis specie, constrictio animæ & mem-  
bri fit, recepta uero grati et conuenientis laxatio & dilatatio. qui motus  
quomodo ab anima fiant, non paruam habet dubitationem. quoniam con-  
traria sunt dilatatio & constrictio, contraria autem per se ab uno non pos-  
sunt fieri, nisi forte ad unum certum fuerint, condensantur quippe elemen-  
ta, rarefacta quum fuerint, et rarefaciunt se condensata, sed hoc ad unum  
certum est, quo ueniant ad eum situm & terminum, qui illis pro natura  
debetur. aer quoque si loco ignis ponatur, descendit, si in loco aque, ascen-  
dit. sed hæc fiunt non ut contraria, sed ut ad unum tendant. at constrictio,  
& dilatatio membrorum non ad unum est, sed modo magis, modo minus  
utrunq; faciunt, quin imo et ab eo etiā termino sepe recedunt raritatis et  
densitatis, qui formæ misti debetur, quatenus mistum est. quod per naturam  
fieri posse non uidetur. si igitur anima per naturā facere contrarios illos  
motus

motus non potest. quid per deos erit quod ipsos faciat? Sunt qui in his ad instinctus naturæ recurrant, dicentes habere animalis naturam instinctus quosdam, per quos mouet, prout bene est & magis expedit. sed certe hoc non aliud est, quam eandem questionem repetere. si enim instinctus ille est principium per se eorum motuum, oportet naturam esse. natura autem omnis una est & unius factura, aut plurium quidem ad unum. hi autem motus neque unum sunt, neque ad unum, imo non solum inter se contrarij, sed formæ misti contrarij.

Fortasse igitur dicendum est sicuti elementum plures habitudines & plures motus habere potest, unum, scilicet ad loca propria, alij parti in toto, ita & anima, quæ forma membri est, potest plures habere habitudines & motus: unum quidem ad motum elementi prædominantis, alium partium in toto, & hunc duplicem, alterum quatenus simpliciter mistum quoddam est, alterum quatenus est forma cognoscens. utroque enim modo partes in toto moueri possunt. nam quatenus totum illud simpliciter mistum est, se se partes in eo & condensant et rarefaciunt, quo ueniant ad certum illum terminum, qui toti conuenit. at uero & quatenus totum illud cognoscens est, sic possunt in eo moueri partes ut bene est. si enim non cognoscencia possunt per naturam simplicem debitam coexistentiam sibi parare, cur & cognoscencia & sentientia bonum & malum non itidem possint? est igitur anima quodammodo una natura, quodammodo non una. una quidem quatenus membrum simpliciter mistum est, cuius est forma: ac talis quidem unius factura est, aut plurium ad unum. non una autem est quatenus cognoscens, sic enim quum a diuersis mouetur, diuersa etiam fit, aut saltem non eodem modo se habens. quare & ut talis plura & contraria potest efficere, quoniam non ut simplex, & una natura agit, nec inconuenit partes in toto moueri una habitudine, quæ toti contraria est secundum aliam habitudinem. nam & in alijs mistis partes interdum rotundantur in toto, et non descendunt, interdum descendunt & non rotundantur, tum & se rarefaciunt ac condensant, nunc ascendentes contra totius naturam, nunc descendentes, quare nec inconuenit constringi & laxari membrum, quatenus cognoscens ultra eum terminum rarefactionis, qui sibi debetur, quatenus mistum est. neque enim repugnat eundem motum eidem esse uolentem sub una ratione, conueniens autem sub alia. igitur recepta specie ingrati et disconuenientis nihil repugnat membrum constringi, sic enim partes melius esse et situm habent, quoniam tactus fit secundum minimum quo potest, et retrahitio a nocente. contra uero si boni & grati species recipiatur ab anima,

dilatatio fit, quoniam penitissime partes omnes id bonū recipiunt, alioqui totum non bene haberet, nisi secundum partes omnes frueretur eo bono. primi igitur & simplicissimi consensus & dissensus animæ hi sunt, et primi motus animalis restrictio & laxatio. ex quibus parvis principiis mox ad magnos et admirandos sensim peruenire animal potuit. primum autem de sympathijs sensuum & antipathijs prosequamur.

## De sensuum sympathia &amp; antipathia.

Cap. 14.

**M**ira profecto ea concordia est, quæ inter sensus & eorum objecta uersatur, si temperata sint. alioqui si excedant non solum non consentiant cum sensorijs, sed ea perturbent et corrumpant. Soni igitur (ut ab ijs ordiamur) si ualde magni sint, si nimis acuti, si nimis graues, si asperi, si multi confusi, si prorsus insoliti & ignoti, si uniformes ac demum si immusici sint, omnes per molestiam recipiuntur. cause autem occultæ admodum sunt. communis uero omnium ratio est, ingratos eos offerri sonos in quibus anima incommodam cognitionem facit, quoniam. n. finis eius & perfectio, est ipsa cognitio, ad hoc autem requiruntur & bonus organi status, & uirtus potens & applicatio conueniens, ac modus receptionis idoneus, tum quidem si displicentiam animæ recipit, quā aut uirtus laborat, aut organū uim patitur, aut applicatio impeditur, aut incommode recipit, qui igitur imbecilles sunt, aut circa auditum dolent, sonos pene omnes ferre non possunt. uerum causa non accidit ex ipsis sonis. at si sonus ingens ipse sit commotat organum propter circulationes aeris, tū et uirtutē dissoluit, et applicationē tollit, unde et cōsumdi animā accidit et terreri. similiter et si acutus ualde sit sonus, et stridulus applicatio uim patitur, quasi in angustio facta. tum et membrana auditus quasi ista offenditur, unde et contrahitur repente, ac cum ea simul et neruuli quidam usq; ad radices dentium, in quem locum subito incidens nouus aer horrorem quendam circa dentes facit. grauis quoq; plus æquo si sonus inferatur, plus aeris mouet q̄ sensorium ferat, tum et applicationē ualde amplam exponit. asper uero est, qui fertur per inæqualem superficiem. quare circulationes aeris confundit, et speciem quasi fractam ad sensum deferit, unde & sensatio simul uaria fit & confusa, ad quam nec applicatio conueniens adhibetur. Vniformis autem iccirco molestus redditur q̄ nihil addiscit anima, coacta nihilominus intentionem frustra adhibere. Cur autem ignoti & ualde insueti soni timorem incutiant, mox dicemus, quum



de timore agemus. quæ uero de causa fiat, ut qui immusici sunt, molesti audiuntur, musici uero & certis constantes numeris, suas ues gratiæ recipiantur, difficultatem non paruam habet. quando nec numeri, nec in unum sum quantitas ulla perse potest esse principium ullius actionis. per accidens autem & ut modi eius quod perse est, quomodo concurrant numeri, non satis patet. Vtrum igitur ut quidam dicunt, quod anima maxime musica ipsa sit (ut Timæus tradit) musici etiam sonis gaudeat, an rhetoricum magis est hoc. & Timæi generatio animæ poeticum quiddam est, nihil aliud significare uolens, quàm q. anima ex maximis rerum perfectionibus constet. ad numeros autem qui in sonis sunt equidem non uideo quam cognationem habeat. Fortasse igitur dicendum est sicut in numeris quidam integri sunt, quidam fracti, ita et in sonis quidam integri, quidam fracti dicuntur. Integri sunt omnes perse soni, qui uocem unam faciunt, una autem uox quæ tota simul mouet, fracti uero qui uel unam uocem non simul totam reddunt, sed per partes, uel uocem unam & insuper partem eius includant. Si igitur integer sonus ad aurem ueniat, siue unus fuerit, siue plures, collati inuicem suauiores accedunt, quam si fracti ueniant. unus quidem, quia si uocem non unam facit, sed per partes ad unam ascendit uocem, asper quodammodo est, & inæqualis atque indistinctus; si uero uocem unam totam reddat, et ut dicitur rotundam, distinctus est atque iccirco gratus. Similiter & si plures sint, fracti autem, aut omnes aut aliqui molesti sunt, siue uoces non reddant unas, siue unam & insuper partem includant, in omnibus enim inæqualitas quædam est & indistinctio, at si uoces rotundæ omnes ueniant, tum et ordo quidam in illis est et distinctio, omne aut ordinatū et distinctum delectat, quod et Aristoteles significare uoluit circa problemata. Numeri igitur quatenus numeri nihil perse faciunt ad suauitatem, et molestiam in sonis, sed solum quatenus per ipsos modi sonorum notantur, qui aut distincti, aut confusi & asperi ad animam pertinent, quamquam de his plura fortasse oporteret dicere, nunc autem tantum dictum sit, quantum attinet ad propositum.

Eadem & circa uisum contingunt, & propter easdem causas. Lumen enim si ingens sit, ab anima ferri non potest, quoniam et ipsum uirtutem et applicationem dissipat, quod & colores quoque faciunt, qui nimium lucis habent, ut albi & rubri si & fulgidi sint, medij uero q. temperatiores sint grati omnes recipiuntur, & inter ipsos uiridis qui temperatissimus est, tum qui illi sunt proximi ut puniceus & flauus. niger uero quod priuatio quædam sit lucis, minus delectat, pariorum quoque conspectus ingratus

pariter est, q. applicatione multa indiget & indistinctus est. In saporibus quoq; qui ualde acuti sunt, ut Euphorbij Clematidis & similium molesti omnes sunt. fortasse autem & sensum tactus feriunt, quoniam calidissimi sunt. calidi quoq; sunt falsus amarus et dulcis, sed falsus acuitatem habet. haud ingratam, quoniam diluti subtilis nō nihil habet. propter quod asper nō est, sed equaliter sensum tangit. at amarus contra inaequaliter tangit, q. ex terreo adusto constat, et in crassa substantia sit. quare aspera est illius applicatio & confusa. dulcis uero suauissimus omnium recipitur, quoniam excessum in mistione nullius habet, sed omnium conuenientem miscellam ex aereo multo & aqueo, cum quibus quæ terrea & ignea sunt, minutissime sunt confracta & retunde commista. propter quod equalissime sensum attingit & ut unum, quam ob causam e rotundis constare Pythagorici aiebant. e frigidis autem ponticus acutis oppositus est. qui e multo terreo constat non plane digesto, hoc est non exacte commisto, sed in rudi & crassa substantia constituto, propter quod & ille asper est et inamabilis. si uero in eodem terreo plus aquei humidi adsit, acerbus fit sapor. quæ et ipse asper est & ingratus, minus tamen q. ponticus propter dilutionem. q. si minus adhuc terræ plus autē subtilis aquei bene commisti affuerit, acidus uocatur sapor, minus adhuc ingratus. si uero terreum subadustum fuerit, subtilis autem, multo autem aqueo bene commistum, acetosus fit sapor. in uniuersum autem terra ingratus uidetur saporem facere, q. inequalis sit ac sicca & frigida, humiditas uero gratior uidetur, quoniam equalis est et leuis. q. si cum caliditate coniuncta sit, omnium suauissima habetur. quoniam & calor gratissimus est animæ, propter quod aer maxime ad suauitatem saporum facit, aqua uero propter frigiditatem minus. Ignis porrō & ipse, nisi acrimonia officiat, propter caliditatem ad suauitatem conducit. multum praterea refert utrum mistio ex minutissimis conflata sit, & ijs quæ unum facere apta sunt, an aliter. quas ob causas diuerse saporum mistiones fiunt. quarum aliæ grate, aliæ ingratae animæ sunt. ingratisissima omnium illa est, quæ non aliam habet appellationem, nisi q. abominabilis dicitur, ut luti stercoreum & quorundam medicamentorum. horum autem digestio nulla est, nec mistio quæ ad unum sit, sed plurium confusio, quorum alia amara sunt, alia acria, alia insipida, alia aliter se habentia, ad quæ nec applicatio conueniens esse potest, nec distinctio, nec ordo, nec denum familiaritas ulla cum animâ. proportionaliter autem se habent, & odores quorum ingratisissimus est, qui foetidus appellatur, quiq; abominabili in saporibus correspondet, nam & hic ex ijs pariter resultat, quæ

nullam

nullam habent digestionem nec rationem mitionis, sed confusionem e multis ac diuersis, qualia fere sunt putrescentia. In quibus dissoluta mitione euaporatio diuersorum contingit. Oportet præterea & illud non ignorare quod contrariarum mitionum contrariæ quæque formæ sunt, & contrariarum formarum contrariæ quoque sunt spirituales species in representando, propter quod in saporibus & odoribus illud præcipue accidit, ut quorum contrariæ sunt mitiones, illorum quoque & sapores et odores contrarij sint. quare nec qui uni animali est gratus sapor aut odor, etiam alteri est gratus. Sicuti nec eisdem omnia nutriuntur, quod diuersæ sint diuersorum mitiones & diuersis gaudentes, quod & inter homines quoque est uidere: quorum alij uinum, alij acetum, alij carnes, alij alia fastidiunt, uel natura uel morbo. Porro & circa tactum eadem quoque spectantur. suauissimus & maxime conueniens est illi calor si temperatus sit, tum & humiditas, quoniam lenis est & equalem tactum facit non asperum. mition quoque illa uoluptuosissima est, quæ dulci saporum proportionem respondet, in qua decoctio est optima, et miscella rotunde confecta, temperata autem qualitatibus, quale est semen. propter quod suauissima omnium est uoluptas, quæ in feminis emissionem sentitur in ea parte, quæ pariter omnium titillantisima est. Ingrata uero tactui perse est frigiditas, maxime quæ cum sicco coniuncta est, propter quod terra, & ea in quibus dominatur, ingratisima sunt. Figura porro & partium situs, quæ tangunt, non parum faciunt ad uoluptatem & molestiam illius sensus. unde quæ aspera sunt & quasi hamatæ superficiei ingrata anime sunt. Ingratus præterea, & dolorosus est et sensus ille, qui fit separata partis a parte, nullus enim conuenientiôr est situs partium membri, quæ continuatio illarum, qua re separata parte quicquid aliud subingreditur et tangit, inimicissimam aduenit: sub ingreditur autem ut plurimum aer. sunt tamen qui dicant separationem ipsam sentiri, unde & dolor insurgat, quod uiolentissima res sit separatio. quod certe dici non potest, si quis bene aduertat quid sit ipse separatio, non enim aliud est quam localis motus, aut partes illæ duæ separatæ. motus autem perse non sentitur, nec numerus ille, nisi quid aliud subsit, quod ipse sensum moueat.

De primis effectibus qui sunt ex consensu et dissensu sensuum. Cap. 15

**S**entiunt autem partes & membra animalis quandoque quidem perse sola, animali ipso non sentiente nec iudicante se sentire. Interdum a animali simul sentiente partis sensationem & iudicante. nam motus

Fract.

E

quidem quo intestina & uenæ succum trahunt & deponunt, & torquentur ad emitenda excrementa, tum uenarum & cordis dilatio & constrictione & id genus per se quidem a membris fiunt, animali ipso nihil sentiente. urinae autem emissio & secum, & tussis, et sternutatio & ira, et timor & progressio non sine phantasia fiunt, & iudicio animalis. quaedam etiam impetrante uoluntate proueniunt. Simpliciores autem et natura priores uidentur motus, qui sine phantasia fiunt. Fieri autem illos per sensum quendam membrorum credendum est, constrictiones enim & dilatationes non nisi per boni & mali receptionem quandam fieri possunt, ut dictum est. propter quod natura quae ab imperfectissimis per gradus ad perfectissima progreditur, animalia quaedam fecit, quae uegetant solum et sentiunt, sine totius phantasia, sed membrorum solum tactum bonum et malum comprobantibus, quales spongiae sunt. quapropter de membrorum motibus, qui sine phantasia sunt primo breuiter agamus, mox & de phantasiae sympathijs agemus.

Reassumamus igitur quae supra uniuersaliter dicta sunt, speciem omnem quae ab anima recipitur, recipi quidem uel uti bonam et conuenientem, uel uti malam & dissidentem. ad haec autem primos & simplicissimos animae motus esse constrictionem et dilatationem, hanc quidem recepta boni speciem, illam, mali. ab his ergo & alij deinceps fiunt & quidem admirandi interdum in eodem membro, interdum & in annexis. quippe recepta nocentis speciem et facta constrictione, sepe paulo post et dilatio fit, quod alioqui mirum uidetur. fit autem sepe tam uehemens & subita dilatio illa ut excutitur nocens. uerum motus illi non secundum idem & secundum eandem rationem fiunt. Siquidem constrictione fit, ut tangatur nocens secundum minimum quo potest. dilatio uero mox fit, quoniam minimum illud quod tangit, diu ferre non potest illum contactum, tum quia ut mixtum uim patitur nimis restrictum, tum quia ut sentiens, eo in situ persistere non potest, quibus de causis repentina laxatio fit, et sepe tanta ut excutatur nocens. quod si excuti non detur sed necessario insitet et insistat, tunc alternatim fit nunc constrictione nunc dilatio, sic. n. membrum quietem quandam & pausam doloris inuenit, ut accedit in ijs quos phalangia pupugere. Interdum fit et motus tremulus, qui & ipse compositus est e dilatatione et constrictione. uerum differt a priori: in illo enim utrumque motum faciebat anima, in hoc laxatio fit a pondere membri propter debilitatem, constrictione uero a uirtute & ab anima, quae ubi paulisper cessit ponderi, quasi reassumptis uiribus constringit membrum ac sustinet. quem motum alternatim facit, quoniam sustinere semper si uellet anima, de sicceret, quare melius quod potest, facit. Inter-

dum recepta specie mali non constringitur membrum, sed dilaturatur, quod maxime fit quum intrinsecum est nocens: constrictio enim ipsum auget, dilatatio minuit, quoniam sic refugit anima. quo pacto cor fortasse & uena dilatationes suas facilius introrsum enim quum caliditas magna sit, si in flammari ipsum accidat, tum sese laxat ac dilatat, sic enim minus tangit. porro facta dilatatione rursus constrictio fit, qui motus est naturalis, membro redeunte ad situm proprium. utriusque autem motus sua consequuntur beneficia, naturæ cognita, nam ad priorem dilatationem sequitur attractio noui aeris, a quo refrigeratur cor, ad constrictionem uero sequitur expulsio eiusdem aeris calefacti, et simul fuliginum multarum circa existentium, quæ quidem beneficia cognita Deo et naturæ sunt, non autem ipsi cordi, quare quodammodo perse fiunt a corde, quodammodo per accidens, perse quidem si consideretur cor ut pars totius naturæ, quæ res ordinat et fines nescit. per accidens autem quatenus cor est natura quædam una perse, quæ quidem non aliud agit nisi quod perse & per naturam potest, ad quod si & finis sequatur a natura totali intentus, per accidens fit quantum ex se est, non enim sese dilatat cor primo et perse ut aerem nouum trahat a quo refrigeretur, sed ut minus tangat internum nocens, nec constringitur ut expellat fuligines, sed ut redeat ad situm proprium, quia tunc uicissitudine temperiem acquirit, sine qua uiuere non posset. Sæpe et quiddam aliud maius molitur membrum recepta nocentis specie, nam constringendo sese in una parte, deponit nocens in aliam partem, quæ rursus constricta, deponitur idem nocens in aliam, & ex hac rursus in aliam, quo pacto tandem in totum ledens abiicitur, sic intestina feces & excrementa, uesica urinam deponunt. res quidem miræ, quod unum membrum nunc has nunc illas partes contrahat, et modo hos uillos, modo illos, quasi ratione quadam utatur, non est autem ratio alia, nisi partium motus in toto, in quo quælibet ita locatur ut melius expedit, tantus est consensus earum inter se & in toto. propter quod sæpe non uno modo mouentur omnes, & uilli omnes, sed modo hi, modo illi reliquis quiescentibus, & ita cunctis ac toto melius se habentibus quo possibile sit. Sicut autem in receptione mali diuersi contingunt motus, ita & in boni receptione uarij effectus fiunt. si enim per totum membrum receptum fuerit bonum, tum dilatatio & laxatio totius fit, quo partes omnes profunde bono simul frui possint (ut dictum est). Si uero non secundum totum receptum sit bonum sed in parte solum. tunc non dilatatio totius fit, sed aut constrictio magis totius, aut partis saltem, quæ bono caret ad eam partem quæ habet, non sunt autem consensus isti, & dissensus tantum



in simplicibus membris et eorum partibus, sed et inter compositis uisuntur, et ea quae non continua sunt, sed contigua, altero alteri famulante et consentiente. uno enim affecto et alia consimiliter afficiuntur. propter quod diuinum dicebat Hippocrates esse consensum inter membra. Laborante matrice, et aut sursum, aut in latus retracts, ita et reliqua coafficiuntur membra unum post aliud, ut eorum nullum audeat motum conari, omnia quietem agunt, palpebrae clauduntur, respiratio uix fit, et cuncta demum, ita immota manent, ut ne pes quidem aut digitus dimoueri queat sine molestia. Causam Galenus putat quod a matrice frigiditas quaedam stupor factiua non aliter eleuetur ad membra reliqua, ac in Torpedine pisce effundi accidit. quod quidem ut admittatur, potest nihilominus sine eo stupore ad simplicem membrorum consensum referri (ut mihi uidetur). praesertim quod stupor factum nullum apparet membrum. sed et audit mulier et calet ac rubet. non mouetur autem ullum membrorum ut consentiant primo affecto, quem consensum in multis alijs est uidere. dolente ore uentriculi incuruatur corpus totum, in calculo situs quosdam natura docet, sub quibus melius nos habemus, quam omni alio modo. et in dolore capitis saepe oculos ita claudii accidit, ut si aperiri cogas molestissime facias, et dolorem augeas, ita ergo et affecta matrice nerui et ligamenta quae ad illam pertinent, contrahuntur, aut simul tenti tenentur, mox successiue et crurum nerui et dorso, et diaphragmatis, et pectoris, et aliorum idem faciunt. ac demum totum immotum persistat. qui situs et status uti magis conueniens a natura eligitur, nec partes melius in toto locari et consistere possunt, ita affecto primo membro. cuius signum est quod si dimoueat membrum aliquod, mulier torquetur, et molestiam pati indicat. tantus est consensus inter membra, quae quamquam diuersa sint qualitatibus et natura, animam tamen unam sortita sunt. querautem fortasse aliquis utrum affecta una prima parte species eius affectus una ad alia membra mittatur, an plures sint species, quot et membra et affectus. nihil autem prohibet nec plures esse species, nec primam mitti ad alia membra. sed satis est aliquod primum esse affectum per quod anima quae una in omnibus est, potest partes omnes in toto mouere ut melius est, et locare. sicut. n. in uno membro simplici recepta boni uel mali specie non secundum totum sed in parte solius, totum tamen spiritum quaerit quo potest meliorem, ita et in toto animali quod non utique sit species boni et mali, sed in aliqua parte tantum, potest tamen totum ipsum et partes in eo meliori modo locari, quo possibile sit. de quo et nonnulla mox dicemus. ac de sympathijs et antipathijs sensum et simplicium membrorum per transcursum dictum sit.



**M**Aiores multo & magis admirandi sunt consensus illi & dissensus, qui sunt specie boni & mali ad phantasiam delata, per quam non iam sensus aliquis iudicat, sed animal ipsum. uidetur enim ea facultas quasi toti deputata, uti miuistra et cognitrix eorum, quæ ad totum pertinent. Habet autem phantasia consensus quidem cum toto, sed cum corde maximum ac precipuum, statim enim & cor eisdem speciebus afficitur, quibus & phantasia, siue boni fuerint species, siue mali, porro & cor cum uocatis spiritibus supra quæ credi possit, consentit, atque ipsi utitur uti famulantibus, quam ob rem de utroque non parua dubitatio est, ac primum de corde quomodo afficiatur a phantasia speciebus, si enim non cognoscit per illas, quomodo moueri potest, & constringi & dilatari, diximus enim fieri hæc ab anima quatenus cognoscit inna est, si uero cognoscit per illas, utrum ne sensu aliquo cognoscit solum, an & ipsum habet quandam aliam cognitionem maiorem quam sensus. Si quidem per sensum cognoscit tantum, quomodo igitur afficitur & mouetur a speciebus omnium sensuum? oportebat enim solum ab uno moueri obiecto. at si maiorem habet cognitionem quam sensus, habet ne & ipsum phantasiam aut consimilem aliam uim, quod certe non satis uidetur. porro de spiritibus uocatis difficultas quoque uel maxima est, quando constat moueri eos ad omnem partem & sursum & deorsum, & in latus, unum autem tantum unum posse uidetur facere, ipsi autem unum quid sunt, ac seperati et perse existentes in animali, quin imo ne etiam cognitionis participes. Ad priorem autem difficultatem possumus cum antiquioribus dicere cognitionem inesse cordi non solum sensui maiorem, sed et phantasie, tum quæ non modo ea dignoscit quæ & phantasia, sed etiam & motum sensationemque ipsius phantasie, tum quæ et intellectus quoque actionem ad cor pertingere manifestum est, atque eadem cor iudicare bona & mala, quæ & intellectus cognouit, ut pote princeps membrum: cui, sicuti sensus & phantasia intellectus seruiunt & ministrant, ita & intellectus & aliæ facultates in cor ueluti regem ei ultimum ordinate sunt. Signum cuius est eisdem affici atque ultimo affici, ut pote finem, quod antiqui omnes opinati sunt. Verum tamen si cui uideatur non habere aliam cognitionem cor quam quæ tactu fit, facta tamen phantasia quorundam nihil prohibet si dixerimus cor non eisdem speciebus cognoscere, posse tamen & constringi, & dilatari, & signa terroris, & iræ & gaudij præferre, quoniam anima (ut dictum est)

una est in toto animali. ad motum autem partium alicuius totius animati non est necessarium partes omnes, quæ mouentur perse cognoscere bonum & malum, sed sufficit esse aliquod primum cognoscens, per cuius cognitionem totum ipsum mouetur in suis partibus, ut bene est, modo omnibus, modo quibusdam. Igitur recepta boni & mali specie in phantasia, totum animal mouetur in suis partibus, modo una modo alia, ut magis expedit mouetur autem principaliter cor, quoniam inde origo est uirtutum omnium, & de ipso totum maxime sollicitum est. De spiritibus autem recte illud dici uideatur, quod et ad partes omnes mouetur sursum deorsum, et in latus, et separati etiam sunt a membris alijs. si enim continui forent cum illis, impelli quidem non possent huc & illuc sine membrorum offensa & distractione. quæ de causa separatos illos natura fecit, uerum non ita, ut quasi athomi quædam, perse consistant, hic & illic distincti, sed magis continuos inter se esse ceu nubem quandam putandum est. Vtrum autem animati sint, dubitatio apud omnes non parua est, nam animatos non esse indicium est, quod et in sanguine sunt & in semine, hæc autem nec sentiunt, nec nutriuntur, quoniam organici carent, anima autem sine organo esse non potest, at uero si animati non sunt, quomodo ad partes omnes moueri possunt. Dicendum fortasse animatos esse spiritus eos saltem, qui partes membrorum sunt. animatos autem esse non tanquam membra perse, sed tanquam partes membri, sunt autem partium alia quæ primæ dicuntur, ut elementa, quæ sicuti in misto sunt, ita sunt animata. quare quum potentia quodammodo sint in misto, ita et potentia sunt animata. alia autem sunt partes, quæ secundæ dicuntur, quæ quodammodo actus sunt, quodammodo potentia ut partes organici membri, actus enim sunt, quoniam esse suum habent et signari possunt, potentia uero, quoniam ex omnibus tertium quoddam fit, quod perse tale est. atque hoc modo et spiritus partes sunt carnis, nerui, & ossis, & aliorum. ex actione enim spirituum & temperie ab ijs data cum alijs ex quibus componitur caro et neruus, fit tertium illud quod caro appellatur & neruus & os. quorum præcipua pars sunt spiritus. igitur quod perse animatum est, caro est, & neruus, spiritus autem perse animati non sunt, sed solum ut partes. atque ita si sint, facile erit ostendere quomodo moueri ad omnes partes possint, nam & ipsi mouentur sicuti partes in toto ut bene est. cognoscente igitur phantasia quod mali & boni est, in hac uel illa parte unquam bene se habet totum, nisi partes eum situm querant, quo totum bene habet. quare laborante corde ad ipsum mouentur spiritus, quasi opem laturi. qui finis in natura quidem animalis est & Deo cognitus & communi naturæ, non autem ipsi spiritibus. qui

tamen moti uti partes in toto finem præstant nature notum. nihil autem inconuenit partes in toto motus & sursum & deorsum, & in latus ferri (ut supra dictum est). inconueniens autem esset, si spiritus tanquam unum quid ipse existens in diuersa agerentur. quo autem modo & illi moueantur, qui in sanguine sunt, si quis querat, dicendum fortasse moueri ipsos alio modo uel attractis ab ijs, qui primo ut partes animati mouentur, uel consequentes propter continuitatem quam cum ijs habent. e tanto igitur consensu quem phantasia cum corde habet et spiritibus, illi primo fiunt qui affectus animi dicuntur, gaudium amor spes risus admiratio ecstasis tristitia timor ira ue recundia commiseratio et si qui alij sunt. de quibus bene erit, si non omnia que ad ipsos attinent, at quedam tamen obiter & per transcursum dici.

## De Gaudio &amp; appetitu.

## Cap. 17.

**Q**UOD igitur recepta boni specie gaudium fiat, nemini dubium est. uerum non proprie gaudium dici uidetur, quum sine phantasia simpliciter membrum aliquod per se bonum recipit. sed tum magis quum animal ipsum iudicat, quod per phantasiam fit, ut dictum est. uidetur enim gaudium totius animalis affectus quidem ob bonum apprehensum. apprehenditur autem bonum, et ab intellectu, uerum quia hoc commune non est animalibus omnibus, uidentur autem gaudere omnia, propter hoc, gaudium phantasie attribuitur magis, quæ omnibus animalibus est communis aut perfectioribus. Si igitur præsens sit bonum & habeatur, tum simple x fit gaudium & fruitio boni. si uero apprehendatur quidem per phantasiam, præsens autem non sit & non habeatur aut non bene habeatur, tunc appetitus uocatus fit, hoc est motus animæ ad prosequendum bonum non habitum, aut non bene habitum. nihil enim est aliud appetitus (ut et nomen sonat) quam motus animæ ad prosequendum bonum oblatum, non autem habitum, propter quod appetitus ex gaudio & tristitia quadam compositus est. quatenus enim bonum percipitur, eatenus gaudium fit, tristitia uero quatenus non habetur, aut non commode habetur, quia propter mouetur anima ad consequendum. fit enim motus omnis ad id quod non habetur. primus autem et simplicissimus appetitus fit, quum bonum quidem recipit anima, nondum autem profunde & penitissime habet. quare dilatio fit cordis, quo secundum partes omnes fruatur bono, interdum anima secundum unam partem habet, secundum aliam non, unde & alius appetitus innascitur, ut secundum omnes partes fruatur, quare aut partem

quæ caret bono ad aliam mouet, aut utranque inuicem astringit, aut bonum illud successiue de una parte in aliam deponit. quo pacto ab infantibus admoto ad mammillam ore, primum astrictio oris fit undequaque circa mammillam et succio lactis, deinde, ut et aliæ quoque partes fruantur, attractio fit lactis de parte in partem usque ad uentriculum. quæ quidem attractio non solum simplex est a specie facta, sed & organica, hoc est per constrictionem & dilatationem uillorum factam per modum dictum quo partes in toto mouentur, prout expedit speciei boni percepta per phantasiam. non sunt autem hi motus & ordo inter membra absque sine naturæ cognito, quamquam particularia membra simpliciter agant. Interdum oblatum bonum nullo modo habetur, sed separatum est, appetitus nihilominus fit ad prosequendum, unde animal ipsum sese aut totum mouet ad bonum, aut partem aliquam ut manum, quo magis potiri potest. uerum actio hæc non statim fit nato animali, sed in quibusdam longe post, & non nisi iam phantasia habente experientiam multorum motuum ut lacertorum et aliorum ijs seruientium, quo pacto tandem progressio fit. quippe e paruis principijs & motibus ad maiores & demum ad maximos peruenitur. tantus est consensus partium & inter se & in toto. Porro specierum quæ ut bonæ recipiuntur, aliæ fiunt cum abiectione contrarij, quod per successionem quandam fit, & in tempore ut sedatio stis, & uniuersaliter primarum qualitatuum receptio, aliæ momento, & sine motu perficiunt ut uisio, quæ igitur cum motu accidunt & in tempore fiunt, delectare magis uidentur, quia longior est uoluptas, & diutius producit. quæ uero momento perficiunt, quasi simul fiant & factæ sint, delectant minus. atque hoc modo se habent quæ gaudium faciunt. quoniam autem & per phantasiam & per intellectum homo apprehendere & appetere bonum potest, reliqua uero animalia per phantasiam solum, appetitus quidem in homine, qui per intellectum fit uoluntas dicitur. qui uero tam in homine quam in alijs animalibus per phantasiam fit, appetitus simplex dicitur. est autem & uoluntas motus animæ ad consequendum bonum per intellectum oblatum non autem habitum. consultat quidem intellectus & ratiocinatur, & bonum ostendit & eligendum, quo oblato si non habetur, motus fit animæ ad consequendum, quæ uoluntas dicitur. Affectus porro alius, qui ex gaudio proficiscitur est amor uocatus. duo enim quæ ad gaudium concurrant, receptio, scilicet boni, & causa siue res, quæ bonum illud producit, si quidem consideretur anima quatenus bonum recipit et apprehendit sic quidem simpliciter gaudet. si uero consideretur ut & causam respicit quæ gaudium

dium illud facit in ipsam, sic quidem amor fit, hoc est desiderium quoddam quo & illi rei bene esse optatur, qui amor uocatur. q̄ enim amor eiusmodi sit, illud monstrat. q̄ res illæ si bene habent, letamur, si male, tristamur, quæ propter amor perse causam respicit secundum se, quæ gaudium facit, quem affectum magis exprimit nomen benevolentie. & simpliciter quidē non aliud est amor q̄ benevolentia rei qua gaudemus: q̄ si rem illam in uoluptatem nostram uertamus, non amor est, sed libido: amor enim perse omnis purus est, & nihil aliud uult, nisi ut bene sit illi rei, quem amorem non solus homo sed & alia animalia habent, quibus phantasia & memoria inest, nam & filios ea tueri uidemus, & ijs escas parare. propter quod & diuinares est amor, & a natura propter finem diuinum datus.

## De tristitia &amp; odio.

## Cap. 18.

**S**icut igitur recepta boni & conuenientis specie leticia fit, ita recepta specie mali & discentientis, tristitia innascitur. quæ propria tristitia dicitur quum animal ipsum iudicat per phantasiam, quamquam etiam tristitia dicatur, & quum membrum aliquod perse mali speciem recipit. est autem & in tristitia appetitus suus, hoc est motus animæ, sed hic est ad euitandum malum, qui est primus & simplicissimus appetitus, qui in tristitia fit. Sunt autem plures modi quibus anima malum euitat, primus est refugere qua potest, propter quod constringitur membrum. sic enim secundum partes multas refugit, nisi intrinsecum sit malum. tunc enim dilatatur, ut dictum est. quum uero constringitur si diu ferre eum situm non potest, tum aut motum facit compositum modo dilatando se, modo constringendo, aut motu tremulo agitur, aut excussionem nocentis tentat, membro sese repente, & impetu quodam laxante. quod quidem in simplicibus membris sine phantasia motis naturaliter fit, eo modo quo dictum est. in animali autem iudicante per phantasiam maiori quadam eruditione fit, edocta iam phantasia plurium motuum. quis monstrauit A selo rudissimo animali quum pungitur pellem primo constringere, mox repente quodam ac grandi conatu facto eandem laxare & distendere, ac per eum motum ledens excutere. nempe prius natura docuit constrictio- nem facere recepto nocente, mox & eadem dilatationem docuit. partibus quæ prius constrictæ fuerant, non potentibus diu eo sub situ stare, quorum motuum ubi semel edocta fuit phantasia, tum quasi facta arte quadam & memoria promptissime eum excussionis motum operatur. operatur autem

Fract.

F

ea quæ ordinario, & ut plurimum fieri natura solet, ita & inter animalium species, & inter homines ipsos censendum est, in quibusdam alienissimam ab eo quod ut plurimum est, Constitui ionem esse humorum & complexionis, per quas reliquos odio habent, aliæ his opiniones sunt, alij mores, alius color, alius aspectus, sanguis eorum canosus turbidus, et quædam sordida melancolia reddens, quibusdam quidem frigans, quibusdam exustus. qui & insolentes sunt, & superbi, reliquos despectui habentes, ad se ipsos omnia trahentes, inuidi præcipue ut pote maleuoli, atque ita se habent tristitia & gaudium.

## De timore.

## Cap. 19.

**Q**UOD autem & timor tristitia quædam sit, manifestum est, omnes enim ex malo aliquo timemus. si igitur malum præsens iam sit, & le dat iam, tristitia simplex fit. Si uero præsens non sit, sed immineat ut affuturum, tum timor uocatus & pavor fit. nihil enim aliud est timor, quam tristitia ex imminente malo. primum autem quod in timore sit, est fuga caloris introrsum: eius quidem qui extra cor est, uersus cor, eius autem qui in corde in penitissima cordis. propter quod timentes & pallent, & tremunt calore deferente membra. fit autem in timore maxime concursus calor ad cor & fuga, quoniam & laborat maxime cor. In simplici namque tristitia præsentem malo in aliquo membro phantasia quidem sit euitandi malum in ea parte, aut per constrictionem, aut per motum tremulum, aut per excussionem, aut aliter. ipsum autem cor perse non laborat. at ubi species mali imminens ad phantasia, & ad cor fertur, ipsum quidem perse laborat. quare maxime ad ipsum fit calor concursus. fit quidem interdum, ut & in simplici tristitia laboret cor, ut in nuntio cæsi filij in prælio, aut fugati exercitus & eiusmodi. uerum differt & hoc a timore, quod in timore simul cum tristitia semper anima uidetur satagere & consilium querere, unde confunditur & tremat. in nuntio autem fugati exercitus sola tristitia fit. cuius signum est, quod si nuntietur fugatum esse exercitum, adhuc tamen incertum sit, tremor simul & timor cum tristitia illa iungitur, eo quod anima satagit & consilij confusa est, & nescit quid faciat. propter quod minus timent, qui consilium capiunt aduersus imminens malum, unde & quum de improviso imminet malum, timemus magis.



Eorum autem quæ timorem incutere solent, multiplex est natura, uniuersaliter autem quorum mixtiones & naturæ contrariæ sunt, & multum dissimiles, sicuti per inimiciam quandam & disconuenientiam recipiuntur ab auimâ, ita et si sub modo aliquo quo nocere possint recipiantur, timorem inferunt. miluo quidem & pullo gallinaceo inimica natura est: non timet autem miluus uiso pullo, quod nihil ab ipso ledi potest, pullus autem contra uiso miluo expauescit, quod naturam eius uti inimicam & nocere potentem recipit. elephantis autem & equi natura cum pullo non est contraria, uidetur autem natura non frustra hunc timorem insinuassee animalibus quo possent, & fugere, & se tueri. quin imo, & propter hanc causam non solum uoluit formæ contrarias formidabiles esse, sed et certis figuras et motus: sub quibus delata species timorem apportet, propter quod non solum uerus miluus, sed & fictus similitudinem habens gallinaceo pullo pauorem infert.

Est autem animalium inimicia interdum cum tota specie, interdum non cum tota specie propter certa quædam, quæ de causa cum Psillis & Maris non ea serpentum inimicia est, quæ cum reliquo genere, siue sit mixtio ipsius non omnino contraria, siue odor, siue aliud, per quod species minus ingrata accidat. quæ amicitia & inimicia natura inter homines quoque uersatur. propter quod alios sine causa odimus, alios amamus, propter modos cum quibus species rerum ad animam ueniunt, qui sunt conuenientia & disconuenientia. Formidolosa quoque ea sunt, quæ uti prorsus ignota pertingunt ad phantasiam, dico autem ignota non quantum ad uniuersale illud, quod cognitionem facit, ut color sonus & id genus: sed quantum ad coniuncta, quæ sub ipso uniuersali latent. quum enim nescimus quæ sint, & an bona, an mala, tum ignotum illud pertimescit anima, quod phantasia fiat de sub latente, atque imminente malo. propter quod & noctis, & solitudinis, & maris, et præcipitiorum imago et belli formidabilis est. omnium enim horum phantasia fit, coniuncti cuiuspiam quod nocere possit, cuius signum est, quod assuefacti nihil præterea timemus, quasi securi. hæc de causa sæpe expauescimus ex paruo lapilli casu si impræuise accidat, & superueniente uobis aliquo, uel etiam amico si de improviso superueniat, timor fit, quod nouum parata anima sit & non cognoscat, re autem cognita statim cessat timor. eadem de causa in Ephialte quem alij incubum uocant, formido fit. quoniam per somnum obstructis neruis illis, qui ad pedes eleuantur ueniunt, et prohibita dilatatione illius, memoria subit eorum quæ solent eam dilatationem prohibere, inter quæ occurrit pondus aliquod

aliquid nos opprimens: quare phantasia sit ponderis nos opprimentis. hoc autem quum uti ignotum offeratur timor sit, factio autem timore rursus memoria sit terrefacientium, inter quæ nobis occurrit aut Dæmon, aut quid simile, antiquis autem Epibialtes gigas. semper enim in semino ea primo occurrunt, quæ maxima sunt in uno quoque genere. quare tandem phantasia sit demonis alicuius, aut alterius similis nos opprimentis, unde excutimur præ timore. Sunt porro magis et minus timorosa ea ad quæ magis et minus sumus potentes, alij scalas timent ascendere quod minus agiles sunt, alij nihil timent, quod agiles sunt, et alij ponti angusto committi expauescunt, alij non. Timidi uero natura sunt, qui frigidi magis sunt, quales mulieres eunuchisenes et melancolicorum genus, contra uero audaces magis, qui natura sunt calidi et multum sanguinis et spirituum. ea enim est optima animæ dispositio per quam ipsa maxime potest, et operatur et resistit. operatur autem et potest per calorem. quare quibus is est plurimus, et minus confundantur in periculis, et semper consilium capiunt, et si pars sanguinis et spirituum introrsum fugit, pars tamen multa relinquitur, quare nec tremunt, nec pallent sicuti alij, et se tuentur. timidiore quoque sunt ceteris paribus, qui paucorum habent experientiam, multa enim ijs uti ignota offeruntur. propter quod pueris maxime inferatur timor, experti uero et securi et potentes distinguere coniuncta cum rebus, pauciora expauescunt. Sunt tamen nonnulli qui et experti non sunt, quæ subsunt rebus, multa non timent, nondum enim nouere pericula quæ coniungi consueuerunt. propter quod et qui plura considerant, et plura experti sunt, interdum magis timent, quam qui ad pauca aduertunt, ut ebrii et qui natura similes ebrii sunt.

De admiratione, et Estasi, et risu.

Cap. 20.

**S**I uero nouum aliquid uti ignotum offeratur, non tamen phantasia faciens imminentis mali, tunc non timor sit, sed admiratio sola. nihil enim aliud est admiratio, quam suspensio anime seu fixio et apostasie intentio. nam et tenduntur nerui et calor ac utriusque animæ ad id affigitur, unde et intentio uocatur. si igitur ignotum illud ut simpliciter ignotum offeratur, tunc inquisitio sola fit, id est applicatio anime ad eam rem, et ad coniuncta cum illa, ad quæ mouetur de uno in aliud. quod quomodo fiat difficultatē non parua habet. diximus autem de eo in ijs quæ a nobis de intellectu aliam scripta sunt. Si uero quod offeratur uti ignotum

di sunt omnia subitam & repentinam admirationem ac repentinam etiam delectationem faciunt, admirationem quidem quia ut noua offeruntur, repentinam uero quia subito oblata, delectationem uero tum quia cognoscuntur facillime. delectat enim omnis cognitio ut pote animæ finis et perfectio, tum quia appositam ad aliud concinnitatem habent, quæ de causa & translatio delectare solet. delectatio autem omnis ut pote res læta expansionem cordis facit, hæc autem motum oris, qui risus dicitur. quod autem appositam quandam concinnitatem habeant, quæ risum mouent, mostrant & facetiæ, & mimi, & personati. facetiæ enim omnis arguta est, unde & sales dicti sunt, mimi uero propter aptam imitationem maxime delectant. personati uero & ipsi imitantur. non omnes autem risum mouent, sed qui per noua quædam & extraneæ, quæ quatenus talia, admirationem primo subitam faciunt, mox delectant, si apta sit nouitas. est autem et in eo qui cadit et inopinate labitur sua concinnitas, quæ delectat, aptissime enim uidetur fieri, ut qui intente in rem suam pergit, repente labatur, nullus. n. (ut dici solet) poterat illi accidere pulchrior casus, quis non rideat, qui uideat duos monacos super equo aliquo qui calcitret, & deicere illos patres uelit, nimisrum appositissima res est, & facetis similis casus. quod si periculum aliquod graue ijs imminet, iam non risus fiet, sed timor & pietas, quoniam res seria fit, non amplius iocosa & ludicra.

Est autem risus, compositus ex admiratione & letitia motus, propter quod et quædam contranitentia in risu est, admiratio. n. suspensionem quandam in anima facit, letitia uero expansionem, quæ e re fit ut quum produci tur risus, non sine molestia fiat. quæ et alia quoque causa coniungatur, quæ non debite perlatur cor in illa quasi continua expansione existens. Assimilatur autem risui et is qui ex titillatione contingit, compressis capitibus lacertoris quorundam & neruorum, ut coxarum et plantæ pedis, et subalarum. non est autem proprie risus, sed assimilatur. quoniam & ille mixtus est motus ex suspensione et dilatatione cordis repente factis, quod accidit non quomodo docung; compressis, et tactis lacertis, et neruis illis, sed leuiter tamen & psumma, ac subito pressis et subito etiã dimissis, atque ita alternatim dimotis. ex primo enim contactu & leui pressione quidam delecti horror repentinus accidit, qui ad diaphragma et cor pertingens, repentinam contractionem et suspensionem animæ facit. mox subito etiã dimissis neruis illis, subito etiã cessat horripilatio, & cor ad propriam naturam redit. quod cum delectatione & gaudio fit & dilatatione. est autem tam subitus uterque motus ut simul pene sint suspensio animæ et dilatatio, quod et in risu quoque contingit.

propter quod & hic quoque proportionale quiddam risui contingit non sine molestia quadam. nemo autem sese ipsum titillat. quoniam subita quaedam horripilatio est, quod titillare dicimus. Subita autem fit titillatio & repentina quum anima imparata, & non aduertente contactus sit. at sese tangente aliquo semper parata & aduertens anima est, alio uero tangente etiam si aduertere uelimus, horror nihilominus fit, quia tam continua non est animaduersione illa, ut tamen non tangatur tanquam de improviso. cuius signum est, quod si intentissime, et obstinate aduertamus aut titillationem non sentimus, aut minorem. idem accidit et si quis capillum alteri uel licet non aduertenti, subito enim horrescit, quod nemo patitur sibi ipsi capillum uellicans. Sunt autem alij ad risum promptissimi, alij duriores. duo enim in risu sunt, admiratio subita rei nouae & ludicrae, & delectatio. qui igitur facillime admiranter, ij ex causa hac aptiores sunt ad ridendum. propter quod pueri maxime & mulierculae, & plebs facillime ridere solent. grauiiores autem & seueriores ut uiri, & ij quidem philosophi, minus in risum ducuntur. porro qui leti naturae sunt, aut ex accidenti aliquo facilius in risum mouentur, facillime enim letis afficiuntur propter dispositionem. quare per naturam iuuenes, & optime sani, & qui sanguinem plurimum habent, & eum dulcem non biliosum, non melancolicum maxime ridere solent. ex accidentibus uero dispositi quoque ad risum sunt, qui in letitia quasi sunt constituti, ut ebrij, & quibus multa adsunt eorum, quae leta dicuntur si noua sint. quare & qui in conuiujs sunt inter familiares & amicos, quam plurimum ridere consueuerunt, imo saepe adeo efuse ridet ut continere non possint risum & incontinentiae notentur. causa est (ut Aristoteles ait) quod ipsa letitia quasi risus quidam est, & ij quodammodo in motu sunt semper. res autem in motu posita adeo prompte impellitur ut contineri non possit. Contra autem qui aut natura, aut ex accidenti aliquo tristes sunt, ut melancolici, & quibus amarior est sanguis & egri & iracundi non facile ridere solent, quoniam delectari non possunt, unde & aliqui uisunt qui nunquam risere, ut de Philippi imperatoris filio legitur. qui ob id agelasti appellantur. nunc de ira dicamus.

De Ira.

Cap. 21.

Q

uod igitur quicumque irascitur, ex offensa aliqua irascatur, manifestum est. Cognoscitur autem offensa, & per intellectum, & per phantasiam. irasci autem commune est animalibus

animalibus omnibus, aut perfectioribus, quare & ijs per phantasiam accendit, quatenus commune est, irasci, non est autem ira quum non iudicante animali ipso, membrum aliquod recepto nocente, aut constringitur, aut etiam nocens expellit, Sed tum solum quum animal ipsum iudicat. porro nec si animal recepta mali specie phantasiam faciat, aut se contrahendi, aut aliter cauendi a nocente, aut etiam propulsandi, quatenus sese a malo defendat, irasci ipsum dicimus. neq; enim aut in tussi, aut sternutamentō ira moueri animal dicimus, nisi cōmuni quadam appellatione. quare tum solū iram uocamus, quum & odium fit in rem, quæ offendit. uec solum odium, sed & appetitus nocendi illi, & quodammodo ulciscendi iniuriam. quod quum per membra exteriora fiat, ut per manus aut pedes, aut cornua, aut dentes, et id genus alia, quibus natura animalia armauit, necessarium animæ est uires colligere, ac mox demandare ad ea membra, quæ agere debent. primum igitur quod fit in ira, appetitu nocendi oborto, est collectio caloris circa cor, ubi sedes animæ & uis est. propter quod recte aunt esse iram sanguinis ebullitionem. hoc enim primo fit, nisi quid impediat, transmissio etiam caloris collecti fit ad partes, quæ nocere paratæ sunt. prohibent autem quædam eam sæpe transiunctionem, ut aut timor maioris periculi, aut iudicium, quod frustra id fiat, aut ratio & eiusmodi alia. Sed hæc accidunt. quare ira per se est appetitus nocendi causæ nos offendenti, ex quo collectio caloris fit circa cor, & transmissio eiusdem per se ad partes, quæ nocere habent. nocent autē animalia nunc per has, nunc per illas partes, ut cuiq; promptius est. at homo quum non aliter nocere potest, lingua iram conceptam monstrat, aut iurgiis, aut imprecatione mali, aut & blasphemijs in deum. quem causam esse omnium, quæ fiunt, in opinione hominum est. Sunt autem alij prompti iniquidem ad irascendum, tardius autem ad prosequendam uindictam. alij uero tardiores quidem ad irascendum, promptiores uero ad sumendam uindictam, alij ad utrunque promptissimi, alij ad utrunq; tardissimi. qui igitur tristes natura sunt, et omnia fere per displicentiam recipiunt, ut & gri & male affecti, & ex alijs causis irati, et quibus biliosior est sanguis, & melancolici, omnes quidem hi q. ex omni causa facillime offenduntur, facillime iram cōcipiunt. tardius autem exequuntur quicunq; ex his timidiore sunt, et pauci sanguinis & frigidiore tum uero & prudentiores, et rationi parentes magis. Contra uero qui bene ualent & multi sanguinis sunt, & leniores, serius quidem irascuntur & non facile, quia omnia fere uel utili leta recipiunt, uel uti minus tristia, at ubi de offensa iudicium fecere, tum promptissime iram effundunt, &



**Q**uosdam præterea consensus habet phantasia quum a memoria quorundam mouetur, aut ualde intenta est. quippe alio oscitante, & nos pariter oscitamus, si non aduerterimus, quod sit excitata memoria alterius ab oscitatione, tū & facto repente & inaduertenter appetitu eiusdem quod alias anima uti bonum agnouit, unde et nos simul oscitamus. nihil enim refert ad faciendū eum motū an uapores aliqui pigri super musculis sint, unde appetitus fiat excutiendi, an alio modo, & ex memoria innascatur idem appetitus. idem enim omnino fit. innascitur aut non aduertētibus nobis facta memoria. aduertentibus autem non innascitur phantasia rectum iudicante. similiter et edente alio acerbæ quædam, memoria fit & appetitus consilium. omnis autem appetitus animā mouet, & calorem. anima autem, quæ in membro est, quod appetit, quasi sibi deficiat aliquid in eo, suggerit proportionale quiddam aut saluam, aut quod melius iudicat. sicut & in ueneris phantasia appetitu facto intenditur uirga suggerente anima plurimum spiritus, & dolente membro calor & sanguis concurrit, ad quæ si recte respiciamus, impossibile non existimabimus, quod de pregautibus dicitur, remanere, scilicet in fœtu signa quorundam, quæ ipse auidissime appetiuere. siquidem facta ingenti quadam phantasia et appetitu quorundam, anima ex ijs, quæ in corpore sunt, proportionale aliquid mouet præcipue in sanguine, ex quo quomodo nutriatur fœtus nihil prohibet signa quædam eius alimentij ita affecti in eo remanere præsertim coloris. propter quod ea signarum bentia fieri omnia sunt, & exustionē aliquam in sanguine factam ostendentia. Fortasse autem & figura cupitæ rei ostenditur, quod in eo proportionali anima etiam figuram mentiat. Eadem porro phantasia intenta potest, & fascino inferre, non quidem ab uno quoque hominum, sed a certis solum, quorum humores & spiritus adeo remoti sunt a natura aliorum, ut pene uenena sint. ij igitur concepto in infantem odio intentissime intuentes, spiritus quosdam ex oculis, & tota & facie eiaculantur, qui ad teneros infantis spiritus appliciti eos uti uenena sensim absumunt. ex oculis autem & toto e corpore euaporare insensibilia corpuscula monstrant, specula in quæ mensibus laborantes mulieres inspecant, spurca enim et squalore quodā ac situ obsita redduntur. legimus et familias quasdam fuisse in Creta, qui laudando fascino inferebant. quod certe uti possibile recipiendū est. existente. n. natura quorundā (ut dictū est) perinde ac uenenoſa, et eiaculatis.



ex oculis eorum spiritibus perniciosi, nihil prohibet nō infante solum sed & grandiores fascino affici, laudando autem maxime. quoniam laus propria leticiam parit, leticia autē ut diximus dilatationem tum cordis, tum & spirituum facit, tum & totius faciei, et præcipue oculorum, unde adiutus quodammodo aperitur ueneno, quod a fascino eiaculatur. quæ e re forte enatum est illud, quod præsumitur quum aliquos laudare uolumus. bene enim prius ominantes, uerba nostra dicimus tibi non noceant. quin & aliqui sunt, qui dum laudantur, faciem auertunt, non tantum ut indicent molestiam sibi esse laudationem, sed ut a fascino caueant. iam enim in opinione est per laudationes fascino fieri. Vtrum autem & numeri quidam & figure, & imagines sympathias quasdam, & antipathias habeant ad amores & odia & fascino, & utrum uerba & cantationes, & id genus ligent & soluant, alterius quidem est, & temporis & contemplationis. De ingenio autem eorum animalium quæ intellectu carent, & quomodo nidos ad alendos foetus & telas ad capiendas escas tam artificioso fabricentur, et alia eiusmodi, non nulla quidem diximus in ijs quæ de intellectu ne a nobis scripta sunt, nondum autem emissæ, neque plane ex culta & digesta, quod faciemus si uita & otium suppetet nobis. atque hæc de sympathia & antipathia rerum, quantum attinet ad contagiones protèpore dicta sint.

De quibusdam dubijs a Rhannusio scriptis Cap. ultimum.

**H**Aec quum iam impressa essent, ac uisa a Ioanne baptista Rhannusio illustri. Vene. Domini Secretario utriusque linguæ peritissimo, & eorum quæ ad bonas litteras & disciplinas attinent, multa perdocto, gratulatus ille pro uetere amicitia nobis, simul & nonnulla dubia ad nos perscripsit, & nouas quandam sympathias proposuit. quarum rationem si otium mihi foret, exposculabat. digna quidem omnia, de quibus consideratio haberetur diligentissima. nam quum ego causam, quod in nauigatoria pyxide perpendiculum semper in polum spectet, retulissem in montes ferri & Magnetis, qui sub polo sunt, dubitationem ille non negligendam attulit. primum quidem quod qui de subiectis polo partibus scribunt, nulli dicunt montes ferri, et Magnetis sub polo esse. deinde quod si dehtur ij montes, causa tamen ad eos referenda non uidetur in nostro mari: quando constat in illa insula iuxta Populoniam Italic esse Magnetis montes. inde enim erui omnem magnetem quo hic utimur, nec tamen nauium illac prætereuntium perpendicula ad eos. montes uerti. oportere

oportere autem ita fieri, si magnetis species perpendiculum mouet, propinquissimis existentibus insule illius montibus. cur euim non magis moueant, quam qui remotissimi sunt sub polo?

Ad hæc autem & miras quasdam proposuit antipathias, quarum una erat, qui fiat ut imposito oleo in charta, ita aptata ut contineat, subiectus ignis oleum quidem calefaciat, chartam autem non. alia erat consimilem habens rationem, cur et circa pomum circumuoluto tenui lintheo, pomum ab igne calefieri cernamus, lintheum nec quicquam ledi. Addebat autem & q. a fulmine nauium malos sapissime uidentur tangi, carinas autem nunquam. Tum & illud quoque quærebat, quæ ratio efficiat, ut feruente, & exundante in abenis saccaro si butyrum quibus modicum imponatur, statim subsidat feruor. quo ingenio utuntur artifices ad prohibendam ne erumpat saccarum. utuntur et alio ingenio ad idem purificandum, quod pariter uideri mirum potest. ubi enim coagulari saccarum incipit, proijciunt in uocatas campanas, tum cretam tenuem cicotriconizant, ac super imponunt, qua campanæ ostium patet crassitudine digiti. atq; ita saccarum purgant, furculis omnibus & seculentia omni ad cretam attrasta. Hæc sunt quæ ille nobis examinanda proposuit. quod quidem faciemus a supra scripto instructo nostro non recedentes, ut non proprias et propinquissimas causas assignare nitamur, sed medias et proprijs proximiores, quo possibile nobis sit.

Primum igitur utrum sub Polo sint Magnetis montes, nec ne, sub ambiguo relinquamus. scimus euim esse qui scribant planas magis esse eas regiones, de quo & doctissimus, atq; eloquentissimus Episcopus Iouius circa eam Sarmatiæ partem, quæ Moscouia nunc dicitur, diligentem inquisitionem ab incolis fecit. qui ne eos etiam inueniri montes retulere, qui Rhyphæi ab antiquis dicti sunt. meminimus tamen nos quasdam chartas uidisse earum, quas mundi mappas appellant, in quibus sub polo montes notati erant (qui Magnetis montes inscripti fuerant). siue igitur sint, siue non sint isti montes, nihil ad nos in presentiarum attinet, quando per montes polo subiectos, catherenam illam motium intelligimus, qui ad septentrionem spectant tanti & tam uasti, ac ferri & magnetis feraces. qui & si magis distant a nostro mari, quam illæ insule montes, potentiores tamen sunt ad mouendum perpendiculum propter abundantiam & copiam ferri, & magnetis. Fortasse autem et qui in illa est magnes, non multæ æstimationis est in ea minera. multi enim dum in minera sunt, minus ualent, quam extracti, quod spirituales species sua habeant impedimenta, signum autem parum ualere in sua minera illa insule magnetem. q. tam propinquum quum sit nauigij

illac prætereuntibus, perpendicularum tamen non ad se conuertit. Incallescere autem & feruere in charta oleum, chartam non accendi communem habet rationem cum lebetē, In quo aqua quidem feruet, lebetis fundus friget, & pomum, quod & ipsum calefit linteo illeso. Horum autem omnium causa est antiparitas. frigida enim sunt aqua oleum pomum, propter quod prohibent intermedium calefieri. Sed quomodo calefiunt ipsa, si medium non calefit? actio enim omnis contactu fit, ignis autem non tangit aquam, oleum, pomum, nisi per intermedia, lebetem, chartam, et linteum, hæc autem nisi calefiant, ac tantum calefiant quantum aqua, & oleum, & pomum, non uidetur quomodo calefieri possint. quod si calefiant, quo pacto igitur per antiparitasim & frigiditatem prohibent, ne intermedia incallescant. Dicendum porositas existentibus lebetē charta & linteo, citissime calorem contrahere aerem, qui in poris includitur, ac per ipsum incallescere aquam. porro quicquid aquæ calefactam est tolli statim, & ascendere, ac loco eius subsidere aquæ partem nihil calefactam, quæ lebetem infrigidat, quia pori non sunt, atque ita continenter fieri, ut aquæ pars cedat, & tollatur, pars succedat, & refrigeret, ita & oleum facit, nam & ipsum actu frigidum est, ita & pomum, quoniam humidum est, & frigidum, et semper pars eius aliqua frigidat tangit intermedium, ac calefieri prohibet per certum tempus.

Cur uero fulmen nauium malos tangat, carinas autem et spondas, quæ iuxta aquam sunt, non, dubitationem maiorem habet, si modo uerum est, quod fertur. nam & de Lauro traditur non feriri ipsam a fulmine, quod non satis certum est, eo autem recepto, quod res ita se habeat, promptior quidem potest esse ratio in Naui quam in Lauro. nam antennas feriri a fulmine facile est, quod altæ sunt, alta autem a fulminibus peti in prouerbio etiam est. causa autem est, quod fulmen uapor est quidam missionis fortis, qui in altis gignitur, & extrusus e nube in latus acquirit impetum, quare alta maxime ferit. Interdum tamen impetus in ima inclinat, uerum ubi antiparitasim inuenit aut frangitur, aut & repellitur, dictum est enim supra contrariorum species fugare contraria. Igitur iuxta aquas quum descendit uapor, partim quidem frangitur partim repellitur, quoniam aer aquis uicinus plenus est uaporibus frigidis ex aqua eleuatis, qui tum materiali antipathia, tum spiritali frangunt, ac repellunt fulmen. quare carinas & proximas spondas, aut non tangit fulmen, aut fractum non immutat. in Lauro autem utrum talis antipathia sit, incertum est, illud magis in causa putarim, quod laurus rotunda admodum est, & corticis.

densi ac leuis, a quibus omnibus fit, ut incidens uapor non inhereat. propter quam rationem nec columnas a fulminibus tangi uidemus, quod rotundæ tersæq; sint.

Butyrum autem iniectum compefcere feruorem siccari, dignam habet inquisitionem. Idem uero & oleum facere uidemus in pulmenta, si quæ corpulentiora sunt, ut in fabæ & ciceris lomenta, feruorem enim et exundantiam eorum compefcit. horum autem causa est, quod duo præcipue concurrunt, quum feruor exundans sit, alterum est excessus caloris, & uaporum copia breui facta, alterum est obsistentia feruentis rei, si corpulentior sit. multum enim extenditur & in magnas ampullas, priusquam sci n datur. propter quod & dupliciter etiam compefcitur exundantia illa. uno modo si calorem & uapores frangas qui extenduntur, quod fit iniectis frigidis ut aqua, alio modo si ipsum obsistens, ita præpares, ut extendi in magnas ampullas non possit. quod faciunt unctiuosa iniecta, diuiduntur. n. ipsa ad minimas, & non ultra diuisibiles partes, quæ intermixta partibus corpulentis humidi, prohibent extensionem amplam fieri. extensio enim rarefactio quædam est. rarefieri autem non admodum possunt minima unctiuosi, tum q. minima sunt, tum q. tenacis mixtionis, quare quæ undiq; interposita intermixtaq; sint obsistenti, faciunt ut nec ipsum obsistens recipere extensionem possit, nisi parua, et per paruas ampullas factam, quare exundantia compefcitur, & feruor fit per ampullas crebras & paruas. unctiuosa autem sunt præcipue oleum & butyrum, & bene diuisibilia in minimas particulas, at butyrum cum saccharo probe conuenit propter dulcedinis, & pinguitudinis sympathiam, quare & si modicum, sit sufficit tamen ad compefcendam exundantiam siccari, quoniâ bene miscibile est, & modicum omne in multa partibile. Creta uero imponitur supra campanæ ostium, non quod ipsa attrahat fœculenta, sicuti magnes ferrum. Sed quod prohibendo exhalationem inclusi ignis & uaporum fit, ut peritissime uapores permeent per saccharum, qui mox ascendentes secum ferunt agglutinas omnes sordicies, & sursum impellunt, quæ herentes cretæ propter tenacitatem sic reddunt purum & sincerum saccharum.

Si igitur per hæc & doctissimo Rhamnudio, & alijs factum est satis tibi præsertim Cardinalis amplissime, mihi quidem & gaudeo & gratulor, sin autem & alia desiderantur, excusabit me horum consensum & dissensum natura, quæ adeo in abdito est. Si qui uero laborem nostrum commendabunt, aditumq; & uiam per nos apertam his rebus faciebunt, id omne æquebunt tibi.

# DE CONTAGIONE

## LIBER PRIMVS.

### Quid sit Contagio. Cap. I.



VNC autem de Contagione prosequamur, cuius gratia tot de sympathy et antipathia rerum quę sita sunt, ab ijs incipientes, quę uniuersalia magis uidentur, & aliorum principia. quod igitur contagio sit quędam ab uno in aliud transiens infectio, uel ipsum nomen ostendit. in duobus enim semper contagio uersatur, siue illa duodiuersa sint, siue duę continue unius partes. uerum quę inter diuersa fit, simpliciter & proprie contagio dicitur, quę uero inter duas unius partes non proprie, sed quodammodo. uidetur autem & consimilis esse in utroq; infectio, & cui Contagio fit, & a quo. tum enim cōtagionem factam dicimus, quum simile quoddā uitium utrunq; tetigit. quam ob rem qui haurito uenenopereunt, infectos quidem fortasse dicimus, contagionem autem accepisse, minime. & in aere quę simpliciter putrescunt Lac, & Carnes, & reliqua, corrupta quidem uocamus, non autem contagionem passa, nisi & aer ipse corruptus consimiliter fuerit. de hoc autem diligentius in sequentibus inquiremus. uidetur autem actio omnis & passio aut circa rerum substantiam fieri, aut circa accidentia, contagionem autem accepisse quempiam non appellamus, quod calefactus ab alio fuerit, aut factus uitiosus, nisi per transumptionem. quapropter uidetur contagio, consimilis quędam infectio secundum substantiam. utrum igitur quum domus incensio uicine ardet, contagionem uocemus? at certe neq; hæc contagio est dicenda, nec uniuersum quum totum ipsum corrumpitur, primo secundum quod totum est, sed tum magis, quum in particulis minimis & insensibilibus quędam infectio fit, et ab illis incipit, quod & nomen infectionis ostendit. infectum enim uocamus non corruptum quia totum est, sed quodammodo, et circa insensibilia. totum autem uoco, ipsum compositum, particulas uero minimas & insensibiles uoco eas ex quibus compositio fit & mistio. exustio igitur circa totum ipsum fieri uidetur, contagio autem circa particulas componentes, quamquam & ab ijs mox corrumpatur & totum ipsum, propter quod & mistorum passio quędam uidetur contagio. quoniam autem dupliciter corrumpuntur & intereunt mista, uno modo per aduentum contrarij, sub quo consistere non pōt est contingit,

rum forma. alio modo per dissolutionem mitionis: ut in putrefactis contingit. dubitationem fortasse habet utro modo contagio fiat, infectione in particulis minimis illata, ad hæc autem & qualis nam sit hæc infectio, utrum corruptio earum particularum, an alteratio sola, & qui demum patiantur, quare & illud potest dubitari, utrum contagio omnis sit putrefactio quædam, quæ omnia manifestiora quidem fient, si contagionum differentias primas & earum causas in primis perquisiverimus. nunc si licet aliquo modo contagionis rationem subfigurare, dicemus contagionem esse consimilem quandam misti secundum substantiam corruptionem de uno in aliud transcurrentem, infectione in particulis insensibilibus primo facta.

De prima contagionum differentia. Cap. 2.

**T**Riplex autem videtur esse prima contagionum omnium differentia. alia enim contactu solo afficiunt, alia præter hoc & fomitem quoque relinquunt, et per ipsam contagiosa sunt, ut scabies phthiribus areæ elephantiasis & id genus: fomitem appello uestes ligna & eiusmodi, quæ incorrupta quidem ipsa existentia conservare nihilominus apta sunt contagionis seminaria prima, & per ipsa afficere. nonnulli porro sunt, quæ non contactu solo, non solo fomite, sed & ad distans etiam transferunt contagionem, ut pestilentes febres & phthiribus, & limpidines quædam, & exanthemata illa, quæ uariolæ vocantur, & similia. videntur autem ordine quodam se habere hæc, nam quæ ad distans faciunt contagionem, ea & fomite et contactu afficere consuevere. quæ uero fomite contagiosa sunt, eadem & contactu contagiosa sunt. ad distans autem non omnia, at contactu omnia, quapropter & simplicissima est, & natura prior ea contagio, quæ solo contactu afficit, quare & de ea primo agemus inquirentes, quomodo fiat, & per quod principium, mox & de alijs, ut uideamus an omnium sit commune quoddam principium, an diuersum in singulis, & quid proprium habeat unaquæque.

De contagione, quæ solo contactu afficit. Cap. 3.

**V**idetur autem quæ inter fructus contagio uersatur, maxime eiusmodi esse, quæ solo contactu afficiat. ut uua ad uuam & pomi ad pomi. quare querendum est, quod nam eius infectionis principium sit. quod enim tangentia sese inter hæc afficiuntur



marcescente aliquo illorum primo, manifestum est, quo autem principio, non manifestum, quoniam autem primum, unde omnis infectio in alia transit, putrefactum fuit, censendum est, & secundum quoque consimiliter putrefactionem concepisse, si quidem contagio consimilis erat in utroque infectio. est autem putrefactio dissolutio quædam mixtionis calido innato euaporante, atque humido. eius uero euaporationis principium semper est aliena caliditas, siue ea in aere sit, siue in circumsuso humido. igitur quod in utroque est principium putrefactionis, idem & contagionis principium erit, caliditas scilicet extranea. sed ea in primum aut ex aere accessit, aut ex alio, & contagio nondum dicitur, in secundum autem accessit ex ijs particulis insensibilibus, quæ euaporant e primo, & iam contagio est, quoniam similis est in utroque infectio. potest autem euaporans e primo calidum in secundum facere quod aer in primum, et similiter putrefacere, imo magis propter analogiam.

Quoniam autem quæ euaporant e primo particule, aliæ quidem sunt calidæ et siccæ, uel perse uel ex commixtione, aliæ sunt calidæ et humide similiter uel perse, uel ex commixtione, uidentur quæ calidæ sunt & siccæ, aptæ quidem exurere magis, putrefacere autem minus, quæ uero calidæ & humide sunt, e contrario putrefacere aptæ magis, exurere uero minus. humidum enim partes eius, quod tangit, e mollior, ac laxat, beneque separabiles reddit, calidum autem sursum tollit ac separat, unde dissolutio mixtionis fit euaporante calido & humido innato, quæ putrefactio erat. quapropter existimandum est calidas, & humidas particulas aut perse, aut ex commixtione humidas, quæ euaporant e primo, esse principium & seminarium eius putrefactionis, quæ in secundo fit, dico autem humidas ex commixtione, quoniam in euaporationibus quæ contingunt in putrescentibus, misceri ut plurimum accidunt particulas minimas, ac sic principia fieri tum generationum quarundam, tum & corruptionum nouarum. aptissima autem est ad putrefactiones & contagiones inferendas ea commixtio, quæ e calidis fit cum humidis. in fructibus igitur, quæ contagio accidunt per hæc principia fieri putandum est. at uero & in alijs quæque omnibus, quæ putrescentia sese tangunt, si analogæ sint, idem euenire, & per idem principium existimare par est. principium autem sunt particule illæ insensibiles, quæ euaporant, calidæ quidem, & acres sed humide commixtione, quæ deinceps seminaria contagionum dicantur.

De contagione, quæ fomite afficit. Cap. 4.

**V**trum autem & ea quæ per fomitem contagionem afferunt per hunc modum & per idem principium fiant, dubitationem habet, quoniam principium quod est in fomite alterius naturæ uidetur esse, siquidem ubi in fomitem secessit a primo infecto illie diutissime perdurare seruarique corruptum potest. ut admirationem non parua præbeant, quæ et pestilentes tetigere, lectuli, uestes, ligna, et id genus. sepiissime. n. uidimus uirus illud per duos et tres annos seruatum. at particula quæ e putrescentibus euaporant nullæ tam diu perdurare posse uidentur, sed profecto propter hanc causam nemo putare debet, non idem esse principium, quod in fomite est cum ijs, quæ solo contactu afficiunt. quoniam particule quæ euaporant e primo, eadem et in fomite pariter reseruari possunt, atq; ita seruare idem facere, quod & tum fecissent, quum euaporauit e primo. quod autem tam diu perdurare seruarique possint in fomite, si quis persuaderi uult, & minus admirari, debet se in consimilibus exercere. non ne uidemus alienum odorem in ligno, & uestibus & alijs per multum temporis asseruari, nec nuda quidē illic qualitate et sine subiecto existente, sed corpusculis magis cum ea minimis, atq; effugientibus uisum. quid de fuligine et fumo dicemus in parietibus obducto? non ne et hæc ex minimarum particularum admistione inunctura fit quæ diutissime durare incorrupta consueuit, ac talia certe infinita alia sunt. quorum omnium rationem si quis forte requirat, e duobus dicimus maxime dependere. quorum alterum est subtilitas, alterum est fortitudo & constantia mistionis. propter subtilitatem igitur penetrant, & in foraminibus quorundam conduntur, unde neque aeri subiecta sunt, neque multis extrinsecarum alterationum, propter ualidam autem mistionem durare possunt aduersus multa. est autem ualida & fortis mistio duplex, altera in duricie consistens, ut ferri lapidum, & eiusmodi, quorum insensibilia minima annos per multos uiuunt, altera in lentore quodam, & multa elaborataque mistione constituta. dura igitur, & si non sunt seminaria contagionum, at lenta elaborataque esse possunt. est autem elaborata mistio, quæ e ualde minimis fit bene inuicem agitatis (ut in ijs quæ de sympathia diximus). accipit autem talem mistionem fieri in euaporationibus illis, quæ conclusæ sunt, ubi non dispergitur, quod euaporat, sed ualde agitatum minutissime commiscetur. quod si lentorem quoque accipiat, & ualida mistio fit, & apta seruari in fomite. cuius signum est, quod quæcumque per fomitem afficiunt, omnia lenta glutinosaque con-

spiciuntur, et propter hoc sola ea, quæ talia sunt, fomitem habere possunt, quæ autē lenta non sunt, sed aut in sicco perse consistunt, aut multo aqueo abundant, aut apta citissime alterari, ea quidem putrescentia contagiosa esse possunt, ad id quod tangunt, fomitem autem non relinquunt, quod uel non adherescant et glutinentur, uel citō alterentur. propter quod marcescentes fructus contactu quidem afficiunt, fomite aut non. plurimo enim aqueo abundant, et quod euaporat lentum non est. lenta uero ag glutinantur quidem, et resident in ijs, quæ tangunt, et propter fortem mixturem non facile alterantur. q. si analogæ sint cum eo, quod tangunt, statim contagionem inferunt, si uero non analogæ fuerint, et quod tangitur non aptum quidem est affici ipsum, sed seruare tamen seminaria, tum fomes sit. et natum mox aliquid quod analogum cum primo sit, non aliter incipit, ac et primum fecisset. nihil enim refert, siue aliquid statim tangat, siue mediante alio. non sunt autem apta omnia, ut fomes fiant, sed solum quæ foraminulenta sunt et calida, aut parum frigida. in ijs enim et condi possunt seminaria contagionum propter foramina, et non alterari neq. ab ipso fomite, neque ab extrinsecis, nisi ea plurimum excedant. propter quod aduersum ignem non defenduntur. igitur neq. ferrum, neq. lapides, et eiusmodi frigida et non foraminulenta, idonea sunt, ut fomites fiant. lana uero et panni, et lignorum multa, idonea magis sunt. quod igitur et quæ fomite afficiunt commune principium habeant, et communem inficiendi modum cum ijs, quæ contactu solo, ex his manifestum esse potest. differunt autem mixture, quod his quidem fortis et lenta sit, in illis debilis, et non lenta, et propter hoc alia fomitem relinquunt, alia non.

De contagione quæ ad distans fit.

Cap. 5.

**M**aiorem autem tum admirationem, tum dubitationem præbent, ea quæ non contactu solo, non solo fomite, sed et ad distans etiam contagione faciunt. Lippitudinis genus est, quo qui laborat omnes solet inficere, qui in ipsum spectant. notissimæ sunt et pestifera febres, et phthisis et alia multa, quorum labe committentes, quamquam ne etiam tangant, coafficiuntur. horum igitur, quæ natura sit, et quo pacto id uitium propagetur, dubitatio non parua est, quapropter accuratissime de hoc est inquirendum, quoniam maxima pars hæc est eorum quæ inuestigamus. Videtur autem contagio hæc et alterius naturæ esse, et per aliud principium fieri. primum quidem quia pestiferarum

stiferarunt febrium non nulla sunt, quæ horis decem, aut duodecim perdunt, ægro nihil caliditatis, nihil frigiditatis sentiente. præterea si lippus alium lippam reddit, alterius quidē naturæ uidetur effectus iste, quoniam uisio non per caliditatem, aut frigiditatem fit, sed per uocatas species & simulacra rerum. Porro subita & penē momentanea penetratio harum contagionum idem prorsus ostendit. statim enim & istu (ut dicitur) oculi penetrant per totum animal, & necant, quod nulla alia qualitatum notarum, tam prompte facere potest, quod contrarium habeant. adde quod si a notis qualitatibus fieret hæc contagio, ad debilius quidem, & minus resistens semper propagaretur, quod certe fieri tum uidemus, quando sepe id quod debilius est, aut nihil, aut minus patitur. ut oculos quidem phthisis non carpit teneriores delicatioresq; existentes, pulmones autem corripit. postremo quum hæc contagio undiq; & ad omnem partem feratur, imitari quidem uidetur spiritualium motum, qui in orbem fit, corpora uero quæ notis qualitatibus constant unum tantum motum habent sursum aut deorsum, quare alius impetus, alia uis esse uidetur harum contagionum, et uenientis aut Catablephæ animali assimilari, non autem reliquarum contagionum modum & naturam sequi.

hæc. 1. 1. 1.

Quod causa contagionum, quæ ad distans sunt, reducenda non sit ad proprietates occultas. Cap. 6.

**Q**ui igitur occultas proprietates inducunt paruo negotio ab his sese difficultatibus extricant, per pauca rationem omnem earum contagionum ad hæc proprietates referentes, quod & in alijs multis omni sollicitudine liberi & securi faciliunt, bene igitur erit de his proprietatibus breui, quædam percurrere. simul enim & illud aperietur, quod nam esse possit harum contagionum principium. Supponendum autem est nobis, quum decem sint rerum omnium genera, actiua tamen principia esse tantum substantiam & qualitatem, constat enim neque quantitatem, neque ad aliquid, neque ubi, neque alia (ut summam dicamus) effectiua esse, nisi per accidens. porro substantiam per se nihil aliud facere, nisi locales motus sursum, deorsum, rarefactionem, & condensationem, & circularem. hi enim a forma rerum fiunt, reliquæ uero actiones a qualitatibus proueniunt. qualitatum uero aliæ materiales dicuntur, calidum, frigidum, humidum, siccum, lux, odor, sapor, & sonus, aliæ spirituales uocantur, quæ species sunt, & simulacra

materialium siue sint cum ijs uniuoce, siue non. ut lucis lumen, saporis uero & odoris, & soni species nomen non habent, nisi saporimen & odorimen, & sonimen uelimus effingere, sicut a luce lumen. Similiter & caliditatis & frigiditatis, & aliarum species nomen non habent, constat autem eas esse tum ex sensibus, tum ex intellectu. quoddam igitur materiales qualitates multa possint efficere manifestum est, nam primæ quidem uocatæ omnia generant & alterant, secundæ uero appellatæ lux odor, sapor & sonus, nihil quidem inter se agunt, quoniam contrariæ non sunt; sensus tamen mouent, sed & hoc ijs mediantibus, quæ spirituales uocantur. Harum uero spiritualium quæ actio multa sit, et uis in natura similiter est manifestum (ut in ijs diximus quæ de rerum sympathia & antipathia scripta sunt) nam & sensus & intellectum mouent, & principia sunt motionum in animalibus, deinde & motus locales uidentur facere attractionem & fugam. nonnullæ etiam & primas qualitates producere, ut lumen quoddam calorem gignit. Hæc igitur quum ita sint, querimus quidem ab ijs, qui occultas proprietates inducunt, quando actio omnis, uel a substantia fit, uel a qualitate materiali, aut spiritali, quo nam principio dicant actionem hanc fieri, qua contagiones produci uidemus. ac certe si a substantia & forma fieri asserant, quid oportebat occultam proprietatem uocare. sed uocent ut lubet, nihil tamen eam formæ facere poterit, nisi locales motus, sursum, deorsum, rarefactionem, & condensationem, contagionem autem non, quæ per se localis motus non est, sed magis quorundam corruptio & quorundam generatio. si uero qualitate aliqua fieri dicant, si quidem materiali, nihil ignotum assignabunt, nisi forte ignotum quiddam qualitatuum genus effingant, quod nec caliditas, nec humiditas, nec siccitas sit. quoddam certe effingi non potest. si autem spiritualement aliquam qualitatem in causa ponant, poterant quidem notiori saltem uocabulo uti, & statim dicere spirituale aliquod contagiones hæc producere. sed certe neque hoc adducere pro causa possunt. primum quia spiritualia hæc tam diu solum durare consueuerunt, quandiu præsens est illud, a quo est fluxere, nisi forte fuerint in intellectu. at quæ ad distans faciunt contagionem, absente etiam primo perdurant nihilominus, & in fomite, & in aere, quin imo de loco ad locum feruntur trans etiam maria, quod signum est corpus esse, quoddam & de fertur & perdurat, longe a primo se habens. quod si dicant corpus utique esse hoc, quoddam de loco ad locum fertur, agere tamen per spiritualement qualitatem, profecto & ad non necessaria recurrunt, & inconueniens assignant, si enim recte de finitæ contagio est, oportet tale in secundo fieri,

ri, quale in primo fuit, & idem esse in utroque principium, idemq; & in quarto & quinto, & in alijs, quæ contagionem recipiunt. tale autem non potest facere ullum spirituum per se, per accidens quidem nihil prohibet spiritualia enecare & dissolvere etiam mitionem aliquam fugando quædam contraria, quod & feto facere potest, & Cathablephæ animalis affectus (ut dictum in sympathijs fuit). generare autem tale in secundo, quale in primo fuit non possunt spiritualia, generatio enim omnis per primas fit qualitates, oportet autem in hisce contagionibus non putrefactionem solum fieri, sed a primis seminarijs, & alia quoque gigni & propagari, quæ ipsis similia natura sint, & mitione. non aliter quam spiritus in animali sanguine solent alios sibi consimiles generare, quod spiritualium nullum efficere per se potest, quæ ob causam & in contagionibus quæ ad distans fiunt idem esse commune principium, & eundem in efficiendi modum per qualitates notas censendum est, quod & Aristoteles & Galenum existimasse sine dubio uidere possumus. differunt autem harum contagionum semina, & ab ijs, quæ solo contactu efficiunt & ab ijs, quæ sonite solo. sed primū dicamus, quo pacto ad distans ferri possint, & quo modo in orbem moueri uideantur, & qua ratione uim tantam sortita sint, & tam cito penetrent, & quales sint earum analogia, tum denum quam differentiam habeant ad alia semina, diffiniemus.

Quomodo semina contagionum ad distans ferantur & in orbem. Cap. 7.

**E**rgo illud in primis inquæramus, quo motu agantur semina illa contagionum, quando longe & ad eos, qui distant ea ferri manifestum est, quod multi adeo mirantur, est autem inter primas respiciendum ad consimilia, quo minus admirari possumus. quis putaret e cepe & allio lachrymas nobis, uel e longinquo elici, e pipere iride ptharmica sternutamentum, e croco solano stricno somnum conciliari, e tractatione metallicorum apoplecticū hominem fieri & exhalant nimirum ex omnibus his ac circumquaq; feruntur insensibilia corpora, quorum diuersæ actiones sunt, & facultates. manifestissimum autem hoc apparet in ijs, quæ corrumpuntur et putrent. principium autem motus eorū corpusculorum ad oēs partes, partim quidem per se est, partim ab alio datur. per se igitur euaporatio omnis sursum fertur, quod & in summo & alijs multis spectari potest, si quis nesciat euaporationem omnem calidam esse, ab alio autem ac



## DE CONTAGIONE

cidit, & in latus, & deorsum poſtremo pelli, quod præcipue duabus de  
cauſis cuenit, altera eſt obſtinentia aut aeris, aut tabulatorum & euſmo-  
di, in quæ incidunt, quæ primum exhalant partes. ubi igitur altra ferri  
non poſſunt, pelluntur quidem & in latera ab ijs, quæ ſuccedunt, & hæc  
ab alijs, donec accidat repleti totum. altera cauſa eſt aer ipſe, qui euapo-  
rationem omnem ſi tenuis ſit, & bene ſolubilis diuidit, uſque etiam ad mi-  
nimas & non ultra diuiſibiles partes. ea enim eſt elementorum & liqui-  
dorum omnium natura, ut ſitum conuenienter querant, quantum poſſibile  
eſt. Conuenientiſſimus autem ſitus eſt, quum partes continuæ inter ſe ſunt,  
aut ſi continuæ eſſe non poſſunt, minus tamen inter ſe diſtint, quo poſſibile  
ſit. ſic enim minorem uolentiam ſuſtinent, ut in ijs diximus, quæ de ſym-  
pathia tradita ſunt. quæ de cauſa aer continenter eam euaporationem di-  
uidit magis, & magis donec ad eas ueniat partes, quæ non ultra diuidi  
& ſeparari poſſunt. Facta igitur innumerabili illa diuiſione multum aeris  
repleti accidunt, & circumquaq; miſceri, quod et in ſumo maniſeſtiſſimum  
eſt uidere. propter has igitur cauſas, & quæ circa contagiones contin-  
gunt euaporationes, circumquaq; ſeruntur, & aeris multum occupant,  
quoniam exhalatio omnis multum diffunditur, magis autem ſurſum &  
primo, ſed tamen mox & ad latera, & poſtremo deorsum accidunt ferri. ac  
ſic & cohabitantes poſſunt inſicere ſeminaria hæc, & non ſolum in ſomi-  
te, ſed & in aere per certum tempus ſeruari, diutius autem in ſomite. quod  
autem modo fiat, ut tam parua quantitatis exiſtentia non alterentur ſalu-  
tem medio in aere expoſita, priorem habet dubitationem, nam quæ tam for-  
tis eſſe miſtio poteſt in tam parua particula, ut in aere diu conſiſtere uale-  
ant præſertim, quæ in duritie non conſiſtunt. ſed certe quæ lentæ ſunt,  
& glutinoſa quamquam paruiffima ſint, poſſunt quidem ſi non omnino  
tantum quantum, dura uiuere, at paulo minus poſſunt, dura quidem pro-  
pter tria reſiſtunt alterationibus maxime, & quod in parua quantitate  
plus habent materie, & q̄ propter terram plus habent frigiditatis, & q̄  
partes non bene ſubtiliari et rareſieri poſſunt propter denſitatem. quod  
fieri oportet, ſi caliditas induci debet. priora igitur duo & ſilenta non ha-  
bent, æque ac dura, at tamen in parte habent & ipſa. tertium uero habent  
non minus, quam dura hoc eſt difficultatem ſubtiliationis propter partium  
tenacitatem, & quod miſtio e ualde minimis conſtat. tenacitas enim facit,  
ut pars non facile ſecedat a parte. miſtio uero e quam minimis facta bene  
unitis aduerſus alterationes omnes ualet, quoniam ſi rareſieri oporteat,  
ſtatim præſto ſunt partes terræ, quæ prohibeant, iuxta quodlibet mini-

num sit. si uero densari necesse sit, præsto sunt ignis partes propter propinquitatem, quæ similiter obstant. quæ de causa non solum dura sed & lenta sese defendunt ab alterationibus multis si mediocres sint, magnas autem non ferunt. propter quod & ab igne absumuntur seminaria omnium contagionum, & ab aqua etiam frigidissima franguntur. quòd si curiosior quispiam illud quærat, cur intrinsece saltem non alterentur hæc seminaria, quum e diuersis sint mista, sciat ille non esse hanc solis seminarij propriam quæstionem, sed & alijs multis communem, ut piperi calci euphorbio pyrrbiti lapidi & metallicis, et alijs pluribus. quæ quum e diuersis sint mista, alterationem tamen nullam intrinsecus, aut nullius momenti patiuntur, sed annos multos immutata perseverant, ut mirum sit lapides annos mille & duo millia durare. causa omnium est, q. mistio quæ e diuersis fit, ad tam minimas particulas reducta est, q. propter paruitatem, excessum non habent particule inter se illum, qui requiritur ad agendum. quæ de causa dum mistio illa eo pacto perstat, dum igneæ partes separate sunt & disperse, sepultæq. in alijs, alteratio nulla introrsum fit, quare & piper, & euphorbium, & reliqua tractata manibus frigida sentiuntur. at ubi casu aliquo mistio illa soluitur & mutatur, & partes quæ eiusdem rationis sunt, in unum coeunt, et maiorem quantitatem, & potentiam ad agendum acquirunt, tum actu fiunt, & agunt iam, unde & calx, & piper, & euphorbium iam calida percipiuntur, quum prius potentia solum calida essent, actu uero aliter se habentia. propter eandem causam nec seminaria intrinsecus sese alterant, quamquam e diuersis consistunt, ut pote mista: q. autem in tam pauca quantitate uis multa inesse possit, declarat fulgur, quod non aliud est quàm uapor, declarat & euphorbij & piperis, & similitum particule minime & efugientes uisum, quibus tanta uis a natura tributa est, adeo refert ignem in materia densa contineri, quamquam parua sit, talia quoque sunt seminaria contagionum, omnia enim acrida perse sunt, quamquam in lentore constituta, quæ et ipsa actu fiunt a calore animalis subtiliante eam misionem & uniente partes consimiles. talia autem ad humores & spiritus non paruum potentiam habent. quare & perdere etiã possunt paucis horis, si ad spiritus analogi sint, de quo mox largius dicemus. eadem & ex oculis lippientibus eiaculari possunt in alterius oculum & consimilem infectionem inferre, quæ uisio quidem non est, sed uitium in oculo. Quod autem in animal penetrent & nonnulla citissime, nemo mirari debet, si modum quo ingrediuntur consideret. ingrediuntur autem e paruis poris & uenis, & arterijs in maiores, & ab his in alios

Fracti.

I

sepe etiam usque ad cor. unius penetrationis modus est per propagationem  
 & quasi sobolem. prima enim seminaria, quæ ad hæserunt e vicinis humo-  
 ribus ad quos habent analogiam, consimilia sibi alia generant & propa-  
 gant, & hæc alia, donec tota humorum massa et moles afficiatur. alius mo-  
 dus est per attractionem, quæ intro fit, tum inspiratione per anhelitum,  
 tum uenarum dilatatione. simul enim cum aere qui attrahitur ingrediuntur  
 commista contagionum seminaria, quæ ubi introducta sunt, non eadem  
 facilitate regrediuntur per expirationem, quæ ingressa per inspirationem  
 fuerunt, quoniam agglutinantur humoribus & membris, & nonnulla etiam  
 spiritibus, qui contrarij speciem refugientes, secum et inimicum ad cor fe-  
 runt, non enim dicendum est ( ut quidam aiunt ) uenena & contagiones.  
 præcipue cor petere atque aggredi. uti inimicum, quasi cognitio & uo-  
 luntas ijs insint. tardius autem penetrant, quæ per se minus acris sunt, aut  
 in lentore multo sepulta, & analogiam habentia ad crassiores humores, et  
 quæ per uenas trahuntur. celerius autem quæ per anhelitum & quæ sub-  
 tiliora sunt, & acrimonie maiore ad spiritus autem analogæ. Fortasse  
 autem & alius est penetrationis modus. omnis enim euaporatio de angus-  
 to in amplum facillime diffunditur. quare quum minores & angustiores  
 sint uenæ, quæ circa summa sunt, maiores uero continue quæ uersus cor  
 itur, inde fit, ut & contagio quàm facillime ex angustis uenis in amplas  
 diffundatur, ubi etiam maior est calor, atque ad cor etiam ferantur, nisi  
 quid obstat. Quod igitur & quæ ad distans fit contagio per idem com-  
 mune principium fiat cum alijs, & per eundem modum, & quo motu fran-  
 tur, & quomodo penetret, & tantam habeat uim, hæcenus dictum sit. quo-  
 modo autem particulari & propria quadam natura ab alijs differat, nunc  
 dicatur. ab ijs igitur quæ solo contactu afficiunt differre uidetur, quod hæc  
 inforti mixtione constituta uidetur & lentore quodam, illæ uero non. ab  
 ijs uero quæ fomite solo & contactu inficiunt, differunt eæ quæ ad di-  
 stans protenduntur, quod ualidior adhuc mixtio ijs inesse uidetur, & sub-  
 tilitas maior, propter quod & penetrant magis, & maiorem actionem ha-  
 bent. Fortasse autem & antipathia ad animal bis est, non ea solum  
 quæ materialis dicitur, sed & spiritalis etiam, quæ spiritus  
 potest fugare et calorem qui humorum mixtio-  
 nem continet, propter quod & maxime  
 potest putrefactionem infer-  
 re, de quo etiam mox  
 dicemus.

## De analogia contagionum.

## Cap. 8.

**C**ontagionum autem analogia multiplices quidem sunt, & maxime admirandae. pestis quaedam est arboribus aut satis, animalium nulli obest. contra quaedam tangit animalia, satis & arboribus parcat, & inter animalia, haec hominem carpit, illa boues, illa equos aut alia, sed & in eadem specie, quae pueris & iuuenibus est contagio, senum neminem laedit, & e contrario nec quae mares, semper etiam mulieres attingit. promiscue uero alij certas pestes sensere, alij non, & alij inter pestilentes ille si uersantur, alij non. inter membra porro est, & sua analogia, lippitudo nulli membro nocet nisi oculis, phthisis uero non oculis, quamquam delicatioribus, sed pulmone, Alopecia & Achores caput solum tentant. at uero & in humoribus, quaedam uni est contagio alij non, quaedam omnibus. aliae spiritus praecipue perdunt, quorum omnium admiranda quaedam ratio est. assimilantur autem & aliis multis, de quibus omnibus diximus in iis quae de sympathia, ubi etiam communes causas perquisiuius, quae uel ad rationem agentis referuntur, uel materiae, uel applicationis. propter quae non omnia agunt in omnia, sed certa in certa solum, quae analogae dicuntur. particulares autem, & proprias analogias nec institutum nostrum est dicere, nec prudentis inquirere. sat. n. in praesenti sit, si non proprias & propinquissimas causas, at medias tamen sciamus, & ad proximas nitamur quantum pro subiecta materia dabitur.

## Vtrum contagio omnis putrefactio quaedam sit. Cap. 9.

**N**unc illud inquiremus utrum omnis contagio putrefactio quaedam sit, & an omnis putrefactio contagiosa. uidetur autem putrefactio omnis contagiosa aut simpliciter, aut saltem ad contrariam partem, ad aliud uero contagiosa non omnis est, quoniam ad agendum multa ut diximus requiruntur. omnem autem contagionem in putrefactione quadam consistere dubitationem fortasse habet, quoniam rabies contagio quaedam uidetur, putrefactio autem non. similiter & uinum quum acescit ab alio contagionem quandam pati uidetur, putrefactio autem non. nam quum putrescit, tum & fetet & ingustabile est, acetum uero suauis est, & putredinibus etiam resistit. sed certe & ea putrefactiones quaedam sunt existimandae. uerum illud circa putrefactiones est intelligendum, quod interdum sola mixti dissolutio sit, et sola euaporatio

ratio humidi atq; innati caloris, generatio autem noua nulla consequitur, atq; hæc simplex putrefactio dicitur. Interdum in ipsa euaporatione simul et generatio aliqua provenit, aut animalis, aut alterius quod formam unam et certam habet, & missionis rationem ac digestionem suam, in quibus igitur simplex sit putrefactio generatio autem nulla, & fetor fit & abominabilis sapor, propter causam quæ in sympathijs dicta est. ubi uero generatio aliqua intercidit, et digestio ordoq; partium pro certa forma, tum sepe neq; fetor fit, neq; abominabile quicquam. igitur & uinam quandoq; quidem simpliciter putrescit, & marcorem contrahit, et ingratum ingustabileq; est. Interdum non simpliciter putrescit, sed & simul generatio aliqua sequitur ut aceti. euaporante enim quod dulce atq; aereum est, relictio multo terreo subtili adusto cum plurimo aqueo, mistum illud fit, quod acetum uocamus. cuius & forma sua est, & digestio, & ordo partium, et sapor & odor. q. autem præcedat putrefactio aliqua prior, declarant, & lac, & pituita, quæ quum putrescere incipiunt statim acescunt. In rabie quoq; putrefactionem quandam accidere censendum est facta contagione ab alio, latet autem nos. quoniam quæ in uiuo animali putrefactiones fiunt, non admodum manifestæ sunt. uerisimile est autem ita se habere, quoniam & canes quum rabiunt febre quadam corripitur solent. si igitur in omnes contagiones inductio fiat, omnes quidem in putrefactione quadam consistere uidebuntur. quod & ratio quoq; persuadet, quoniam nulla alia euaporationis aptior esse uidetur ad contagiones inferendas, quàm quæ in putrefactionibus fit. quoniam autem diximus contagionem esse in insensibilibus particulis, primo querat fortasse quis, utrum particule illæ corrumpantur quidem an alterentur solum, ad quos dicimus quantum quidem sufficit ad putrefactionem faciendam, non necesse esse corrumpi particulas ipsas, sed alterari solum, quatenus dissolui mistio possit, & euaporare calidum cum humido innato, nihil tamen prohibet & corrumpi etiam, sed nõ necesse est quatenus attinet ad faciendam putrefactionem. quoniam autem putrefactiones omnes ad continuam saltem partem consimilem putrefactionem inferre aptæ sunt. si omnis quidem contagio putrefactio est, uidebitur quidem contagio simpliciter & communiter dicta putrefactio quædam consimilis de uno in aliud transiens, siue continuum illud sit, siue diuersum. uerum hæc non est ea qua proprie contagio dicitur, sed illa quæ inter diuersa uersatur. quod & si etiam propriissime uelimus contagionem considerare, quæ in morbis spectatur & non solo contactu afficit, erit quidem contagio consimilis de uno in aliud transiens putrefactio, cuius semina-

adionis

actionis multæ sunt, in forti ac lentæ missionis constituta, ac antipathiam ad animal habentia non solum materialem, sed & spirituale etiam, ex qua definitione ratio omnium eorum manifesta est, quæ circa contagionem videntur.

Cur morborum alij contagiosi sint, alij non, & contagiosi  
cur lenes sint. Cap. 10.

**I**n primis igitur cur morborum alij contagiosi sint, alij non, & quomodo fiat, ut alij ardentiores quam sint, & grauiores nullam tamen inferunt contagionem, alij uero placidiores, mitioresq; existentes cōtagiosi plurimum sint, quod certe dubitationē quandam habet. si enim contagio uim et actionem sequitur, qui acutiores sunt morbi uidentur magis contagiosi, si uero adustionem sequitur contagio (ut multi medicorum putant) similiter uiderentur, qui ardentiores sunt contagiosi magis. q. si & putrefactionem multam sequitur contagio, in pluribus quidem multa putrefactio fit, contagio autem nulla, ergo morborum quicumq; absq; putrefactione fiunt, nulli quidem contagiosi sunt, quoniam ut dictum est, contagio non sine quadam putrefactione fit. In quibus uero putrefactio contingit, requiri quidem acumen dicimus, si contagio sequi debet, sed non sufficit acumen solum & potentia agendi, uerum & lentor. quoq; requiritur, & fortis atq; elaborata mistio (ut dictum est) similiter neq; adustionem sequitur contagio, sed si qua in contagionibus adustio accidit, illa sequitur magis, quam origo contagionis sit, nec similiter omnem putrefactionem sequitur contagio, quamquam larga sit, & multi humoris, sed eam solum in qua seminaria fieri possunt, quæ & missionis sit fortis & in lentore constituta, febrium igitur multæ ardentissimæ sunt, ut quæ & colera, sed in sicco consistentes, e quibus quæ euaporāt particule, seminaria esse non possunt contagionis in alio, siue q. mistio earum debilis sit, siue q. non adheant & agglutinentur propter siccitatem, at quæcumq; sordidam habēt putrefactionem & conclusam, illæ seminaria gignunt ad inferendas contagiones idoneæ. sordidam autem dico putrefactionem, in qua nō fit superficialis putrefactio & euaporatio ieiuis, quod putrescit, sed profunda & ad totum conclusam autem uoco in qua non abeunt & exhalant quæ euaporant particule, sed quodammodo conclusæ bene ac diu agitantur & miscentur, lentorem autem habentes. sic enim & fortis sit mistio & glutinosa, lenes autem apparēt contagiosi morbi præcipue febres, quæcumq; con-



tagiosæ sunt, propter id q. profunda fit putrefactio, in qua multum humidum euaporat, quod tum lentorem inducit, tum et acrimoniam hebetat. In quibus autem acumen & ardor multus sentitur, in ijs superficiales magis particulae euaporant calidæ & siccæ, propter quod nec contagiosæ sunt.

In quo conuenit cum uenenis contagio, & in quo differat.

Cap. II.

**C**onueniunt autem et cognationem quandam cum uenenis habent nonnullæ contagiones, quoniam sicut illa inimicicia quadâ fraudulente latentia perdunt animal et cor petunt, ita et cõtågiones quædam facere solent, propter quod uenenosus solemus quasdam putrefacere appellare, differunt aut inter se non parum, q. uenena nec proprie putrefacere possunt, nec tale in secundû gignere, quale in primo fuit principium & seminarium, cuius signum est, q. uenenati ad alios contagiosi nō sunt, causa uero iccirco est, q. uenenorum est duplex genus, alia n. spiritali qualitate enecât, qualis est serpentû maxima pars, et Cathablephæ aspectus, alia uero materiali qualitate operantur, quæ igitur per spirituales species agunt, corrumpere quidem possunt, fugando calorem innatum, et tristitiam intolerabilē ingerendo, generare aut nihil simile possunt, quā generatio oīs a primis qualitatibus fit, propter quod in uenenatis nihil tale unq̃ factum uidimus, quale est quod a Vipera et Basilisco emittitur, eorû uero quæ p̃ materialem qualitatem operantur, alia calida sunt, ut uocata caustica & urentia, alia frigida ut opium & hyosciamus & id genus, uerum quæ calida sunt urentia, omnia in sicco sunt cōsistentia, quare et exurere magis apta sunt, q̃ putrefacere & contagionem inducere, q. si quædam a medicis putrefactiua dicuntur, hoc tamen improprie dicitur, simpliciter enim caustica sunt, appellant autē putrefactiua hæc, illa caustica, q. caustica crustam & uocatam escaram prius faciunt, uocata uero putrefactiua uesciam prius inducunt, quasi in his calor naturalis euaporet, sicut in ijs quæ putrescunt, uerum proprie caustica & illa sunt, ut Arsenicum Auripigmentum Pythiocampe et Cantarides quæ putrefactiua dicuntur, Ceterum non putrefaciunt, sed urunt, e quibus quod euaporat seminarium contagionis esse non potest, ut pote siccum, quæ igitur uenenorum calida & urentia sunt, propter hanc causam contagiosa non sunt, quæ uero frigida & stupefactiua sunt, putrefacere quoque non solent, quare neq. hæc contagionem inferre, ita igitur differunt quæ contagiosa sunt a uenenis.

De alijs differentijs contagionis. Cap. 12.

**S**uperest nunc ut de differentijs alijs prosequamur ac earum causis. neque enim omnes uno modo contagiones se habent. alie in nobis primo fiunt, & generantur in aliquo, mox ab illo in alium transeunt; alie extrinsecus primo ueniunt; & facte de uno in alium propagantur, & alie per summa errant, & uix eorum carpunt, alie solius diora occupant, alie & interna, & alie omnia tam interna, quam externa. quaedam porro promptissime inhaerent; & afficiunt, quaedam ferius, & alie se statim manifestant, alie non nisi longe post. alique ad haec letales sunt, alique sine ullo uita periculo. omnes autem in uiuo corpore nate infectionem disseminare, in mortuo non, & corporum alia suscipiunt facillime, alia aut nunquam, aut cum difficultate. unde & illud queri potest utrum pestilentijs assuescere possimus, sicuti uenenis.

In nobis igitur primo oriri seminaria contagionum manifestum est, non solum scabie, achoribus phthisi, sed in febribus etiam, quae pestifera dicuntur. causa est; quod in nobis & humoribus nostris putrefactiones fieri nihil prohibet, quae & sordide sunt, & conclusa, a quibus seminaria illa fiant, quae tum lenta, tam & fortis missionis sunt. haec autem contagiones inferre, dictum est supra, ac in aliquo primo ita fieri posse, ne modubitat: illud fortasse dubium esse posset, utrum & in secundo qui afficitur, contingat similiter sordida & conclusa putrefactio, an non. si enim non contingit, quomodo in ea noua seminaria fiunt, quae tertium alium quem inficere possint. ut si contingit, a quo nam fit, quando causa eadem in secundo non sunt, quae in primo fuerunt. si quidem in primo cause fuerunt obstructions, plenitudo & malitia humorum & similia. in secundo autem nihil horum adesse necesse est, quando uidemus temperato & probe sano existente aliquo contigere tamen ab alio contagionem, solis seminarijs sufficientibus inferre. Dicendum igitur & in secundo sordidam ac conclusam putrefactionem fieri, sordidam quidem, quoniam profunde coramputrit, quod a seminarijs recipit putrefactionem, propter multam inhesionem et actionem eorum atque analogiam. talis autem et conclusa est, propter multam euaporationem, quae fit. quod et si non talis perse esset, nihil tamen refert dum profunda accidat. omnino. n. tale in secundo fuit, quale in primo principium & seminarium est, quoniam dictum est eam seminarijs inesse uim, ut sibi simile propagare, & gignere possint, sicuti & spiritus faciunt. in primo igitur cause fuerunt illae, quae passim solent putrefactiones in nobis facere

obstructiones plenitudines & humorum prauitates, a quibus facta putrefactio sordida & conclusa plurimum, accidit inde seminaria nasci, quæ apta sint in alium contagionem transferre, siue in eos uerint cause, & dispositiones, quæ in primo fuisse, siue non, quare analogum humorem nasci in secundum & tertium & alios contagionem apportant. Quod uero et extrinsecus quoque in nos ueniant principia et seminaria contagionum, & in nobis non primo fiant, similiter, quoque manifestum est, quoniam sempe uidemus populariter uagantes morbos, quas epidemias uocant, quorum alij communes quidem pluribus aut ciuitatibus, aut regionibus sunt, sed non contagiosi, qui communes tantum dicuntur. alij uero etiam contagiosi, id est qui semel in uno concepti absque aeris dispositione illa communi, contagionem in alium transferunt, atque hi non communes tantum dicuntur, sed contagiosissimi, quales sunt pestilentie, uti ea quæ circum Græciam uagata est, de qua Thucydides scribit, & quales illæ, quæ nostris annis apparuerunt in Italia ab alijs lenticule, ab alijs puncticula appellatae. referemus etiam insolitam anni. 1514. contagionem quæ in homines solum irrepsit uisa primo circa Forouliensem tractum, mox sensim & ad Euganeos delata atque inde in agrum nostram, abstinerebat primo bos a cibo sine causa, alia manifesta spectantibus autem in ora eorum bubulcis, asperit atque admodum parua pustule percipiebantur in palato & ore toto, separare protenus infectum oportebat a reliquo armento, alio qui totum inficiebatur: Paulatim labes illa descendebat in artus, & inde ad pedes, ac quibus ea permutatio fiebat, sanabantur ferè omnes: quibus autem non fiebat, plurima pars interibat. Harum ergo contagionum, quæ extrinsecus ueniunt, potissima causa est aer, quamquam ex aquis & paludibus, & alijs nihil prohibet euenire: aptissimus autem est aer, tum quod facillime & proprias & alienas infectiones concipit, tum quod necessario utimur ad uitam, sed illud maxime aduertendum est: quod aer interdum alterat solum calefaciendo, infrigidando, humectando, & exsiccando, interdum non solum alterat, sed & uapores extraneos in nos immittit, interdum non uapores simplices, sed & seminaria contagionum. differt autem seminarium contagionis a uapore simplici, quod uapor alterabile satis est corpus, mutationem non habens sortem in lentore, quale est seminarium. concurrunt tamen uapores in nos importati multipliciter ad putrefactiones quæ fiunt. primo enim & obstruunt, deinde & locum habent alij caliditatis & humiditatis, tum & immixti humoribus inamabiles illos reddunt, & ingratos membris, unde & respuuntur et relinquuntur a natura, ac sic putrescunt. seminaria uero non solum

lum hec faciunt, sed maxime faciunt, ac simul & consimilia sibi alia cum sobolem procreant, quæ ad alium delata contagionem inferunt. Si igitur vapores simplices in nos aer importet, non iam contagio est, nec ægritudo perse contagiosa, nisi profunda & conclusa putrefactio fiat, quæ nec similiter si ad aerem comparatur, contagio dicitur, quoniam non est consimilis in utroque infectio, sed si ad alium comparatur, qui secundus sit, & tertius, & quartus, iam contagio dicitur, & ægritudo contagiosa. si uero ab aere seminaria statim immittantur contagionis in aliquem primum, et contagio dicitur ab aere accepta, & ad alium apta est transire, idem enim uitium & aer passus est, quod & ille, cui illatum est. idem & de terra & aqua dicatur, nam & ipsa interdum vapores solos in nos transferant, interdum & seminaria ipsa contagionum. quibus autem de causis tum aer, tum aqua & alia inficiantur, & modo seminaria contagionum concipiant, modo uapores extraneos, & modo alterent solum, recipiendum est nobis uti notum. Illud fortasse magis desideraretur, utrum a cælo & syderibus contagiones ullæ perse dependeant, quando astrologi sæpe quosdam futuros morbos & Epidemias prædicunt, quemadmodum Syphilidem siue Gallicum uocatum morbum prædixisse ipsos constat multo antequam apparuisset. sed certe (quando nihil a cælo huc demitti potest, quod proxime tangat) nisi spirituale aliquod seu lumen, seu tale aliud, si ad ea respiciamus, quæ supra de actionibus spiritualium dicta sunt, uidebimus a cælo nullas contagiones perse fieri posse. per accidens autem nihil prohibet, quædam ab ipso fieri, ac prædici etiam ab astrologis posse, qui scientes ea, quæ a syderibus perse ut plurimum fiunt, possunt simul & illa præuidere quæ per accidens cum illis, ut plurimum coniunguntur. possunt autem perse sydera calefacere, ad calefactionem autem sequitur et uaporum plurima ex aquis et terris eleuatio, qui mox uarias et diuersas corruptiones efficiant, modo nouas, modo consuetas, modo magnas, prout & syderum constitutiones se habent. Igitur his considerantes astrologi ac docti, quæ apportare solent, prænuntiant effectus, qui quamquam per accidens a syderibus fiunt, ut plurimum tamen concomitantur ea, quæ perse fiunt. nihil enim prohibet quædam per accidens esse, & ut plurimum esse. aptissime autem sunt ad magna & noua producenda illæ syderum constitutiones, in quibus plures Planetarum in unum coeunt, præsertim sub insignibus aliquibus earum stellarum, quæ fixæ dicuntur. raro enim fit, ut quum eiusmodi conuentus fiunt, notabilem aliquem partum & portentum non edant, sed de his plura fortasse oporteret dicere.

Per summa autē errant scabies, porrigō, papule, lepra & circa caput  
 achores areæ opbiasts & id genus. horum autem omnium seminaria cras-  
 siora & minus acra, quæ intima petunt. hæc enim subtiliora sunt, &  
 acra magis, & ad spiritualia magis analogæ. eorum autem quæ in summo  
 insident, alia summam cutim tentant, alia profundius immerguntur, quæ in  
 densiori materia sunt, quales sphaçeli & estiomeni & carbunculi, et ele-  
 phantia, & sypbilis morbus, & id genus. Cito autem afficiunt, quæcunq;  
 seminariorum in acrimonia multa consistunt, et subtilia sunt, præsertim p-  
 anhelitum cor petentia, quorum analogia est ad spiritus aut ad subtiliores  
 humorum. at quorum materia densior est, & analogæ ad humores crassio-  
 res, ea tarde serpunt, ut sypbilis & rabies. mortuū autem animal contagē  
 eam nō seruat, quæ tenebatur uiuens. quoniam seminaria contagionis una  
 cum calore innato extincta sunt. paratiora uero sunt ad contagiones cor-  
 pora, ad eas quidem, quæ primo in nobis fiunt, immunda quidem & ualde  
 humida et carnis ac straminum constipatorum. ad eas uero quæ extrinse-  
 cus ueniunt paratiora sunt, quæ stramina aperta & laxa habent, calida  
 autem & humida. difficulter autem recipiunt et serius, quibus frigida est,  
 & secca densaq; corporis constitutio. propter quod senes & anicilæ mi-  
 nus corripiuntur, quā iuuenes. attendenda tamen sunt analogiæ contagionū.  
 quæ unum magis quā aliū tentant. minus item recipiunt, qui per ocium ni-  
 tam traducunt, quā uegetes & negotiatores. quosdam porro uidimus, qui  
 in melijs pestilentijs uersantes securi esse consueuere, de quibus quædam  
 suo loco dicemus, & utrum consuescere pestilentijs possumus.

## De signis contagionum.

## Cap. 13.

Sunt autem et indicia contagionum sua, quorum alia prænuntia sunt  
 futurarum, alia præsentis monstrant, ac eorum quæ prænuntia dicun-  
 tur, alia a cælo summuntur, alia ab ære, alia ab ijs, quæ circa ter-  
 ras & aquas sunt, quorum quædam ut plurimum ueracia sunt, alia  
 sæpe. quare nec per omnia prognosticari nisi probabiliter, licet. In cælo  
 igitur quum eorum siderum, qui planetæ dicuntur, uides unam in par-  
 tem plures conuenire, ut sæpe accidit plures, aut septentrionales fieri, aut  
 australes, nec non et coniungi etiam inuicem, tum scito in ea parte muta-  
 tiones magnas circa terras futuras. ac primum quidem humiditates plu-  
 rimas sublati uaporibus multis e terra & aquis, mox siccitates non par-  
 uas consecuturas, consumptis tandem uaporibus & exsiccatione circa ter-



ram & aerem facta. hæc autem solent & putrefactiones apportare, quòd si coniunctio syderum illorum sit plurimum quidem sub maioribus earum, quæ fixæ dicantur, tum & prædicere potes insignem aliquam portendi contagionem. sunt porrò & aspectus quidam planetarum, quibus astronomi hæc portenta tribuunt, qui nec omnino negligendi sunt, nec semper timendi. ex aere porrò sua quoque indicia haberi solent, ac primum quum multæ crebræque incensiones illæ apparent, quæ in suprema regione è uocato hypocaustate fiunt, ut cadentia sydera cometae trabes æges & id genus, putrefactionem circa terram fieri ostendunt. omnia enim hæc è fomite unctuosus & lento fiunt. hoc autem monstrat uapores, qui a terra tolluntur, tales quoque existere, quod potissimum circa putrefactiones contingit. notare præterea oportet, & alias inferioris aeris constitutiones. neque enim sine suspitione est, quum aut austrum plurimi perflarint, & diu incubuerint, aut caligines quasdam præter modum certam regionem uideris occupare, & si fuscus et ueluti puluerulentus aer solem diu tristem reddiderit. tum uero tibi maxime cauendum erit, quum uentos quosdam fueris conspicat. ex ea regione perferri, ubi pestilentia grassetur. non solum autem timendum tibi sit, sed fugiendum, quum ea quæ sub diuo ponuntur, ut obsonia & lintea, et id genus, marcorem quandam et situm contrahunt. sed & aquæ quoque sua signa dant, quum inundant flumina & diu restagnant. quum loca paludosa cænosaque relinquuntur: quum maria piscines emortuos plures in littoribus deponunt. Terra quoque ubi plurimam insectorum generationem profert, putrefactiones conceptas nuntiat. quæ nisi totæ in ea animalia absumptæ fuerint, contagiones subesse declarant. potissimum autem isthæc portentunt locustæ, quarum sepe innumera bilis ac penè infinita generatio fit; hoc autem non solum monstrat magnam putrefactionem præcessisse, sed sæpe nouam facit, tolluntur enim quasi exercitus ingens, & in certas euolant regiones, quas ubi late depopulate sunt, illic sæpe commoriuntur, unde mox immensa corruptio sequitur. qualem in Africa contigisse legimus anno. 118. delatis ad littora locustis incredibili numero, atque ibi emortuis. similiter & in Gallia euenisse anno. 864. memorie mandatum est. In Italia uero anno. 1478. in agro Ferrariensi Mantuano Veronensi Brixienisq; & uicinis alijs quum ingens increuisset earum multitudo, paulo post miseranda pestilentia secuta est. quod & annis superioribus etiam contigisset, nisi dei optimi clementia et mortalium cura prouidisset. quo tempore tantum eius generis animalium uidimus, quantum antea, nunquam uisum fuisse putandum est. quarum pars



multa in huius superioris Italiae agris resedit, pars uersus Gallias euolauit diebus septem non sufficientibus migrationi tanti exercitus. Idem saepe faciunt & cadauera caesurum in praelijs, quin & cibi nonnulli sunt, quorum usus frequens nunc has, nunc illas infectiones producit, alij Elephantiam alij scabiem, alij carbunculos, alij alia. Interdum & animalia, quae sub terra degunt, solent nonnullas infectionum significare, quum multa eorum celatibus & proprijs laribus in apertum exeunt.

Saepe exiguus mus

Augurium tibi triste dabit, tellure sub ima

Quem non ullus amor tenuit, sed in aera apertum

Erupit scrobibus, uitæq; atq; immemor usus,

Et paruos natos & dulcia tecta relinquit.

Ipsa etiam tellus ceu non ignara futuri

Quum tremat, atq; intus grauida suspirat ab aluo,

Signa dabit. tremuere urbes & uertice toto

Formidauit Athos, timuitq; sub equore Nereus.

Quippe crebri terræ motus & ipsi nuntiant cōtagiones futuras, quoniam ex balatio, quæ intus concluditur, non solum noxium quiddam acquirit, sed etiam gignitur ex ipsis maxime putrefactionibus, quæ sub terra fiunt. Adhuc et cum uides carbunculos multos & exanthemata et bubones enasci, timere quodammodo potes. Præsentem uero contagiones indicant, eas quidem, quæ extrinsecus ueniunt, multitudo eiusdem morbi, tam & si non quando eundem multi eodem laborant morbo, contagiosa est aegritudo. esse autem contagiosam cognosces, & ex genere morbi, et ex ijs, quæ sequuntur.

tas uero quæ primo in nobis fiunt, contagiose ne sint an

non, cognosces similiter & ex genere morbi, & ex

his quæ sequuntur. sed iam de contagione quid sit,

& quo pacto fiat, & quibus principijs et

quæ sint contagionum differentie,

et cause, tum et quæ sint ea

rum signa communia in

uniuersum di

ctum hacten

nus satis

sit.

## DE MORBIS CONTAGIOSIS

## LIBER SECVNDVS.

## De febribus contagiosis. Cap. XI.



**A**D HAEC consequens esse uidetur, ut de singulis contagiosis morbis, qui nobis cogniti sunt, agamus, qui sint, & quibus de causis fiant, & quomodo differant inter se, ab iis incipientes, quorum cognitio necessaria magis uidetur. tales autem sunt febres, quae in contagione consistunt, de quibus tanto accuratius est agendum, quanto plures earum nouae inusitataeque annis nostris apparuerunt. in uniuersum autem de omnibus pauca quidem a maioribus nostris pro tanto negotio litteris mandata sunt. quid autem simpliciter sit febris & quomodo fiat in praesentiarum nobis est supponendum.

Contagiosae autem uocantur non quaecumque uicinum & contiguum humorem possunt in ficere, sed illae solum quae in alium consimilem inferre infectionem ualent, & quae dicta seminaria contagionis perse includunt. Earum uero quae contagiosae dicuntur, aliae pestilentes uocantur, aliae non pestilentes, & pestilentum quaedam simpliciter pestilentes sunt, quaedam malignae tantum appellantur, quasi mediae inter pestilentes, & non pestilentes. quippe contagiosarum febrium, quaedam ut plurimum salubres sunt, quaedam ut plurimum per dentes, quaedam uero partim salubres partim per dentes, a quibus multi quidem euadunt, multi uero pereunt, in dubio qui plures sint, quales quae lenticulae dicuntur.

## De uariolis &amp; morbillis.

## Cap. 1.

**E**Rgo de iis contagiosis primo est agendum, quae tam & si contagiosae sunt, pestilentes tamen non appellantur, quia maiori ex parte salubres sint. tales autem uidentur illae quas qui arabum libros translulere Variolas & Morbillos uocant. per uariolas intelligentes eas quam & uulgus uariolas uocat ex similitudine arbitror pustularum, qui uari dicuntur. per morbillos autem, eas quas uulgus ferlas nuncupat, a feruore fortasse dictas. De iis autem graeci non uidentur sub alio cognoscere nomine quam exanthematum, quod nomen & uarium etiam apud ipsos repe-

ritur. contingunt igitur eiusmodi febres præcipue pueris. raro uiris. rarissime senibus. uidentur autem & omnibus semel in uita aut accidere, aut apte esse, quæ accidunt, nisi præcox mors hominem tollat. non facile autem dignoscuntur adesse, priusquam pustulæ ipsæ malum prodant. signa tamen quædam præcedunt ex quibus suspicio esse potest, eiusmodi affuturam febrem, ac primum quum uides populariter quodammodo uagari genus id februm, puer autem est, qui febricit, tum suspicari potes communi illo teneri morbo, necessarium tamen non est, quare & alia signa spectato, si conuersatus est cum alio affecto, si lucent oculi, si dorsum contractum sentitur, si facies rubet. febris autem continenter affligit, morosa quidem magis quam mordax. hæc enim primum indicia apparent. tum interroga nunquid alias senserit eiusmodi febrem, quæ solet exanthemata illa apportare. raro enim fit, ut qui semel affectus fuit, denuo etiam patiatur. tum uide si quid a natura ad cutim pellitur, nam ut plurimum circa quartum diem, aut paulo post, apparere solent primum quidem sparse quædam ceu maculæ rubentes, mox manifestius in pustulas concrescunt, interdum humidiores & uariis similes, interdum sticciores & similes ipsi exanthematibus, quæ ex calore solent pueris enuenire, quas uulgus sufferfuras uocat. Vtræque mox tenui quadam pituita & sanie replentur, ac per ipsas soluitur ægritudo, facillime quidem pueris, difficilius autem grandioribus. propter quod maiores optare solent febres hæc filijs aduenire quum tenera in ætate sunt. Contagiosæ igitur sunt, quoniam quod exhalat in putrefactione lentum admodum est, & seminarium contagionis in alterum, eo pacto quo in alijs fieri diximus. maiori autem ex parte salubres sunt, quoniam ebullitio hæc purificatio quædam sanguinis est. neque enim contemnendi sunt, qui dicunt infectionem a sanguine menstruo contractam in utero matris, secerni per eiusmodi ebullitionem & putrefactionem eius, ac sic defecari sanguinem per quandam quasi crismam a natura factam. propter quam causam omnes ferè hunc affectum patimur, quonia omnes eam infectionem menstrua lem deferimus a uentre matris. quæ de causa non perdit, ut plurimum febris hæc per se, sed purgat magis. pueris uero benignior est, quàm adultis. quoniam si qui per ætatē teneram eam sanguinis infectionem non expurgant, signum est esse male idoneam separari. quare mox quum in grandiori ætate fit separatio illa, contingit quidem ui multa, et affligit magis. minus autem quum mollior est sanguis, & aptior ut separaretur ab eo labe illa, ob id etiam quum semel accepit non reuerti præterea solet, quoniam secreta iam sit infectio, uisa tamen quandoque fuit bis accessisse, quibus scilicet

prius non exacte secreta fuisset. Si igitur sanguis pituitosior sit, pustule uariiformes sunt albæ, rotundæ, mucore quodam plenæ. si uero biliosior extiterit, pustule sicciore erumpunt. analogia autem eius contagione ad eam sanguinis superfluitatem est, quæ e menstruo sanguine contracta fuit. quare ad eos solam analogæ est hæc infectio, quibus purificatio sanguinis non est facta. propter quod nec omnes inficit, nec humores omnes, nec plura de his dicantur.

## De pestilentibus febribus.

Cap. 3.

**N**unc de pestilentibus uocatis prosequamur, quarum aliæ, ut plurimum perdunt uere pestilentes uocatæ, aliæ multos solum perdunt, malignæ appellatæ, communi autem uocabulo omnes pestilentes nuncupari solent. de quibus accuratissime perquirendum est. omnes enim peculiarem quandam et rationem, et curationem habere existimant, quæ autem peculiaris ratio sit nondum plane assignatum uideo. quidam breui sese ab hac difficultate explicantes ad occultas proprietates recurrunt, de quo multa in superioribus dicta sunt, quæ hic non aliter repetentur, tanquam nihil dicentibus et docentibus, qui difficultates propositas per ignota soluere student. Galenus uero interdum uidetur dicere pestilentes febres habere quandam uenenositatem, et per hoc differre ab alijs, interdum peculiare ijs inesse, ut putrefactio circa cor sit, quandoq; quidem in substantia eius, quandoq; in contentis. de quo rectum est rationem habere. nam quid sit uenenositas illa non declarat Galenus, et utrum ueram uenenositatem intelligat, an magis assimilationem quandam interficiendi. q; si ueram uenenositatem intelligit oportebat dicere in quo consisteret, uenena. n. aut p materiales qualitates aut per spirituales necat. quod uero dicit peculiare esse his febribus, ut aut cordis substantiam putrefaciant, aut contenta, rursus dubitationem non paruam habet. quæ de re MONTANVS cuius nosster primarius iam et nunq; satis laudatus in re medica, et in quem si pythagorice loqui licet, Galem animam migrasse uidetur, subtiliter quidē multa differuit pro Galeni placitis, quantum quidem uidere potui ex scriptis quibusdam, quæ sub eo ordinariam medicine Patavij legente ab auditoribus notata et litteris mandata fuisse, quæ quū forte ad manus nostras tumpervenisset, quū et ipse de his febribus scriberem, sustensum me admodū reddidere, quū ego alia uia forte fortuna incederē. nam si inceptis nostris psistere uoluisset, non solum

timor oboriebatur, quomodo mihi ipse considerem deuanti ab eorum calle, sed & rem ualde arrogantiem uidebar aggredi, qui & a primo Galeno & a Secundo dissentire audeam. quocirca quā quā si decreuisssem retractare quaecūq; de ea materia scripsissem, rem tamen cum quibusdam amicis communicauit, qui ingenue consulentes persuaferunt, quæ ego iam scripsissem, tamen si uiderentur nouo calle procedere, emittenda tamen esse non per assertionem aliquam, sed uti problemmata magis. quæ igitur **MON-TA N V S** noster ex Galeni placitis tradit, hæc ferè sunt.

Febres quæ pestifera uocantur differre ab alijs, quæ in putrefactione consistunt, quæ pestilentium putrefactio uel in substantia cordis sit, uel in contentis. in alijs uero iam nec putrefacta esse cordis substantia, nec contenta. transmitti quidem ad cor uapores putridos, atque accendere tum cor, tum contenta. putrefacere aut non. quæ si eo ueniant, ut putrefaciant, iam febrem pestilentem esse. porro pestilentem omnem febrem hecticam etiam esse, si quidem facta putrefactione in corde aut contentis, fieri non posse, ut iam confirmata non sit, atque hinc illa contingere, quæ in pestiferis apparent febribus, non sentire scilicet agrum se febrere, pulsus non magnos, non citatos percipi, maximam mortalium partem perire. cōuenire autem pestilentes febres partim cum putridis partim cum hecticis, cum putridis quidem, quia omnino febres hæc a putredine pendent, cum hecticis uero, quia iam confirmata sit febris, uerum neque simpliciter hecticas dici debere, nec simpliciter putridas, sed pestilentes hecticas & putridas. Venenositatem autem earum non aliud esse, quam gradum putrefactionis largioris circa cor.

Atque hæc ferè sunt, quæ ego scripta uidi. quæ si bene considerentur non paruas habent difficultates, ac primum quæ progressus hic non declarat cur pestilentes febres contagiosæ sint, quod peculiare quiddam et proprium uidetur cum ipsis iungi. præterea si queratur cur in ijs putrefactio est in corde aut contentis, dicere quidem uidentur causam esse, quod ingens et larga quædam sit putrefactio, per quam accidit & cor aut contenta infici. si uero rursus queratur cur fiat ingens illa putrefactio, contingere dicunt ex præparatione hoc est nimia humiditate, quæ uel intrinseca est, uel extrinsecus accedit. quod certe non minorem habet difficultatem, nam primo mirum uideretur in decem milibus hominum, qui in pestilentia pereunt, eam esse præparationem in omnibus, præsertim quæ uidemus innumeros exactissime sanos existentes, & nullo uitio humorum deprauatos, concipere tamen contagem illam ex sola conversatione cum pestilentia affecto, aut ex illius uetibus, quid nam igitur in hoc fecerit illam ingentem putrefactionem? quum

nec obstructions fecerint, nec humiditas aut propria, aut ab aere acquisita, quare aliquod aliud principium assignari necesse est, quod in causa sit, oportebat præterea declarari qualis nam esset ea ingens putrefactio, num quantitate ingens & mole, an gradu actionis. nam si actione ingens, cur ardentissimæ causones & furentes non tamen pestilentes sunt: quin imo nec illæ, quæ ex eruginosa colera sunt. si uero quantitate ingens est, quæ necessitas erat ponere cor ipsum putrefieri. poterat enim sufficere quantitas illa ingens putrefactionis. Adhuc & illud dubium est, si adeo ingens est putrefactio, cur non sentit æger se febrire, quum aliæ alioquin minoris putrefactionis inflammationem inducant, nec recurri ad hæcticam posse uideatur, quando multo ante quàm hætica fiat, putrefactio illa ingens sit, imo causa cur hætica fiat, est putrefactio circa cor, illam autem facit ingens putrefactio per corpus reliquum. cur ergo prius non sentitur, quàm hætica facta sit. postremo & mirum illud uidetur in his febribus putrefcere cor aut & contenta. statim enim uideretur animal perire, quoniam ne erysipelata tolerare potest delicatissimum membrum. non perire autem hominem statim manifestum est, sed maiorem partem peste affectorum ultra quartum & septimum uiuere, quin imo & multos euadere, quod certe fieri posse non uidetur, si febris iam hætica confirmata est. Præterea cur & aliæ hæticæ non sunt pestilentes, quando febris confirmata est in corde, & si uapores putridi circa cor ad id uenerunt, ut possint facere hæticam & confirmatam caliditatē in corde, uidentur etiam posse & putrefactionem facere, aut in ipso, aut in contentis saltem, quod si sit, necessario perire oportere pestilentes omnes uidetur. atq; hæc sunt, quæ dubitationem faciunt circa positionem hanc. quare non tacebo quæ ego prius conceperam, paratus opinionem mutare, si minus satisfacere uidebuntur. Inhabendo igitur fundamentis illis, quæ circa contagionum naturam iacta sunt, dico pestilentes febres ab alijs putridis differre in multis. primum in principio agente, deinde & in materia seu modo putrefactionis, ac demum in accidentibus proprijs, quæ sequuntur: quippe in alijs putridis principia & causæ putrefactionis sunt, aut obstructio, aut plenitudo, aut malitia humorum in quantitate uel qualitate. uoco autem principia hæc agendi, quia causæ sunt cur a caliditate loci putrefactio fiat. in pestilentibus autem febribus, nullum horum per se causa est, & principium putrefactionis. possunt enim esse in aliquo mensurate humores, potest abesse omnis obstructio, omnis plenitudo, pestilentia tamen ab alio concipi. oportet igitur esse aliud principium per se eius contagis. nihil quidem pro-



bibet quandoq; & has dispositiones adesse, sed accidunt quidem quantum ad id quod perse agit. æque enim putrefactio fit, siue ad finem, siue non; quin imo illud fieri potest, ut in aliquo præparatum sit, aut phlegma, aut coctura ut putrescant ex prædictis principijs, minus tamen corripiantur a contagione, quam humor alius, quod analogia non sit ad illos. quare nec omnes putrefactiones, quæ circa terras & aerem fiunt, etiam disponunt ad eam, quæ circa pestem uersatur, sed certè solum. si igitur recte tradita sunt, quæ de contagione a nobis sunt dicta, principia quidem contagionum perse sunt seminaria ipsa, de quorum natura tanta narrata sunt, quæ quidem tametsi communi quodam principio cum uaporibus & localitate conueniunt in agendo, peculiarem tamen quandam sortita naturam sunt, & rationem putrefaciendi. in primis enim diximus habere ea uim & actionem multam, tum & missionem fortem & elaboratam, nec non et missionem in lentore constitutam, ac demum non materialem solum antipathiam ad calorem naturalem & ad animam ipsam, sed & spirituales. hæc igitur quum ita se habeant, longe diuersam putrefactionem ab alijs faciunt. si quidem in alijs superficialis quodammodo sit putrefactio, non profunda, et fordidà, in his autem profundissima et ad partes uel penitissimas eius quod putrefit. quod quidè iccirco accidit, primo q. seminaria non parue actionis sunt, quemadmodum simplices uapores, sed longe maioris, propter fortem missionem, propter quam nec cito & facile alterantur, sed perstant & actionem continuant. propter lentorem autem agglutinantur ualde illi humori, ad quem habent analogiam. in quem incumbens cito dissoluunt, actiua multum quum sint & humida, ad quod non parum adiuvat spiritalis antipathia, quæ naturalem calorem sugat et propellit, a quo constitutus humor cito contrahit putrefactionem profundam, fit etiam putrefactio illa non profunda solum, sed & ualde larga, hoc est multarum partium, quoniam seminaria hinc inde dispersa sunt, & hæc alia ceu sobolem generat, illa alia, recte igitur dicebat Montanus magnam putrefactionem in pestilentibus febribus fieri, sed rationem non dedit perse id facientem, assignans humiditatem contractam & præparantem. Differunt præterea hæc febres ab alijs putridis in accidentibus proprijs. ad hæc enim sequitur esse contagiosas ad alium. cuius causa assignari non aliter potest, q. per rationem seminariorum, quæ ad alium delata tale in secundo faciunt, quale in primo fuit. q. si pestilens aliqua febris primo in nobis fiat, nunq. tamen esse pestilentem dicimus, nisi tum quum seminaria contagionis iam facta sunt, quare æque est, factam esse febrem ex seminarijs, et aptam esse ex ijs.

fieri, atq; easse includere. si igitur licet pestilentem febrem diffinire. dicemus esse febrem sordidam & profundam putrefactionis includentem semina acutissimæ contagionis per se. pp quod et letalis est, et ad aliū contagiosa. atq; hæc per se ratio est pestilentis febris, non aut q. uel cor, uel contenta in eo putrescant. nihil quidem prohibet, et ad illa putrefactionem deferri, præsertim si analogia ad illa sit. sed siue hoc sit, siue non, ratio non est hæc pestis, sed forte ratione uementioris pestis, & citius interficientis. quod autem per se est et ( ut aiunt ) formale, est esse febrem per se includentem semina contagionis letalis. propter quam causam quæ e uenenis fiunt febres letales quidem sunt, sed non pestilentes, quoniam contagiosæ non sunt. carent enim eo quod formale est, & per se ratio pestilentis.

De differentiis pestilentum febrium, & accidentibus earum. Cap. 4.

**P**estilentum uero febrium alia extrinsecus in nos ueniunt, alia in nobis primo fiunt, alia omnes perdunt, alia maiorem partem, alia multos solum. diuersa porro est earum analogia & admiranda. quædam ad sanguinem præcipue analogæ sunt, quædam ad coleram, quædam & ad humores alios, alia promiscue ad omnes, & alia ad spiritus solos, aut ad ipsos maxime, & quædam citissime perdunt, quædam serius. extrinsecus ueniunt, quorum seminaria prius concepta sunt, aut in aere, aut terra & alijs. oportet autem & ea prius corrupta fuisse, si proprie contagio dicenda est. dico autem seminaria, non uapores simplices, multum enim differt ( ut diximus ) inter seminaria & uapores. In nobis autem primo fiunt, quæ e communibus quidem causis cum alijs originem habent, ut plenitudine obstructionibus & humorum malitia. uerum putrefactio & sordida est, & conclusa, eiusmodi autem ut in ea seminaria fiant contagionis perniciosæ. nihil enim prohibet sepetalem in aliquo primo fieri, mox ab illo in alios importari. omnes autem perdunt, quæ ad spiritus & spiritualia analogiam habent, maxime quæ extrinsecus ueniunt per anhelitum attractæ contagies. maiorem uero partem perimunt, quæ ad acutos humores analogæ sunt, præsertim si & ipsæ extrinsecus apportentur. multos autem solum, quæ ad crassiores humores rationem habent. quo autem modo & quibus de causis diuersæ sint analogiæ earum, supra quidem demonstratum uniuersaliter fuit. quare nunc non aliter repetendum erit.

Sed iam de accidentibus earum dicatur, quatenus signa & noticiæ

earum haberi possint. primum ergo quòd per se has febres sequitur, est esse contagiosas, quod & maximum est earum signum. quod quoniam non semper datur uidere posse, alia signa attendenda sunt, commune autem est omnibus ferè, per initia omnia uideri ualde placida, ita ut uix febrile existimetur, qui nihilominus latentem pestem concepit. pulsus urinæq; id attestantur, sed ita tamen ut peritum non lateant. per processum porro tamen si sua sunt augmenta tota, tamen per se febris placida uidetur & lenis, calor tactu mordax non est, introrsum uero morosus magis, quàm acris percipitur. quippe interrogati, qui egrotant num febrant, non febrile se dicunt, sed tamen in angustia quadam uersari. de cubitus supinus est, dorsum perinde ac uerberati, anhelitus solito longior, pulsus non citatus, non altus, sed pressus magis & uix audens se attollere. hæc ergo signa per primos morbi processus apparent, quæ quum uides, tum ad alios spectato, quos febres teuent, ac quum multos emori uides & consimili morbo, tunc time pestilentem esse febrem cui assas. in dies autem certiora se ostendent signa, nam uel macule in cute apparebunt, uel abscessus circa emunctoria uocata. oculi adhæc subrubent, & uacillant, anhelitus extraneo quodam fetore grauis est, quo solo signo periti, sepe pestilentem febrem deprehendunt, uerba sepe dicuntur multa, & interdum incompressa, caput graue scit, & morosus uigilia, modo somnus nimis egrum tenet, Hypochondria tenduntur. egestiones liquida sunt, corruptæ longinquæ a forma fecum & humorum, fetentes. urinæ aut subiugalia similes, aut quasi uinum grauius, aut tenues crudæ, aut confusæ, rubræ. quandoq; & similes sanis sunt, lingua fordescit. uirtus omnis labat & fatiscit, mala autem signa sunt, delirium perseuerans, urinæ detentio, fluxus sanguinis narium ad quem alleviatio nulla consequitur, uentris deiectionum multa per initia oborta, uel e leui pharmaco facta, apparitio macularum & abscessuum, ac subita mox delitescencia.

Quòd igitur per initia mites appareant hæc febres, nihil nimirum uideri debet, quum toto genere, & in toto processu lenes plurimum sint. causam aliqui reddunt, quòd nec nos tangentes ardorem febris sentiamus, nec æger ipse. nos quidem quia febris hæc extrorsum quæta est, introrsum turbans, æger uero neque ipse sentit, quoniam hecicam febrem patitur, de quo supra dictum satis fuit. Nos e nostris principijs causam inde esse arbitramur, quòd profunda admodum sit putrefactio, in qua acrimonia omnis multum obtunescit et bebescit, humido multo simul euaporante, & lentore tanto facto, in febribus autem quæ in secco consistunt, quales sunt colericæ

colericæ acrimonia & ferior sentitur, membra exuruntur, stitit uexat, ariditas lingue fit, quoniam igneum est, quod euaporat & siccum. propter quod nec contagionem facit, quoniam non agglutinatur, quamquam magnæ actionis sit, est fortasse & alia concausa cur peste laborantes febrem non sentiant, quod sensus illis magnopere obtusi sunt, obsepti tanta putredine, in qua uirtutes non solum dissoluntur, sed nec transmittuntur ad sensitiua membra. quod uero pulsus parui sint, & rariores, rursus causam assignant alij, quod pestilentes hectici fiant, quare quum nec caliditatem nouam percipiant, pariter nec noua euentatione indigent, unde & pulsus non ualde diuersi sunt a seipsis sanis existentibus. Nos si licet, aliam causam assignamus, illud prænotantes, quod natura semper illud eligit, quod aut melius est, aut minus malum, ut in ijs diximus, quæ de sympathijs tractata sunt. sicut igitur oblato fitore aliquo a natura fit, ut uix anbelemus, uix halitum per nares trahamus, quasi sic minus aperiatur aditus fitori. ita lata ingenti, atq; abominabili putrefactione seu exhalatione ad cor, uix audet natura ipsum dilatare, uix uenas tollere, quo minus uia putredini aperiatur, quare tantum tollit, quantum uix satis est uitæ & euentationi cordis. propter quod pulsus paruus fit, & rarus, & anhelitus longior & angustior, constrictio uero seu expiratio uelocior, & dilatatio & inspiratio, quod et in pulsibus etiam uenenatorum contingit, ut sepe uidimus. Urinæ autem ut plurimum subiugalium similes sunt. propter multam & diuersorum ebullitionē, q; si humor crudior fuerit, albidæ sepe urina fit, & subtilis, si uero sanguinis excrementa couident, rubra exit, & confusa propter ebullitionem, quæ si subadusta et subtilia fuerint, aut tenui melancholiæ admixta, similem uino granatorum urinam faciunt. sed iam particulares febres prosequamur.

De ephimera pestilenti in Britania. Cap. 5.

**I**N Britania insula, quæ nunc Anglia uocatur, genus est pestilētis febris & contagiosæ, quæ ad ephemeræ referenda uidetur, quod die una aut hominem perdit, aut liberat. est autem non contagiosa solum de uno in alium, sed & uagatur etiam de ciuitate in ciuitatē, non tantum per eam insulam, in qua serē una uideri solet, sed sepe & ad uicinos Belgas deferri uisa est. quapropter & uitio aeris præcipue enasci censendum est. cur autem in ea insula præcipue oboriatur, uniuersalis quidem causa est analogia eius aeris. particulatim uero in quo ea consistat analo-

## DE MOR. CONTAGIOSIS

gia difficile certe est nosse. quamquam sunt, qui dicant id e soliratione contingere, quod maxime gypseum est, unde et Albion olim appellatā fuisse uolunt. certis igitur constitutionibus humidis, uapores e solo illo accidunt eleuari subtilissimos quidem, corruptos tamen, qui & subtilem etiam inferunt contagionem, cuius analogia est, uel ad spiritus, uel ad tenuem fumam, quæ sanguini supernatat. quæcunq; autem causa sit, constat analogiam eius contagionis esse ad subtile sanguinis. propter quod die una aut finitur ægrotudo, aut æger. ut plurimum autem finitur ægrotudo per sudorem, unde & febrem etiam sudorem appellant incolæ. Nullis uero alijs medicamentis utuntur aduersus ipsam, quæ expectatione sudoris, nam qui bus aduenit, omnes fere euadunt, quibus autem retinetur maximæ pars perit. quare cura omni & diligentia procurant ne impediatur sudor, quod uel facillime accidit, si tantum æger situm, atque accubitum mutet. quæ de causa iubent medici, ut æger integræ die una situm non mutet. quam mole stiam qui ferre possunt, mercedem laboris recipiunt & euadunt. qui uero ferre non ualent, sed se iactant, decubitus mutant, uonum aerem aucupantur, impedito sudore sua causa pereunt.

### De febre quam lenticulas uel puncticulas uocant. Cap. 6.

**S**VNT alia febres quæ mediæ quodammodo sunt inter uera pestilentes & non pestilentes, quoniam ab ijs multi quidem pereunt, multi etiam euadunt. Contagiosæ autem sunt, & iccirco naturam pestilentum sapiunt, appellari autem solent malignæ magis, quàm pestilentes, quales illæ fuere, quæ annis. 1505. & 1528. in Italia primum apparuere, etate nostra non prius notæ. certis uero regionibus familiares, ut Cypro & uicinis insulis, maioribus etiam nostris cognitæ, uulgus lenticulas aut puncticulas appellat, quod maculas proferant lenticulis, aut puncturis pulicum similes, quidam mutatis litteris peticulas dicunt. de quibus diligenter agendum uidetur, quod & nunc quoque crebro uisumtur modo communes multis, modo quibusdam particulatim contingentes, nisi etiam sunt, qui ex Italia in alias regiones profecti, ubi nullæ essent eius modi febres, ex ijs tñ perierint, quasi secū infectionē detulerint. quod clarissimo et doctissimo. ANDREAE NAVGERIO Oratori pro Illustrissima Venetorū Rep. apud regē Gallorū annis superioribus contigit. ex hac. n. labe interijt i ea prouincia, in qua ne nom. ue quidē nota erat

ægritudo eiusmodi, ut eius doctrinæ et ingenij, ut nulla maior litterarum  
 iactura sit facta iam multis annis. Contagiosa igitur est & hæc febris, sed  
 non celeriter, nec somite & ad distans, sed tantum per transitionem in-  
 firmi, per initia autem quum febres omnes pestilentes placide sint, & mi-  
 nutes, tum hæc adeo placide inuadit (ut nix admittere medicum ægri ueluit)  
 unde & medicorum multi plurimum decepti sunt, expectantes resolutionem  
 morbi paulo post, nec quicquam contra parantes. mox uero signa ma-  
 lignæ febris aperiebantur, nam quancumque calor mitis pro natura eiusmo-  
 di febrium sentiebatur, interne tamen perturbatio quædam percipiebatur,  
 tum & fractio in toto corpore, lassitudoque more fatigati, decubitus erat  
 supinus, caput grauescebat, sensus hebetes erant, & mens magna ex par-  
 te post quartum aut septimum non conitabat, oculi rubescebant, uerba  
 multa dicebantur. urinae primum exalbidæ, ut plurimum cernebantur ple-  
 næ tamen, mox rubentes & confusæ, aut similes uino granatorum, pul-  
 sus rarus, & humilis qualem diximus, excrementa corrupta fetentia,  
 circa quartum & septimum in brachijs dorso & pectore maculæ ruben-  
 tes, sepe & puniceæ erumpebant puncturis pulicum similes, sepe maio-  
 res imitæ lenticulas, unde & nomen inditum est. sitis autem aut nulla,  
 aut parua aderat, sordescibat tamen lingua, somnolentia quibusdam ade-  
 rat, quibusdam & uigilia, interdum in eodem utrunque per uices, status  
 alijs ad septimum, alijs ad quartumdecimum, alijs & ultra, urina quibus-  
 dam detinebatur, quod pessimum signum erat. ea febre mulieres pau-  
 cæ, senes paucissimi, Iudei serè nulli deperiere. iuuenes & pueri multi, & ij  
 quidem nobiles contrario modo, ac pestilentes ueræ consueuere, quæ  
 quum uulgum præcipue capiant, tum hæc febres maxime in nobiles gra-  
 uari uisæ sunt. perituros sua signa præcedebant, sicuti & euasuros. ma-  
 la erant, si statim æger uirtute deficere sensisset, si assumpto leui pharma-  
 co ingens alui deiectio secuta fuisset, si facta crisi non accessisset aliena-  
 tio, nam uidimus quibus libra tres sanguinis erupisset e naribus pau-  
 lo post tamen obiisse. malum item si urinae detinebatur, si len-  
 ticulæ delituisse, si ægre erupissent, si liuidæ fuisset  
 sent & ualde puniceæ, quod si aut omnia, aut  
 plura ex his accessissent certissima se-  
 quebatur mors. euasio uero si con-  
 traria aut omnia, aut  
 plura apparuisse  
 sent.



## DE MOR. CONTAGIOSIS

De causis.

Cap. 7.

**H**Aec quidem inpropatulo erant & ante oculos, quibus autem de causis & quomodo euenissent, magna inter medicos discrepantia, magna altercatio erat, uarijs uaria existimantibus. alij adustionem & acuitatem in causa ponebant, alij plenitudinem, alij intranspirationem corporum, alij occultam proprietatem, quare & quisq; pro existimatione sua auxilia afferebat, non sine artis ludibrio, & uulgares non lateret tanta dissensio. quoniam autem uagantes erant ea se bres, & multis uno tempore communes, communem quoque causam, tum habuisse censendum est, praecipue autem contractam ab aere, quod satis rationabile apparet. quando auno. 1528. precedente bieme austrina pluuiosa, uere quidem multa flumina inundaue, apud nos quidē Atthesis et Padus, apud alios alia. fuere pariter et caligines quaedam, quibus arborum germina olearum praesertim, quam plurima aruere. quibus de causis & principium his febribus datum credendum est. quae uero sparsa nunc apparent, causam particularem in nobis habent. in quibus prime sunt, et consimilem putrefactionem acquirunt, qualis illa fuit, quae primum communem multis originem ab aere traxit. quoniam autem contagio haec per comparationem ad uere pestilentes, satis mitis apparet, nec celeriter contra hi solet, nec fomitem relinquit, nec ad distans protenditur, sed tarde & per tractationem solam (censendum est seminaria ipsius non esse admodum acria) nec fortem illam elaboratamq; missionem habere, sed magis apta esse, ut & alterentur facilius, & non agglutinentur quemadmodum alia solent, quae fomitem relinquunt. & in summa quae a natura uaporum non multum remota sint, acria tamen quantum sufficit eiusmodi contagionem inferre. Consimilem ergo infectionem in aere primum fuisse censendum est, quae mox in nos ingesta tale febrium genus attulerit, quae tamen si pestilentes uerae non sunt in limine tamen earum uidentur esse. Analogia uero eius contagionis ad sanguinem praecipue esse constat. quod & maculae illae quae expelli consueuerunt, demonstrant. omnes enim rubentes sunt, principij colorem & rationem retinentes. quae de causa & magna etiam & late fusae est putrefactio, propter humiditatem & fluxibilitatem sanguinis, eadem de causa & lenior etiamnum est haec, quam pestilentes aliae. non potest tamen non morosa sentiri, facta magna introitum euaporatione praeputredinis. propter quod & lassitudo quoque sentitur, & mens non constat, & caput grauat, & oculi rubent. quae euaporatio quoniam

niam lenis est, et tractabilis rarissime solet frenesim facere, quod multi me dicorum timere solent, uidentes delirium fieri. porro nec mirum est, si egestiones corruptę liquideq; apparent, tam larga quam putrefactio fiat. unde & malum erat signum si assumpto leui pharmino ingens deiectio secuta fuisset, praesertim primis diebus. signum enim erat ualde amplam esse corruptionem. Somnus autem ijs multus obrepebat, quibus pituitosior erat sanguis, uigilia uero quibus biliosior. maculae autem apparebant in cute, natura foras pellente quam poterat partem infectionis. nam & modo per sanguinis fluxum e naribus, modo per sudorem, modo per alui deiectionem exonerabatur, sed salubrior erat, quae per eiusmodi maculas tentabatur expulsio, propter quod multi eorum euadebant, quibus large fiebat ea, multi uero peribant, quibus rarae & sparsae erumpabant maculae. aut ubi erupissent delitescabant. significabat. n. aut naturam non esse potentem, aut materiam male obedientem, quae aut expelli non posset, aut retrocederet, natura tentante aliam expulsionem. Sanguinis uero efluxio per nares nullos penę leuabat, quoniam magnum quidem stimulum arguebat, & naturam maxime cogi ad expellendum quae poterat contrarium quod in maioribus uenis inerat, sed ea uia non erat idonea ad expellenda seminaria contagionis, quae maxime in minoribus uenis sedem habebant, ut pote quae extrinsecus accessissent. similiter nec multum proderat uentris deiectio, quoniam corrupta quidem materia expurgabatur, seminaria autem non. quare ex omnibus conuenientior erat, quae per cutim expulsio fiebat. primum quidem per maculas facta, mox & per sudorem. propter quod & multi uisi sunt euasisse, quibus largus sudor superuenisset, per has enim uias magna pars seminariorum, una cum subtili parte sanguinis excernebatur. detinebatur autem interdum urina, siue quod absumeretur aquositas, siue quod alio uerteretur, ut in maculas uel sudorem, siue q. redundantia nimia humorum, aut crassities uias obstrueret, siue deficeret uirtus. propter quod pessimum erat signum. pueros autem et iuuenes carpit magis ea contagio, quod in ijs plus ad sit sanguinis & humidioris ad quem habet analogiam. tum uero & ij foramina magis aperta habent et calidiores sunt, unde attractio fit maior, tum per uenas, tum per anhelitum. propter quam causam et qui negotiabantur magis, magis etiam carpebantur. minus autem ociosi & frigidi & siccī natura, quale fere est senum & iudeorum genus. mulieres uero frigidae & ipsae sunt, & densioris carnis. porro nobiles magis, quam plebs hac tanguntur labe, contra uero pestilentia magis plebs quam nobiles, quoniam pestilentia potissi-

Fracast.

M

num in contagione unius ad alium uersatur minus uitio aeris. hæc autem infectio magis aeris uitio, quàm transitu unius in alium. ab ea igitur contagione, quæ ab uno in alium transit, magis cauere nobiles possunt, propter diuitias & commoditates alias, quibus plebs caret. ab ea uero quæ dependet ex aere minus defendi possunt nobiles, quàm plebs, quoniam ea quum communis omnibus sit, magis eos occupat, qui delicatiores sunt, & minus robusti, quiq; & plus habent sanguinis & humidiores sunt, quales sunt nobiles, propter luxum et uitæ quietem. plebs autem et robustior est, & siccior ut pote fatigata magis & uictus parcioris. ita igitur se habent lenticulares febres, et ex his causis fiunt, nunc de ueris pestiferis dicamus.

## De uere pestiferis febribus.

## Cap. 8.

**Q**Uæ uero pestiferæ proprie dicuntur febres, partim quidem cum his conueniunt, partim differunt. conueniunt quidem natura quadam communi, quòd contagiose omnes sunt, & per eundem modum afficiunt. differunt autem quòd pestilentum contagio longe promptior est, & celerrime susceptionis, tum uero & somitem quoque relinquit, & ad distans sese etiam extendit, item & aut omnes, aut maiorem partem eorum perdit, ad quos pertingit. Seuiora quoque sunt & reliqua accidentia, nam & uirtus uelocissime, & multa exoluitur, et perturbatio quæ interna est, longe maior sentitur. nonnullæ quoque sunt, quæ per initia ardentissimam febrem apportant, tametsi reliquæ, & ille etiam mox lenes apparent pro natura totius generis. uigiliæ ut plurimum infectos tentant, quandoq; sopore committæ. pulsus & in his quales in alijs percipiuntur rariores, et humiliores quàm ægritudo uideatur pescere. Urinæ conturbatæ aut albæ, aut etiam similes sanis. egestionnes corruptæ, liquidæ, fetentes. In quibusdam bubones aut parotides, aut alij abscessus apparent. maculæ aut nullæ, aut rarius in ijs uisæ, quod alioquin mirum est, quum materia harum febrium sit longe subtilior. sunt & harum differentie inter se quedam. aliæ extrinsecus in nos accedunt præcipue ab aere, qui quum corruptus est, & seminaria statim in nos transfert, tum nihil mortalibus miserabilius potest accidere. uerum rarissime contingit, ut ex aeris corruptione pestilentia contingat. aliæ ab ipso quidem originem trahunt, sed non statim ab eo seminaria recipiunt, sed aut uapores, aut consimiles quosdam affectus & dispositiones, a quibus mox febris in nobis primo pestilens fit, & ab uno in alium transmittitur, aliæ

¶ in nobis primo sunt non uitio aeris, sed aliorum ut ciborum, & uni-  
uersaliter uitio eorum, quæ prauas putrefactiones facere consuevere.

¶ Quoniam igitur celerrime suscipitur hæc contagio, existimandum est  
acutissima & subtilissima esse earum febrium seminaria, & analogiam  
præcipue habere, aut ad spiritus & spiritualia, aut ad biliosos humores,  
quæ de causa nonnullæ interficiunt paucis horis, quæ scilicet ad spiritus et  
spiritualia analogæ sunt, & antipathiam habent non solum materialem,  
sed & spirituales. nonnullæ serius necant, perdunt autem uel omnes, uel  
maiorē partem. omnes quidem quæ ad spiritus, & ad cor habent antipa-  
thiam utranq; maxime autem ab ære pendent, et per anhelitum attrahun-  
tur: maiorem partem, quæ in humoribus sedem habent biliosis aut sangui-  
ne exusto, aut etiā puro, propter quæ & uigiliæ magis adsunt in his fe-  
bribus; quā in alijs, quæ tamen in sanguine sunt (præsertim si pituita  
abundet) coniunctum uigilijs somnum afferunt. cæterum mites & hæc ui-  
dentur, quamquam ingens sit ægritudo. Causa eadem quæ in alijs q; pro-  
funda est putrefactio et sordida, in qua acrimonia non plane percipitur, tū  
q; obtunditur a multo humido quod euaporat, cuius signum est lenta esse  
seminaria & semitem relinquere, tum q; sensus hebetes perse sunt: q; si  
nonnullæ ardentissimæ uidentur per initia, hoc ideo accidit q; nondum  
putrefactio profunda est, sed febres illæ in nobis primo incipiunt tales, qua-  
les aliæ quæ contagiosæ non sunt. colericæ autem ut plurimum, mox pro-  
funda fit putrefactio & contagiosa ac lenior. incipit febris uideri. pulsus  
propter prædictam in alijs causam rariore & humiliores uidentur, q; na-  
tura non audeat uenas tollere, ne aditum ueneno aperiat. Quod autē urina  
næ similes sanis appareat interdum, admirationem non paruam præbet. q;  
enim aut conturbatæ aut et albide uideantur, nemo itidem miratur. Causam  
aliqui dicunt ideo esse, quod similes sanis uideantur, q; corruptio et putre-  
factio circa spiritualia uersetur. quare nihil impedire ne et hepar et renes  
officijs proprijs fungantur. propter quod urinae concoctione quadam non  
carent, sed certe si febris est totius passio, mirum est spiritualia laborare,  
uirtutes omnes exolui, hepar tamen & renes, quasi sana sint membra,  
concoctiones debitas facere. Fortasse igitur illud potius existimandum  
est, q; existente urina crassa & plena sepe accidit ut deficiente iam uir-  
tute et non potente crassiōres illas partes expellere, coaleant quodammodo  
urina, et ubi primum crassa admodum fuerat, incipiat iam crassa minus de-  
scendere, deinde et minus adhuc crassa, donec pueniat ad mediocrem quan-  
dam consistentiam, in qua nubeculæ quædam pendeant, propter quod sanis

assimilatur, non est autem uere sana, sed apparet. quod sepe non solum in pestiferis febribus, sed & in alijs uidetur, quum prope mors est, & uirtus tam nō potest crassas urinæ partes expellere, quæ res inexpertos quosdā medicos sepe fecerit, incipiētes bene sperare ex ea urinæ mutatione. fuit autem abscessus magis quā maculæ in hac febre, quoniam furens magis, ac turgens materia illius est. furunt autem introrsum magis et circa principalia membra hepar cor et cerebrum. omnis autem furens humor irritat plurimum & cogit expelli. quare a partibus, quæ introrsum sunt, motus fit præcipue ad emuntoria principalium membrorum. mouetur autem nō solum materia furens, sed & quæ illi commista est, propter quod abscessus maxime fiunt, & non maculæ. contingit tamen & illas quandoque simul fieri, expulsa tenui materia quadam, circa cutem. præsertim ubi in sanguine infectio sit. ita igitur se habent, quæ contagiose nocantur febres. nunc ad alios morbos pertranseamus, qui & ipsi in contagione consistunt.

## De phthisi contagiosa.

## Cap. 9.

**Q**ui de phthisi hætenus tractauere, uidentur quidem de ea egisse magis, quatenus primo in nobis fit, & originem habet, aut ex defluxionibus, quæ ad pulmones feruntur, aut ex fracturis quarundam uenarum, aut sanie derelicta, uel e pleuretide, uel peripneumonia & similibus. de ea uero quæ ex contagione concipitur, nulla quidem aut quā paucissima tradidere. nos uero eam quæ in nobis primo fit non negligentes, ac supponentes magis, nunc maxime de ea agemus, quæ in contagione uersatur, quod institutum est nostrū. constat enim & contagione concipi, & propriam quandam animaduersionem exposcere demonstrabimus, nostritabem uocant. quod uocabulum, sicut et apud græcos phthisis, interdum communius est, pro consumptione corporis quæcunq; sit, interdum proprie magis, quum pulmonis uitio per se contingit. quod rursus dupliciter solet euenire, quandoque quidem ex ulcere in pulmone habito, unde sanies uera emanat, quandoque non ex uero ulcere, nec uera sanie, sed magis in saniem quandam conuersis pituitis, quæ illuc descendere.

Verum et illam quoque possumus phthisim satis proprie appellare, quæ corruptis putrefactisq; pituitis, ita pulmonem afficit, ut si non ulceratus est, at flaccidus tamen et putidus iam redditur. quippe factis dissectionibus quorundam uidimus, interdum partem pulmonis sinceram & nullatenus uitiatam,



uitiatam, partem nondum exacte putridam, nondumq; ulceratam, sed tamen flaccidam mollemq; atq; in marcorem tendentem, quan loq; & totum pulmonem talem vidimus: quare quum iam marcor ille in pulmonem serpit, phthisicum appellare merito hominem possumus, quum uero simpliciter corrumpuntur pituitæ circa pulmonem, nondum autem affectus ipse est, tum non uocari phthisicus homo debet, sed aut dyspnoicus aut quid tale, quæ igitur sint phthisis illius causæ, quæ in nobis primo fit, satis esse notum medicis arbitror. quarum nullam necesse est, in ea præcedere, quæ e contagione concipitur. potest enim esse at quis nec distillationibus detentus sit, nec uenam fractam gerat, neq; ullo ulcere circa pectus affectus fuerit, nec pleuritidem passus, nec demum ullo uitio tactus, sed optime sanus. existens, ex consuetudine tamen & coniuncta cum phthisico, aut ex fomite, labem illam contraxerit. nam mirum profecto est, quanta tenacitate, quanto tempore seruetur uirus illud in fomite. ita ut uestes quas phthisici gestauere, sæpe uisæ sint post biennium attulisse contagionem. quin imo tales etiamnum sunt, & camerae, & lectuli, & tabulata ubi phthisici perierunt. in fomite igitur illo non aliud putandum est relinqui, quam semina: ria contagionis ex ea putrefactione euaporantia, quæ in phthisi fit. quorum mira quædam est analogia, quando ea non ad oculos, non ad palatum, non ad aliud membrum contagiosa sunt, quàm ad pulmonem. causam in uersum supra monstrauimus. neque enim omnia in omnia agunt. sed solum quæ & agentis, & materiæ, & applicationis rationem certam habent, atq; ob id analogæ dicuntur. signa autem iam tabescentis pulmonis sæpe oculis patent, sæpe enim frustula etiam ipsius per sputum reiecta apparent. Tabescentis et flaccidi iam, non ita manifesta sunt signa, sed tamen quum prolongari morbum uides, sputa horribilia aspectu apparere, fetere, ac saniem representare, quum & genæ rosæ fiunt, tum certo scire potes tabescere iam pulmonem, præsertim si e contagione concepta fuerit phthisis. conceptæ autem per contagionem indicia habere poteris, si causas diligenter inuestigaueris. similes autem contagiosis & illæ sunt, quæ hereditariè a parentibus contrahuntur.

mirum enim est quasdam familias usque in quintam & sextam generationem omnes eadem tabis conditione perire,  
& quosdam eadem ætate.



**N**on minorem admirationem præbet rabies. de qua sequitur ut agamus, ea per se teneri animal nullum præter canes Galenus scribit, atq; ita certe conspicitur. quæ uero animalium rabidi canes momorderint, rabire omnia, præter hominem, Aristoteles tradit. quæ autem hac in contagione spectantur, hæc fere sunt. imprimis constat non concipi eam contactu omni, non fomite, non ad distans, sed tum solum quum e morsu canis ita dilaceratur cutis ut sanguis eliciatur, quasi in sanguine ipso contagio fiat, per contactum dentis & spumæ animæ rabientis. Serpit præterea tam segniter & per moras ut rarissime ante uigessimam diem prodatur infectio, maiori ex parte post trigessimam, multis non nisi post quattuor aut sex menses, quibusdam etiam post annum aliqui & post quinquennium manifestari tradidere. uidi ipse puerum, qui octo post menses ex quo demorsus fuerat, contagionem ostendit, ex qua mox periit. Interea nec febris ulla sentitur, nec ullum aliud malum, ne sciente ægro quanta perniciēs lateat, quam mox tum ferē percipit, quum ea ad cor pertingit. quo ubi peruenit incredibili cruciatu hominem affligit. Cor & præcordia uellicantur, æger nec stare, nec quiescere potest. sed more furentis huc illuc agitur, manibus corpus dilacerat, fitit inumen- se. sed illud maximum incommodum accedit, q. & aquam & liquidam omnia adeo reformidat æger, ut potius emori eligat q̄ bibere, aut ad aquam deduci, tum uero et alios ipsi mordent, spumat os, oculi torui aspectu sunt, ac demum fatigati uitam miserabiliter restant. strunt & si quis sub corno arbore iacuerit, qui alias demorsus a cane rabido fuerit, rursus in rabiem uerti. de his igitur querendum est, quibus e causis fiant, uerum non per eas rationes, quas demonstrationes appellant. sed si rationabiliter & ex communibus locuti fuerimus satis fecisse existimari debemus. Quoniam igitur fomite non concipitur hæc contagio, nec in cute fit per contactum simplicem, sed dilaceratione cutis indiget, estimandum est semina illius, non admodum lenta esse, atque ea crassiora fortasse quam in foraminibus condi possint. quare non nisi sanguini agglutinari, spuma in qua seminaria latent illi commissa; porro & quoniam tarde serpit, par est putare analogiam eius esse uel ad solidas partes, quales sunt nerui & eiusmodi, uel ad crassum aliquem humorem, at constat solidorum nullum hac in parte corrumpi. quare ad crassos humores analogam esse contagionem. tales autem sunt phlegma & me-

lancolia uidetur autem ad melancoliam magis eam esse analogiam, quia uidemus rabiosos denum etiam furentes fieri, quemadmodum & melancolicos: deinde quia & canis a quo primum contagio oritur, uale de melancolicum animal est & siccum. porro phlegma in humano corpore multum est comparatione melancolie, quod & aptissimum est, ut putrescat, quare si in ipso foret contagio hæc, non tam diu lateret, ut post annum manifestaretur. at melancolia, quoniam & paucior est, & frigida, & sicca, & minus apta putrescere, diutius seruare latentia seminaria potest. febrem autem non excitat hæc contagio nisi ad postremum, quoniam sensim fit, & quod euaporat, non statim ad corpus fertur, sed longe post; aut etiam expellitur. propagatur tamen per partem post partem ad interna, ac demum ad præcordia, quo ubi peruenit, & febrem suscitatur, & septum transuersum, & cor ipsum conuellit, ac postremo furorem & mortem affert. maxime autem tanguntur ex canes, quoniam ut diximus maxime siccis sunt, & adusti sanari, primum igitur ij more melancolicorum tristes fiunt, & solitarij, mox paulatim incalcescente sanguine, ad omnia indignabundi fiunt, cuncta incipiunt odisse, ac iam & præ iracundia mordent, oculi rubent, os spumat ac tandem in furorem aguntur. animalium uero quæ momorderint omnia rabiunt & moriuntur, præter hominem, quod idcirco fit, quia alia animalia propter feritatem in qua cum cane conueniunt, concepta contagio necessario rabiunt, propter analogiam. hominis autem natura longe aliena est ab ea feritate & conuenientia, propter quod nec analogiam promptam habet ad suscipiendum. unde fit ut non omnes qui demorfi sint etiam rabiunt, sed multi beneficio temperaturæ ex se, aut non contrahunt contagem aut superant. atque hoc ego illud esse existimo, quod Aristoteles uoluit, quamquam scio esse qui in eo textu ubi hæc de re agitur non legendum esse ( præter hominem ) sed prius quam homo, uolunt, quasi græca lectio non *non* sed *præter* autem dari debeat, quod nullam habet necessitatem. Cur autem adeo reforescent liquida, & canes ipsi, & qui a cane demorfi sunt, unde & hidrophoui appellantur, difficultatem habet, & abditissimam rationem, neque enim illud credendum est, quod multi dicunt, & Aeti- tius etiam existimare uidetur, idcirco ita timeri aquam quod ijs appareat sese catulos quosdam in aqua cernere, quando quidem nonnulli eorum qui iam aquam ceperant formidare interrogati, num- quid tale apparet, ut niderent, nihil tale uidere responderunt.

Vtrum igitur quemadmodum & in quibusdam alijs morbis abominatio  
 quorundam fit, propter in dispositionē stomachi aut linguae, ita et in rabie  
 detentis accidat? an magis defectus & indispositio non est in stomacho &  
 lingua, nam & sitiunt, & quantum e lingua est, humida elioni expetunt,  
 sed defectus potius in phantasia est, cuius signum est, q̄ nec uidere uolunt,  
 nec tangere, quamquam uti potum, appetant humida. Fortasse igitur ( ut  
 diximus in ijs quae de sympathia) phantasia quorundam memoriam exci-  
 tat, quae paucem solent incutere, quod & in rabie potest contingere. quo-  
 niam enim & spuma circa os eorum obuersatur, & corde praecipue lique-  
 scunt, ex his phantasia fit, quaedam liquidi eos extinguentis, unde formido  
 fit, quotiens aut uident, aut tangunt, aut & audiunt offerri liquida sibi.  
 In aegris autem phantasia fit horribilium ex paruis occasionebus, ut sepe  
 ex aspectu paruarum figurarum in parietibus uidemus agros, & lupos,  
 & canes subimaginari ac clamare & iubere, ut inde auferantur. An  
 quemadmodum diximus in sympathijs quae exsiccata sunt, humida possunt  
 appetere & trahere, quum forma secundum naturā perse remanet, quamq̄  
 actu & per accidens aliter sit. at uero quum siccitas eo usq; processit, ut  
 iam forma naturam non seruet amplius, sed iam ab ea ceciderit, tum sicca  
 illa non solum non appetunt humida, sed uti contraria abhorrent, & a se  
 abdicant, quemadmodum accidit, & in ijs qui prope mortem sunt. omnem  
 enim & cibum & potum ita abhorrent, q̄ nihil molestius et horribilius ijs  
 offertur, q̄ cibum & potum, quoniam membra iam priuata natura sua sint.  
 ita igitur in rabie facta exsiccatione tanta, quod iam natura propria col-  
 lapsa est, & quae prius uti conuenientia & bona recipiebat, nunc uti con-  
 traria & horribilia recipit, non solum potus liquidorum omnium, sed &  
 phantasia abominationem parit. ex siccari autem rabie affectos manife-  
 stum est, quum etiam & in convulsiones ex siccitate incidunt. Cur ue-  
 ro & qui sub corno arbore iacent, rursus in rabiem uertantur, si alias ra-  
 bidi fuere, consimilem habet latentem causam si modo uerum est, quod fa-  
 ma quadam circumfertur. nihil autem prohibet uapores, qui ex ea arbore  
 continenter exhalant, stiptici quidem, & si licet dicere melanco-  
 licis, ad hominem delatos, et intus calefactos idem facere pos-  
 se, quod & seminaria rabiei, magis autem in eo, qui  
 rursus rabidus, propter derelictam disposi-  
 tionem, atque hac de rabie pro-  
 babiliter dicta  
 sunt.

De syphilde

## De Syphilide morbo seu Gallico.

C<sup>4</sup>p. II.

**N**unc ad eas contagiones pertransamus, quæ extrinseca magis  
 tentant, incipientes a Syphilide morbo. quippe nouum & diu  
 nostro orbe incognitum morbum inter alia admiranda nostra  
 tēpestas uidit, qui Europam ferè omnem, Asia uero atq; Affri  
 cę partem non paruā occupauit. In Italiam uero ijs ferè temporibus erupit.  
 quibus Galli sub rege Carolo regnum Neapolitanum occupauere, annos  
 circiter decem ante. 1500. a quibus nomen Morbo inditum fuit, Gallicus  
 appellatus. Galli uero nominis iniuriā in nos retorquentes morbum ita-  
 lum uocant, Hispani Patursam, Germani nunc Meuiam, nunc Gallicū di-  
 cunt. nonnulli nouo imposto nomine pudendagram appellauere, quod a pu-  
 dendis inciperet, sicuti & Mentagram q; a mento inciperet, nouum mor-  
 bum apud antiquos appellatum fuisse Plinius est auctor. Nos syphilidem  
 in nostris lusibus appellauimus. Hunc autem morbum nostro orbi adeo no-  
 uum, familiarissimum tamen certis regionibus ferunt, qui per hispanas na-  
 uigationes nouum mundum comperere. ubi uel plurimum abundet ea con-  
 tagio, non secus illic domestica ac apud uos scabies. principio igitur quum  
 is apud nos apparuisset, hæ ferè notæ conspiciebantur in eo morbo. orieba-  
 tur in quibusdam sine ulla ab alio concepta contagione. in quibusdam (quæ  
 maxima pars erat) e contagio excipiebatur, uerum non ex omni contactu,  
 neque prompte, sed tum solum, quum duo corpora contactu mutuo pluri-  
 mum incaluisent, quod præcipue in coitu eueniebat, quo maxima mor-  
 talium pars infecta fuit, uisi tamen infantes non nulli fuere, qui e suctu la-  
 ctis a matre aut nutrice infecti consimiliter affecti sint. somitem autem non  
 relinquebat ea contagio, aut non nisi maxima quadam occasione. neque ad-  
 distans etiam sese propagabat. sed neq; statim manifestabatur, uerum cer-  
 to tempore delitescbat, interdum quidem per mensem, interdum per duos  
 sepe & per quattuor menses. Interea tamen signa nonnulla aderant con-  
 ceptæ labis, animum tristitia quædam detinebat. corpus lassitudo, pallor  
 faciem. tandem, quod in maiori parte inerat, ulcuscula quædam circa pu-  
 enda oriebantur, ijs non dissimilia quæ solent ex fatigatione contingere,  
 quam cariem uocant, sed natura longe impar, nam hæc & emori contumax  
 erat, & uicta una parte alia regerminabat immortali propagine. post hæc  
 crustose quædam pustulæ per cutem erumpebant. in quibusdam quidem a  
 caluaria incipientes (quod ut plurimum erat) in quibusdam in alijs locis, par-  
 ue primum eæ apparebant, mox augebantur paulatim ad magnitudinem

Fracast.

N

cooperculi glandis et similitudinem etiam, ijs non ab similes, quæ in pueris Achores uocantur, differentiæ earum multæ uisebantur, quibusdam parue & sicciore, quibusdam maiores & pinguiore, nonnullis liuidæ, alijs exalbidæ leuiter pallentes, alijs duriores et subrubentes, omnes autem paucis post diebus aperiebantur, ac mucore quodam mucilagineo fetido manabant. nec dici potest quantus ille mucor perpetuo effluebat, quanta sordicies, exulceratæ deinde exedebant more eorum ulcerum, quæ phagedenica appellantur, atque interdum non solas carnes, sed & ossa etiam ipsa inficiebatur. quibus autem circa superiora uigebat malum, ijs distillationes prauæ contingebant. quæ modo palatum, modo gargaroonem, modo fauces et tonsillas erodebant. labia quibusdam consumpta sunt, quibusdam nasus, quibusdam oculi, alijs pudenda tota. ad hæc autem magna ex parte gummositates quædam per membra concresebant magna deformitate. nam sæpe oculi, sæpe panis magnitudinem æquabant, quibus apertis mucor suberat albus mucilagineus. tenax is callus maxime in brachijs & cruribus accidebat. qui interdum ulcerabatur, interdum integer usque ad mortem perseuerabat. Præter prædicta omnia, quasi parua illa forent, ingentes lacertorum dolores accedebant, sæpe cum ipsis pustulis, interdum ante, nonnunquam post, & ipsi quidem diurni, quibus nihil crudelius aderat. affligebant præcipue noctu. dolor autem non proprie in iuncturis inerat, sed circa lacertos ipsos et nervos. Verum quibusdam nihilominus sine dolore ullo oriebatur pustulæ, quibusdam sine pustulis dolores, maior pars utrisque affligebatur. Interea languiebant membra omnia, macies corpus detinebat, nullum aderat desiderium cibi, nullus somnus, sed meror & iracundia assidua & amor decubitus, facies & crura turgebant. quandoque & febricula quædam concomitabatur, sed raro. dolebat quibusdam caput, dolor is erat diurnus & nullis medicaminibus parens. sanguis si hauriebatur in sincerus mucosusque spectabatur, urina crassior pinguis diuisa & sub rubens. quo solo signo, qui non adesset febris, multos prænouimus eo teneri morbo, ægestionibus ægre reddebantur, et illæ mucosæ siccæ. His ergo noctis tenebantur, qui tum eo morbo laborabant. Loquimur autem de his, quasi de præteritis. quoniam tamen si nunc quoque ea contagio uiget, post tamen illa prima tempora immutata uidetur. ab inde enim annis ferè uiginti ceperunt pauciores uideri pustulæ, gummositates uero plures, quam e contrario primis annis fuisset. Factæ item fuere pustulæ ( si quæ apparebant ) sicciore, ac dolores ( si qui accedebant ) cui sunt acerbiores. porro & annis labentibus, annis iam ferè sex, in quibus nunc sumus, magna rursus mutatio facta est eius morbi. quipa-

pe quum in ualde paucis pustulae iam uisuntur, & dolores ferè nulli, aut multo leniores, gummositates uero multae. & quod mirum omnibus uisum est, capillorum & reliquorum pilorum casus homines ferè ridiculos facit, alijs sine barba, alijs sine supercilijs, alijs glabro capite in conspectum ueniuntibus. quod infortunium prius putabatur ex medicaminibus euenire, praefertim ex argento uiuo. mox certiores facti omnes, sciunt ex ipso morbo immutato procedere, quinimmo (& quod peius est) iam nunc multis uidentur labefactari dentes, quibusdam etiam cadere.

## De causis.

## Cap. 12.

**I**gitur quum primam tam nouus apparuisset morbus, magna statim inter medicos oborta controuersia fuit. alijs contendentibus nullam ab antiquis factam de eo mentionem fuisse, alijs contra fuisse factam, his quidem Elephantiam existimantibus, illis uocatum ab arabibus *safati*, alijs *lichenas*. primus Nicolaus Leoniceus uis doctissimus & grauis eam difficultatem sustulit, aperte monstrans nullum horum esse, sed prorsus apud antiquos innotatum fuisse morbum, quamquam posteriores quidam obstinate quidem magis, quam rationabiliter tanto uiro non plane assensere, Elephantiasim omnino asserentes esse. de quo mox pauca quaedam & nos dicemus. Ceterum quicumque hactenus de eo morbo scripserunt, alij quidem quid non esset, magis dixisse uidentur, quam quid esset. alij eam rationem quasi uisuisse magis, quae circa formam uersatur, quae esset & gritudo partim in compositione partim in complexione & unitate & id genus. materia uero et principia quae magis fuerant perquirenda & relique. alij materiam quidem attigere, principia uero & rationem eam quae contagione dependet, non ut par erat, sunt profecuti. Nos uero in ijs lusi-  
bus quos ad PETRVM BEMBVM nunc cardinalē scripsimus, quo forte tēpore a pestilentia rus pulsus multum otij nactus essemus, de his obibus quaedam certe attigimus. uerum quantum Poetica concedere potuit. quae quum non admittat omnia, multa quidem praetermitti a nobis necesse fuit pro toto negotio, quae si nunc prosequamur operae pretium facturos esse nos existimamus. quod igitur ad primam morbi originē attinet, arbitrati sunt aliqui contagionem hanc e nouo illo mundo delatam ad nos fuisse, quem Hispanae nauigationes ad inuenere, ubi ea labes quam plurimum uiget. cuius signum id asserunt, quod & morbus hic apud nos primus apparuit, quum et nauigatio illa facta fuit, & commercia habita illius gentis, propter quod & primum



apud Hispanos uisum primum fuit, quare totam labem hanc consistere putant in contagione unius ad alium, sed profecto tametsi maxima mortaliū pars e contagione morbum hunc contraxit, obseruatum est tamen innumeros alios sine ulla contagione perse infectionem eam perpeffes fuisse. Impossibile praterea fuisset tam paruo tempore contagionem, quæ perse segnis est, nec concipitur facile, tantū terrarum peragrasse ab una classe ad Hispanos primum delatam, quando constat aut eodem tempore, aut ferè eodem, & in Hispania & Gallia, & Italia, et Germania, et tota ferè Scythia uisam fuisse, adde q. prædixisse illam astronomos certis ante annis non paruum indicium est, aliud subesse illi principium, quàm simplicem contagionem, primum igitur illud mirum uideri non debet nouos atq. insolitos morbos certis temporibus apparere, non quidem delatos ab una regione ad aliam, sed suis causis exortos, anno. 1482. plenitidis genus quoddam erupit, quod totam fere Italiam affecit, nostris uero temporibus illæ prius non uise in italia febres apparuere, quas lenticulas uocant, de quibus supra egimus, uidimus & annis superioribus lippitudinem contagiosam quasdam ciuitates inuasisse, uidimus & pestem illam solis bobus communem: de qua supra meminimus, quam ob rem nec mirum esse debet, si & gallicus morbus non prius cognitus in nostro orbe per multa secula, nunc primum eruperit, uenient & ægritudines aliæ nouæ inusitatæq. quum tempus feret, sicuti & mentagra apud antiquos, quæ postea amplius nunquam uisa est, hic idem morbus interibit & extinguetur, mox etiam & nepotibus nostris rursum uidendus renascetur, quemadmodum & præteritis ætatibus uisum a maioribus nostris fuisse credendum est, de quo non pauca inditia etiam nunc sunt. Tonfor quidam amicus noster libellum habebat experimentorum quorundam antiquum satis, inter quæ unum, inter alia scriptum erat, cui titulus erat ad scabiem crassam, quæ cum doloribus iuncturarum accidit, is ergo quum primum recentissimus esset morbus, me mor medicaminis cōsuluit medicos quosdam, num uti eo medicamento deberet in noua illa contagione, quam per scabiem crassam significari existimabat, medici autem inspecto medicamine acriter prohibere, q. ex argento uiuo constaret & sulphure, felix nisi medicos illos consuluisset incredibili quæstui diues futurus, paruit autē nec ausus est experiri medicamen, quod demum expertus, atq. optimum agnosce's ualde indoluit, quod sero usus eo fuisset, quæstui iam per alios sibi arrepro, ex quo uidere profecto possumus alijs etiam ætatibus uisum eum morbum fuisse, Sunt qui patent, & Auiennam illum significasse capite de olibano, quum dixit Thus ualere do-

lori composito illitum ex aceto & oleo, & est dolor inquit, cum quo proueniunt in corpore sicut uerrucæ cum deambulatione sicut formicæ. sed certe hoc nihil est, quoniam Auicenna illic transfert, quod Dioscorides scribit de Thure, quum dicit. Formicantes uerrucas inter initia impetiginosq; ex aceto & pice illitū tollit, per quæ Mirmecia intelligit. ut ergo ad propositum reuertamur, inter nouos morbos & eos, qui raro in lucem ueniunt, collocandus est morbus gallicus. quare et causas illius ac principia oportet ex ijs esse, quæ raro & ipsa contingant. esse autem talia ut communia sint non solum multis mortalium, sed et regionibus multis. quod certe in nullam aliam causam referri potest, quam in aeris constitutionē. qualis autem ea fuerit, et ex quibus principijs exorta, nunc est inquirendum. Quoniam igitur analogie suæ sunt in contagiosis, & principia oportet esse analogæ (ut dictum est) ad ea quæ affectum recipiunt, manifestum est, principia huius contagionis ad pblegma crassum & sordidum analogiam habuisse. si enim ad pustulas respiciamus, quæ eo in morbo apparere, si ad gummositates, si ad lacertorum dolores, ubiq; quidem uidebimus non nisi mucorem & sordicem, & demum pblegma lentum, mucilagineum, crassum, quare & seminaria a quibus contagio perse omnis dependet, talia quoq; suo modo fuisse censendum est. quocirca & aerem, unde origo fuit morbi, dispositionem eiusmodi contraxisse. cuius seminaria lenta quoq; & pblegmatis consimili analogæ essent, & in eo aliorum rursus seminariorum productiua talium, qualia & prima fuere. quoniam autem & erodit, atque exest contagio hæc, oportet & seminaria illius acria esse, quamquam in lentore multo obsepta sepultaq;. Talia igitur principia habuisse infectionem hanc putandum est, atq; in aere sordidam quandam obrepisse putrefactionem, quæ mox ad crassum & sordidum pblegma in nobis habuisset analogiam. quo autem pacto, & quibus de causis in aere eiusmodi dispositio facta fuerit, difficile quidem est certo scire. si quid tamen rationabiliter conijci potest, hoc certe erit. quæcunq; enim causa & principium id fecerit, oportet illud ex ijs esse, quæ raro eniunt. siquidem & dispositio illa in aere, quæ raro uisam contagem hanc peperit, ex ijs est quæ raro contingunt. quoniam igitur (ut supra diximus) quæ hic sunt, maxime a superioribus coelo, scilicet & syderibus alterantur, & uarijs afficiuntur modis, nihil aliud esse posse uidetur, quod in tot regiones per tantum spatij potuerit aerem tam male afficere, nisi cæli & syderum constitutiones, & eas quidem, quæ & raro accidunt, & magna quum accidunt, possint efficere. Supra autem monstratum est, tum magna & portentosa posse huc

sydera inducere, quum plura eorum in unū coeunt. ac talem certe coitum et conuentum syderum uidit tempestas nostra, trium superiorum Saturni Iouis & Martis, qui conuentus & raro accidere solet, & quum accidit, magna semper apportare consuevit. tum q, ea Sydera potentissima sunt, tum q, unio illa diu perdurat, propter motus tarditatem præsertim Saturni & Iouis, quam coniunctionē uidentes Astrologi, nouas magnasq; agritudines portendi prædixere. Si quid igitur probabiliter dici potest de principio tantæ contagionis, ita certe existimandum est. Ergo factō eo syderiū cōuentu ingentē uaporum tractionem fuisse factam credendū est, qui cōmixti aeri diuersimodēq; agitati tandem sordidam putrefactionem intulerint, a qua seminaria illa in nos importata fuere, quæ ad sordidos & mucosos humores, quale est phlegma crassum et mucosum, haberāt analogiā, unde tandem contagio illa enata est, quæ mox tot mortalium, haberāt analogiā, male affecit, partim quidē aere ipso principia & seminaria inmittēte, partim de uno in aliū contagione pertransiente, ac de origine morbi et principijs eius ita traditum sit, q, uero & materia eius ad quam ea principia habuerunt analogiam, sit phlegma sordidum et crassum (ut diximus manifestissimum esse potest) si. n. pustulas inspiciamus, illæ oēs pingues mucore incredibili manantes fuere. si uero gummositates, et illæ concreto phlegmate constabant, q, si et ad dolores ipsos lacertorū, et illi quidē idē ostendunt. erant. n. diuturni extensiuī, noctu affligentes, factis item dissectionibus lentor quidam p̄ nervos & lacertos coextensus cernebatur. quare nō mihi dubium esse debet materiam eius contagionis esse mucosum phlegma & sordidū. uidentur autē pustulæ ex minus crassa materia originē habuisse, gummositates ex crassissima, dolores uero ex media quadam. quippe serpente contage p̄ massam sanguinis et pabulum sibi faciente in phlegmate, pars quidē quæ minus crassa, minusq; segnis erat, extra pellebatur ad cutim, atq; illic sensim concresecbat in pustulas. quæ uero crassior aliq̄to fuerat & minus apta usq; ad cutim expelli, residebat circa nervos & lacertos, ubi coextēta dolores acerbissimos excitabat. Crassissima uero circa partes quasdā coagulabatur et in gummositates concresecbat. nō erat autē prompta contages ut exciperetur, pp̄ lentorē in quo sepulta erāt seminaria, sed idigebat cōcalescentia quadā corporū. sic. n. quodā mō afluiebāt seminaria, et alteri agglutinari poterāt, et sese ex analogo sibi pabulo propagare, qd non calescentia facere quidem nō poterant, quasi coagulato. pp̄ eandē causam et diu latebat contages intra corpus anteq̄ sese manifeste ostēderet, qm̄ segnitier serperet, pp̄ frigiditatem et crassitiē materia. mox

tamen exedebat & solida etiam carpebat, propter acuitatem seminariorū in densa materia, quā actū fiebant, & putrefactio procedebat. apparebant aut̃ primum ulcuscula circa pudenda, quā inde prima origo contagionis initium capiebat in maiori parte ex coitu. erant aut̃ et male morigerata ea ulcera, tum quia locus ille per se satis putidus est, tum quia seminarijs hinc inde dispersis iam fiebat ut parte una sanescente pp remedia, alia regerminaret. at pustulæ ut plurimum a caluaria occipiebant partim quidem, quia pars illa pp sordiciem & crassitiem humoris, ex quo nutritur quodāmodo analoga est ad contagem. partim quia s euaporatio sursum fertur. in omni autem putrefactione euaporatio plurima fit. quibus aut̃ pustulæ aderant multæ minus dolorum accedebat, quia materia multa excerneretur, ac simul signum id esset materiam esse subtiliorem. Contra uero quibus crassior erat, dolores quidē multi insurgiebant. ac pustulæ pauciores. materia uero quæ dolores dabat, nō erat in iuncturis ipsis infixa, quia crassior esset, quæ penetrare in iuncturas posset, quare sup nervis & lacertis maxime residebat. affligebat autem noctu magis et sole condente se, quā interdiu calor naturalis solet exteriora petere, ad quæ moueri solēt membra, temēdilatatus a natura ad uigiliā opā exercēdā, nec non a lumine solis excitus, quam ob rē fouebat quodāmodo ea mēbra et uētositates exoluebat, quæ lacertos et nervos extendebant et uellicabant. ac simul et materiā concoquebat, noctu uero introrsū recurrere calor solet, et mēbra ea deferere, ad quæ p diē demādatur a natura, qua de cā dolores tū excitabantur et distēctōnes maiores accrescebāt, destituta mā a calore fouēte et dissolvente uētositates. Annis uero labētibus mutatio quēdā eius morbi facta est. quā dispositio prima quæ in aere fuerat, iam cessauerat. nec morbus aliam sui propagationē habebat quæ contagione unius ad alterum, pp quod perseverabat. oīs autem contagio quāto magis abest a principio & prima origine, tanto siccior fit et terrestrior, pp adustionem, quæ continenter coniungitur. qua de causa primi temporis contagiones, quasi ortui & principio propinquæ, sordidiores pinguiorēs quæ uisebātur, et pustularū plurium, minorū uero dolorū, quæ uero annis post sequentibus cōtigere, ut potē adustæ et crassæ magis, pauciores quidē pustulas, maiores aut̃ dolores dedere, nam et a principio ubi plus erat pustularū, illic minus erat dolorum, ubi minus pustularū plus dolorum cernebatur. porrō & annis hisce ultimis, quasi in senio exñte contagio & materia facta crassissima, maior adhuc mutatio facta est, nam gūmositates multæ apparent, pustulæ aut̃ paucissime, et illæ sicciores, dolores aut̃ ferē nulli, aut longe minores, quia materia pp crassiciem facillime concreascit in

gummositates, extra autē non facilliter propellatur ad cutim, uel resideat circa lacertos. quōd si quid tamen ad cutim peruenit, id tenue quoddam pblegma est, quod salsedinem quandam acquisiuit ex adustione, quare ad radices pilorum latum pabulum eorum absument, unde & ipsi mox cadunt; sicuti in porrigine Alopecia & acboribus siccis accidit. Fortasse autem & idem fit in hoc morbo nunc, quod & in Alpbis accidit, in quibus decidunt pili, materia quadam alba mucilaginosā coextenta ad radices eorum. nam uidimus quosdam quibus barba deciderat consimilem quandam sub cute coextentum humorem habuisse. quod facillime potest, nunc euenire in euaporatione & secretionē quæ fit ab ea materia iam pene uireā, coagulatis uaporibus ubi ad pilorum radices peruenere. quocumque igitur modo id fiat, existimandum est senium iam huius morbi incepisse, nec longe post futurum, ut ne per contagem quidē se propaget, quoniam materia in dies frigidior fit, & terrestrior, in qua et seminaria tum pauciora, tum & debiliora in dies gignuntur. propter quod nec iam facile concipitur nunc ea contagio, uti prius solebat, quare & tandem fiet, ut nec sese possit propagare, sed desinat, reuersura mox, quum eadem principia, & eadem causæ reuertentur. est autem certis regionibus familiaris contagēs, ut in Hispana uocata insula & uicinis alijs, quoniam (ut diximus) ea dispositio quam ad nos temporis longitudo attulit, illic connaturalis uiget huic morbo gignendo. quemadmodum Elephantia Aegyptus Iudeaq; familiaritatem quandam habent. quæ igitur principia & causæ fuerint nouæ huius contagionis, & quo consistat, & quam habeat analogiam, & quæ sint eius accidentia & notæ, per hæc hætenus determinatum sit.

## De Elephantia.

Cap. 13.

**N**on esse autem Gallicum uocatum morbum eum, qui Elephantia uel Elephantiasis interdum & Elephas a græcis appellatur; sufficere quidem ad ostendendum ea possent, quæ Leoniceus uir tantus scripserat. Verumtamen si & nunc quoque pauca quædam eadem de re adiciantur, non inutile fuerit (ut promissimus). quando posteriorum quidam plus æquo obstinati scriptis mandauere eundē esse morbum Elephantiam & morbum Gallicum, atque eisdem etiam remedijs curari oportere. quod autem eos præcipue decepit, id fuit, q. uidentes ipsi antiquos seorsum de Lepra scribere, & seorsum de Elephantia, tum existimantes per lepræ nomen ab ijs intelligi, illud quod uulgo lepram uocamus,

mus, nesciuerunt quid nam esset Elephantia, nisi morbus hic, qui mox Gallicus est appellatus. sed certe hæc monstrant antiquorum scripta parum suis se considerata ab obstinatio-  
 10 ribus hisce hominibus. neque enim ita est uti ipsi putant, per lepram a grecis eum morbum intelligi, qui uulgo lepra dicitur, sed aliam quandam longe leuiorem dispositionem, de qua simul cum psora  
 20 hoc est scabie agunt. quæ uia quædam est ad Elephantiam, quæ proprie passio illa est, quam non solum uulgi, sed et recentes medici tum Latini, tum Arabes lepram uocant. Paulus de lepra agens una cum psora, horum  
 30 inquit morborum uterque summæ cutis asperitas est, cum pruritu et corporis attenuatione, ex melancholico humore ortum habens. Galenus in libello de tumoribus. sunt autem psora et lepra melancholica passionis solius cutis, quæ si in uenis et carne inualescant, cancer nominatur et Elephas.  
 40 item quosdam dicit ex Elephantiosis factos fuisse leprosos, egritudine in melius conuersa. manifestum igitur esse potest leuiorem multo esse lepram apud antiquos, quam Elephantiam. quod autem et Elephantia ea proprie sit, quæ uulgo lepra dicitur, ex his manifestum simul fiet. nam ut primum  
 50 a nostris incipiamus, Plinius libro. 26. nouos quosdam ponit morbos Elephantiasim et Lichenas, quos sine dolore ullo, sine uitæ periculo contigisse scribit. diximus inquit, Elephantiasim ante Pompei Magni etatem non  
 60 accidisse in Italia, et ipsam a facie sepius incipientem in nare prima ueluti lenticula, mox inualecente per totum corpus maculosa et uarijs coloribus, et inæquali cute, alibi crassa, alibi tenui, dura ceu scabie aspera, ad  
 70 postremum uero augescente intumescens digitis in pedibus manibusque. Aegypto peculiare hoc malum, et quum in reges incidisset, populis funebre. quippe in balneis folia sanguine temperabant, ad medicandum eam.  
 80 quis non uidet per hæc non Gallicum morbum significari, qui dolores uel ingentes afferat, sed uocatam uulgo lepram, quæ sine dolore accidit, quæ a nare incipit, ut et Paulus, et Auicenna, et alij recentiores tradunt. quam Aegypto familiarem omnes dicunt, et ipse præsertim Galenus, quam demum unam humano leniri sanguine consueuisse libri omnes pleni sunt. Arabes uero per Elephantiam non plane id intelligunt, quod greci et latini, sed tumorem quendam pedum ex humore melancholico, ceu e uariis genere, quasi speciem eam lepræ intelligant, in quæ pedes more Elephantum tument, per lepram autem id accipiunt, quod et uulgo lepra dicitur, a grecis Elephantia. nota autem Elephantia et accidentia hæc sunt, oritur primo sine dolore ullo, sine febre, ac delitescit ipsa quoque certo tempore priusquam se prodatur. mox prima ut plurimum indicia dat a nare oborta

Fracast.

○



parua ueluti lenticula subnigra. cutis deinde uaria fit colore, duritia, asperitate, attenuatione, quippe alibi liuida fit, alibi alba, alibi in atro rufa, dura hic, illic lenior, alicubi aspera et squamosa, alicubi crassa, & uelut corium igne induratum. pustulae simul per totum corpus enasuntur, durae, & ut plurimum purpurascetes, quae tractu temporis exulcerantur, & pus emittunt, uerum non multum ac siccius, quam in syphilide. circumtumescent uicina membra, & alia contrahuntur, alia extenduntur. propter quod multis excauatur nasus, os utrinque contrahitur uersus aures, oculi rotundantur, & similes satyris (qui pinguntur) fiunt. unde & satyriasis etiam is morbus appellari consuevit. quamquam sunt, qui satyriasmum dictum putent, propter tentiginem nimiam ueneris, quae eo in morbo contingit. Tamen deinde digiti in pedibus ac manibus, ac pedes similes fiunt Elephantum pedibus, unde quidam uolunt esse Elephantiasim appellatum. quamquam Archigenes a magnitudine morbi, ita uocatum dicat. Adhuc autem et uenulae, quae sub lingua sunt, seu uaricosae fiunt, pruritus adest, & cum eo tentigo ueneris uehemens. fletent mox & tolerari iam non possunt, et multis alba per totum fit cutis, quae insanabilis habetur. Contagiosus porro est morbus non contactu solo, sed & fomite, et anhelitu etiam, quamquam tarde irrepit & sese propaget. in uiros autem crassatur magis, quam in mulieres. quin & eunuchi paucissimi uisi sunt eo malo correpti. propter quod & nonnullos legimus sese castrauisse ne eo tentarentur. Nationum uero aliae familiarem habent, ut Aegyptus & Iudaea, aliae uix nouere. simpliciter autem extremae calidae & frigidae regiones eam labem sentiunt magis quam mediae, ut Aetius autoritate Archigenis refert. propter quod Germani et Scythae, et Aegyptij, et Arabes maxime illi obnoxij sunt. quamquam Galenus contradicere uidetur Archigeni, qui Germanos, & Scythas carere hoc morbo dicit. Itali uero et Graeci minus. et certe semper apud nos uisus raro fuit is morbus, quamquam per ciuitates domus, quae hospitalia uocantur, et suppellectiles sumptibus publicis paratae structaeque uideantur Elephantiasin suscipiendis. Verum quos ego haecenus uidi, nemo quidem, aut pauci et susceptis Elephantiasin mibi uisi sunt, sed leprosi solum, aut impetigine quadam fere detenti. atque haec fere signa sunt, quae in Elephantia uideri solent. ex quibus unusquisque uidere potest, longe alium esse morbum, qui Gallicus appellatur, qui non in melancholico humore sedem habet, sed in phlegmate sordido, qui non fomite afficit, non anhelitu, in quo tentigo in Venetrem omnis abest, dolores autem uel acerbissimi adsunt. quoniam autem & hic contagiosus est morbus, manifestum est includere ipsum seminaria con-

ragionis, sicuti et alios. eorum uero analogia non ad mucosam et sordidam pituitam est, quemadmodum uocati Gallici, sed ad humorem melancolicum magis. quod pustule ipsæ maxime monstrant, duræ, sicca, purpureæ. tum & cutis duricies, & inæqualitas. quod & omnes quoque qui eo de morbo scripsere, attestantur, ut dictum est. Elephantiosos inquit Galenus eodem modo curabis, sicuti & cancrum. ex eadem enim materia sunt. in libello de Tumoribus passio est Elephas propriam habens generationem in melancolico sanguine, tractu uero temporis nigra colera fit. ea de causa pustule sicciores sunt, ulcera uero minus mucosa, habent tamen sordiciem suam. quoniam putrefactio omnis perse sordida est, uiros autem magis quam mulieres tangit hæc contagio, quod melancolici sanguinis plus habent uiri. sed cur frigide regiones & Germani, et Scythæ magis ea tenentur quam Itali & Græci, humidiores existentes, causa est (ut mihi uidetur) quod ipsi sanguine multo abundant, & eo quidem pingui & unctioso, quare multa in eo exhalatio fit, quæ cum ad cutim peruenit, ob densitatem eius, & frigiditatem regionis, non euaporat tota, sed solum quod tenuius est, crassius uero sub cute coit, atque illic exurit. quod facile fit, propter unctuositatem, unde non transpirans putrescit & labem hanc gignit, cuius seminaria analogiam habent ad partes sanguinis crassiores & melancolicas unctuosas. propter quod & porcorum carnes maxime aptæ sunt ad Elephantias inducendas. ex ijs enim multus sit sanguis exuri idoneus, quod uero Cælius scribit non est, quod regiones compararet nisi in uictu. Cuius causa Aegyptus familiarem habet eam labem, Germani uero & Scythæ minus ex hac causa, Scythæ autem minime, propter lactis usum. qui uero in calidis regionibus degunt, crassum quidem & ipsi sanguinem habent & densam cutem, sed alia de causa, quare & ipsis maxime exurit sub cute sanguis, & putrescit. medijs autem in regionibus temperatior est sanguis & bene transpirabilis caro. Mulieres uero & Eunuchi qui mulieribus similes sunt, propter frigiditatem sanguinis et aqnositatem, minus eo tenentur morbo. Dolores uero non excitat Elephantia nec conuulsiones, uti in Gallico morbo spectantur, quoniam in sicco magis consistit, & materia si qua est, non residet circa nervos & laceratos, sed circa summa consistit magis, propter quod nec febrem facit, quærat autem fortasse quis cur furorem non facit hæc passio, nec amentiam, quum in melancolia exusta consistat. causam inde esse censendum est, quod in furore & amentia exustio præcipue circa cor & cerebrum uersetur, in Elephantia autem circa cutim magis, quod si sanguis forte

Et introrsum uratur, ut ita tamen exuritur, ut furorem faciat natura semper ad summa pelleute quod uiuatur. tument autem membra, quoniam materia multa sub cute collecta calefit non transpirans Et coextenditur: porro Et nutrimentum in ijs locis non plane concoctum, sed uitiosum in tumorem concreuit. pruritus uero fit, propter acrimoniam adustionis. propter pruritum autem tentigo circa genitalia, ad quod non parum facit natura melancholicæ, quæ spirituosæ maxime est, ut Aristoteles docet. a facie uero id malum incipit, quoniam exhalatio omnis facillime sursum fertur; præsertim ad faciem, ad quam uenulæ multæ terminantur, quæ Et spongiosæ sunt, unde et aliæ multæ infectiones faciæ præcipue tentant, ut lumbi Et id genus. tarda uero est ea contagio, quoniam in humore crasso consistit. cur autem fomitem ipsa relinquat, Gallicus autem morbus non, quum lentore maiori abundet, dubitationem habet, dicendum seminaria in Gallico morbo, propter lentorem Et frigiditatem statim coagulari, Et aut non agglutinari in fomite, aut si agglutinantur, non inficere alium, frigida Et coagulata existentia, nisi ualde calefiant. propter quod uis quidam sunt, qui e linteis, ubi dormierant gallico morbo sordidissime exulcerato affecti, conceperint infectionem. Cæterum fomitem non relinquit, ut plurimum ea contages. quæ autem in Elephantia sunt seminaria, calidiora multo existunt, ut pote in adustione quadam constituta. propter quod non coagulantur, lentorem autem habent tantum quantum sufficit, ut in fomite agglutinetur. fit porro Elephantia si aliquando quidem perse in aliquibus, Et primo in quibus melancholicus est sanguis, Et multus, et unctuosus, Et cutis densior, quandoq; ab alio concipitur, in quibus non necesse est sanguinem esse perse male affectum, sed male afficitur a seminarijs contagionis, corrumpentibus crassam Et siccā sanguinis partē, ad quam habent analogiam. atq; ita se habet Elephantia si passio, quæ uulgo lepra dicitur.

De lepra proprie dicta Et scabie.

Cap. 14.

**L**epa uero ita ab antiquis uocata in duobus præcipue differt ab Elephantia loco et materia. quippe profundius agitur Elephantia, quam Et ipsa circa summa uersatur. lepra uero in superficie magis est. materia porro Elephantie crassior esse uidetur, Et exusta etiam num magis. propter quod profundatur magis, utraq; tamen ex melancholico humore fit. nihil autem prohibet, Et in utraq; interdum coniungi aliquid salsæ pituitæ, unde fit, ut nec Elephantia, nec lepra uno sem-

per

per uisantur modo. quòd si diuturnior fiat lepra, & tractu temporis malignior, tum in Elephantiam transit. sunt autem in lepra sue pustule atque interdum crebre, ceterum siciores, quam in Elephantia & squamman-tes magis, quam exedentes. pruritus quoque plurimum infestat, macies corpus tenet, & ut uno uerbo dicatur, delicatior. quædam Elephantiasis lepra est. oritur autem ut plurimum primo in nobis uitio humorum & complexionis & regiminis. nihil autem prohibet & contagione ab alio concipi. contrahitur autem & a natiuitate, sicuti & Elephantia. psora autem quam nostri scabiem uocant, leuior adhuc disposita est, quam lepra transiens et ipsa in lepram, sicuti lepra in Elephantiam, quum grauior, utraq; sit. uidentur autem greci per psoræ nomen tantum eam scabiei speciem significare, quæ sicior est, & melancholicæ nonnihil sapit, quare contrarius psoram capiunt, quam nos scabiem.

## De distinctione infectionum cutanearum.

## Cap. 15.

**Q**uoniam autem infectionum, quæ cutim carpunt, multe sunt species & multa nomina sed confusa satis, bene erit de ijs cursim pauca quædam notasse, ut cognoscamus quomodo inter se differant, & quæ contagiose sint, & quæ non.

Ergo si colera sit quæ ad cutim propellitur, uel illic aliter clauditur, si quidem non putrescat, tû Erysipelas uocatum facit, pustulam scilicet unam aut plures cum rubore, caloreque multo, nonnunquam & cum febre, interdum quidem in facie facta, interdum & in alijs partibus. grauior autem multo est, quæ faciem carpit. nam sepe e parua pustula accidit circumstantes partes, & faciem totam adeo inflammari, ut & oculi aperiri non possint, & labia præ tumore deformia reddantur, quod sit communicata acrimonia ad circumadiacentes partes. moderni guttam rubeam appellant. si ergo colera imputrescens inflammata & accensa sit, Erysipelas hoc serum facit, si uero inflàmata non fuerit alia Erysipelata edit, quæ e pura sit colera, simpliciter dicuntur Erysipelata, si uero nõ e pura sint colera, sed commista, non simpliciter dicuntur, sed cum adiectione commisti humores uel ab abscessus ab humore appellati. si quidem enim sanguini sit admista *ερυσιπέλας πλεγματώδης* uocatur, si pituitæ *ερυσιπέλας ιδιωματώδης*, si melancholicæ *ερυσιπέλας κυρνώδης* prædominante semper colera, uerum in hoc *στυρρhode* si inflammata & accensa sit colera pustulam illam facit, quæ *λεγομένη* uocatur, quòd sæpius noctu enascatur, Arabes effere appella-

la nant. ita ergo se habet colera, quæ non putrescit. quod si putrescat iam & sub cute pustulas faciat, tum uocatos *ἑρπιδας* hoc est serpentes pustulas gignit. quippe stabile est Erysipelas et urit magis ac squammas & crustulas inducit. serpit autem herpes uocatus modo sede priori relicta ad alias partes transfrentibus sese pustulis, modo & in priori loco manentibus, & uicina pabulantibus. cuius serpiginis quum rationem multum considerassem, non in aliam certe causam reducere potui, quàm in putrefactionem subtilem humoris. nam quod non alia sit differentia herpetis ab Erysipelate, quàm subtilitas materie, durum quidem uidetur, quoniam et Herpes ille qui *ἰδνόμυρος* dicitur crassæ satis materie est, cuius causa etiam exest, & ille etiam qui *κνυρπία* uocatur, quid præterea prohibeat ne colera, quæ Erysipelas facit in latus exedat et pabuletur, si serpigo acuitatem sequitur, quando colera illa acutissima est. quare uerisimilius uidetur in putrefactione quadam consistere, quæ Herpetes facit colera, signum cuius est quod sordidiores uideantur semper Herpetes quàm Erysipelata. item & siccioribus indigent ad curationem, quum Erysipelas indigeat humidioribus. porro quæ in putrefactione sunt, promptissime in uicinum infectionem consimilem transferunt. præsertim quod cutem non exurent herpete in latus magis pabulantur. sæpe igitur in parte prius infecta exhalat materia, quæ putrefit infectione ad uicinum communicata, sæpe utraq; pars pabulo quodam inficitur. Ergo si putrescat colera, sit autem in superficie, tum simplex herpes sit, qui serpit tantum, non autem exest, at si profundior fuerit, non serpit solum, sed etiam exest, unde non simplex fit herpes, sed *ἑρπιδας ἰδνόμυρος* hoc est depascens uocatus, atque hic a crassiori colera fit, ille a tenuiori. porro si hic quod æsthiomenus dicitur, a colera accensa & inflammata fiat, herpes ille fit, qui uulgo ignis syluaticus appellatur. si uero non accensa sit colera, æsthiomeni simplices fiunt. atque hi quidē herpetes a colera fiunt puri. quod si non pura sit, sed mixta tenui pituita, putrescat autem, herpetem illum gignit, qui *κνυρπία* hoc est miliaris appellatur, quod pustulæ similes sint granis milij. atque ita se habent Herpetes, quos Celsus pignem sacrum intelligit, non enim ut quidam uolunt per ignem sacrum intelligitur ab eo Erysipelas. siquidem de igne sacro seorsum, & de Erysipelate agit.

Si uero sanguis fuerit, qui in cutim influit, interdum quidem pustulosos abscessus facit, interdum maiores etiam quàm Erysipelas sit, quos phlegmonas uocant, rubent hi cum calore & dolore ac febre etiam, ut plurimum, sicut autem sanguis quum purus est, quandoque mixtus, quod plurimum fit, ita & phlegmona alius simpliciter dicitur, alius cum adiectione nominis admisti humoris.

ris. si n. illi colera admisceatur phlegmon fit. Erysipelatodes, si nero non pituita, phlegmō dicitur & dematodes, si melancolia phlegmon scyrrhodes dominare semp sanguine. species aut phlegmonis sunt δεινὰ φάρμακα, Dotienem nos furunculum uocamus abcessum in acutum tendentem cum inflammatione rubore et dolore, cui nō nihil colera admixtū est. phyma uero furunculo simile pene est, sed planius est, et rotundius, uulgus ī proprie carbonem uocat, multū differens ab eo, qui proprie carbunculus dicitur. fit aut phyma e sanguine subadusto crassiore q̄ qui furunculum facit. phigethlon uero est quod nostri panem uocant ob similitudinem, alij et bubonē. q̄q̄ sunt, qui bubonē appellant qui in carnibus laxis fit. phigethlon uero qui in nervosioribus, fit aut hic uel e puro sanguine uel misto tenui pituita. si uero simul inflamatus sit sanguis ac putrescat, tum bubones pestilentes facit quos Auicenna althoin uocat. quod si subtilis admodum sanguis sit, influat autem in simam cutem, pustulosos abcessus facit, si igitur non inflamatus quidē sit, calefactus tñ ut quasi serueat, tñ exāthemata uocata facit quas plinius eruptiōes papularū uocat, uulgus suffersuras a feruore ut arbitror dictas. pustulae sunt, uix cutim excedentes rubrae confertae inuicem, pueris praecipue familiares quum supercalescunt. sunt autem duum generū, quaedam sicciore & rubicundiores quas Auicenna plantam notis appellat, quaedam uero in rubore albicantes tenui pituita commista sanguini, quae graeci ἰσχυρά uocant, nostri sudamina, Auicēna desudationes. quod si crassior aliquantisper sit sanguis ac simul putrescat, non autem inflammat, tum si tenui colera commixtus sit, uocatas morbillos facit, si tenui pituita uariolas, quae duo, ἰσχυρά etiamnum a graecis uocantur.

At si pituita fuerit, quae in cute tumores facit, si quidem humidū suum seruat, nec a calore fuit exsiccata, a frigore cōcreta, tñ molles facit tumores, quae αἰσχυρά uocantur. quidam tumores simplr transferunt, simplici nimis (ut mihi uidetur) uocabulo, Arabes undimiam uocant. quod si pituita, aut a calore, aut a frigore indurata fuit, uocatos scyrrhos facit. e quibus sunt strume, quas χροδάς graeci uocant, & nodi quos γαγγλῖα, & ad genus glandulae & gummositates reliquae. tum & verrucae quae ποχά uulgo appellamus, quae si basi latiore sint μυρμηκία uocantur, quasi formicantes, quod punctiōes in ijs fiant, quasi formicarum. si uero sint basi tenniore, ac uoluti sustense ἀποχρηδῖς nuncupantur. Auicenna uero Myrmecia confundit cum herpete, & in herpete curam ponit, quam Galenus Myrmecijs tradit, errore periculoso, nisi capitulis diuersis addita sint, uni quae alterius sunt. Sunt praeterea ex



## DE MOR. CONTAGIOSIS

hoc genere callositates quædam, quarum alij proprie calli a nobis dicuntur a græcis τῶλοι, tum & uocati clauī ἰούλοι a græcis dicti. e pituita quoq; & aliæ pustulæ fiunt, quales ἰούλοι qui a latinis uari, uulgo cossi uocantur, qui præsertim oriuntur in facie. sunt & φλυκταῖνοι, quas Auicenna nomine uesticarum comprehendit, bullæ sunt non dissimiles ijs, quas excitat aqua feruens, quibus tenuis subest pituita. proximaijs sunt ἄνδρα ῥάνα uocata phlyctenis paulo duriora, quibus cum pituita tenuis subest melancolia. phlyctenæ uero & simpliciori sunt pituita paululum inflammata, unde & in bullam surgit. porro e pituita salsa fiunt uocatæ a uulgo uolaticæ, Celsus papulas uocat, græci λυχνῖνοι. quamquam sunt, qui Lychenas transferant impetiginem, quod non recte fieri arbitror. quod autem quas nos uolaticas dicimus, Celso papulæ sint, manifestum est, si materiam si modum serpendi, qui ab ipso traditur, respiciamus. sunt autem duorum generum. alterum, quod fit e tenui pituita & salsa per summam cutem serpente in orbem, quod passim nomine uolaticæ monstratur. alterum cui parū melancoliæ adiungitur, & profundius aliquanto serpit. & non præcise in orbem, quod sæpe in impetiginem uertitur, nec me latet Lychenis nomen a græcis interdum latius capi profectiori cutis habitu, unde et poeta sordidos appellat Lychenas, & Plinius ipse etiam nouum morbum Pompei ætate uisum Lychenas uocauit, sicuti & mentagram. quæ omnia ex salsa pituita fiunt putrescente, cui quiddam melancoliæ permistum est, propter quod sordida putrefactio fit. Gignitur præterea & scabies e salsa pituita, cui nomen commune non proprie inuenio apud græcos, quando ἰώρα aut illam significat apud ipsos, quæ apud nos impetigo dicitur melancolica passio & uia ad lepram, aut si scabiem notat, illam certe speciem tantum importat, quæ sicca dicitur scabies. quare de scabie uidentur, aut non egisse græci communi nomine, aut de ea non egisse, nisi forte sub pruritus capite comprehenderint. Sunt autem & aliæ quædam e pituita passionēs ἀχὼρ et ἀλωπικία et ὀφθαλμία. Achores autem nos uulgo appellamus Latune, Plinius ulcera capitis manatīa transfert, Arabes Saphati appellant, crustosi sunt & sordidæ infectiones in capite puerorum præsertim natæ de quibus nec multa dicenda sunt.

Si uero humor qui in cute tumorem facit melancholicus sit, si quidem nec inflāmatu fuerit, nec putrescat, Scirrhus melancolicus facit, alios qui dē. maiores, alios minores & pustulosos solum. si autem inflāmatu sit & accensus, non autem putrescat, cancer uocatu facit. si uero putrescat quidem, non autem inflāmatu sit, tum psoram & lepram gignit & Elephantiam

phantiam nondum feram, at si inflammatus simul sit, et putrescat Elephantiam feram facit, quum iam horribiles aspectu sunt, similiter & carbunculum quem Anthracem uocant, generat. Impetiginem porrò a nobis uocatā non aliam esse apud græcos uidetur mihi, quā pforam et lepram, quæ secundum magis & minus illas quattuor species facit, quæ a Celso traduntur, ex quibus patet impetiginem non esse Lychenas, ut multi uertunt, sed eam magis quam supra uocauimus uolaticam Lychenas esse. hæc enim a phlegmate falso. Impetigo autem e melancolico humore magis fit, ac de cutis infectionibus, ita per transcursum determinatum a nobis sit, e quibus contagiose sunt bubo pestilens, & exanthemat illæ quas ferfas & uirio-las uocamus, & strumæ quædam ulceratæ et Lychenes nonnulli et scabies & Elephantia, & Achores, & Alopecia, & Syphilis, & mentagra, & si quæ aliæ sunt, in quibus putrefactio sordida fiat.

## DE CVRATIONE LIBER III.

Quod peculiaris curatio debeatur contagiosis morbis.

Cap. I.



Attenuus ergo de cōtagione quid esset, et quibus principijs & causis fieret, & quæ essent differentie eius omnes in uniuersum quidem libro primo percurrimus, mox de contagiosis morbis aut omnibus, aut maxime notis qui essent, & quibus e causis penderent, & quo modo inter se differrent libro secundo differuimus. superest iam ut de curatione omnium contagionum agamus, methodo primum (ut par est) generali & communi, mox & propria cuique morbo, de quo quidem in primis ambigat fortasse aliquis, utrum aliquam peculiarem & propriam curationem habeant contagiosi morbi ab alijs, & an tradita sit a maioribus nostris. mirum enim uideri potest, si aliqua in his erat peculiaris methodus, prætermisam ab illis fuisse. At certe si recte tradita sunt, quæ supra determinata fuere de contagione, propria quædam & determinata curatio debetur contagiosis morbis, quatenus contagiosi sunt, quando diximus eos, & principio longe differre ab alijs, & modo materie & putrefactionis, ac postremo & accidentibus ipsis. quibus omnibus sua animaduersio et sua curatio debetur. nam si quispiam re-

Fracaft.

P

## DE CVRATIONE

se habens tum circa humores proprios, tum & circa complexionem & alia, phibitum tamen ab alio per contagionem concipiat, plurimum profectorefert, si per initia aduocetur, & seminaria eius contagionis per ea extinguas, quæ dicemus. ijs enim interemptis nihil præterea procedet morbus. similiter & in rabie se habet, & in Syphilide & scabie, & alijs. quin imo & in processu quoque si ad communia remedia te conuertas, catarrhum in phthisi expurges, materiam concoquas, nihil tibi operabere, nisi perpetuo ad seminaria animum & curationem aduertas. porro & in febribus quæ pestilentes dicuntur, cur non ijs remedijs utimur, quibus in alijs solemus? cur protinus omnes clamant putrefactioni resistendum esse? nec quidem obstructions aperiendo, non plenitudinem euacuando, sed propria quædam inquirendo, quæ obsistant putrefactioni. quippe certus in his est putredinis modus, qui propriam animaduersionem poscit. Videntur igitur maiores nostri curationes quarundam contagionum transdidisse, quantum ad quædam remedia. uerum omnia illa non ad contagionem, quatenus contagio est, destinata fuisse, sed aut fortuna quædam inuenta, aut ex similitudine ad alia, ut uenena & similia. quæ res certior fiet per ea, quæ circa unumquemque morbum dicuntur. quod iam aggrediamur ab uniuersali methodo & forma initium capientes.

Quoniam autem duplex est medendi ratio, altera quæ præseruat, altera quæ liberat, nos breuitatis gratia, de ea quæ liberat inquisitionem faciemus, illud pollicentes, quod hac recte perspecta unusquisque uiam habere poterit quam facillimam ad eam quoque quæ præseruat. qui igitur contagiones curare uolet, ad hæc aduertat necesse est. primum uideat, quæ nam contagio est, utrum earum, quæ extrinsecus ueniunt. & an ab aere, an ab alio sit concepta, an earum sit, quæ in nobis primo fiunt, et utrum contactu solo efficiat, an & fomite, uel et ad distans feratur. tum perpendat qualis sit, num acuta, an segnis, & quo in humore sedem habet et analogiam, nec non & quantum processit, si in principio est, an plurimum est progressa, & quibus in locis præcipue sit, intra ne tota, an extra tota, an ubique, & an solida occuparit, an per summa tantum erret, & utrum uelociter & large ferat, an tarde & anguste, & ut summum dicamus, differentiæ omnes contagionum ante oculos habendæ sunt.

De intentione quæ habetur ad principia.  
Cap. 2.

**H**is animaduersis tria principaliter esse scito, ad quæ intentio omnis dirigenda est. primum quidem principia, a quibus initium & originem putrefactio habet, secundum est materia, quæ in uia est, ut inficiatur & iam cœpit, tertium materia, quæ iam corrupta est, nec amplius restitui potest. ac principia quidē quandoq; (ut diximus) cōmunia sunt cum alijs morbis, qui in putrefactione consistunt, quandoq; propria contagiosis. communia quidem sunt plenitudo, obstructio, malitia humorum & alia id genus, propria uero sunt seminaria ipsa contagionum. nihil enim prohibet aliquo plane sano existente, & mensurate in humoribus & alijs se habente, contagionem tamen ex alio ipsum contrahere. ergo si communia adsint principia nihil aliud nobis dicendum agendum ue sit, nisi quæ medici iubent agenda, quum plenitudines obstructiones & alia eiusmodi adsint. ubi uero ea adsint, quæ propria sunt contagionibus principia, tum magna cura & diligentia opus est. protinus enim si seminaria ipsa, aut enecare, aut educere possis, aut frangere, morbus præterea non ultra protenditur. quare maxime initia perpende si potes ijs adesse, quod si non possis, scito tamen per totum morbi processum continenter curam ad seminaria adhibendam esse. ad quæ multiplex ingenium est, & nunc uno modo ad illa, nunc alio agendum. possunt autem illa, aut extinguui, & ut dicitur enecari, aut educi, aut frangi & alterari, aut repelli. his autem uti non semper omnibus datur, nec conuenit, sed modo uno, modo alio, modo pluribus agere licet, ut & res, & occasio, & reliqua possunt. Ergo extinguunt & interimunt, & quæ calidissima sunt, & quæ frigidissima, maxime autem quæ urentia dicuntur, aut uicina urentibus, siue per ignem facere uelis, siue per ea, quæ caustica uocantur. extinguuntur quidem ab ijs seminaria, ita ut ijs interemptis, & totus simul interimatur, qui imminet morbus. nihil enim remanet, quod præterea sobolem gignat. nam ignis quidem uis, tam & si locum exurit, ultra tamen non aliud nocumentum relinquit, quod uel ad priorem labem attineat, uel apportet nouam peiorem. quare ubi auxilium hoc adhiberi potest & debet, nullum præsentius est. porro extinguunt & frigidissima, ut frigida potus, de quo suo loco dicemus, & ablutiones etiam, quod maxime ualet ad ea seminaria, quæ in somitibus continentur.

Sequens ad ea ingenium est euacuatio. quod certe difficulter admodum

## DE CVRATIONE

fieri potest, quoniam hinc inde dispersa sint seminaria hæc, & per se educi non satis commode possunt. nihil tamen prohibet cum humoribus quibus agglutinata sunt, simul & ipsa quoque educi. Verum non nisi ui multa sit. modi autem euacuandi præcipui sunt pharmaca quæ aluum mouent, et quæ sudorem cient & urinam, et alia de quibus circa particularia rursum dicemus, ut cucurbitulæ & phlebothomia & reliqua.

Quæ uero frangunt & alterant seminaria, ea sunt, quæ antipathiam habent materialem, hoc est per qualitates notas contraria sunt. quoniam enim diximus seminaria hæc acrimoniam quandam habere, tum & in lentore quodam consistere. acrimoniam quidem frigidis frangemus, lentorem uero siccæ potentia. exsiccant autem alia per qualitatem ipsam, quæ est siccitas, quæ quidem parvæ actionis in tota natura est, alia per caliditatem, alia imbibitione ut pulueres & farinæ, & id genus, alia modis omnibus ut sal. quorum omnium interdum quidem unum, interdum aliud magis conueniens est. quare & abundare oportet, ut eligere possimus, quæ magis conducunt. Repellunt autem quæ proprie spiritualem antipathiam habent aduersus seminaria. diximus enim in natura dissensum hunc rerum esse, ut sese mutuo non nulla pellant, quare sicut & uenena & seminaria contagionum, antipathiam habent ad animam & naturalem calorem, ita & quædam alia sunt, quæ uti antidota quædam antipathiam quoque & ad uenena & ad seminaria ipsa habent, & ea repellunt. fortasse autem & eadem obtundunt alio modo. nam quoniam species tum ueneni, tum contagionis ad animam uti inamabilis & ingrata fertur, & tristitiam ingerit, ita species eorum, quæ antidota sunt, uti grata & leta recipitur. quæ causa obtunditur passio prior a ueneno & contagie illata, & uigoratur anima. quod in fetore omni fieri manifestum est, ubi per odorata recreari nos sentimus. quod igitur in contagionibus antipathia hæc uersetur, quæ recreet per odorem manifestum est, utrum autem & illa quoque adsit, quæ repellat, & si non ita manifestum est, rationabile est tamen, & in uenenis manifestissimum. constat enim assumptis quibusdam antidotis uim omnem ueneni subito tolli, quod non alia facultate fieri posse uidetur, quam per spiritualem speciem, quæ præcipue repellat uenenum. tam & si per materiales etiam qualitates operetur antidotum. Constat quoque rusticos quosdam, quum forte secarent herbas, demorsos fuisse a uipera ac repente inflatos, apposta autem Tormentilla uocata herba supra locum, statim liberatos fuisse. Nos quoque mirum quiddam uidimus in bolo armenio, uillicus enim quidam noster, quum a me forte profisciceretur in forum inter



inter eundem sensit se in collo pungi, nesciens quare contigisset, statim autem facto tumore ingenti & strangulatione quadam ad me reuersus, nec quicquam loquens, sed solum digito locum commostrans, prostravit se super capsam, mugiens quasi moriturus. ego bestiam aliquam uenenosam ratus, qui neque carbunculi signa ulla uidissem, nec alterius eorum, quæ oriri in nobis solent, bolum armenium propinaui cum aceto, ut forte excelens apud me erat bolus, quo assumpto confestim & quodam quasi miraculo detumuit locus, ac surgens ille & loquens, hoc me inquit a morte liberavit, putare autem se araneum pupugisse, qui decidisset in collum. hæc ergo & similia a maiori quadam ui euenire, quam a notis qualitatibus censendum est. quod & circa malignas & uenentis similes contagiones contingere par est existimare, in quibus suæ quoque antipathie sint, ut de eodem bello armenio traditur, per quem in magna illa pestilentia, quæ adeo Athenas uexauit, tot præseruatos legimus. Scordium quoque cognitum fuerunt tam mire præseruare a putrefactione, quam cadauera, quæ super ipsa iacuerant, inuenta fuissent incorrupta. quantum porro & balsamum et myrrha, & aloë, & cedrus, & id genus a putrefactione conseruent, notissimum est in cadaueribus regum. quare & circa contagiones eiusmodi esse antipathiam nemo inspicari debet. quæ autem illa sint, quibus data sit tanta facultas, statim dicemus. utrum autem antipathia hæc sit in ea qualitate, in qua et odor uersatur, an alia, incertum est homini, atque hæc quidem remedia sunt, quibus uti aduersus seminaria possumus.

De intentione ad materiam quæ iam insci cæpit. Cap. 3.

**A**deam uero materiam quæ nondum corrupta est, in periculo autem iam agitur, una quidem generalis intentio est prohibere tum causas putrefactionis, tum iam inducti affectus principium, quod & alijs etiam morbis, qui in putrefactione consistunt, commune est. modus autem non est communis, sicuti nec causæ, nec ratio putrefactionis communis est his & alijs morbis. quippe in alijs præcipuæ causæ sunt plenitudo, obstructio, & humorum malitia, in his autem nullarum necessaria per se sunt, sed quodammodo accidunt, aut concausæ solum sunt, non autem per se principia. Igitur si hæ concausæ contagionibus coniunctæ sunt, negligendæ quidem non sunt, sed prout conuenit, tractandæ, & tollendæ. quæ autem propria, & per se consideratio & intentio ad materiam periclitantem uertitur, illa est, ut omni ingenio obstitas putre-



## DE CVRATIONE

fractioni quæ inducitur, ac quomodo seminarijs, a quibus pendet, te opponas dictum est, quid autem circa materiam ipsam agas nunc dicendum.

Quoniam autem in putrefactione omni dissolutio quadam mitionis sit euaporante innato calido & humido, euaporant autem hæc remouitis ab humiditate partibus, & sublati ab extranea caliditate, manifestum est quod ad hæc obistere necesse est, primum quidem remittendo eam, quæ inducitur extranea caliditas, deinde exsiccando, quæ remouit partes, humiditatem, ac demum prohibendo dissolutionem mitionis. prohibent autem præcipue resinosa, non solum quod exsiccent, sed quod constare materiam faciunt glutino ipso. prohibent autem & intermixti pulueres quidam immutrescibiles ipsi existentes, subtilissime igitur diuisi & interiecti inter partes materię partim alterantis actionem impediunt interpositi ipsi, partim materiam continent ne dissoluatur nexu quodam. Simili modo quo arena immista calci tenacem nexum operatur, & aquæ farina. penetrant enim humida minima in tenuissimos uocatos poros siccorum, unde separari non possunt propter uacuum, nullo existente alio, quod subingrediantur, quod maxime ad fortitudinem mitionis ualet. non negligenda autem est, nec parui facienda minimorum intermixtorum actio, quæ putaret in multo lacte interposito pauco coagulo, aut tenui pulvere plumę floris cynamarę coagulari lac totum? quis crederet in magno ahenoebuliente saccharo ac præ seruore iam erumpente, sisti tamen & constare ac deponere eruptionem & tumorem omnem imposito paucissimo butyro? quod uero attinet ad putrefactionem non ne uidemus conseruari uina in magnis dolijs intermixto pauco alumine, quæ alioqui citissime putrescant. quare nec mirum esse debet, si & eas quæ in nobis fiunt putrefactiones, per interpositos pulueres quosdam prohibeamus. atque hæc quidem ad materiam quæ iam periclitatur, idonea remedia sunt.

Ad eam uero materiam, quæ iam corrupta est, & restitui non potest, una intentio est remouendi eam e corpore, quod aut pharmacijs fit, quum scilicet materia introrsum est, aut incisionibus, uel dissolutiuis, quum est extrorsum. habet autem & hæc digestiones suas a medico præparandas. non eas quidem quæ ad benignum restitunt, sed eas, quæ euacuationem faciliorem reddunt. de quibus omnibus in particularibus morbis distinctius agemus. nunc enim generales magis percurramus. quoniam autem remedijs abundare oportet in contagionibus, & modo uno, modo alio uti necesse est, bene erit plura enumerare eorum, quæ in contagionibus ualet, ut eligere possimus, quæ idonea magis sint.

Virentia ergo sunt, viride aris, auripigmentum, calcitis, calcautbum, & quod sublimatum uocatur, & quod precipitatum, et uocata ruptoria, & id genus. uicina uero urentibus, sunt sal gemma, nitrum & sal et aceti fex uita, & alumen, et cinis ficus, & sterces columbinum, et uatrachium & clematis, & thapsia, & euphorbium & pyretum et calx, et hermodactyli, & unguentum ægyptiacum, & trochisci Andronis, et diacalcitis et eiusmodi. Resinæ uero quæ et abstergunt, et exsiccant, & materiam constantem faciunt, sunt, Terebinthina, Laricina, abietina, cædria, Thus, mastix, galbanum, myrrha, styrax utraque gummi, laser, & reliquæ.

Quæ uero tum in pulueres redigi possunt, tum decoqui, calida quidem & sicca sunt, asphaltus, cupressus, iuniperus, cedrus, xilobalsamum, citrus, cedrus, agnus castus, Guaiacum, agalochum, scordium, chamaedrys, dictamnium nostrum, tum creticum pentaphyllum heptaphyllum, et pibu, et uerbena, & Thlaspi, & uocata scabiosa, & cardo benedictus quem Theophrastus alteram speciem Cnici agrestis facit, tum & Gentiana, & aristolochia et Smyrnum.

Item aromatica casia, cinnamomum, calamus aromaticus, luncus odoratus, Macer, nux muscata, Zedoaria, doronicum, galanga, iris. frigida uero & sicca sunt margarita, coralli, succinum, sapphir, biazynthi, & in magno pretio habitus smaragdus, tum terra lemnia, & bolus armenius, & samia, & sandali, & uocata bistorta forte bulapathon, & lapathi genera omnia precipue oxalis, & Trifolium omne, maxime quod odoratum dicitur, & consimilis herba, quæ uulgo gallica appellatur forte onobrychis, nec non & cicorium, & cicerbita, & nymphaea, & tamarindi, & cornu cerui, & os cordis eius, & cornu monocerotis, & rosæ, & earum semina, & citria, & e liquidis acetum, & omphacinum, & uinum oxyacanthinum. ex antidotis uero sunt Theriaca & mitridatum, & trochisci de uiperis, & diamuscum, & diambra, & cyphi, & saccarum rosaceum & eiusmodi.

Quæ uero spirituales antipathiam habeant non satis facile est iudicare, quoniam eadem habent & eam antipathiam, quæ inter materiales qualitates uersatur. quoniam tamen nonnulla maiorem quandam uim præseferunt quàm materialium qualitatibus (ut supra diximus) existimandum est talia maxime esse terram lemniam & bolum armenium, & scordium, & heptaphyllum, & cornu monocerotis, & prædictas gemmas precipue Smaragdum, & Theriacam, & Mitridatum, et si quid aliud in experientiam uenit.

## DE CURATIONE

Vrentibus autem uti tum solum licet quum contagio extra est, & ea quidem maligna ac in principio. si enim introrsum sit contagio, adhibere quidem non potes urentia sine maiori periculo, extra uero si sit apponere quidem potes & debes si maligna sit contagio. uerum in principio solum iuuabis. si enim iam radices egit, & introrsum sese insinuauit, nihil quidem proficies, si extra urentia appones, licet tamen quandoq; uicina urentibus applicare, quibus admiscenda erunt pingua quaedam, quae ea introferant, at si extra quidem sit contagio, non autem maligna, nec sic quidem urentia sunt applicanda. quando per alias facultates leuiore, et per abstergentia sola leuare morbum datur, ut in scabie et similibus. de his autem in particularibus rursus dicitur, & quando & quomodo conueniant.

Calidis uero & siccis uti tum debes, quum materia non ualde acuta est, sed frigidior, siccis uero & frigidis quum calidior est. quoniam autem horum multa & stiptica sunt, & substantiae crassioris inferius quidem examinabimus, quomodo liceat ea adhibere, & non adhibere. porro per decocta conuenienter ages quum introrsum contagio est, ut in febribus. per pulueres uero quum maxime & multiplici facultate obsistere putrefactioni uoles. atq; haec quidem satis sint quantum ad uniuersalem curandirationem pertinet, nunc particularia prosequamur, a febribus incipientes.

### De curatione febrium uariolarum, & morbillorum.

Cap. 4.

**I**Nter febres quae in contagione uersantur, illae prius percurse fuerint, quae uocatas uariolas & morbillos emittunt, ut pote minus ferre. de quibus quidem agemus, quatenus nondum pestilentes sunt. nam et ipsae in pestilentibus saepe uisuntur, simpliciter autem pestilentes non sunt. quoniam igitur diximus expulsionem illam uariolarum morbillorumq; quodammodo crissim quandam esse, & sequestrationem menstruae infectionis a sanguine, nulla tibi esse alia intentio debet, quam ut non impediatur expellentem naturam, sed iuuetur potius, si opus est. quippe eam impediunt nonnulli interdum phlebotomijs, interdum purgatorijs pharmacijs. quare quum tu uideris febrem esse eiusmodi, quae eas expulsiones aut faciat, aut factura sit, tum abstine a medicamentis omnibus, sed naturam sine persequere agere, nisi forte a principio magnam plenitudinem fueris conspiciatus. tum enim licet uti purgante pharmaco, sed non acris & molesto, quod si iuuanda natura sit, locum prius procura ut calidus decenter existat, ut aeger

ut eger pannis conuenienter tegatur, & ijs rubentibus, ut leui utatur cibo, uino abstineat. tum uide quæ causæ prohibent expulsionem, num carnis densitas sit, aut crassities materiæ. tunc enim iuuanda est natura cum ijs quæ foramina cutis aperiunt, & materiam attenuant. quales sunt carica & feniculus, & carui, & apium, & similia, ex quibus commode decoctâ fient. sunt qui addant lentes abiecta prima aqua decoctas, aliqui qui & tragacantham, quod quidem forte miretur aliquis. quando in lentibus & tragacantha contraria magis uidetur intentio inesse, quum & ingrossent & inspissent sanguinem, & cutim obstruant. Verum ita res accipienda est, & ebullitio sanguinis interdum temperata est, interdum non temperata, sed aut maior quàm oportet, aut tenuior quàm oportet, siigitur temperata est, crassior autem humor qui feruet, tum neque lentes, neque tragacantha adijungi debet, sed sat erunt, quæ subtiliant. at ubi intemperata est, et maior quàm oportet, aut quod excernitur nimis subtile uisum fuerit, tum si prædictis addantur lentes & tragacantha, recte facies, quoniam ita ebullitionem temperabis, quod & in sputo sæpe fieri oportet, quum plus æquo tenue est, nec plura de his febribus dicantur.

## De cura febrium pestilentum communi.

Cap. 5.

**N**unc uero ad eas pertranseamus, quæ pestilentes uocantur febres, quod uel partem maiorem perdant, uel multos saltem. quarum quæ maiorem partem perdunt, ueræ pestilentes dicuntur, quæ uero multos solum, malignæ magis dici solent: quoniam autem gradibus solum differunt, & communem quandam naturam habent, communes primum earum curationes & intentiones trademus, mox & proprias prosequemur. Ergo ijs primum consideratis, quæ diximus esse circa contagiones consideranda, analogia scilicet loco, tempore et ante alia morbi origine, extrinseca ne sit an intrinseca. Scito & in his illa tria præcipue esse attendenda, ad quæ prius diximus esse omnem intentionem dirigendam: seminaria scilicet, materiam periclitantem, & eam quæ periclitata iam & prorsus corrupta est. ac quoniam supra dictum est, seminaria posse uniuersaliter uel extinguï, uel frangi, uel educi, uel per antipathias repelli, uindendum est, quæ nam ex his in pestilentibus febribus conuenire possint. ac primum quidem extinguï seminaria per urentia non datur, quoniam febribus iam introrsum facta est, nec satis tutum est, introrsum assumere quæ urunt. extra uero si apponas aut nihil operaberis, aut contagè exagitabis

Fracast,

Q

uebementius, quare p alia ingenia age. utrum aut̃ extingui per frigida possint, ut p aqua potum, dubitationem habet, qm̃ et si aqua quatenus frigida inuare possit, at tñ quatenus humida obesse non parum uidebitur, q̃ augeat putrefactionē, non solum igitur, pp̃ hanc causam nocere potius aqua potest, sed et ob illud etiam, q̃ materiam cruditiorem reddit, et obstructionem adauget, quapp̃ in maiori parte harum febrium abstinere ab eo potu melius est. nihil tñ prohibet certis casibus etiam conuenire, quū febris ardens est, & colera quodammodo furit, si et reliqua consentiant. tum. n. magis prodesse. frigiditas q̃ obesse humiditas potest. Igitur quū extingui nō nisi rarissime possint seminaria febriū contagionem pestilentē. habentium, uidendum est utrū saltē educi possint, sed certe et hoc difficulter admodū fit. per se. n. seminaria ualde dispersa sunt, et si educi detur, educuntur quidē per educationem materiæ, cui sunt hærentia. quomodo tamen fiat, & quibus modis melius, quibus difficilius, paulo post ostendemus quum de materiæ euacuatione tractabimus. Superesse igitur uidetur, ut maxime procuremus ea frangere, & per antipathias repellere. eorum autem quæ frangunt, omnia quidem potentia sicca sunt. sed alia calida quidem sunt, alia frigida, & rursus alia sicca tantum sunt, alia etiam stiptica, & crassæ substantiæ. quare & dubium est utrum calidis, ut liceat in his febribus, et utrum stipticis. nam calida uidentur, & febrem augere, & acrimoniam seminariariorum. stiptica uero uidentur obstruere, & transpirationem intercludere, & materiam crassiores facere. ad quæ dicendum est diuersitates & analogias contagionum considerandas esse. aliæ enim ad crassiores & pinguiore humores habent analogiam, aliæ ad subtiliores & acres magis, & aliæ ad spiritus etiam. porro in quibusdam obstructiones multæ sunt, in quibusdam pauciores. ubi igitur analogia est contagio ad crassos & frigidiores humores, precipue si & obstructiones non paucae sint, bene erit sicca uti, quæ etiam calida sunt. frigida autem minus conuenient, maxime si & stiptica fuerint crassæ substantiæ. at ubi analogia ad subtiliores & aciores humores sit, uel ad spiritus ipsos, obstructiones autem paucae fuerint, tum decet per sicca illa agere, quæ simul & frigida etiam sint. quæ si etiam stiptica fuerint, nihil refert. frangunt enim hæc maxime et uirtutem continent, ne dissoluatur, quod potissimū accidit in his febribus. porro si ea quæ p antipathias ualent, ullæ in contagione conuenientia sunt, in hac certe conuenientissima & maxime præsentanea sunt, in qua contagios uenenis quibusdam ap̃similatur. quare his maxime utendum, nec unq̃ deserenda, quæ tum repellendo, tum et confortando inuuant, atq̃ hæc quidē

intentiones ad seminaria habēda sunt, quæ si ab aere uel alio dependant, illud etiam principium extinguendum & frangendum tibi erit. Ad materiam uero quæ in periculo est, primum illud æquum est querere, utrū euacuatio ulla conueniat, et qualis. ac cōuenire quidem quum plenitudo adeſt humoris ad putrefactionem parati manifestum est. ubi uero plenitudo ea nō adſt, sed corruptio tota e contagione depēdeat (nihil. n. prohibet aliquo probe sano existente cōtagionem inferri) tum non est p̄curanda euacuatio materiæ periclitantis præsertim p̄lebotomijs aut pharmacis. quin imo de his dubitatio est, et cōtrouersa inter medicos utrum sint adhibenda in ea etiam materia, quæ cū plenitudine pestem affert. quippe sunt, qui in omni pestilentia non semel solū, sed & his sanguinem hauriant, rationem autē facti addunt, q̄ hic morbus sit magnus imo omnium maximus, q̄ ebullitio in sanguine magna fiat, q̄ peccatum in ipso sanguine quasi semper sit, & corruptio, q̄ per p̄lebotomias bene euentetur corpus & transpiret, quōd natura multum in his febribus grauetur, quæ nisi subleuetur, morbum non ferat, non expellat, nō concoquat. propter quod multi ulsi sunt, quibus p̄lebotomia facta, statim lenticularum expulsio facta fuit, quum prius nulla appareret. Contra alij magnopere a p̄lebotomijs cauent, q̄ experientia constet partem maximam eorum, quibus detractus fuisse sanguis paulo post aut obijſſe, aut in deterius lapsos, ut annis. 1505. & 1528. manifeste uisum fuit. qua in re mihi ita dicendum uidetur, q̄ aut contagio extrinsecus concepta est, aut intrinsecus primo in nobis facta, & hæc rursus uel in initio est, uel iam ualde sparsa. si igitur extrinsecus uenit contagio siue in initio sit, siue non, nunq̄ sanguis est p̄r p̄lebotomiam mouendus, ea de causa qd contagies introrsum trahitur, et uersus cor, tam ea quæ circa summa est, q̄ ea quæ i uenis pulmonis, nisi adeo magna plenitudo uideatur ut ferri non possit, tum enim licet p̄lebotomia uti, sed & hoc circa initia. pp̄ quod superioribus annis, in quibus contagies extrinsecus in nos uenerat, maior pars eorū quibus secta fuit uena periire. Si uero contagies i nobis primo oborta fuerit, securius quidē possumus detrahere sanguinem, sed et tunc ab initijs, et quum plenitudo uidetur. in uniuersum. n. hoc constare debet, quum iam sparsa contagio est, et seminaria late iam diffunduntur, nihil uenæ incisionem iuuare, quin imo longe nocere magis. quoniam omnis agitatio, quæ in sanguine fit, putrefactionem ualde adauget, q̄ seminaria magis misceri accidat, & sinceræ partes cū infectis. non aliter q̄ si in craterem aquæ salis aut fellis modico iniecto, si quiescat aqua, et non agitetur minus salua & amara permanet, si uero agitetur statim tota conta-



## DE C V R A T I O N E

minatur permittis minimis inuicem. quare non solum superioribus annis, sed semper & in alijs quoq; pestilentijs uisum est maguam phlebotomatum partem rem male egisse, q; in angustis sit tempus, in quo uena sectio conuenit, in amplo autem in quo non cōuenit. quare bene perpendere opus est, quando & quomodo seces. q; si secanda sit uena, satius etiamnum eximio secandam esse eam, quæ in talis est, aut hæmorrhoidas aperiendas. hæc enim & si non omnes uenas, quæ ad cor possunt deferre contagem, diuertunt, at quarundam tamen cursum ab eo reuocant, & contagem amouent. sed certe conuenientius agunt, qui per cucurbitulas multas comminuere sanguinem uolunt. nihil ergo te moueat ad secandam uenam, q; morbus sit magnus. maior enim fiet si secueris, maior quoq; et ebullitio, & corruptio in sanguine, transpiratio autem minor. q; autem expulso lenticularum in quibusdam uisa fuerit facta phlebotomia, non potentiam maiorem uirtuti additam monstrat, sed symptoma maius. sicut enim cōmota aqua calida, euaporatio fit maior, ita & hic commoto & agitato sanguine euaporatio excitatur maior, quæ ualde stimulans uirtutem, expulsionem irregularem facit, nõ qualem natura perse quasi crissm faciens abstinere solet. cuius signum est, q; statim delitere consueuere expulsionem illæ, quas symptomaticas uocant. quare nec ijs apparentibus multa spes nos tenere debet. De ea uero euacuatione, quæ p medicamenta purgatoria fit, similiter nec plane conuenit inter medicos, quibusdam parcentibus medicamentis, q; uideant ijs assumptis, ægros quasi a summo ad imum concidere, alijs uero uel crebro exhibentibus, et alijs placidiora quidem, alijs acerbiora propinantibus. de quo rursus penè idem dicendum quod de phlebotomia, nam & pharmaca introrsum trabunt contagem, et sanguinem maxime agitant, et permiscunt, propter quod multi uisi sunt, quasi de omni uirtute decidisse. Igitur nisi magna appareat plenitudo, bonum est pharmacis abstinere. q; si affuerit, apta autem ut euacuari possit, maxime circa initia, (multæ enim materiae non sunt crudæ etiam per initia) tum solutiuis uti potes. placidiora uero ipse anem magis, q; acria, q; si non sufficiant ea crassiores humores educere, danda quidem & acria suadeo, sed quantitatis minoris. porro nec displiceat euacuatio illa, quæ per urinam fit, et quæ per sudorem. Auxilia præterea illa, quæ supra dicta sunt ualere ad materiam, quæ corrupta incipit, prætermittenda non sunt, ac imprimis quæ exsiccant, quorum quæ simul calida sunt, tum exhibeantur, quum crassiores, & segniores humores sunt, quæ uero frigida, ubi tenuiores & acriores sunt, tum nec displiceant, quæ imputrescibilia ipsa existentia, intermixta prohibent putrefactionem.

factionem, quorum multa etiam spiritualem antipathiam habent, et partim repellunt, partim confortant, ut odorata.

Materiam uero quæ iam corrupta est, non intra debes relinquere, sed secernere, & extra pellere quantum potes. facit id quidem sepe natura modo per maculas quasdam, modo per pustulas, modo per abscessus alios, ut plurimum autem per alui deiectionem. Verum quum segnis natura est, tu eius officium assume, & euacua interdum clisteribus, interdum lenientibus, interdum purgatorijs pharmacijs, uerum caue ne stimulum multum adhibeas, quoniam quæ corrupta sunt, nō poscunt irritamentum magnum, lubrica ipsa existentia, atq; etiam ualde irritantia. Sunt qui per aloem aut diebus singulis, aut alternis leuiter purgent, alij per alia, cuius rei certa methodus esse non potest, sed discreto medico opus est.

De curatione febrium quæ lenticulæ uocantur. Cap. 6.

**N**unc de particularibus magis agamus, ac primum de curatione earum febrium pertractemus, quæ quæ non uerè pestilentes sunt, malignæ tantum dicuntur, quales illæ fuisse, quæ annis. 1505. & 1528. tam large apparuere, quas alij lenticulas, alij puncticula uel petiulas appellauere, de quibus diligentissime agendum uidetur, quoniam sæpe per epidemias reuertuntur, sæpe sine ijs enascuntur, ac nunc etiam per Italiam uisuntur, certis autem regionibus maxime familiares. referemus autem in primis quo pacto medici eas curabant, quum primum in eas perinde ac ignotas incidere, inter quos tanta discordia orta fuit, ut penè ludibrio haberentur. nam ut a uictu ordiamur, alij liberaliter et large nutrirî egros iuebant, q. dicerent uirtutem plurimū dissolui, ita præcipere Hippocratem, ita principem Auicennam, alij tenuissimum uictum dabant, existimantes ægritudinem a plenitudine multa dependere, alij extremorum dubij, mediocritatem tenebant uti securam magis, meracum nonnulli propinabant, nonnulli aquam aut simplicem, aut uino granatorum permiscam. sed nec minus circa pblebotomias controuersia oriebatur, alijs protinus & large sanguinem haurientibus, alijs nunq̃ uolentibus secare uenam, q. uidissent maiorem partem eorum, quibus secta fuisset, uitam finire, inter quos alij putantes media quadam uia incedere hæmorrhoidas aperiebant. porrò & circa euacuationes eadem dissensio agebatur. alij enim acris medicamentis utebantur, alij aut nullis, aut leuioribus, nec deerāt qui dicerent eam febrem sudoribus esse finiendam, quæ in re et empirici quoq;

Chimistae suas partes habuere. qui sublimatis quibusdam liquoribus ad eam rem efficaciter uterentur, a quibus plurimi mortui sunt, multi ad orci portas deducti, quidam omnino saluati. maior medicorum pars more empiricorum a uenentis similitudinem accipientes, ijs utebantur, quæ ad uenena solent apponi, quare & per bolum armenium, & terram lemmiam, et eius modi medicabantur. contra alij isthæc negabant esse adhibenda, q̃ obstruerent uenas & foramina, q̃ expulsionem impedirent, sed communibus digerentibus agebant. nonnulli existimantes morbum in adustione consistere ea dabant, quæ adustioni aduersantur. inter quas cōtrouersias magna mortalium pars, et nobilitas urbium perijt. Nos quæ partim longa experientia, partim ratione comprobauimus, in medium adducemus, si tanta in re præstari mortalibus aliquod beneficium possit. quod certe fiet, si quæ circa cōtagiones cōtemplati fuimus, nō aspernabuntur. in primis igitur ante oculos ea sunt habenda, quæ supra de analogia eius febris, et causis dicta sunt. Quoniam ergo eius analogiam diximus, nec ad spiritus perse esse, neq̃ ad acres humores, sed ad mediam quandam materiam, qualis est sanguis, in qua dissoluatur quidem uirtus, sed non uehementer, & cito. incipientes quidem a uictu melius egisse illos existimamus, qui mediocri uictu utebantur. sic enim & eger non grauabatur, & conseruabatur uirtus. quare & nos hac diæta ægros semper nutriuius, interdum quidem subtrahentes magis, interdū & apponentes. neq̃ enim hæc febres semper in eodem sunt, sed aliæ ad acutas magis accedunt, aliæ ad tardiores. prout & sanguis modobiliosior est, modo pituitosior. potus autem si fieri potest non e uino detur, quoniam euaporatio multa in his febribus accidit, & delirium facillime consequitur, quod pessima res est, non solum quod circa nobilissimum membrum uersetur malum, sed ob id quod parere nollunt ægri. sit ergo aqua uel simplex decocta, uel aceto mista, qui potus ante alios mihi idoneus uidetur, q̃ si stomachus forte non ferat, nihil prohibet cinnamomi paululum admisceri. sunt qui miscent syrupum acetosum, aliqui qui citri succum. sunt etiam qui magis ament aquas, quæ sublimatæ uocantur, uel cicorii, uel oxalidis, uel cicerbitæ, uel boraginis & id genus. quod si uinum concedendum sit, eligatur quod pauciferum uocatur a græcis βυρόφορος, sapore acerbum.

Aer uero si quid uitii continere uidebitur tibi, aut permutetur, aut bene persfletur, aut per irrorationes & suffitus emendetur, tum reliquum diæticum regimen recte dispensetur, ut par est.

Quod uero ad medicinale attinet, querendum in primis de phlebo-

tomia uidetur utrum conueniat in his febris, an non, & quando, et quibus euenis, quoniam ita certe res cecidit aunis superioribus, ut maior pars phlebotomatorum perierit. causam ego arbitror iude fuisse, quod febres illae tum maxime ex aere contingere (ut dictum est) quare extrinsecus quum uenisset contagio, circa summa in corporibus praecipue uigebat, et in uenis remotioribus. facta igitur phlebotomia introrsum statim trahebatur. in spiritalia. adde & illud quod febribus his lenibus et placidis apparentibus, non fiebat uenae sectio circa initia, sed tum maxime quum seminaria iam dispersa erant, et radices undique egerant, quare secta uena, sanguis plurimum quidem agitabatur & commiscebatur, parum autem de seminaris et de corrupta materia secum educabatur. uide in discrimen ponebatur magis ager quam iuuaretur, si igitur & nunc quoque aut futuris temporibus extrinsecus uideris accessisse contagionem, non affueris autem circa principia, praesertim si nec adesse magnam plenitudinem animaduertis, tum satius erit uenae parcere. at uero si corruptio in aliquo primo euata fuerit, si uocatus fueris ad principia, tum secure uenam incide & sanguinem multum extrabe, si reliqua consentiunt. quod si post tertium diem aut quartum solum accesseris, tum maturius consule. si tamen hominem sanguinis multi, praecipue et fibrosi praemanibus tibi fors dederit, etiam aude sanguinem haurire, nisi natura tentauerit expulsionem aliquam. ceterum quum ualde sparsa contagio est sectioni parce, sed cucurbitulas appone, nisi ualde magna sit plenitudo. ea nam quum est, melius aut per pharmaca tollitur, aut per apertionem haemorrhoidum, aut incisionem saphenae. De pharmacis uero purgatorijs eadem animaduersio habenda est. nam et ipsa a circumsferentia introrsum trahunt, et sanguinem ualde exagitant, et non multum de seminarijs educunt. si tamen plenitudo humorum uisa fuerit, nisi ex ijs fuerint, qui contumaces sunt, euacuationibus, si potes a principijs euacua, alioqui aut nihil moue, autem solum quantum sufficiat educere, quae iam corrupta est materia. sint autem solutiuus, aut aloë, aut casta siliqua, aut manna, aut syrupus rosatus solutiuus. expertum autem est pharmacum illud multum ualere, quod per agaricum fit, et syrupum rosatum solutiuum. uehementiora uero mihi non placeant.

Quod uero ad sudorem attinet, non paruo teneri errore illos existimo, qui indiscrete uolunt finire has febres per sudorem. nam si obstructio forte adsit, si plenitudo, si cruditas, non solum nihil proderis per inducentia sudorem, sed magnopere laedas. multum praeterea refert, quibus sudore proueces. sublimatorum enim multa praesertim chymistica calidissima sunt, et febrem ardentissimam reddunt, ac uirtutes exoluant. tum autem non dam-

## DE. CVRATIONE

nem inuitandum esse sudorem quum maculae apparent quidem, sed egre natura expellit, reliquis consentientibus. quare nec male uidentur facere qui decocto feniculi, & lace, & caricarum utuntur. utilius autem fiet si ea addantur, quae simul & contagioni obstrunt, qualis est scordium herba et trifolium odoratum, & quae liliula uocatur, forte quae & oxys apud Plinium, & uocata gallica, & similia. placent quoque & quae per urinam multam materiam educunt. nam multas ex his febribus uidimus per eiusmodi crissm finitas. His ergo consideratis, scito reliquam curationem in eo consistere, quod putrefactioni & contagioni omnibus ingeniis aduersatur. tam per ea, quae communia & aliis febribus remedia sunt, quam per propria contagiosiss. quoniam autem quae propria sunt, omnia quidem potentia sunt secca, & seccorum alia calida, alia frigida, & rursus alia etiam stiptica, et crasse substantiae, quae fortasse aliquis utrum calida conueniant in his febribus, similiter & utrum stiptica, & quae sunt crasse substantiae. quare Alexander Mondellam medicus Brixiensts uir doctus & diligens nonnulla ad nos scripsit, ac praecipue super smaragdo, quem aliqui medici ueluti arcanum quoddam & uenerandum antidotum habent. bene igitur erit de hisce dubiis (ut promissimus) nonnulla dicere, quod maxime ad hoc febris genus pertinere uidetur. primum igitur quantum ad calida attinet, quoniam multae harum febrium in sanguine pituitoso consistunt, & materia in eo genere crassiori, si quis per calida in iis agat, nihil (ut opinor) nocebit, aut si frigidis calida tamen permisceat praesertim aromatica, et quae excellenter aduersantur putrefactioni. Si uero biliosior fuerit sanguis conuenientiora erunt frigida, siue pulueres fuerint, siue decocta, siue alia. atque in his si etiam stiptica adhibeas, nihil officies, nisi ualde multa obstructio fuerit uisa, quod rarius in eo sanguine accidit. quare nec dubita per haec naturam et macularum expulsionem impedire, si sanguis subtilis sit. nam potius ebullitionem temperabis (ut in uariolas dictum est). ab his uero magis cauendum tibi sit, quum crassior est sanguis, & obstructionibus paratior. Ceterum illud notandum est, quod stipticorum quaedam crassissimae substantiae sunt, & summe astringentia, ut pontica & austera uocata, quales immaturis fructus & sorba, & corna, atque haec quidem magis cauenda sunt. propter quod nec uinum laudem quod ex oxyacantha fit, nec quod e cornis. alia uero simpliciter acerba sunt, qualis est aqua uino gratatorum admixta, aut aceto, aut syrupo acetoso, uel succo citrii & aurantii mali, & limenis, & similia. atque haec secure concedi possunt, nihil enim quum nocere possunt, tum uel maxime inuabunt, quae & sicca potentia sunt:

sunt, & frigida. quantum uero ad pulueres spectat, in uniuersum dicatur, q. eorum quæ teruntur alia propter duriciem & siccitatem semper adeo ita constant, ut quamq̃ multa opera ea teras, nunq̃ tamen apta sint in farinam minui, hoc est in tam tenues partes, quin semper actu talia non percipiantur, qualia sunt ferri & æris segmenta, & marmoris, & uitri, & multorum lapidum. alia uero sunt, quæ q̃ optime in farinam uertuntur, ut Margaritæ, & coralia, & gemmarum multæ, similiter & spbragis, & bolus armenius, & plures aliæ terræ. Rursus quædam tritorum cum liquidis nunq̃ ita misceri possunt, ut in unum coeant. quædam uero ita coeunt & coalescunt, ut actu esse perse nunq̃ sensu ullo discernantur. qui igitur pulueres in farinam teri non possunt, nec bene cum liquidis coalescere, hi adhiberi in hac febre non debent, quoniam aut in stomaco, aut in intestinis residebunt, aut quo oportebat, nō distribuentur. quare indigesti nocebunt non parum. qui uero in farinam bene conteri possunt, & bene cum liquidis coalescere, hi non modo cauendi nō sunt, sed maxime affectandi, quoniam antipathiam tum materialem, tum spiritualem aduersus contagiones habent. tum uero & intermixti humoribus alia etiamnum ratione prohibent putrefactionem illorum. propter subtilitatem autē & tenuitatem ad quam redacti sunt, neq; obstruere possunt, neq; expulsionem nullam impedire. eiusmodi autem sunt, & pbragis lemnis, & bolus armenius, & Margaritæ, & coralia, & hiacynthi, & saphiri, & tormentilla, & bistorta uocata, & cornu cerui, & monocerotis, & scordium, & id genus multa. De smaragdo autem specialiter dicendo, ego quidem ab antiquis nullam talem attributam illi prærogatiuam inuenio, qualem recentiores quidam medici attribuunt, quoniam autem de rerum uirtutibus loqui possumus, aut per experientiam factam, aut per rationē, ego quidem super hac re experientiam sufficientem fieri satis difficile arbitror, nam & si aliqui assumpto smaragdo ter & quater uisi sint euasisse, infida tamen est ad uniuersale si illatio fiat, quoniam incertum est, per accidens ne contigerit, an per se, nisi ratio ad communem naturam fiat. potest autem ratio certe fieri q. smaragdus ualere ad eiusmodi febres debeat, q. frigidus sit & siccus, quemadmodum & de alijs dictum est. habere autem prærogatiuam super alia tanquam sacrum quoddam antidotum ratio nulla asserri potest. quoniam an agat & per spiritualem antipathiam, nec ratione, nec experientia cognitum est. regium tamen sit medicamentum, q. magno præstatio uenit. quærat autem quis et de Gusiaco ligno, et de radice Cinarum, de qua in Gallico morbo dicemus, utrum conueniant in hac febre. quoniam utrunque &

Fracast,

R



## DE CVRATIONE

exsiccat ualde & sudorem mouet, & putrefactioni resistit. ad quod dici-  
mus nullam nos habere de ijs circa has febres experientiam, uerum quan-  
tum per rationem possumus existimare, credendum est utrumque ualere eas  
in re plurimum. et guaiacū quidem quia ex subtilissimis partibus constat  
calidis ac siccis, propter quas, et ualde exsiccat, et sudorem ciet, est etiam  
& resinosa ea arbor, quare mire & ad contagiones ualet, decoqui autem  
tem in aqua debet permisto etiam aceto, ne febrem augeat, qua de causa  
conuenientior etiam erit, ubi pituitosior sit sanguis. Radix uero Cinarum  
siccissima quidem est, resinosa autem non est, nec calida quantum sensu  
percipi potest. quare et dubium est quomodo sudoris adeo prouocatiua sit.  
Fortasse igitur eorum est, quæ potentia talia quidem sunt, sed remote, hoc  
est quorum calide partes tarde actu fiunt, propter quod & ipsa sudorem  
mouet, quā separata mixtione actu tandem fiunt igneæ et subtilissime par-  
tes, uel forte, & si particula ex quibus constat perse calida non sunt, pro-  
pter siccitatem tamen & tenuitatem accenduntur a calore nostro, & ita  
sudorem mouent. & ipsa igitur conuenire his febris potest, quoniam et  
ualde exsiccat, & sudorem faciat, & foramina cutis aperiat.

Ex syrupis autem ualent acetosus, & oximel, et de fumo terræ, de epiti-  
mo, de citro, de acetosa, de lupulis, de cicorea, de pimpinella, quæ ad cenan-  
thes genus referri potest, & appellari cenantilla. tum & qui de bizantijs  
dicitur, & de eupatorio, de thymo et eiusmodi. aquæ uero sunt boraginis,  
melisse, cicorij, cicerbitæ scabiosæ, cardi benedicti, calendulæ, luluiæ, tri-  
folij, Gallicæ acetosæ cap. v. lupulorum, eupatorij, camedryos, pēta phylli,  
lapathi, maioranæ, calamenti, pullegij. Decoctio optima quæ habet Agrim-  
onia, cicoreæ, cicerbitæ. cap. v. recentium Trichomanis, scordij, dictam-  
ni, cretici. añ. M. i. tormentillæ bistortæ, añ. unc. ʒ. ligni aloes, casie lin-  
guæ, squinanti, calami, gummi añ. drach. ij. radium cānarum drach. iij.  
insundantur omnia per diem in aquæ puræ lib. x. mox fiat decoctio ad  
sufficiētiā, cuius decocti colati unc. v. cum syrupo de citro unc. i. exhibi-  
be in aurora. pulvis optimus, terræ lemnis, boli armenij, tormentillæ, scor-  
dij, cornu monocerotis, uel cerui añ. de quo drach. i. accipiat cum aqua  
rosacea unc. ij. aceti unc. i. Expertum quoque est, succi luluiæ unc. iij.  
aliud uilius quidem sed non minus ualens Tormentillæ bistortæ. añ. drach.  
ʒ. detur cum aqua cardi benedicti.

Interea uide si quid natura mouet, & per quam uiam. si quidem enim  
erit sanguis, qui erumpat e naribus siue multus, siue paucus, neque in-  
uato, neque retineto, nisi uirtus eadat. si uero multa & corrupta per

alium materia exiuerit, neque hanc comprimito, nisi uirtus collabens poscat. at uero si lenticulae expellantur, eas quidem iuuare oportet, si natura pigra est, cum ijs quae ad cutim mouent, & contagioni simul contraria sunt, quale est dictamum et costum, et radix personatae, & cannarum radix, & eiusmodi. Solent & accidentia quaedam concomitari has febres, inter quae est delirium, quod tam et si rarissime frenesim sequitur, diuertendum est tamen propter dictam causam. atque haec quidem satis iam sint de punctularibus febribus. nunc ad uere pestilentes pertranseamus.

## De curatione uere pestilentum febrium.

## Cap. 7.

**L**onge maior sollicitudo et cura esse debet tum publica, tum priuata circa eas febres, quae proprie pestilentes dicuntur, si medici & alij ad eas secure adire auderent. quia de causa multi egrorum miserabiliter pereunt ab omnibus destituti. quoniam igitur contagio haec saepe ab aere originem trahit, saepe ab uno ad alium transit, saepe concipitur fomite, nonnunquam & in nobis primo oritur, in primis non praetermittenda uidetur ea curatio, quae praeseruat. procurandum enim in primis est ab ea non capi, quando ubi quis captus est, ut plurimum etiam perit. Ergo si aeris uicio pestilentia contigerit, quod raro quidem fit, tum nullum est salutare remedium, quam ut in prouerbio est fuga, & inquisitio salubrioris aeris, quod si fieri non potest, neque enim semper & urbes, & supellestiles, et domus, & chari relinqui possunt. at saltem aerem tempera per ea quae dicta sunt.

Proderit & latas stipularum incendere campos,  
Et nemora intacta, & sanctos exurere lucos.

Illud quoque peruide, nū ex alia regione deferatur ad tuam cōtagio, cui contra fenestras oclude, & partes domus auersas habitato. tum fomes oīs tibi cauendus erit, ligna, uestes, & oīa quae pestilentes tractare. quae de causa sapientissime agunt ille Respubl. quae consuetudine et legibus prouident, ut supellex omnis domus affecta comburatur, heredibus e publico satis fiat. uidimus anno. 1511. quum per Germanos Verona teneretur, exorta peste qua hominum ferè. x. millia periire, ex una ueste pellicea non pauciores, quam quinque & uiginti Teutones obijisse, uno defuncto alius induerat eam uestem, & hoc alius, & alius, donec monefacti e tot defunctis uestem combussere. nec minus cauendum est, ab aere in quo aeger degit. quare ad aperta sint hostia, & fenestrae, praecipue

que in boream spectant. circa agrum sint flores & fructus odorati, & frigidi, rosa, ligustrum, nympha, uioleta, citria, limones, poma apia, uolema, cydonia, persica. fiant & suffitus ex aqua rosata, camphora, & cariofilis. melius autem est, si potes, agrum nullum uisere, conuentus hominum fugere, domi manere, quæ munda sit, quæ probe persfletur, tum non incalascas multum, ne cutis foramina ad hauriendam contagem aperias. quo uero & qui inspiratur aer, sincerior ingrediatur. tu quidem semper ore uersato aut iuniperi grana, aut gentianæ radicem uel galangæ, uel cassiam lingneam, uel macerem, aut semen citri. Nares quoq; tangito spongiola aceto & aqua rosata infusa. Indumenta mundissima uestito, & non e lana si potes, sed e serico, quæ etiam sæpius mutato, nec laudem qui inedia quæruunt siccum corpus facere, quoniam uenas inaniunt, & audas attrahendi reddunt. neq; tamen crapulam uolo; sed uictum, qui parcus sit non alienus a consueto. omnes enim mutationes insolite cum in omnibus, tum maxime in hoc morbo dānari ab Hippocrate consueuere. Nec displicet, ut aut Theriaca, aut Mitridato, aut terra lemnia, uel bolo armenio cum aceto utaris. Vitale quoque est, & iam expertum Diascordium antidotum, quod composuimus non solum conseruationis, sed & curationis gratia. Laudo etiam ut pilule illæ quæ communes uocantur, duæ aut tres ante cenam singulis tribus diebus capiantur. per hæc igitur procurandum est, ne ager fias. q. si quis iam factus est ager, et contagem concepit, hoc pacto regenerentur. in primis si febris ex ijs est, quæ paucis horis perdere hominem solent, qualis et ea est, quæ in Britānia sudor appellatur, nullus uictus exhibeatur, medicamentum autem ullum utrum sit afferendum habet dubitationem, & an in Britānia recte faciant nullum aliud auxilium adhibendo, nisi situm & decubitus per quem sudent. Verum meo quidem iudicio & in Britānia, & alijs lock, ubi q̄ acutissime pestis concepta fuerit, bene agatur, si statim ad ea recurratur, quæ per utranq; antipathiam diximus obistere contagionibus feris. quale est sphragidis drach. i. cornu monocerotis scrup. i. aceti unc. 5. aquæ rosatæ unc. i. porro in Britānia si sudor forte detineatur, aut quia ager non assuetus sit sudare, ut pote dense carnis, aut alia de causa impeditus, mihi non displiceat illa adhibere, quæ diximus sudorem mouere consueuisse, & simul obistere contagioni. In alijs uero febribus, quæ eam acuitatem nō habent, acutæ tamen respectu earum, quæ malignæ tantum dicuntur, hæc adhibeatur curatio, uictus in primis sit liberalior, q̄ in punctulis uocatis, quo uirtus custodiatur, quæ in uere pestilentibus uehementer dissoluitur. q. earum analogia uel ad spiritus est;

uel

uel ad acutiores humores, & putrefactio cita & amplior. Vinum tamen non propinetur, tam & si aliqui sunt, qui præbent, etiam meracissimum. non recte autem, quoniam febrem in furorem uertunt. quum præfertim per alia rescit uirtus sine eo periculo possit. bibant ergo uel oxycratum, uel aquam cum uino granatorum, aut cum succo limonum permistam. Carnes si asse sint, et aqua rosata sæpius inter coquendum irroratæ, placeant mibi magis, nec non quæ a mulieribus gelatinæ uocantur. fercula uero sint e lactuicis, & endiuia, & boragine, & cerasis acerbis, & criza, & panico cum pauco aceto, aut omp hacino. nec acetaria denegentur e cicorio, cicerbita, oxalide, boragine, melisophyllo, condrilla, ea quam crencanum rustici appellant. nec non e floribus citri, et buglossæ, & boraginis, et eius modi. Phlebotomia mibi nulla sit in his febribus, quoniam rarissime in nobis primo fiunt, sed extrinsecus ueniunt, aut e somite, aut etiam ex aere, aut ex uno in alium. uerum quocumque modo accidat, sectio uene parum prodesse potest, quæ seminaria non possunt educi, multum autem cbesse, quæ & contagio introrsum trabatur, & sanguis non mediocriter agitetur. propter quod non in lenticulis solum, sed & in uera pestilentibus febribus experientia constat, maximam partem eorum, quibus secta fuit uena, perisse. satius ergo erit, & in his per cucurbitulas sanguinem imminuere. de pharmaceis quoque quæ solutius dicuntur, eadem dicenda sunt, quæ supra diximus in lenticulis. nam & in his febribus controuersia est inter medicos, alijs per acerrima iubentibus esse euacundum, alijs per placidissima. quod & nos ex nostris principijs rectius factum arbitramur, tum quæ materia pauco indiget stimulo, ut pote plus nimio corrupta, tum quæ per acria agitatio multa in humoribus fiat, & euacuatio pauca seminariorum. quare ad materiam, quæ in dies corrumpitur & euacuatione indiget, si uel per clysteres, uel per leue aliquod pharmacum corpus expurges, sat esse poterit tibi, quales sunt, uel communes uocatæ pilule, uel casta stliqua, uel etiam rhubarbarum, uel syrupus rosatus solutius, quem ego in hac labe omnibus alijs præfero. quibus præterea & tempore, & morbo, & alijs uti poteris uel quotidie, uel tertia aut quarta quaque die, ut expedientius tibi uidebitur. his ergo rite perspectis, extinctioni contagionis intende studium omne et curam omnem conuerte, quare nec communia digerentia curato, sed syrupos (ut medici uocant) longos conficito, egrum coge, ut inde die noctuque bibat. non solum autem, quæ in lenticulis dicta sunt, remedia hic etiam adhiberi possunt, sed & si aliqua ualentiora sunt, eligenda erunt tibi. ea præsertim quæ omni antipathia iuuant. Aquæ igitur sint oxalidis, liliule, cicerbitæ,

est utendum. si igitur per hæc fracta aliquantulū a gritudo uidebitur ssem aliquam polliceri, p eadem remedia repetita curationem absolue. sin autem contumax adhuc et nihil parens remedijs apparebit, ego ( quod in medium iustitiam) non aliud maius remedium excogitare scio, q̄ hoc, quod habet, succi luitule unc. ij. succi citri unc. i. Diascordij nostri. drach. i. specierum cordialium e gemmis scrup. ij. aceti unc. i. omnia bene misceto & totum haurito, quod si nihil iuuabit, scito morbum esse maiorem q̄ humana remedia. sunt qui in smaragdo maxime confidunt, qui in bolo armenio, qui in scordio, qui in dictamo nostra. Habet autem diascordium nostrum, cinnamomi, casie lignee añ. unc. 5. scordij unc. i. dictami cretici, tormentille bistortae añ. unc. 5. galbani, gūmi añ. unc. 5. opij drach. 1. 5. styracis drach. iij. 5. acetosj drach. i. 5. Gentiane. unc. 5. boli armenij unc. 1. 5. iteræ sigillatæ. unc. 5. piperis longi, xinziberis añ. drach. ij. mellis albi distumati lib. ij. 5. uini aromatici lib. 5. zuccbari rosati lib. i. m̄.

De curatione phthisis quatenus contagiosa est. Cap. 8.

**N**unc de phthisi prosequamur non quatenus aut a catarrhō, aut ab alijs dependet causis, sed quatenus e contagione concepta est, & ab ea perse pendet. multum enim interest utro modo sit facta. nā quæ in contagione perse consistit, eo qui accipit nihil male prius affecto sed sano cōcipi potest, quare et catarrhus & alia si superueniant, accidentia quodammodo sunt, & perse curationem primariam non possunt, ad quæ si communia remedia adhibeas, caput uras, sinapismis exstices, sputum facile reddas, frustra omnia tentabis, nisi contagem quatenus contagio est, interimere studeas. Ergo in ea phthisi, quæ uel a conuersatione cum phthisico, uel a fomite aliquo contracta est, & illa in primis consideranda sunt, quæ in uniuersum diximus esse in contagionibus animaduertenda, seminaria scilicet, materiam quæ in corruptionem tendit, et eam quæ iam corrupta est. si igitur circa initia curationem aggrediaris, tum ad sola seminaria attende, quæ si extingui quidem possent per urentia, nihil præsentaneū magis asserri remedium posset, uerum quum hoc locū non habeat sine maiori periculo, potes tamen per aliqua, quæ proxima sint urentibus curationem moliri. quod uideo & antiquorum nonnullos ausos fuisse, iuvenes sandaracæ nidorem per anbelitū in pulmones trahi, quum autem sandaracæm dico, non eam intelligi uolo, quæ uernix uulgo uocatur, sed quæ auripigmentū a nobis dicitur. porro nec per auripigmentum

## DE CVRATIONE

nolim a se accipi priorem illam speciem, quæ citrina est, sed alteram quæ est rufa, & propriis sandaraca uocatur. huius ergo suffitus si utaris non parum proderis tantæ contagi. proderit autem et Ari uel alterius dracunculi radix in eclegmate uel decocto aliquo oblata. similiter & iris, et scordium, & dictamum creticum iuuabunt, & diascordium, & theriaca, & similia. q. si morbus ultra principia iam progressus uel catarrhū mouerit, uel aliter in loco materiam collegerit, tum simul & ad seminaria, & ad materiam potes animaduertere, ac catarrhum quidē ijs omnibus ingenijs regere, quæ medici docent, diuertendo, sistendo, exsiccando, euacuando. collecta uero materia si crassa, si uiscosa est, digeri, et preparari debet, ut per conuenientes regiones expelli possit. sed id semper ante oculos habe, ut contagionem & putrefactionem prohibeas, et seminarijs obstitas. quare hoc in casu resina maxime tibi placent, quæ oēs intentiones cōplectuntur, ante alias. Terebinthina, mox laricina et abietina, tum uero et myrrha & styrax, & reliqua. possunt autem uel perse administrari, uel admista alicui ex prædictis pulueribus, qualis est bolus armēnius, & spbragis, & scordium. euententur autem aspera & stiptica, quæ spuitionem impediunt. propter quod nec malum erit semper admiscere aliquod leniētium, ut mel uel saccharum. Decocta quoque ualde tibi laudentur, quoniam maxime penetrant. optimum ergo erit scordium, & aristolochia, et dictamum, & pullegium, & gummi, quæ cum saccharo ebulliant in aqua pura cum pauco aceto, de quo decocto sat erunt unc. v. sunt qui radice Cinarum utantur ad oēm phthisim, q. ualde exsiccet, & per sudorem euacuet, quod & nobis admodum placet. si uero materia acrimoniæ cuiusdam particeps sit, ea debes asferre, quæ exsiccent quidem, sed minus calefaciant, optimum & suauis est sacchari rosati unc. ij. boli armenij drach. i. syrupi de pomis. q. s. misce & utere omni hora. q. si materia iam corrupta apparebit, quod e sputo cognoscēs, si lauescit, aut liuet, et fetet, expediens tunc erit euacuare, non solum per sputiuiam, sed & per solutiua pharmaca, quæ prore eligantur. si uero labes iam & in pulmonem transiit, qui aut ulcus contraxerit, aut eo peruenierit, ut iam flaccescat, tum scito egrum esse in magno discrimine, quod ubi apud domesticos præfatus fueris, hæc postremo remedia potes experiri. primum est decoctum hoc quod habet xiridis. cap. v. Tußilaginis dracunculi radicem, incisorem omniū manipulum. i. lapidis hæmatitæ, spbragidos, boli armenij añ. unc. 5. symphiti altea singulorum, unc. i. aluminis drach. ij. ligni guaiacilib. 5. infundantur per diē omnia in libris. viij. aquæ puræ, & fiat decoctum tertia parte consumpta, de quo. unc. 7. sumantur



in aurora cum iuleb uiolato. Aliud est antiquorum remedium, quod Plinius dicit ualere phtibicis, deploratis, foliorum & radicum consiliginis quantum at est, fiat decoctio, & decocto utere bis uel ter in die unc. i. §. est autem Consiligo, quantum coniici potest, eadem, quam idem Plinius alio nomine herbam ignorans, eneaphyllon appellat, herbarij nostri caprarum, quidam & pulmonariam, non eam quidem quæ e genere buglosæ flet, sed aliam pulmonariam ita uocatam, quod pulmonum uitij ualeat præsertim suum & caprarum, quare nec ab re ab herbarijs caprarum uocatur. Eneaphyllon autem etiam uocata fuit, quia folia nouem habeat, diuisa Hellebori modo, alia longiora, alia breuiora quales digiti sunt in manibus, sunt autem oblonga, per ambitum serrata, angustiora quam hellebori, atre uirentia cum leuore, flores quales hellebori, & folijs albicantibus quattuor constantes, ac ueluti calathum constantes, in quibus semina quattuor iuxta posita quasi racemus suspensa sunt, quare genus quoddam hellebori uideri potest. Hanc & Ruellius significare uidetur, quum describere uult pulmonariam a ueterinarijs uocatam, est autem urentis uirtutis, qua coniectura quum & folia nouem sortita sit, eandem esse putamus, quæ a Plinio eneaphyllon dicitur. Tertium remedium habet Axungie unc. iiii. butyri unc. ii. terebintine unc. i. styracis liquidæ unc. §. uiridis thuris aristolochie euilæ singulorum drach. ii. argenti uini unc. i. fiat unguentum, & quo brachia interna tota & dorsum inunge, seminaria contagionis absument, et materiam corruptam per sputum multam educet, uerum caue ne hectica febris adsit. hæc ergo ea sunt, quæ mihi notanda uisa sunt in phtibis per contagionem accepta, quæ curatio etiam ad omnem phtibis accomoda esse poterit, quæ ad id iam uenerit, ut contagionem inferre apta sit, quocumque modo contigerit ab initiis.

## De curatione rabidorum.

## Cap. 9.

**M**Orbi quidam sunt, quibus nisi illico (ubi apparuerit) succursum fuerit, sera præterea sit medela omnis, quales carbunculi quos anthracas graeci uocant, et cancrene, & præcipue rabies de qua nunc agitur. qua de causa omnibus uulgo esse notos hos morbos oporteret, & nota quoque remedia ea, quæ statim sunt adhibenda. quod in rabie sacerdotes melius instituere quam medici ad quos statim deducuntur, qui demorssi sunt. quos curant tum religione, tum medicorum officio & instrumentis utentes. urunt enim & ipsi locum. Ergo circa rabiem.

Fracast.

S

illud primo publicum sit, illico si fieri potest, locum demorsum urendū esse. rectius autem fiet, si prius scarificato uulnere superponatur cucurbitula magna, quo extrahatur uirius. mox uratur ita profunde ut putare possis ustionem ad seminaria ipsa puenisse, illa animaduersione habita q. liberius fieri potest, ubi caro multa est, parcius ubi nerui multi & uene, ferro id candentiant argento, aut auro fiat. q. si cui nimis inipium uideatur, potes urentibus medicamentis conficere. ubi locum inusseris curato uti decidat crusta per brassicæ folium butyro illitum. Interea tamen superpone unguenta, quæ simul euocent & exsiccent, si quid forte seminariorum circa locum relictum fuerit. hæc circa initia facitanda sunt, uerum illud non ignorandum est, principia eius morbi ualde ambigua esse, & latentia. in quibusdam enim usq; ad dies duos protenditur principium, in alijs quoq; ad quatuor, in nonnullis & amplius, prout et morbus in alijs magis, in alijs minus acutus est. quare expedit morbum nosse ne te principium fallat, & quantum protenditur. in ipso enim si debita adhibeantur remedia, totus interficietur morbus. si uero iam principium præterijisse putes, & contagem iam altius radices egisse, urendus quidem non est locus, quoniam agitabitur uenenum magis introrsum, consulo tamen, ut scarifices, & supra ponas emplastra, quæ euocent, & exsiccent, quin & uesticæ etiam inducant, quæle est quod habet Galbani, serapini, opoponacis singulorum unc. s. euforbiæ drach. i. iridis, xiridis, aristolocbiæ, gentianæ singulorum drach. i. natri sulphuris singulorum scrup. ij. ceræ quod sufficit. Quoniam autem seminaria omnia contagionum materiam sibi analogam inficiunt & corrumpunt, existimandum est per processum morbi, partem materiæ parari ad corruptionem, partem corruptam esse, quare et per ea, quæ prohibent putrefactionem procedere necesse est, et per ea quæ euacuant. quæ uero omnium conuenientissima sunt ad euacuandum, sunt Hieræ, tum Archigentis, tum quæ diacolocynthidos uocatur. atq; item belleborus quo præstantius nihil est in hac labe, si in ferro laetis exhibeatur, ualet & Epithimum, & in uersum quæ melancolicum humorem purgant. Contagem autem prohibet, quæ probe exsiccent, inter quæ antipathia quadam peculiari laudant omnes cinerem fluuiialium cancrorum ustorum. laudant pariter & Gentianæ radicem siue per se sumatur, siue cum prædicto puluere in uino albo, quidam & Thbus admiscet. quo medicamento utendum est omni tempore morbi. Commendant & Alyssum herbam, quæ nomen etiam sortita est, q. sine rabie hominem faciat. Arabes alguasцен appellant, in qua non parua ambiguitas est inter medicos, primum quidem utrum eadem sit Dioscoridi,

Plinio Alyssum, deinde & quæ nam apud illos sit. Plinius siquidem folia Alyssò dicit in orbem esse circa caulem qualia in Rubia cernuntur. Dioscorides autem dicit rotunda esse. Aliqui Plinio Alyssum esse putant rubie genus sylvestre quod medium est inter satiuam rubiam, & Aparinem, quod certe nec folia rotunda habet, nec traditis a Dioscoride conuenit, qui de rubia agens utrumque genus prosequitur, mox de Alyssò seorsum tractat, propter quod alij eam pro Alyssò ostendunt, quæ Lilialis ab herbarijs uocatur, non quæ apud Ruellium est lilialis, sed aliam, cui flos est albus, uerum & huic folia rotunda non sunt, sed oblonga in acutum desinentia, sunt qui putent esse eam, quæ Asperula uocatur, minor paulo quam aparine, folijs in orbem positis, rotundioribus, porro difficultatem etiamnum auxere Paulus & Aetius, qui de Alyssò agentes concordare uolunt Alyssum esse Syderitem Heracleam. Galenus quoque libro secundo de Antidotis eam describens non aliam significare uidetur, quam Syderitem illam, quæ Heraclea uocatur a nobis uulgo Sclarea, in qua non parum fallitur iuditio nostro Ruellius putans sclaream nostram non esse Syderitem heracleam sed Horminum, de quo plura in alijs diximus. quare nomen Alyssi apud posteriores grecos aliter uidetur acceptum quam apud Dioscoridem, qui de heraclea seorsum, & de Alyssò pertractat. porro nec folia rotunda Syderitis habet nec semen in latitudinem se pandens, sed rotundum. nisi quis dicat Dioscoridem ueluisse quandam Heracleæ speciem significare. plures enim sunt eius Syderitis species. una hortensis odorata, quæ herba. Sancti Ioannis apud nos dicitur, maior reliquis caule & folijs. alia est pratensis, quæ proprie sclarea dicitur, folijs asperis oblongis ad satiuam accedentibus, caule quadrangulo, uerticillis in orbem per internodia circa caulem dispositis, in quibus flores purpurei sunt, subcerulizantes, falcati ad aquilini nostri effigiem, quales & in satia spectantur. alia est nemoralis floribus exalbidis subpallentibus cæterum uerticillis, & folijs prædictis similis. est postremo & montana Syderitis in totum pratensi similis, nisi quod folia rotunda gerit, & uerticilla minora, in quibus flore abiecto semina sunt in inuolucrobina ceuscutula, mulieres hanc & in hortis ferunt, ac Betoniam falso nomine appellant. hanc ergo fortasse opinandum est Dioscoridi primum, mox Galeno & alijs fuisse Alysson, quæ & Syderitis quedam est, non ita tamen, quæ simpliciter Heraclea intelligitur a Dioscoride, quam Pratensem diximus. quicquid igitur de Alyssò sit, non errabunt iudicio nostro, & qui minorem Rubiam uel contusam, uel ex aceto

potam exhibebunt in rabie, quando & contra serpentes ualet. nec illi pariter qui syderitem, quoniam & illa mire desiccatur. Laudat Aetius expertum senis cuiusdam oxylapatum, quo tam introrsum quam extrorsum utebatur. non est autem oxylapatum, quæ acetosa uocatur (oxalis enim ea est) sed illud quod & folia & semen acuta inter lapatha habet.

## De curatione syphilidis seu Gallici morbi.

Cap. 10.

**N**unc ad eas contagiones transeamus, quæ extrema magis occupant, incipientes a syphilide morbo nouo, in cuius curatione nec plane medici consensere, præsertim quum primum in lucem uenisset, nam sicut in illius cognitione confusi plurimum extitere ac discordes, ita & in curatione non eadem arbitrati sunt. qui enim adustionem putabant illius causam, per ea etiam medicabantur, quæ aduersantur adustioni, non solum nihil iuuantes, sed mirum in modum malum augentes. qui uero existimabant esse idem cum Elephantia per uinum uiperatum & uiperæ carnes curandum præcipiebant. alii quietē iniungebant, alii et balnea frustra experti sunt. alii doloribus solis intenti reliquam curationem negligebant. donec empirici a similitudine quadam eius morbi cum scabie fera permoti, ausi sunt primi per caustica morbum curare. multi mox largius de tota curatione scripsere, inter quos & nos carminibus nonnulla primum lusimus, quum iuniores essemus, ac ciuitate pestilentia graui uexata rus secessissemus, ubi ad eam rem etiam multum nobis dabatur.

Quoniam uero Poetica, ut supra diximus, nec omnia admittit, nec profequitur, necessariumque nobis fuit plura tum relinqui, nunc quidem si rursus ea curatio pertractetur, & non poetice sed medicæ maius operæ præstium fiet, præsertim quod nec ea de re recte agi posse uidetur, nisi contagionum natura bene percepta fuerit.

Qui igitur recte curare hanc morbi uolet, ad hæc in primis aduertat necesse est. primum quidē utrū recens sit ægrotudo, an inueterata, & quousque processit, & ad quæ membra, si neruosa iam occupauit, si ossa corripit, tum & si benignior est, an fera, & si multæ materiæ est, an pauca, & an tenacis, an tractabilis magis, tota ne extrorsum sit, an & introrsum, & si ulcera multa sunt, & an plus dolorum quam pustularum, uel contra, similiter & gummositatum, et ut a nouo uerbo dicam omnes differentię eius morbi ante oculos habendæ sunt. maxime autem analogia, nam tam et si ad phlegma crassum et sordidum perse sit, non una tamen est phlegmatis eius

ratio, ut dictum est. præterea et alia uniuersalia consideranda sunt, ætates  
 sexus, anni tempora, complexionēs, & id genus. neque enim omnibus om-  
 nia conueniunt. His ergo bene perspectis, scito eam labem quum iam obsi-  
 bus infedit, extrahere esse, nisi forte ea ossa urī possint. quare aut eam  
 curationem reiice, aut malum redituum prænuntia. ea etiamnum diffici-  
 lior est, quæ est inueterata, et quæ a multa et tenaci materia pendet. quæq;  
 multas gummositates habet, & me lancolicum hominem tenet. quare dif-  
 ficilioribus difficiliora etiam remedia sunt adhibenda. particularim autem  
 prosequendo, æt primo ne impurus sit, non astrinus, uerum tamē ne au-  
 strinum fugias. ualde borealem et frigidum eligito, ocia porrō omnia, om-  
 nis ignauia & desidia tibi fugiēda est, tibi omni studio, omni conatu exer-  
 cendum, laborandum, sudandum, hoc dico, hoc hortor, hoc iubeo, curre, sal-  
 ta, uenare, pilam, luctam, gladiatoriam exerce. per hæc materiam segnem  
 liquefacies, attenuabis, & expelles, ac cum ea & seminaria contagionis,  
 sed ita hæc facito, ne quum remittes, protinus frigeas, & ocium ducas,  
 sed paulatim a fatigatione ad quietem te transfero, pannisq; obsepito, ea-  
 lido in loco morator, quin & in ipso exercitio (si fieri potest) locum frige-  
 dum non desidero. Ad hæc consuetæ corporis expurgationes procurande,  
 quæ per nares, quæ per cutim, quæ per palatum, quæ per aluum, & si quæ  
 aliæ sunt, ut hemorrhoides & menses, & reliquæ. nihil uero superfluum  
 exeat, præsertim eorum, quæ per Venerem dissoluuntur, uigilie uti nimis  
 esse nolunt, ita nec nimius sit somnus, non interdiu factus, non statim a ci-  
 bo. curæ nullæ, nullæ sollicitudines adsint, nulla studia animum occupent,  
 nulla demum assidua mentis intentio. Cibaria uero magna cura paranda  
 sunt, atq; eligenda, atque in primis neque tenuem dietam, neque crapulam  
 uolo. in uniuersum uitanda sunt putrescibilia, dura concocta, quæ ui-  
 scosa, quæ mali alimentum sunt, tum quæ exurunt quod in sanguine dulce est,  
 quare & lac, & oua, & fructus, & leguminum omne genus, & pastin-  
 ea omnia, & suilla, & taurinæ carnes & pisces, & id genus omnia su-  
 gienda. piscium tamen (quoniam sepe ijs uti necesse est) minus mali erunt,  
 Gobij menæ, passerēs, scari, perçæ, merulæ, turdi, aselli, auratæ, phycides,  
 & e fluuijs & lacubus uocati Temali & strigili, & lucij, & cauacini, &  
 barbuli, & sardellæ, & carpij. e carnibus quadrupedum quidem postba-  
 bitis pedibus, capitibus, locinoribus, & intestinis, conuenient hædi uituli,  
 hinuli, lepuseculi, tum pulli gallinacei, pbassiani, perdicum genus utrunque  
 hoc est, quæ quaternices uocantur uulgo a nobis, & quæ dicuntur perdi-  
 ces. item & turdi, & merulæ, attagenes, hortolani, galeritæ, fixæ dulcæ,



## DE CVRATIONE

Et auiculæ nemorales, Et reliqua quæ nota esse possunt. Vinum ne generosum sit, sed tenue magis, album, quod Et si aqua mulsæ uti quis uolet non male faciet.

Quoniam autem (ut diximus) analogia eius morbi ad phlegma sordidum Et crassum per se est, ad hoc quidem præcipue dirigenda intentio est, in quo Et seminaria contagionis continetur, et pars iam inficitur, pars unfecta Et corrupta est. quare Et hæc tria sicut Et in alijs, animaduertente neceffe est. ac ad seminaria quidem expeditissima esse potest curatio, si ad prima morbi initia accesseris, quæ interdum cognosci possunt, interdum non, nam suspicio quidem multa, Et iudicium uerisimile esse potest, quum quis se permittum nouit cum infecta, certissimum uero quum iam et caries quædam circa pudenda obrepit. confestim igitur ea pars lauanda est per aquam rosaceam, mox rursus lauanda Et fouenda decocta ex alumine et erugine æris, aut inungendum circa pubem totum unguentum, quod ad eum morbum confici solet, de quo post dicemus. tum et per os aliquid eorum sumendum est, quæ contagioni obsistunt, qualis est Theriaca aut Mitridatium. forte enim per hæc ita seminaria morbi absumes Et interimes, quod non ultra procedet. si uero morbus iam non circa principia fuerit, sed altius radices e gisse cognoscas, et iam aut dolores, aut pustulas, aut alia indicia adesse, tum non sola seminaria respicere debes, sed simul et materiam, quæ partim inficitur et periclitatur, partim corrupta est, seminaria tamē nunquam nolunt posthaberi, sed semper aut interimi (si potest) aut frangi, aut educi. materia quæ corrupta est educi uult, quæ uero inficitur restitui, aut et educi si multa est. quoniam autem crassa est et sordida in multo lentore consistens, nec restitui, nec educi potest, nisi subtilietur Et abstergetur, quinimo nisi colliguetur, ita ut ab ea sordicies omnis abstergi possit, Et aut exsiccare, aut in sudorem abire. Verū quia permista sunt omnia, tum seminaria, tum materia pro lentorem, amplius Et simul sunt pustulæ, et dolores, Et sepe gummositates, uidendum est si quod unum ingenium et remedium est, quod omnia exequatur, Et omnibus ualeat. an plura requirantur, Et quæ ea sint. nam sunt qui tentent per purgationes solas omnia abfoluere, alij per inunctiones, alij per suffitus, alij per ea, quæ in sudore conuertunt materiam, alij per ea quæ obsistunt contagioni, alij uero modo uno, modo alio au xilio ad diuersa utuntur. quare de his omnibus diligenter querendum uidetur. primum autē ab euacuatione ordiamur. quā unam sufficere ad totam curationē aliqui opinati sunt. quod certe et nos in quibusdā feliciter ceptisse uidimus, in quibusdā autē non sufficisse. supponamus autē cum



in oibus tum maxime in hoc morbo prius digerendā preparandāq; esse materiam, quæ educenda mox est. oportere autē calida esse quæ huic malo cōueniant attenuatiua, et ut dicunt incisoria, qm̄ materia lēta est, et sordida ac segnis. optima igitur erunt oxymel, et mel rosatū, et syrupus de prasio, de isopo, de betonica, de calamēto, de epithimo, de lupulis, et cōsimiles quibus aquæ addantur iridis, enulæ, epithimi, agrimonie cap. v. feniculi, apij, pullegij, origani, pimpinellæ, cardibēdicti, cicerbitæ, chamædrios, aut fiat decoctū ex eisdem, et scordio, et distama cretico, et thymo, et betonica, et schinātho, et uerbenæ, et syderite heraclea, et amomo, et agalochō, et eius modi. potes eodē tpe digere et materiam pinuntionē hanc uel cōsimilem; succi rutæ, succi inulæ añ. unc. i. theriacæ unc. ij. thuris. drach. ij. piperis drach. i. axungie, medulæ uituli, butyri recentis singulorū unc. i. olei chamæmelini, irini qd sufficit. ex hoc inungatur dorsum, brachia, et crura, concoquet materiam et dolores leniet. Ergo digesta materia euacuanda est. et simplicibus uero quæ præcipue ualeant, sunt colocynthis, et hermodactyli, et helleborus, et agaricus, et aloë, quibus admiscēda sunt, quæ simul liquefaciant, et dissoluant, qualia serapinū et galbanū, et bdeliū, et opopanax, et hammoniacum, et myrrha, et laser, et eiusmodi. ex compositis autē cōsuetis sunt aggregatiua pilulæ, et de hermodactylis, et arthetica, et inde et de lapide lazuli, et de benedicta et eiusmodi, tū et electuariū indum et farnec et de benedicta, et theodericum, et hiera diacolicynthidos, et hiera a Scribonio descriptæ, et alia multa. Facta igitur prima euacuatione recte illi mihi uidentur facere, qui et rursus concoquant, ac rursus purgant. uidimus enim qui factis exacte purgationibus probe fuerint restituti, alii qui secundos syruos faciunt, simul etiam solutiuos, addentes ipsi aut Senam, aut agaricum, aut hermodactylos, aut hellebori scobem uel diebus singulis, uel alternis, quod etiam laudem.

Si igitur una hæc curatio sufficere uideatur, reliquis parcemus. sin autem non sufficere, ut profecto per plurimum accidit, ubi aut inueteratus sit morbus, aut materia crassior et tenacior, tum alia tentare remedia oportet. quare et reliqua examinemus. sunt qui statim ad inunctiones se illas transferunt, quæ causticis fiunt. quod et primis temporibus maxime factitabant. sed certe satius ego existimo illa prius experiri, quæ et minus acerba sunt et nullius periculi, qd quidam felici satis successu sepe fecere, post purgationes aromatica quæ exhibentes, quæ tū exsiccat et abstergunt, tū subtiliāt et cōfortant. talia sunt calamus aromaticus, mace, agalochi, casia, zedoaria, zinziber, schināthum, iris, et alia quorum decoctum mire

uidetur conferre. aliqui solo ligno Iuniperi multos sanare, alij cupresso, alij citro sola, quorum scobe non alio utuntur modo, quàm quo & Guaiaco. de quo iam dicendum quando inter alia maxime in usu est. Desertur ad nos ea arbor ex Hispania uocata insula noui orbis & adiacentibus, ubi & morbus maxime familiaris est. optima autem, quæ ex ea insula, quæ Beata uocatur.

Delata differentie sunt multe non negligende, nam primis temporibus trunci magis crassique afferebantur & antiquissimi, quibus albi parum, nigri multum inerat, nunc ramifere portantur recenter cæsi, in quibus albi multum, nigri parum spectatur, hi amariore longe sunt, & stiptici magis, antiqui acuti magis, quàm amari uel stiptici, magis etiam resinosi, abijciebatur primis temporibus summus cortex, nunc maxime is assinitur, maiore etiam prætio quàm reliquum lignum.

Uidetur autem hæc arbor omnia aptissime præstare posse, quæ in hoc expetuntur morbo. nam quoniam e subtilissimis constat partibus, & ijs calidis circa tertium gradum, & siccis, tum & resinosa est, potest quidem plurimum exsiccare modis omnibus, hoc est per caliditatem, per siccitatem per se, et per imbibitionem, potest et sudorem prouocare, tum & subtiliare, & liquare materiam, & abstergere, ac demum, quod simul resinosam sit putrefactioni & contagioni non parum obistere. uidetur autem & uim quandam medicatam habere, propter quod & aluum mouere solet, cæterum illud notandum est, quod antiquum lignum, quod acutum magis sit, etiam dissoluit, eliquat, & subtiliat magis, quàm recens. quare ubi crassior sit materia, & gummositates multe, id magis est eligendum. recens uero exsiccatur quidem magis ea siccitate quæ per qualitatē siccam potest, minus uero per eam, quæ fit a caliditate. quare simpliciter exsiccatur minus, quoniam quæ a qualitate ipsa sicca fit actio, satis pauca est comparatione illius, quæ a caliditate fit. confortat autem magis, propter stipticitatem. quare ubi delicatior esset complexio, & desideraretur confortatio membrorum, materia autem subtilior esset, eligendum quod recens uenit.

Cortice quoque indifcrete multi utuntur, putantes exsiccare magis, quoniam siccior uidetur, sed certe siccior & hic est ea siccitate, quæ a qualitate sicca fit, & ab imbibitione, non autem ea quæ a caliditate. quare & minus colliquat & subtiliat minus, & dissoluit, & sudorem minus mouet. quocirca & de ipso idem dicatur, quod de recenti dictum est. e ligno præterea antiquo decoctio fiebat multo limpidior & multo acutior, quod propter densitatem eius ligni minus de scobe admisceretur. plus quam

tem acrimonia, quod calidius est. e recenti autem & e cortice plus admittitur scobinum, quare turbidior fit aqua & amara magis, minus autem acris, quod tale sit id lignum & cortex, minus etiam ex hoc de spuma colligitur, quam ex antiquo, quoniam in antiquo plus est de nigra substantia, ubi & plus resine inest, quare saepe miratus sum, cur tanta mutatio eius ligni sit facta, & quomodo cortex qui abijci solebat, nunc in tantum praetium uenerit, nisi quod natura medicorum est noua semper inducere, per quae & plus authoritatis & plus lucri acquiritur, eadem innotandi cupiditas aquam in quo coquebatur, mutauit in uinum, quod rursus indifferente a multis non sine magno periculo usurpatur, uidimus enim multos e potu uini illius male affectos in insanabilem egritudinem decidisse, quare qui complexionibus calidas & siccas habent, habitudines extenuatas, materiam morbi adustiore, ij cauere ab eo potu debent, securius uero ij accipient qui crassi sunt, & humidi, & quibus materia morbi segnior est, & multi lentoris, & in locis remotis, in ijs enim non inutile erit addere quod exportet uirtutē ligni, et quod subtiliet etiam, et amabile membrīs sit, quae de causa multi & mel addunt, multi uinum non in ipsa decoctione, sed post admiscunt, quoniam simul decoctum aufterissimum, & ingratiissimum facit potum:

Præparatur autem lignum hoc pacto. Ligna oportet scobes ex eo facere, non contusione, non incisione, lib. i. pulueris in libris. 12. aquae infunditur per horas. 24. in olla librarum. 16. capaci, dein coquitur lento igne, collecta diligenter spuma & seruata ad usus quos dicemus, donec ad dimidium consumetur, decoctum hoc primum colatur & seruatur, tum fit & secundarium decoctum relictis scobibus insijciendo totidem aquae libras, sed hoc si decoquitur ad quartae consumptionem, sat erit, uti eo oportet loco uini, priore autem utimur ut medicamine. sunt qui in primo decocto simul aut Senam, aut hermodactylos, aut similia concoquant, alij non haec addunt, nisi singulis quinque, aut sex diebus: ergo primi decocti dantur in aurora unc. vij. aut. viij. egro in loco calido qui nec transpiret, constituto, qui e lectulo ante horas tres non exurgat expectans sudorem, horis ab hoc potu quinque prandium exhibeatur, a prandio horis. vi. rursus eiusdem decocti unc. v. dentur, si eger ferre potest, ac post horas. iij. cenet, primis temporibus eger per mensem integrum nunquam cubiculo exibat, nunc data est licentia maior, eo etiam tempore tantum cibi exhibebatur, quo uix seruaretur uita, quod erat panis unc. iij. uel ad summum. iij. carnis pullinae unc. ij. passularum unc. i. uino prorsus abstinebant, loco cuius

Fracast.

T

## DE CURATIONE

utebantur secundario decocto, aut simplici, aut cum melle facto, nunc omnia licentius aguntur, nam & domo exire sinunt, & largius alunt. uerum qui patientius cuncta ferunt, & securius, & incolumius curantur. aliqui panem biscoctum dari iubent, quo scilicet ut arbitror, exsiccent magis. sed certe exsiccatio hæc non ea uidetur mihi quam querimus. querimus enim non eam, quæ ex alimento fit, quatenus alimentum est, sed magis illam, quæ circa humores fit, ut a medicamento. biscoctus autem panis, quatenus alimentum membra exsiccat, quod non querimus, quatenus autem medicamentum (quando & ipse siccus est) & qualitate & imbibitione potest certe exsiccare, sed ad humores non transit hæc exsiccatio, nisi prius exsicceatur sanguis ab alimento factus, quare & superstitiosum semper existimari hunc usum & affectatum, & parum utilem. Spuma uero, quam collegisti, illinenda sunt ulcera, si qua sunt, nec non & callositates omnes, & loca quæ dolent, porro satis esse solebant huic potui dies triginta, nunc plures requiruntur, siue quod materia crassior & terrestrior facta sit, quam primis temporibus, siue quod non utamur, ligno antiquo, & licentia egrorum sit maior, quæ de causa in maiori parte non semel sed bis dari hunc potum necesse est.

Si uero in uino facere decoctum placet, prius bene consulere & temperaturam ægri, & habitudinem bene spectato, item & etatem & annus tempus. potest idem decoctum fieri in aquis sublimatis endiuie et cicoreæ, & lupulorum, & borraginis, & similitum, quod iuuantissimum nonnunquam uidimus. atque ita se habet, quæ per Guaiacum curatio fit, quo, si careas, utere uel superscriptis iunipero, citro, cupressò, uel & Theda, & terebinto, & cedro, & ebena, uel calamo aromatico cum radice gentianæ. Nunc ad eos ueniamus, qui per sudorem curant, uia eorum multiplex, alij per ea sublimata curant, quæ Elixir uocant. omnia acutissima et ignea, periculosa quidem & uitanda. alij per ea faciunt quæ simpliciter sudorifica dicuntur, quibus & aromatica admiscunt. sic enim & putrefactioni resistunt, & materiam liquant, & in sudorem uertunt. Præstantissimum inuentum est radix Cynarum. ea (ut perhibent) e regione Sinarum deferretur a negotioribus ijs, qui ad Calicut et Trapobanem, & ultra nauigant, quæ incolæ utuntur ad egritudines multas, præcipue autem ad morbum gallicum, sudorem plusquam credi possit prouocat & exsiccat, quare nec mirum est si huic morbo ualet. modus utendi hic est. Radices per transuersum incidantur in assulas tenues rotundas, atque harum unc. i. in lib. 12, aquæ ponuntur in uase testaceo capaci lib. 16, ac igne lento ad consumptionem

nem tertiæ partis coquuntur, decocti lib. i. datur in aurora bibenda. reliquum seruetur loco vini potandum. eiusmodi decoctum diebus singulis fit, duas uel tres horas morari in lectulo oportet ac sadare, mox surgendum si uidebitur, uerum aperto aeri exponi non conuenit, nisi post dies septem. Dantur autem toti curationi dies quinque & uiginti fræ, ita quod untijs quinq; et uiginti tota curatio expletur. Interea omnis uenus cauēda, acerbæ omnia & concoctu difficilia uitanda. si uero careas ea radice, uti potes loco eius radice cannarum nostratum, cui calanum aromaticum addas. potes et radicem personatiæ decoquere, quæ mire sudorem ciet, cui si irim adiungas, uel xirim, & acorum, et calanum aromaticum et schinanthum utiliter facies. ac decocto utendum erit per dies plures. potest et aliud decoctum fieri quod intentiones omnes complebit. Gentianæ, radicū bulaplatibi seu bistortæ, costi, aristolochiæ, iridis, casie lignæ, scorlij, dictamni cretici, quod sufficit de unoquoq; infunde decoque ut prædicta. Hæc ergo sunt, quæ factis debitis purgationibus si non recedit morbus, experiri potes, uti blandiora & secura magis.

Nunc et acerbæ prosequamur, quibus primis temporibus statim utebantur, ab empiricis primū inuenta. alterū fuit inunctio, alterū suffitus. quæ quāuis empiricæ inuenta fuerint, et a similitudine (ut diximus) ad scabiem, habent tū idoneam rationem, nā ex ijs constant, quæ seminaria exurunt, & totam materiā exsiccant et abstergunt, et liquant, & in sudorē uertunt, materia eorum e causticis potentia est, aut e propinquis causticis, quibus adduntur cōuenientissima quæq;. quæ ergo in unctionem ueniūt, alia sunt caustica potentia, non quidē quale chalcanthum & arsenicum uocatum et sublimatum, sed quale argentum uiuum, quæ materia ferē est huius medicamenti, est autem potentia causticum q. ex subtilissimis atq; igneis partibus constat, quod sublimatum ostendit. ubi igitur particule illæ intra corpus actus factæ sunt, siue quod per se sint natæ plurimum calefacere simul ac unite sunt, & separatæ ab alijs, siue quod minima omnia argenti uiui sint apta plurimum incallescere a calore nostro, & ob densitatem materiæ mox etiam exurere, tum quidem & exiccatio et exustio circa seminaria contingit, adduntur et quæ introportet uirtutes causticorū et, simul emolliant materiā, quo aptior sit liquari, ut pinguis, adduntur & quæ subtrahant & abstergunt, & liquant, ac postremo quæ contagionibus modis omnibus aduersantur. tale est quo sæpe usi sumus quod habet Axunxiæ porcine lib. 5. butyri recentis unc. iij. Terebinthine, Syracis liquide singulorum unc. ij. Thuris, myrrhæ, mastice singulorum unc. 5.



## DE CVRATIONE

iris, aristolochia, gentiane singulorum drach. iij. bellebore drach. ij. sul-  
furis unc. 5. nitri drach. i. sueci inule, succi apij singulorum unc. i. olei  
laurini, rosati. q. saceti unc. i. argenti uiui parsomnium octaua, misce &  
fiat unguentum in mortario ferreo. possunt & leniores compositiones fieri,  
& diuerse formari, prout & intentiones, & casus diuersi sunt. quare  
& illud notandum erit, quod ubi plus gummositatum uidebitur, plus pin-  
guedinum apponendum erit in unguento. ubi minus gummositatum plus  
autem pustularum & ulcerum, plus puluerum apponatur, in delicatiori-  
bus uero minus argenti addendum erit, ubi uero complexio calidior fuerit,  
imponenda, quae temperent, ut butyri plus & plus olei rosacei, minus ue-  
ro exsiccantium. prius autem quam Linias exactissima purgatione pro-  
curanda sunt, & phlebotomia etiam si expedit. qui uero inungendus erit  
loco calido ponatur, inungaturq; totus praeter caput, pectus, & sub ali-  
tum stappa multa calida fasciandus. sunt qui & sacculos ex ordeo calefa-  
ctos inter coxas & sub alis, ac pedibus ponant, quo penetret unguentum  
magis & sudent melius. aliqui bis in die inungunt, quod graue nimium  
est, satis erit si semel inungas. quidam & statim prandio ungunt, quod  
& si ad sudorem eliciendum accommodatum uidetur, ad totam tamen nu-  
tricationem ineptum est. quare melius. inungere per horas quinque ante  
prandium, eo tempore nihil prohibet, & meracum etiam unum concedi al-  
bum. possunt inunctioni dies. x. dari, a quibus exulcerari os incipiet, &  
sputum multum emitti, id compescendum non est, sed sinendum, donec ui-  
deatur os male affici, tussive aut lacte, aut aqua ordei, & diamoro uel mel-  
le rosato. mox etiam ubi ulcerum sanatio querenda sit, & stipticks & alu-  
mine os ablue & gargarissa. dicendum autem et quae iuuamenta ex hoc lini-  
mento consequantur, & quae nocumenta. iuuamenta erunt, quod dolores  
miro quodam modo tollentur, gummositates dissoluentur, aut in ipsa un-  
ctione, aut post, ulcera sanabuntur, & pustulae omnes recedent. Verum  
non sine suis incommodis & malis. quorum primum est foeditas unguenti  
illius, mox grauius est, quod os & palatum exulcerantur, ac sordicies  
tanta per os concitatur per dies. 16. & amplius, ut nihil foedius, nihil in-  
tolerabilius uideatur. cibus nullus mandari potest, etiam uix sorberi datur,  
dentes luxantur, somnus adimitur, & breuiter per id tempus nihil gra-  
uius sentiri potest. multi praeterea sublato morbo, tremuli remanere,  
multis reuixit labes. Inuenere idem Empirici & suffitum, agrum col-  
locant in matella, pannis optime circumtegunt, ut ne etiam os extet, tum  
Cynabarum cum Thure mistum urunt, quo suffitu incalcescit ager mirum  
in modum



in modum ac sudat, acerbissimum uero est medicamentum, quo ego nunquam ausus sum uti ad corpus totum, ad certas autem partes ut crura et brachia quum uel sphaceli ad sunt, uel stræ gummositates, uel dolores, uel uicera male morigerata, etiam præstantissimum arbitror: ceterum ab eo abstinentum suadeo nec empiricis credendum, quibus nihil leuementarium est magis, quando & per os etiam ausi sunt argentum uiuum, & quod precipitatum uocant, confectis ex ijs pilulis exhibere, quasi eadem uis sit argenti uini extra apposti, & deuorati. Utuntur autem Cynabari, quoniam & in ipso potentia est uiuum argentum.

Querat autem fortasse aliquis utrum balnea conueniant huic morbo qualia Aponensia & Porretana aut etiam nostra, nam & exsticare possunt, & abstergere, & subtiliare, & sudorem inducere, ad quod dicimus experientia constare nihil aut parum ea prodesse. causam ipse arbitror, quod debiliora sunt, quam ut possint materiam tantæ crassam, et tam lentam liquare. leuiore quidem cutis infectione s qualis est scabies, & impetigo, & quæ ab hepatis aduersione contingunt, & falso phlegmate uel nostra Calderiana tollere ualenter possunt, maiora uero non possunt. propter eandem causam & pulueres qui supra laudati sunt, contra contagiones frigidi existentes, ut bolus armenius, et sphragis, & Gemmæ, nihil ad hunc morbum ualent, sed solum qui calidi sunt, ut Thui & mastix, & myrrha, & scordium, & dictamnium, & alij quocunque modo fuerint administrati. Sunt autem cum hoc morbo accidentia quædam coniuncta, ad quæ particulatim interdum oportet adhibere remedia, inter quæ est dolor capitis, interdum totum occupans, interdum partem, materia multa distenta & coacta supra caluariam sub pericraneo uocato, qui sepe nullis remedijs leuari solent, ad quos ego nihil inuantiu inueni, quam inungere interna brachia præsertim quæ uenæ cephalicæ protenduntur hoc linimento. succi inule, succi brionie, styracis liquidæ, Terebinthine singulorum unc. i. gummi eleniunc. 5. pinguedinis ursi anseris, butyri singulorum. unc. i. 5. Thuris, iridis singulorum drach. iij. olei irini quod sufficit, argenti uini octauam partem. Sunt sepe & gummositates tanti duricie, ut nec guaiaci spuma, nec alij solitis linimentis auferri queant, quandoque protenduntur per longitudinem tibiæ tanto dolore ut mors præferatur. quapropter ad ualentissima remedia recurrere oportet, quidam suffitus prædictos adhibent, alij accenso & candente pyrrhite lapide spargunt decocto guaiaci, & aceti & locum fouent. Confert autem et hoc emplastrum radick cucumeris agrestis radick iridis singulorum quantum sat est, coque dum

## DE CVRATIONE

tenerescant, tum libram harum accipito ammoniaci, serapini, galbani singulorum unc. ij. styracis liquida unc. i. s. pinguedinis ursi, butyri singulorum unc. i. argenti uiui quartam omnium partem misce, & pro arte emplastrum confice. interdum fauces & guttur ex prauis distillationibus eroduntur, quibus nisi succurratur, sepe garganeo absimitur, sepe usque ad ossa transit corruptio. factis ergo purgationibus, & quas potes, diuersionibus, Gargarizzare oportet decoctum quod sit ex ligustro & plantagine & Cytink, in quo mox alumen & sex aceti & nitrum dissoluantur cum bolo armenio.

Tangere item oportet locum, si hæc non conferunt, bombice infusa in aqua eruginis, æris, sandarace, et aluminis. sit & aqua ad id mirabilis, destillatur Theriaca in aqua uitæ, & aceto per elambicum, aqua exit limpidissima uirtutum multarum, præcipue autem ualens ubi profundius concludi uis medicamenti debet. si ergo bolum armenium aut sphyragida in eo dissolueris, ac partes erosas tetigeris, et seminaria eius contagionis absumes & erosionem omnem sanabis. Nonnullis & pili cadunt, aut barbæ, aut superciliorum, aut & capitis, quod deformes, & ridiculos homines facit. continuo ergo & speciebus hieræ diacolocyntidos pilulas confice, & a cibo suscipe, tum Guaiacum cum mele & ladano in uino coque, & foue locum eo decocto calido. Valet & hoc odoriferum quod habet Pomatæ uocatæ unc. ij. ladani unc. s. musci gra. iij. aquæ rosatæ in qua bullierint gra. vi. sublimati unc. i. misce omnia & bene incorpora, & line. Valet et aqua prædicta & Theriaca distillata. Accidit quandoque ut adolescentuli sint, qui hoc laborant morbo uel è matre contracto, uel è nutrice, quibus prædicta auxilia præstari non possunt. his casibus ego consueui facere decoctionem Guaiaci quo pacto monstrauimus supra, mox decoctum id per elambicum in purissimam aquam destillari iubeo, ac puero bibendam do diebus singulis unc. iij. uel. iiij. ea et ebibi non ingrata est, & non parum iuuat. atque hæc demum sunt quæ de syphillide morbo dicenda mihi uisa sunt.

ad quæ si quis recte respexerit compositiones multas  
& uarias formare poterit, pro ætatibus &  
sexu, & complexionibus, & materia,  
et reliquis quæ diuersa  
sunt, diuersa  
etiam remedia  
exposcunt.

**Q**Uide curatione Elephantiae scripsere, scuti materiam solam in qua consistit considerarunt, ita de ea fore sola, quae in nobis primo fit, curationem tradidere. de ea uero, quae per contagionem ab alio concepta est, atque ea quoque quae primo in nobis fit, quatenus contagionis rationem includit, nihil certe attigere, quod profecto par erat facere. nam in ea quidem, quae contagione contracta est, sano alioquin homine existente, & melancolia non exuberante, quid per deos facies per initia? si materiam digeris, si euacues, cur & in ea, quae in nobis fit, Archigenes p[ro]p[ter] laebris utebatur, & causticis, uel ijs quae causticis propinqua sunt, cur non ita in cancro operamur? quum ex eadem materia sint, certe non oportebat solum dicere, redundante in uenis melancolico humore, & non potente assilene trahi & digeri, expelli a natura ad cutim, atque illic eas pustulas facere, sed oportebat & illud enarrare, quod illic putrescit, nec solum hoc, sed quod putrescit sordida, quadam & conclusa putrefactione, per quam & contagionis seminaria includit, atque in hoc a cancro differt. propter quod alijs cancer, alijs Elephantia indiget, quamquam remota in materia communiuerent. quapropter si alicubi audies Galenum dicere eodem modo curare oportere Elephantiam, quo & cancerum, quod ex eadem materia sint, intelligas oportet quantum ad antecedentem & remotam materiam spectat: duplicem igitur scopum in Elephantia esse scito, alterum ad materiam istam remotam, si qua est, quae in corpore redundet, alterum ad materiam quae circa cutim iam putrescit, & contagiosa fit. si igitur prior illa materia redundare tibi uidebitur, protinus fecare non solum unam basilicam debes, sed & utranque, si expediens uidebitur, consentientibus ceteris. uerum per initia haec fiant, & quum in aliquo primo oborta est contagio. nam ubi aut ab alio accepta fuerit, aut in tantum processerit, ut fera iam sit, tum si secabis uenam, contagem introrsum trahes, et hominem in maiori periculo statues, reliquam uero materiam digerere oportebit, & mox euacuare. digeremus autem per ea quae incidunt, & subtiliant, & abstergunt, ea commiscentes quae leuiter humefcent. quare aptissimum erit serum caprini, in quo decoquantur storachas, & Thymum, & Epichimum, & satureia, & scoridium, et dictamnium creticum, & iris, & seris, & lichen, & stratiotis, & eiusmodi quae uarianda erunt, prout & materia modo minus, modo magis exusta est.

## DE CVRATIONE

Syrupi uero erunt, & oxymel, et quæ sit de epithymo, & de sumoteryæ, et  
 labor, & de pomis, & eiusmodi euacuare autẽ oportebat per Hieras, qua  
 lis est diacolocynthidos, & Russi Hiera, & Archigenti nec non, & per  
 Helleborum & Epithimum, & Senã, & polypodium, & similia. Mate-  
 ria uero quæ pustulas facit, & ipsa quidem digeri uult, hoc est parari ut  
 absumi possit, faciunt autem hoc, quæ subtiliant & leniter molliunt. quom-  
 niam uero & lentore quodam ac sorditie referta est eam materia, tum &  
 seminaria contagionis includit, abstergentibus, & exsiccantibus indiget.  
 exsiccantibus autem non mediocriter, sed ualidioribus et aut potentia can-  
 sticis, aut propinquis. medicamenta igitur, quæ huic contagioni ualend  
 sunt, quale nitrum & sulfur, & helleborus: & cedria, & Thus, & iris,  
 & argentum uiuum, & terebinthina, et styrax liquida, quibus addantur  
 adipēs e quibus placeant Taurinus uulpinus, Vrsinus & Leoninus. dubi-  
 tabit autem aliquis quomodo tam calida conueniant, quoniam tam mate-  
 ria quàm seminaria in adustione quadam consistunt, quare fieri uidetur,  
 ut in utroq; adaugeatur adustio. Verum tamen uidemus & antiquos ex  
 his medicamenta exhibuisse, qui & nitro, & alcyonio, & psilotris, &  
 utroq; helleboro, & trochiscis Andrõnis utebantur. recte igitur fieri  
 existimamus, ut per prædicta contagionem hanc extinguamus, sed conue-  
 nientissime apponentur aliqua quæ tum humectent, tũ et aliquantulum re-  
 frigerent. placeat igitur ut & butyrum addatur, & mucilago, psyllij, &  
 polygonati, & succus solatri hortensis & similia, ne plus æquo sangui-  
 nem exuramus. præcipuum autem & in hoc uim habet argentum uiuum  
 sicut & in Gallico morbo. Ad hæc autem ualet & uiperæ caro, & uipe-  
 ratam uinum, & crocodillorum terrestrium & asellorum, qui sub urceis  
 degunt, nec uon & trisillum, asphaltiæ, & syderitis herba, & calamus  
 aromaticus, & rasura eboris, placent & balnea tepida.

In quibus si more antiquorum inunctiones prædictæ fiant, non certe  
 præter rationem fiet.

Sunt porro & alij in contagione constituti morbi ut lepra ita æ græcis  
 uocata, & scabies, & papule, & areæ, & ophiasēs, et ophthalmiæ quæ-  
 dam, & dysenterię etiam nonnullæ, quorum omnium curationi scriben-  
 de parcemus, existimantes e prædictis uiam unicuique satis patere ad ea  
 recte tractanda. quare & quantum ad institutum nostrum negotium atti-  
 net hæc dicta sint.

Ad eundem

AD EVNDEM ILLVSTRISS.  
ET REVERENDISSIMVM  
CARDINALEM  
FARNESIUM

**H**Æc ego florentes soppbie digressus in hortos  
Italiæ decus o iuuenis Farnesia proles  
Condebam, lectasq; tibi de more sacrabam  
Primitias, dum tu magni inter Cesaris arma  
Gallorumq; acies recti pacisq; sequester  
Res misera Europæ fractas componis, & omne  
Robur, & arma dei Mammetben uertis in hostem,  
Percutrisq; omnem, ueluti sol aureus, orbem.

Fortunate nimis, quem cunctæ applausibus urbes  
Excipiunt, pacisq; uocant patremq;, Deumq;, I  
Inq; caput, sacrosq; sinus, humerosq;, manusq;  
Et nigras uiolas, & candida lilia iactant.  
Cui magna Italia, & terrarum maxima Roma  
Assurgit, festosq; dies, & sacra nepoti  
Solennesq; agitât pompas. densi undiq; circum  
Stant populi, & studio ingenti & clamore secundo  
Farnensium genus omne, alto de sanguine ductum  
Aeneadum longa, serie, super Aethera tollunt  
Patres, atq; duces, & partos mille Triumphos.  
Assensu resonat Tybris, & Tyrrhena resultant  
Littora, septeni responsant gaudia colles.

Onimum dilecta Deo, prelataq; longe  
Progenies, siue imperijs & Marte regenda  
Sint res Romane, seu religionis habenis.  
Atq; equidem e fracto imperio, Romaq; cadente  
Seruatam banc stirpem, sato, statuentibus & Dijs  
Crediderim, quo Romanum per sæcula nomen

Staret, & Ara Dei, quæ primum maxima magnis  
Auspicijs fundata fuit, sit maxima semper.

Quo me Paule rapis, quod tuq; neposq; uocatis  
Laudibus Heroum insuctum? tu maximus ille es  
Vni cui regni triplicis capite alta tiara  
Consurgit, cui summa uni terna illa potestas  
Terrarum cœliq; data est uastiq; profundi,  
Illorumq; aperire fores & claudere posse.  
Qui Petri Christi; ratem turbante procella  
Ventorum uaria, & remorum parte reuulsa,  
Tempestatem omnem, atq; aduersos discutis Euros.  
Nec sanctam sine honore sinis, sine remige certo  
Fluctibus in tantis agitari turbine cymbam.  
Maeste animo Romano, & maeste ingentibus ausis.

At tibi quas iuuenis fortunatissime dignas  
Attribuam laudes, generis spes altera tanti  
Inclyte Alexander? puerum quem plurima uirtus,  
Canaq; consurgens teneris prudentia in annis,  
Et spondens maiora astris felicibus æther,  
Ad summos meritum ante annos euexit honores,  
Et sacri gestare dedit decora alta galeri.  
En quantum de te sacri sibi pastor ouilis  
Spondet auus tuus ille, animo quæ gaudia uersat.  
Forsit & proprio non tam gauisus honore,  
Quàm spe sublatu tanti & uirtute nepotis,  
Nescio quid maius præsaga mente uoluit.  
Scilicet & gnarus fatorum, & præsciens ani  
Venturi, illa uidet felicia tempora, quum tu  
Sede sua, solioq; Dei, dūs proximus ipsis  
Confideas, quum pontifici tibi maximus orbis  
Gratetur, supplexq; tuis ferat oscula plantis.

O nubi postremæ tantum dent numina uite,  
Ipse etiam ut tum te tremulus, confectus & annis  
Aspiciam, sanctosq; pedes prostratus adorem.



O & si possim canere & tua dicere facta,  
Et ventura nouo tecum secla aurea mundo.  
Nam uideo sub te uictum longeq; fugatum  
Mauometben se Caucaſeis includere portis.  
At pacem uiridi redimitam tempora oliua  
Ire per Europam magnam, atq; inuisere terras,  
Quam pia religio, & iunctis concordia dextris  
Et probitas, & Amor recti comitentur euntem.  
Salue magne Tybri, ſalue & tu maxima rerum  
Roma parens, ſaluate arcēs collesq; Latini,  
Aurea qui primi longo meministi ab æuo  
Secula, quum nulli uariarent iugera ſulci,  
Sponte ſua ſed terra ferax daret omnia, & ipſe  
Præberent dulci uictum de robore glandes,  
Et nunc uenturis eadem ſperatis ab annis.



V. ij

# ERRATA ITA CORRIGENDA. 150

## A

Car. 1. linea. 12. inspero in spero

Car. 2. li. 22. extremā extimā

C. 3. cap. 4. l. 26. profecto, profecta

Et a tergo cap. 5. lin. 4. in aerē, in aere

Car. 4. a tergo empedocles, De= mocritus

## B

Car. 1. li. 15 moueri mouere

## C

C. 2. linea. 2. unum, mirum

et a tergo. l. ultima, sphaera aeris  
ita, sphaera ita

## D

C. 2. l. 18 digererint, digererēt,

Et l. 32. qui sese, quae

Car. 4. a tergo. l. 23 leuis lenis.

## E

C. 1 a tergo. l. 5. ipetrāte iperante

Car. 2. l. 7 motus sua, motui, Et  
a tergo. l. 35 utiq; sit, ubiq;

Car. 3. l. 28 intellectus intellectui

Car. 4. lin. 2 motus motas

## F

Car. 3. linea. 15 confundatur, con= funduntur

## G

Car. 2. a tergo cap. ult. lin. 5. quan= dam quasdam

Car. 3. a tergo. linea. 14 calefa= ctam, calefactum

Car. 4. a tergo. linea. 22 uniuersum, in uniuersum

## H

C. 2. a tergo. li. 12 incipit, inficit.

Car. 3. li. 10. tum, non

Car. 4. li. 12 quā ob, quam

## I

Car. 3. li. 4. sint quod, sint quera= mus, quod, Et lin. 18 sit sunt,

Et a tergo. lin. 7 fraudulente fraudulenta.

## K

Car. 1. a tergo. li. 3. minus acria

q̄ acria sint q̄

Car. 4. cap. 3. l. 25 peruenisset, peruenissent

## L

Car. 3. lin. 23 couident, redundēt

## M

Car. 3. l. 12. coniuncta conuictu

Et a tergo. linea. 22. sub cor= no, sorbo.

Car. 4. lin. 25 omnisq, omnes,  
Et a tergo sub corno, sorbo.

## N

Car. 4. l. 9. 0 s, omnis Et li. 17  
ad quē ad ea quē

## O

Car. 4. li. 1. si uero non pituita,

l. si uero pituita, Et linea. 27.  
exsiccata a frigore, exsiccata,  
nec a frigore.

## Q

Car. 1. lin. 27 autem, aut

## R

Car. 1. lin. 3 nunq; nunq̄

Car. 3. a tergo. l. 21 scilicet lini,  
semini s lini

Car. 4 a tergo. lin. 1 nolim a se,  
uelimate, & lin. 3. euacuet,  
euocet

S

Car. 1. li. 3 at est, sat est

Car. 2 lin. 15 satiuam, saluiam,  
& a tergo cap. 10. linea. 18.  
maius, magis

Car. 3 a tergo. l. 13 decoctus, deco  
cto, & li. 14 totum totam

Car. 4 linea. 21 samec, hamec,  
& a tergo, linea. 25 siccam,  
exsiccare.

T

Car. 1. a tergo. l. 12 ustum, usum

C. 2 a tergo li. 21 a quibus exul-  
cerari, a quibus flexulcerari

Car. 3 lin. 31 tanti, tante, & a  
tergo. l. 5. gargaueo, gargareo

Car. 4 a tergo. li. 23 precipuum  
precipuum

# REGISTRVM

\* A B C D E F G H I K L

M N O P Q R S T V

Omnes sunt duerni.

Venetijs apud heredes Lucae antonij Iunta  
Florentini, M D X L V I

Mense Aprili.





193

K

17







